

মধুসূদন কাব্য-পরিচয়

দীননাথ সান্যাল প্রণীত

সম্পাদক

শ্রীঅনন্ত প্রসাদ সান্যাল

প্রথম প্রকাশ ১৩৫৩

মূল্য দুই টাকা



এ, মুখার্জী এণ্ড কোং : কলিকাতা

সূচী

বিষয়	পৃষ্ঠা
কবির জীবনী	১-২২
মেঘনাদ-বধ কাব্য	২৩-১০৪
তিমোত্তমা-সম্ভব কাব্য	১০৫-১৩৮
ব্রজাঙ্গনা কাব্য	১২৯-১৩৮
বীরঙ্গনা কাব্য	১৩৯-১৬০
চতুর্দশপদী কবিতাবলী	১৬১-১৬৯

Published by A. R. Mukherjee, 2, Collage Square, Calcutta
and Printed by Narayan Chandra Mukherjee at Emerald
Printing Works Ltd. 1, Muktaram Babu St, Calcutta.



ভূমিকা

মাইকেল মধুসূদন দত্ত

(জীবনী)

(১৮২৪ - ১৮৭৩)

যশোর-জেলার “কবতক্ষ”-নদী-তীরস্থ সাগরদাঁড়ি-গ্রামে সুপ্রসিদ্ধ দত্ত-বংশে ১৮২৪ খৃষ্টাব্দের ২৫শে জানুয়ারী মধুসূদনের জন্ম হয়। তিনি যে বংশে জন্ম গ্রহণ করিয়াছিলেন, তাহা ধনে-মানে সে-সময়কার এক সম্ভ্রান্ত বংশ। তাঁহার পিতার নাম বাজরনারায়ণ দত্ত; মাতার নাম জাহ্নবী। মধুসূদন পিতামাতার একমাত্র পুত্র। রাজনারায়ণ কলিকাতায় ওকালতি-উপলক্ষে খিদিরপুরে বাস করিতেন।

মধুসূদনের বাল্য-শিক্ষা তাৎকালিক প্রথানুসারে গ্রামের “গুরু মহাশয়ের” কাছেই হইয়াছিল। নিকটবর্তী এক গ্রামের মৌলবীর কাছে তিনি পার্সী-শিক্ষাও করিতেন। বাল্য-বয়সেই লেখাপড়াগ্র তাঁহার অসাধারণ উৎসাহ দেখিয়া সকলে চমৎকৃত হইত। পাঠশালায় তিনি সর্বোৎকৃষ্ট ছাত্র ছিলেন। এই বয়সেই পাঠশালার পড়া ছাড়া, তাঁহার “উপরি” পড়াও ছিল। তিনি কৃতিবাসের রামায়ণ ও কাশীরামের মহাভারত পড়িয়া বাড়ীর স্ত্রীলোকদিগকে শুনাইতেন। আদরের বালকের মুখে মধুর স্বরে ধর্মগ্রন্থদ্বয়ের আবৃত্তি শুনিয়া স্ত্রীলোকেরা মুগ্ধ হইতেন। পরিণামে তাঁহার রামায়ণ-মহাভারত-প্রীতির উন্মেষ এই বাল্য বয়স হইতেই; এবং পরিণত বয়সে তিনি যে “গজল”-নামে প্রসিদ্ধ পারসিক গীতি-কবিতা বড়ই ভালবাসিতেন,—তাহাও এই বাল্য-শিক্ষার গুণে। জন্মাবধি তাঁহার মনে যে-একটা কাব্য-রসানুভূতি ছিল, বাল্যেই তাঁহার এই কাব্য-প্রীতি তাহার বীজ-স্বরূপ।

এই সময়ে কলিকাতায় ইংরেজী-শিক্ষার একটা নবীন উদ্যম দেখা দিল। নানাস্থানে

ইংরেজী বিদ্যালয় স্থাপিত হইতে থাকিল। তন্মধ্যে “হিন্দুকলেজ”ই ছিল সর্বাংশে শ্রেষ্ঠ। রাজনারায়ণ পুত্রকে ইংরেজী-শিক্ষায় শিক্ষিত করিবার উদ্দেশ্যে কলিকাতায় আনিলেন। তখন মধুসূদনের বয়স তের বৎসর মাত্র।

মধুসূদন প্রথমে কিছুকাল খিদিরপুরের ইংরেজী-বিদ্যালয়ে পড়িয়া, পরে হিন্দু-কলেজে প্রবেশ করেন। এই হিন্দু-কলেজেই তখনকার যুবকদিগেব পক্ষে ইংরেজী-প্রভাবে প্রভাবিত হইবার প্রধান কেন্দ্র স্থান ছিল। সে-কালের যে-কয়জন বাঙ্গালী পরিণত বয়সে লক্ষ-প্রতিষ্ঠ হইয়াছিলেন, তাঁহাদেব অনেকেই প্রতিষ্ঠা এই হিন্দুকলেজেব শিক্ষার গুণে। শিক্ষকদিগেব মধ্যে দুইজনেব প্রভাব বিশেষভাবে উল্লেখযোগ্য— ডিরোজিয়ো (Derozio) ও রিচার্ডসন্ (Captain Richardson)। ডিবোজিয়ো ছিলেন প্রগাঢ় দার্শনিক ও কবি। এই দুই গুণেব সমাবেশে তাঁহাব সাহচর্য ও প্রভাব ছাত্রদিগেব বড়ই প্রীতিকর ও মনোমগ্নী হইয়াছিল। ইহাব ফলে, তাঁহাব ছাত্ররা স্বাধীন চিন্তার অত্যধিক প্রলুব্ধ ও প্রণোদিত হইত। তিনি অল্পকাল মাত্র শিক্ষকতা কবিয়াছিলেন; কিন্তু এমন তাঁহাব প্রভাব ও মোহিনী শক্তি ছিল যে, ইহারই মধ্যে কোন-কোন ছাত্র ধর্মদ্রোহী, তদপেক্ষা অধিক ছাত্র সমাজদ্রোহী, এমন কি, অনেকেই আস্তিক্য-দ্রোহী হইয়া উঠে; অমৃতঃ কলিকাতাব জন-সমাজেব তখন ঐরূপ ধারণাই জন্মিয়াছিল। কিন্তু রিচার্ডসন্ সাহেবেব প্রভাব অন্যরূপ। তিনি ছিলেন কাব্য-ও-নাট্যানুরাগী। সুতরাং তাঁহাব শিক্ষকতায় সাহিত্যমোদী ছাত্রগণেব সাহিত্য-চর্চা সমধিক প্রবর্তিত ও উৎসাহ প্রাপ্ত হইবাব সুবিধা পায়। মধুসূদন হিন্দু-কলেজে এই সময়ের ছাত্র ছিলেন। সে সময়ে তাঁহাব মত প্রতিভাবান্ ছাত্র কেহই ছিল না। তাঁহার সহপাঠী ভূদেব মুখোপাধ্যায় মহাশয় পবিণত বয়সে মধুসূদন-সম্বন্ধে লিখিয়াছেন,—“কর্মক্ষেত্রে অবতরণ কবিয়া, ক্রমে-ক্রমে আমাকে অন্যান ২০ লক্ষ ছাত্রের সংশ্রবে আসিতে হইয়াছিল; কিন্তু মধুব ন্যায় প্রতিভা আর কাহাতেও কখন দেখি নাই।” বিশেষতঃ ইংরেজী-সাহিত্যে তাৎকালিক কোন ছাত্রই তাঁহার সমকক্ষ ছিলেন না, এ কথা সর্ববাদী-সম্মত।

এই-সময় হইতেই তাঁহার কাব্য-শক্তির স্ফূরণ হইতে থাকে। তিনি বন্ধুদের

কাছে ইংরেজীতে কবিতা লেখা হইতে আরম্ভ করিয়া নানাবিধ গুরু-গম্ভীর কবিতা (sonnets, songs, epistles, odes &c) রচনা করিতে থাকিলেন এবং রিচার্ডসন্ সাহেব সেইগুলি সাময়িক পত্রিকাদিতে ছাপাইয়া মধুসূদনকে উৎসাহিত করিতে লাগিলেন। মধুসূদনের উপরে ইংরেজী-প্রভাব কেবলমাত্র ইংরেজী-সাহিত্যে অসাধারণ ব্যুৎপত্তি ও ইংরেজীতে কবিতা রচনা করিবার প্রগাঢ় আসক্তিতেই পর্যাবসিত হয় নাই; তিনি এই সময় হইতেই সাহেবিয়ানার অনুকরণেও সবিশেষ ব্যগ্র হইয়া পড়িলেন।

হিন্দু-কলেজে তাঁহার সহপাঠী অনেক ছাত্রই তাঁহার সহিত বন্ধুত্ব-সূত্রে আবদ্ধ হইয়াছিলেন। তন্মধ্যে বিশেষ অন্তরঙ্গ ছিলেন—গৌরদাস বসাক, রাজনারায়ণ বসু ও ভূদেব মুখোপাধ্যায়। ইহার মধ্যে গৌরদাসই ছিলেন শেষ পর্যন্ত মধুসূদনের অন্তরের অন্তরঙ্গ—যেন মধুসূদনের দ্বিতীয় শরীর মাত্র—অভিন্নহৃদয়!

হিন্দু-কলেজে মধুসূদন যখন “সিনিয়ার”-বিভাগে দ্বিতীয় শ্রেণীর ছাত্র, তখন তিনি অকস্মাৎ খ্রীষ্টধর্ম-গ্রহণে প্রয়াসী হইয়া ১৮৪৩ খৃষ্টাব্দের ফেব্রুয়ারী মাসে “ওল্ডমিশন্ চার্চে” খ্রীষ্টধর্ম দীক্ষিত হইলেন। তাঁহার দীক্ষা-নাম হইল “মাইকেল”। এই নামেই তিনি বাঙ্গালায় পরিচিত। কিন্তু ‘মধু’ই বাঙ্গালীর মুখপ্রিয়। তিনি নিজেও কাব্যাদিতে ‘মধু’র ব্যবহার করিয়াছেন। যাহা হউক, গুণবান্ একমাত্র পুত্রের এইরূপে গৃহত্যাগ ও ধর্মত্যাগ পিতা মাতার পক্ষে অকস্মাৎ বজ্রাঘাত-স্বরূপ হইয়াছিল, ইহা বলাই বাহুল্য। তাঁহার বন্ধুগণও হঠাৎ এই ব্যাপার সংঘটনে অতিমাত্র বিষ্ময়াবিষ্ট হইয়াছিলেন। কলিকাতা শহরে এই উপলক্ষে একটা ছলুস্থল পড়িয়া গিয়াছিল। কাহার প্ররোচনায় বা কি প্রলোভনে মধুসূদনের হঠাৎ এইরূপ মতি-গতি হইল, তাহা কেহই নিশ্চয় করিতে পারিল না। তবে দেশীয় প্রথায় বিবাহে একান্ত অনিচ্ছা এবং বিলাত-গমনের প্রবল ইচ্ছা, এই দুইটা মনোভাব এই ঘটনার মূলে বিদ্যমান ছিল, তাহাতে সন্দেহ নাই।

হিন্দু-কলেজে পড়িবার সময়ে মধুসূদন ইংরেজীতে অনেক কবিতা লিখিয়াছিলেন, এ কথা পূর্বে বলিয়াছি। খৃষ্টধর্ম-গ্রহণের অব্যবহিত পূর্বে তিনি যে ঈশ্বর-স্তোত্রটা

(Hymn) রচনা করিয়াছিলেন, এবং যাহা তাঁহার দীক্ষা কালে গির্জায় গীত হইয়াছিল, সেটাই এখানে উদ্ধৃত করা গেল ।

HYMN

BY M. S. DUTT, A HINDU YOUTH

(Composed by him to be sung at his baptism)

I

Long sunk in superstition's night,
By Sin and Satan driven,
I saw not, cared not, for the light
That leads the blind to Heaven.

II

I sat in darkness, Reason's eye
Was shut, was closed in me ;
I hastened to Eternity
O'er Error's dreadful sea !

III

But now, at length, Thy grace, O Lord !
Bids all around me shine !
I drink Thy sweet, Thy precious word,
I kneel before Thy shrine !

IV

I've broke Affection's tenderest ties
For my blest Saviour's sake ;
All, all I love beneath the skies,
Lord ! I for Thee forsake !

উনিশ-বৎসর বয়সেব বাঙ্গালী বালকের রচিত ঐরূপ ইংবেজী-কবিতা, ভাবে ও ভাষায় উপস্থিত ইংরেজদিগেরও বিস্ময় উৎপাদন করিয়াছিল ।

ইংরেজ ও ভারতীয় খৃষ্টান যুবকদিগের উচ্চশিক্ষার জন্ত সেকালে শিবপুরে

জীবনী

“বিশ্বপ্‌স্‌ কলেজ” ছিল। কিন্তু সেখানে থাকিয়া লেখাপড়া করা প্রচুর ব্যয়-সাপেক্ষ। একমাত্র পুত্র গৃহত্যাগী হইলেও রাজনারায়ণ, পুত্রের উচ্চ শিক্ষার জন্য সমস্ত ব্যয়-ভার বহন করিতে থাকিলেন। ঐখানে নানা-বিষয়িণী শিক্ষার সঙ্গে মধুসূদন গ্রীক, লাতিন, ও সংস্কৃত ভাষাও শিক্ষা করিয়াছিলেন। অনায়াসে ভাষা শিক্ষা করিবার ক্ষমতা তাঁহার যেন স্বভাব-সিক্কই ছিল। পরিণত বয়সে তিনি আরও অনেক ভাষা শিখিয়াছিলেন। ইংরেজী-ভাষা ত তাঁহার পক্ষে ইংরেজরই মত আয়ত্ত ছিল। ফরাসী-ভাষাতেও তিনি এমন ব্যুৎপন্ন ছিলেন যে, সেই ভাষায় সুন্দর কবিতাও রচনা করিতে পারিতেন ইহা ছাড়া, তিনি গ্রীক, লাতিন, জার্মান, ইতালিয়ান প্রভৃতি ভাষা শিক্ষা করিয়া সেই-সব ভাষার উৎকৃষ্ট কাব্যাদির সম্যক্ রস গ্রহণ করিতে সমর্থ হইয়াছিলেন। এদিকে, নিজের মাতৃভাষা ছাড়া, সংস্কৃত, পারসিক, হিব্রু, তেলুগু, তামিল ও হিন্দী—এগুলিও অল্প বিস্তর তিনি জানিতেন। ১৮৮৮ খৃষ্টাব্দের ১লা ডিসেম্বর দিনে তাঁহার সমাধি-স্তম্ভ-প্রতিষ্ঠা-কালে ব্যারিষ্টার মনোমোহন ঘোষ মহাশয় বক্তৃতা-কালে বলিয়াছিলেন,—

“As a linguist and a scholar, he had scarcely any equal among his contemporaries, and there is hardly any individual even in these days among his countrymen who could excel him in his knowledge of the European languages and in the literature, both ancient and modern, of European countries.”

প্রায় পাঁচ বৎসর মধুসূদন এই কলেজে থাকিয়া নানাবিদ্যায় পারদর্শী হইয়া উঠিলেন। এমন সময়ে, পিতার সহিত মনোমালিন্য ঘটায় তিনি পিতার অর্থ-সাহায্যে বঞ্চিত হইয়া, ঐ কলেজের কয়েক জন মাদ্রাজী খৃষ্টান্‌ যুবকের পরামর্শে পিতা-মাতা বা বন্ধু-বান্ধব কাছাকাছেও কিছুমাত্র আভাস না দিয়াই জগন্নাথ-লক্ষ্মীর অশেষনে মাদ্রাজী বন্ধুগণের সহিত মাদ্রাজে গেলেন। পিতা-মাতার পক্ষে কি বিষম সংবাদ! গৃহত্যাগী, ধর্মত্যাগী হইয়াও পুত্র তবু এতদিন দেশেই ছিল; এখন একেবারে দেশত্যাগী হইল!

মধুসূদন কাব্য-পরিচয়

মধুসূদন ইংরেজীতে সুশিক্ষিত হইয়া বাহির হইয়াছেন। সুতরাং ইংরেজ-রাজত্বে কোথাও তাঁহার অনাভাব হইবার কথা নহে। মাদ্রাজে তিনি শিক্ষকতা করিয়া ও সংবাদ-পত্রাদিতে লিখিয়া যথাসম্ভব অর্থ উপার্জন করিতে লাগিলেন। তিনি মাদ্রাজে তাৎকালিক সুপ্রসিদ্ধ Athenoeum পত্রের প্রধান সম্পাদক হইয়াছিলেন। তাহা ছাড়া, তিনি Spectator প্রভৃতি অন্যান্য সংবাদ-পত্রের সম্পাদকীয় বিভাগের সহিত ঘনিষ্ঠ-ভাবে সংশ্লিষ্ট ছিলেন।

এই-সব কার্যে ব্যাপৃত থাকা সত্ত্বেও আজন্ম-কবি মধুসূদনের কাব্য-প্রচেষ্টাব অবসরাভাব ছিল না। এই সময়ে তিনি *Captive Ladie* এবং *Visions of the Past* নামক কবিতাদ্বয় প্রকাশ করিয়া সেখানকার সুধী-ইংরেজ-সমাজে সুখ্যাতি অর্জন করিয়াছিলেন। Athenoeum কাগজে জনৈক ইংবেজ-সমালোচক *Captive Ladie* সম্বন্ধে লিখিয়াছিলেন,—“what I believe neither Scott nor Byron would have been ashamed to own.” মাদ্রাজ-প্রবাস-কালে তিনি ইংরেজীতে *Risia* নামক একখানি নাট্যকাব্যও (Dramatic Poem) লিখিয়াছিলেন; কিন্তু তাহা এ পর্যন্ত সম্পূর্ণ-ভাবে প্রকাশিত হয় নাই।

এইরূপে মাদ্রাজে ইংরেজ-সুধী-সমাজে মধুসূদনের পরিচয় ও প্রতিপত্তি হইতে থাকিলে, তিনি তথাকার এক ইংরেজ-রমণীব পাণিগ্রহণ করেন। কিন্তু এ বিবাহ স্থায়ী হয় নাই। কয়েক বৎসর পরেই এই বিবাহ-বন্ধন ছিন্ন করিয়া, তিনি তথাকার প্রেসিডেন্সি-কলেজের জনৈক শিক্ষকের দুহিতা, কুমাবী হেনরিয়েটাকে বিবাহ করেন। এই পত্নীই মধুসূদনের সুখ-দুঃখে জীবন-সঙ্গিনী হইয়া আমরণ তাঁহার সহিত গাঢ় দাম্পত্য-প্রেমে আবদ্ধা ছিলেন।

মাদ্রাজ-প্রবাস-কালে অন্তরঙ্গ বন্ধুদিগের সহিত পত্র-ব্যবহারে বন্ধু-বৎসল মধুসূদনের ক্রটি ছিল না,—বিশেষতঃ গৌরদাসের সঙ্গে। এক সময়ে বহুদিন কলিকাতার কোন বন্ধুর নিকট হইতেই কোন পত্রাদি না পাইয়া মধুসূদন গৌরদাসকে লিখিয়াছিলেন,—

My dear Gour,

Are you all dead ! or have I by some unintentional act or other offended you ? I really do not remember having received a single line from you or Bhoodeb for the last 3 months. *Et tu Brute ?* I refrain from saying anything with reference of myself, because in case you should have marched off to the grave, there is a chance of others reading this learned Epistle. Write to me if you are living and let us show a little more activity. Yours angrily.

P. S Mr Bhoodeb Mukerjee is a humbug, so is Mr Saroop Banerjee, so you are all. Bad luck to ye.

মধুসূদন বন্ধুদের সহিত, বিশেষতঃ গৌরদাস ও রাজনারায়ণের সহিত অনেক পত্র-ব্যবহার করিয়াছেন। সেই পত্রগুলি সুন্দর ও সরল ইংরেজী-ভাষায় লিখিত ও সুপাঠ্য। ঐ পত্রগুলিতে তাঁহার প্রাণের পরিচয়, তাঁহার বন্ধুবৎসলতা, উদারতা, অমায়িকতা, স্বদেশপ্ৰীতি, সাহিত্যানুরাগ ও কাব্যপ্ৰীতি (যাহা ঘোরতর দারিদ্র্যেও কিছুমাত্র ক্ষুণ্ণ হয় নাই)—এক কথায়, মধুসূদনের হৃদয় ও প্রাণবস্তুর সন্ধান পাওয়া যায়। তাঁহার পত্রগুলি তাঁহার জীবনী-কথার অলঙ্কার-স্বরূপ। কাব্যাদির মধ্যে যেমন “চতুদশপদী কবিতাবলী”তে, তেমনি ঐ পত্রগুলির মধ্যেই মধুসূদন-ব্যক্তিত্ব অর্থাৎ তাঁহার প্রকৃত প্রাণটী ধরা দিয়াছে। সুতরাং প্রকৃত মধুসূদনকে জানিতে হইলে, তাঁহার ঐ-সব কবিতা ও পত্রগুলি মন দিয়া পড়া আবশ্যিক।

গৌরদাস, মধুসূদনকে দেশে ফিরিতেও যেমন বারংবার সনির্বন্ধ অনুরোধ করিতেন, তেমনি তাঁহার রচিত ইংরেজী-কবিতাগুলি পড়িয়া প্ৰীত হইলেও মাতৃভাষায় তাঁহার উজ্জ্বল কাব্যপ্রতিভা প্রতিকলিত করিবার জন্তও অনুরোধ করিতে ক্রটি করিতেন না। এমন সময়ে, একটা ঘটনায় মধুসূদনের চৈতন্যোদয় হইল। মধুসূদন, গৌরদাসের হাত দিয়া বেথুন সাহেবকে একখানি *Captive Ladie* উপহার দিয়াছিলেন। বেথুন সাহেব তখন বাঙ্গালা-গভরমেণ্টের অন্যতম সচিব ও শিক্ষা-বিধান-সমিতির সভাপতি। তিনি উপহার-খানি পাইয়া গৌরদাসকে যাহা লিখিয়া-ছিলেন,—গৌরদাস তাহা মধুসূদনকে জানাইয়াছিলেন।—

“His advice is the best you can adopt. It is an advice that I have always given you and will din into your ears all my life. The taste and talents you have cultivated would redound much to the honour and advantage to your country, if you will employ them in improving the standard and adding to the stock of your own language, if poetry at all events you must write. We do not want another Byron or another Shelly in English what we lack is a Byron or a Shelly in Bengali literature ”*

‘বাকলা-সাহিত্যের শুভাদৃষ্টে যিনি এই নব যুগের প্রবর্তক হইবেন বেথুন সাহেবের উপদেশে ও বন্ধুবর গৌরদাসের অনুরোধে তাঁহার মতি-গতি ফিবিল। ঐ সময়ে তাঁহার এক পত্রে তিনি গৌরদাসকে লেখেন—

“I say, old Gour Dass Bysack ! can't you send me a copy of the Bengali translation of the Mahabharat by Cossiram Dass, as well as a ditto of the Ramayan—Serampore edition ? I am losing my Bengali faster than I can mention.’

ইহা হইতে মধুসূদনের মনের গতি কোন দিকে ফিরিতেছিল, তাহার আভাস পাওয়া যায়। গৌরদাসকে লিখিত আর-একখানি পত্রেও ঐরূপ আর-একটু ইঙ্গিত আছে।—

“Perhaps you do not know that I devote several hours daily to Tamil. My life is more busy than that of a schoolboy. Here is my routine ; 6-8 8 Hebrew, 8-12 School, 12 2 Greek, 2-5 Telegu and Sanskrit, 5-7 Latin, 7-10 English. Am I not preparing for the great object of embellishing the tongue of my fathers ?”

মধুসূদন মাদ্রাজে ঘাইবার তিন বৎসর পরে শোকাতুরা জননী প্রাণত্যাগ করেন। পরে, ১৮৫৫ খৃষ্টাব্দে তাঁহার পিতা পরলোক-গত হইলে, পৈতৃক সম্পত্তি হস্তগত করিবার জন্ত গৌরদাস মধুসূদনকে দেশে ফিরিয়া আসিতে সনির্বন্ধ অনুরোধ করিতে

* উক্ত ভাংশ বেথুন সাহেবের পত্র হইতে।

থাকিলেন। কিন্তু পৈতৃক সম্পত্তি এমন বেশী নয় ভাবিয়া, মধুসূদন বাঙ্গালার ফিরিয়া আসিতে এক-প্রকার অনিচ্ছুকই ছিলেন। পরে, কে জানে, কি ভাবিয়া, তাঁহার মনোভাব পরিবর্তিত হইয়া গেল। ১৮৫৬ খৃষ্টাব্দের আরম্ভে মধুসূদন হঠাৎ কলিকাতায় ফিরিয়া আসিলেন। বন্ধুবৎসল মধুসূদনকে পাইয়া বন্ধু-বান্ধবেরা বার-বার-নাই আনন্দিত হইলেন। কেবল আনন্দিত হইতে পাইলেন না, তাঁহার জনক-জননী! মধুসূদনের দুর্ভাগ্য!

বন্ধু-বান্ধবগণ মধুসূদনকে কলিকাতায় স্থায়ী করিবার জন্য একটা চাকরী স্থির করিলেন—পুলিশ-কোর্টের হেড ক্লার্কগিরি। বন্ধুদিগের অনুরোধে মধুসূদন তাহাতেই সম্মত হইলেন। কিছুকাল পরে, ঐ পুলিশ-কোর্টেই তিনি বহুভাষীর (interpreter) পদে উন্নীত হইয়াছিলেন।

এই সময়ে সুপ্রসিদ্ধ পণ্ডিত—H. H. Wilson-প্রমুখ নাট্যানুরাগী অনেকগুলি উচ্চপদস্থ ইংরেজের চেষ্টায় কলিকাতার ইংরেজ-মহলে ঘন-ঘন নাট্যাভিনয় হইতে থাকিলে, দেশীয় রঙ্গালয়ের অভাবে, তাৎকালিক শিক্ষিত বাঙ্গালীগণ ইংরেজী থিয়েটারে গিয়া নাট্যমোদ উপভোগ করিতে-করিতে নাট্যানুরাগী হইয়া পড়িলেন। অন্তরে অনুরাগ জন্মিলে, তাহা কার্যে পরিণত হইতে বেশী সময় লাগে না। অবিলম্বে জনৈক ভদ্রলোকের বাড়ীতে একটা সামান্য রঙ্গমঞ্চ প্রস্তুত হইলে, তাহাতে “বিদ্যাসুন্দর” নাটক অভিনীত হইতে লাগিল। কিন্তু ইহাতে শিক্ষিত সম্প্রদায়ের মনস্তৃপ্তি হইল না। বিশেষতঃ, এক বিদ্যাসুন্দর-নাটক উপস্থাপন করিবারই বা ভাল লাগিতে পারে? এই সময়ে পণ্ডিত রামনারায়ণ তর্করত্ন প্রণীত “কুলীন কুলসর্বস্ব”-নাটক অন্য রঙ্গমঞ্চে অভিনীত হইয়া সকলেরই আনন্দোৎপাদন করিয়াছিল। পরে আশুতোষ দেবের বাড়ীতে “শকুন্তলা” এবং কালী প্রসন্ন সিংহের বাড়ীতে “বেণীসংহার” ও “বিক্রমোর্ধ্বাশী”* অভিনীত হইলে, পাইকপাড়ার রাজা ঈশ্বরচন্দ্র ও রাজা প্রতাপচন্দ্র এবং যতীন্দ্র মোহন (পরে সার মহারাজা) নাট্যানুরাগী হইয়া পড়িলেন। তাহারই ফলে, বেলগাছিয়া-উড়ানে একটা অস্থায়ী রঙ্গমঞ্চ নির্মিত হইল এবং আশুই-

* তিনখানি নাটকই সংস্কৃতের বঙ্গানুবাদ।

যদ্বিক-প্রয়োজন-হিসাবে ক্ষেত্রমোহন গোস্বামীব অভিনায়কত্বে একটী ঐক্যতান-বাদকেব দলও সংগঠিত হইল। এখন, অভিনয়ের জন্তু চাই একখানি নতন নাটক। “কুলীন কুলসর্বস্ব” ও “শকুন্তলা” নাটকে বামনাবায়ণ তখন যশস্বী—এমন কি, তিনি “নাটুকে রামায়ণ” বলিয়া লোকসমাজে প্রসিদ্ধ হইয়াছেন। সুতবাং তাঁহারই উপবে একখানি নূতন নাটক লিখিবার ভাব অর্পিত হইলে, তিনি শ্রীর্ষ-প্রণীত সংস্কৃত-নাটিকা অবলম্বনে বাঙ্গালায় “বত্নাবলী” নাটক লিখিলেন। মহাসমাবোহ নাটকা ভিনয়ের উদ্যোগ। সম্ভ্রান্ত বাঙ্গালী ছাড়া, কলিকাতাব উচ্চপদস্থ ইংবেজ-সম্প্রদায়ও এই অভিনয়-দর্শনে নিমগ্নিত হইবেন। সুতবাং তাঁহাদিগেব জন্তু ঐ নাটকেব যথাযথ ইংবেজী অনুবাদ আবশ্যিক হইল এবং মধুসূদনই এই কার্যেব উপযুক্ত বোধে তাঁহারই উপব অনুবাদেব ভাব পড়িল। মধুসূদন যেমন ইংবেজী ভাষায় স্তদক্ষ, ইংবেজী বচনা কবিতো তেমনই ক্ষিপ্রহস্ত। শীঘ্রই অনুবাদ সম্পন্ন হইয়া পুস্তকাকাবে মুদ্রিত হইয়া গেল।

এই সময়ে একদিন অভিনয়-অভ্যাস (Rehearsal) কালে অচ্যুত দর্শকদিগেব মধ্যে গৌবদাস ও মধুসূদনও উপস্থিত ছিলেন। কথায়-কথায় মধুসূদন গৌবদাসকে বলিলেন যে, বাঙ্গালা এই অকিঞ্চিৎকব নাটকখানির অভিনয়েব জন্তু বহু অর্থ ব্যয় করিতেছেন, ইহা বন্ডই দুঃখেব বিষয়। গৌবদাস বলিলেন,—“ইহা অপেক্ষা ভাল নাটক আছেই বা কৈ? আব লেখেই বা কে?” তখন মধুসূদনেব মুখ দিয়া বাহিব হইল (অথবা যেন কোন অদৃশ্য শক্তি মধুসূদনকে দিয়া বলাইল)—“কেন আনিই লিখিতে পারি”। বোধ হয়, অনুবাদ কবিবাব সময়েই বাঙ্গালা বত্নাবলী-নাটকখানি অকিঞ্চিৎকব বলিয়া মধুসূদনেব ধাবণা হইয়াছিল। তাই, যখন গৌবদাস “কে লিখিবে” বলিয়া একটা আক্ষেপ প্রকাশ করিলেন, তখন মধুসূদন নিজেই লিখিবেন, এইরূপ উক্তি না কবিয়া থাকিতে পারিলেন না। মধুসূদন “বাঙ্গালা নাটক” লিখিবেন, গৌবদাস বোধ হয়, এ কথা মোটেই গম্ভীৰ-ভাবে গ্রহণ কবিতো পাবেন নাই;—হাসিয়াই উড়াইয়া দিয়াছিলেন। কিন্তু মধুসূদন নিজেব অন্তবস্থ স্তপ্ত সাবস্বত শক্তিব প্রভাবেই ঐরূপ গাৰ্হাক্তি কবিয়াছিলেন, গৌবদাস তাহা বুঝেন

নাই। গৌরদাস বুঝিলেন, যখন এই ঘটনার কয়েকদিন পরেই মধুসূদন “শশ্মিষ্ঠা”-নাটকের প্রথম অঙ্ক রচনা করিয়া উহার হস্তলিপি গৌরদাসের হস্তে দিলেন। উহা পড়িয়া গৌরদাস শুধু খুসী নয়, একেবারে বিস্মিত! তিনি আরও দুই চারি জনকে দেখাইলে, তাঁহারা সকলেই আনন্দিত ও অবাক হইয়া গেলেন! এইরূপে উৎসাহিত হইয়া মধুসূদন নাটকখানি শীঘ্রই সম্পূর্ণ করিয়া রাজাদের হস্তে প্রদান করিলেন। ১৮৫৮ খৃষ্টাব্দে “শশ্মিষ্ঠা” নাটক মুদ্রিত ও প্রকাশিত হয়। এই নাটকখানি সম্বন্ধে পণ্ডিতবর রাজেন্দ্রলাল লিখিয়াছিলেন যে, সে সময়ে যে-কয়খানি বাঙ্গালা নাটক প্রকাশিত হইয়াছিল, তাহার মধ্যে “শশ্মিষ্ঠা”-নাটকই সর্বশ্রেষ্ঠ। এই নাটকখানিও মহাসমারোহে অভিনীত হইবে বলিয়া, রাজাদের অনুরোধে মধুসূদনকে ইহারও ইংরেজী অনুবাদ করিতে হইয়াছিল। এই অনুবাদ এমন সুন্দর যে, জনৈক ইংরেজ এই অনুবাদ পড়িয়া ইগাকেই মূল-গ্রন্থ ভাবিয়াছিলেন।

শশ্মিষ্ঠার ইংরেজী অনুবাদ করিতে-করিতে মধুসূদন আর-একখানি বাঙ্গালা নাটক রচনা করিতে লাগিলেন। ইহাই “পদ্মাবতী”-নাটক—গ্রীক-পুরাণের *Discordia*-কাহিনী-অবলম্বনে লিখিত। এই সময়ে তিনি তাঁহার এক বন্ধুকে লিখিয়াছিলেন,—“Now that I have got the taste of blood, I am at it again.” ব্যাব্র-শাবক রক্তের আস্বাদ পাইয়াছে, আর কি ছাড়িতে পারে? সাহিত্য-প্রতিভা প্রকটনে মাতৃভাষা ছাড়া আর কি আছে? একখানি বাঙ্গালা-নাটক লিখিয়াই প্রতিভাশালী মধুসূদনের মাতৃভাষার নেশা ধরিয়া গেল!

নাটক-অভিনয়ের পরে প্রহসন-অভিনয় হইলে আরও উপাদেয় হয় ভাবিয়া, রাজারা মধুসূদনকে প্রহসন লিখিতেও অনুরোধ করেন। এই অনুরোধে মধুসূদন উপর্যুপরি দুইখানি প্রহসন লিখিয়া ফেলিলেন—“একেই কি বলে সভ্যতা?” ও “বুড়ো শালিকের ঘাড়ে রোঁ” * এই প্রহসন দুইখানি যেমন শীঘ্র লেখা হইল, তেমনি শীঘ্র মুদ্রিত হইয়া গেল। কিন্তু ঐ থিয়েটারে অভিনীত হইল না। কারণ, প্রথম

* মধুসূদন শেষোক্ত প্রহসন খানির নাম রাখিয়াছিলেন, “ভগ্ন শিবমন্দির”। পরে যতীন্দ্রমোহন উপরি-উক্ত নাম রাখিতে বলায় মধুসূদন তাহাই করেন।

খানিতে নব্য ইঙ্গ-বঙ্গ বাবুদের কেহ-কেহ চটিতে পারেন, আর দ্বিতীয় খানি অভিনীত হইলে গোঁড়া হিন্দু-দলের কেহ-কেহ দুঃখিত হইতে পারেন ; অথচ রাজাবা কাহাকেও চটাইতে চাহেন না। অভিনীত হইবেনা সুনিয়া মধুসূদন দুঃখিত হইয়া রাজনারায়ণকে লিখিয়াছিলেন—“I half regret having published those two thing-.” কিন্তু সাহিত্যের পক্ষ হইতে বসিতে গেলে প্রহসনদ্বয় প্রকাশিত হইয়া ভালই হইয়াছে। কারণ, আজ পর্যন্ত ঐ দুইখানি প্রহসনই প্রহসন-সাহিত্যে যুগল-বন্ধু-স্বরূপ। ইহাদেব সমকক্ষ হইতে পারে, এরূপ প্রহসন বাঙ্গালায় এখনও বাহিব হয় নাই। ১৮৫২ খৃষ্টাব্দে প্রহসন দুইখানি প্রকাশিত হয়। “পদ্মাবতা”—পূর্বেই বচিত হইলেও, প্রকাশিত হইতে বিলম্ব হইয়াছিল। ১৮৬০ খৃষ্টাব্দে পদ্মাবতী প্রথম প্রকাশ।

নাটক-রচনার অমিত্রচ্ছন্দের প্রবর্তন কবা মধুসূদনেব একান্ত ইচ্ছা ছিল। কিন্তু প্রথমে তিনি সাহসী হন নাই। শর্মিষ্ঠা-নাটক বচনাব পবে, একদিন যতীন্দ্র মোহনের সঙ্গে কথোপকথনে এই প্রসঙ্গ উঠিল। বাঙ্গালা-ভাষা অমিত্রচ্ছন্দে উপযোগী নর, যতীন্দ্রমোহন এইরূপ মত প্রকাশ করিলেন। মধুসূদন কিন্তু দৃঢ়ভাবে উত্তর দিলেন—“সংস্কৃত-জননী হইতা বাঙ্গালা-ভাষায় অমিত্রচ্ছন্দে চলন কখনই অসম্ভব নহে।” উত্তরে যতীন্দ্রমোহন বলিলেন,—“আচ্ছা আপনি লিখুন। তাহা মুদ্রণেব ব্যয়-ভার আমি বহন করিব।” ইহার পবে পদ্মাবতী-বচন-কালে তিনি যেন আত্ম সন্তর্পণে উহাতে স্বল্প-মাত্রায় অমিত্রচ্ছন্দ ব্যবহার করিয়াছেন। তাহাব পবে, প্রহসন দুইখানি সমাপ্ত করিয়াই, তিনি সাহসে ভর করিয়া আগাগোড়া অমিত্রচ্ছন্দে একখানি কাব্য লিখিতে বসুবান্ হইলেন। “তিলোত্তমা-সম্ভব” কাব্যেব প্রথম ও দ্বিতীয় সর্গ লিখিয়াই তিনি যতীন্দ্রমোহনকে দেখাইলেন। মধুসূদন বাঙ্গালার অকস্মাৎ শর্মিষ্ঠা-নাটক লিখিলে, তাঁহার বন্ধুগণ যেমন চমৎকৃত হইয়াছিলেন, অমিত্রচ্ছন্দে এই তিলোত্তমা-সম্ভব কাব্যের প্রথম ও দ্বিতীয় সর্গ পড়িয়া তাঁহারা ততোধিক চমৎকৃত হইলেন। বন্ধুদিগের কাছে উৎসাহ পাইয়া, মধুসূদন তাঁহার স্বাভাবিক নিঃপ্রহস্তে আরও দুই সর্গ লিখিয়া, সমগ্র কাব্যের হস্তলিপিখানি যতীন্দ্রমোহনেব হস্তে প্রদান করিলে, যতীন্দ্রমোহন সাদরে উহা গ্রহণ করিয়া আজীবন উহাকে মহারত্ন-জ্ঞানে

সংরক্ষণ করিয়াছিলেন এবং পরিশেষে উহাকে Victoria Memorial-এর জন্ত উপহাব-স্বরূপে নির্দেশ করিয়া গিয়াছেন। সম্ভবতঃ এখন ঐ হস্তলিপি ভিক্টোরিয়া-হলে বিদ্যমান। ১৮৬০ খৃষ্টাব্দে মে-মাসে “তিলোত্তমা-সম্ভব” পুস্তকাকারে মুদ্রিত হইয়া প্রকাশিত হয়।

“তিলোত্তমা-সম্ভব” বচন। সমাপ্ত করিয়া মধুসূদন, বোধ হয়, যেন একটু হাত বদলাইয়া লইবার জন্ত, “ব্রজাঙ্গনা”-নামক ক্ষুদ্র একখানি গীতিকাব্য রচনা করেন। এই সময়ে তাঁহার এক বন্ধু (বৈকুণ্ঠনাথ দত্ত) মধুসূদনের মুখে উহার দুই-একটি কবিতাব আবৃত্তি শুনিয়া মুগ্ধ হইলে, উদার-হৃদয় মধুসূদন তখনই ঐ গ্রন্থের স্বত্ব-সমেত হস্তলিপিখানি তাঁহার হস্তে দেন। ব্রজাঙ্গনা, মেঘনাদবধ-কাব্যের অব্যবহিত পূর্বে বচিত হইলেও, উহা মুদ্রিত হইয়া প্রকাশিত হইতে বড়ই বিলম্ব হইয়াছিল। ১৮৬১ খৃষ্টাব্দে উহা প্রথম প্রকাশিত হয়। তখন মধুসূদনের মেঘনাদবধ-কাব্যের প্রথম খণ্ড মুদ্রিত ও প্রকাশিত হইয়া, দ্বিতীয় খণ্ডের শেষ-সর্গ ছাপা হইতেছিল।

ব্রজাঙ্গনা ছাপিতে দিয়া মধুসূদন মেঘনাদবধ-রচনার গভীর রূপে মনোনিবেশ করিলেন। পাঁচ সর্গ বচিত হইলেই, “মেঘনাদবধ—প্রথম খণ্ড” নামে উহা ১৮৬১ খৃষ্টাব্দের প্রাবস্তে মুদ্রিত ও প্রকাশিত হয়।

মেঘনাদবধ (প্রথম ভাগ) বচন। পবেই মধুসূদন তাৎকালিক নাট্যাচার্য কেশব চন্দ্র গঙ্গোপাধ্যায়ের পরামর্শে ও অনুবোধে কর্নেল টড-প্রণীত রাজস্থানের ইতিবৃত্তি হইতে “কুম্ভকুমারী”-নামক বিয়োগান্ত নাটক লিখেন। ঠিক এক মাসে উহাব বচন। সম্পূর্ণ হয়। ১৮৬১ খৃষ্টাব্দে উহা মুদ্রিত ও প্রকাশিত হইয়াছিল।

ইহার পবেই মধুসূদন “মেঘনাদবধ—দ্বিতীয় খণ্ড” (ষষ্ঠ হইতে নবম সর্গ) লেখেন। ১৮৬১ খৃষ্টাব্দের মধ্যভাগে উহা প্রথম প্রকাশিত হয়। এই দুই খণ্ডে মেঘনাদবধ-কাব্য সম্পূর্ণ। এই ‘মেঘনাদবধ’ই নবযুগের কাব্য-সাহিত্য-ক্ষেত্রে মধুসূদনের অক্ষয়-কীর্তিস্তম্ভ-স্বরূপ দণ্ডায়মান রহিয়াছে।

ঐ বৎসরেই মধুসূদন নীলদর্পণ-নাটকের ইংরাজী অনুবাদ করেন। কথিত

আছে,—একজন “নীলদর্পণ” পড়িতে লাগিলেন, আব সঙ্গে-সঙ্গে মধুসূদন উহার অনুবাদ করিতে থাকিলেন। এইরূপে এক রাত্রিতেই অনুবাদ কার্য সম্পন্ন হয়।

ঐ বৎসরেই সত্যেন্দ্র নাথ ঠাকুরের অনুরোধে মধুসূদন “আত্মবিল্লাপ” শীর্ষক একটা ক্ষুদ্র কবিতা (*) লেখেন। উহা আশ্বিনের তত্ত্ববোধিনী পত্রিকায় প্রকাশিত হয়। কবিতাটা মানব-জীবনের অন্ততাপাত্মক এবং ক্ষুদ্রকায় হইলেও অমরতাব অধিকারী।

ঐ বৎসরেই মধুসূদন বোমক-কবি ওভিদের Heroic Epistles নামক পত্র-কাব্যের আদর্শে কয়েকটা হিন্দু পৌৰাণিক পাত্ৰীক ভূমিকায় এগার খানি পত্রিকা লেখেন। প্রত্যেক পত্রিকাখানি এক-এক পৌৰাণিক নাবী কর্তৃক উপযুক্ত অবসবে স্বীয় স্বামী বা প্রণয়-পাত্ৰকে লিখিত। মধুসূদনের অমিত্রচ্ছন্দের মাধুর্য্য এই কাব্যে পরাকাষ্ঠা প্রাপ্ত হইয়াছে। প্রত্যেক পত্রিকাই উপাদেয় কবিত্বে মণ্ডিত এবং বিষয়-বৈচিত্র্য-হেতু রস-বৈচিত্র্যে কাব্যখানি আত্মস্থ স্মরণীয়।

মধুসূদন কিঞ্চিদধিক তিন বৎসর কাল মাত্র বঙ্গসাহিত্যে ব্রতী হইয়া তিনখানি নাটক, দুইখানি প্রহসন, দুইখানি কাব্য, একখানি পত্রিকা কাব্য ও একখানি গীতিকাব্য বচনা করিলেন। ইহা ছাড়া ঐ সময়ের মধ্যে তিনি তিনখানি বাঙ্গালী নাটকের ইংবেজী অনুবাদও করেন। তাঁহার লিখিত পত্রগুলি হইতে জানা যায় যে, বীরাজনা-কাব্যের দ্বিতীয় ভাগ (আরও দশখানি পত্রিকা), ব্রজাঙ্গনা-কাব্যের “বিহার” নামক আরও এক সর্গ, “সিংহল-বিজয়,” “পাণ্ডব-বিজয় ও “ভাবত-বৃত্তান্ত” কাব্যত্রয়, ইত্যাদি কত কি লিখিবার ইচ্ছা তাঁহার ছিল। অধিকাংশগুলিতে তিনি হাতও দিয়াছিলেন ; কিন্তু মনশ্চাঞ্চল্যে কোন খানিতেই বেশী অগ্রসর হইতে পারেন নাই। এই সময়ে বিলাত-যাত্রার ইচ্ছা তাঁহাকে বিষম ব্যস্ত করিয়া তুলিয়াছিল। তিনি রাজনারায়ণকে লিখিলেন,—“But I suppose my poetical career is drawing to a close. I am making arrangements to go to England to study for the Bar and must bid adieu to the Muse.”

* “আশার ছলনে ভুলি কি ফল লভিবু, হায়।”—ইত্যাদি।

অমরতা-প্রয়াসী কবির পক্ষে সুদূর বিদেশ-গমনের সময়ে স্বদেশের প্রতি কি করুণ নিবেদন ! তিনি বরাবরই আত্মপ্রতিষ্ঠায় সম্পূর্ণ সজ্জান ছিলেন। অল্প দিনেব মধ্যে বাঙ্গলা-সাহিত্যে তিনি বাহা করিয়া চলিলেন, তাহাতে অমরতার দাবী করায় তাঁহাকে কোনমতেই নিন্দা কবা যায় না। এই বিদায়-গীতটী বিদেশে যাইবাব সময়ে লিখিত হইলেও, ইহার করুণ সুরটী এখন যেন পাঠককে তাঁহাব চিব-বিদায়ই স্মরণ করাইয়া দেয় ; মনে হয়, যেন বঙ্গভূমি হইতে চিরবিদায়-কালে মধুসূদনের প্রাণ বলিতে চাহিয়াছিল,—

“মধুহীন কবো না, গো, তব মনঃ-কোকনদে।”

তারপর, আজ পর্যন্ত প্রতিবৎসর তাঁহার মৃত্যু-দিনে তাঁহার সমাধিস্থলে যখন বঙ্গ-সস্তানগণ পুষ্পাজলি প্রদান করেন, তখনও যেন মনে হয়, বঙ্গভূমিব ক্রোড়স্থ চির-নিদ্রিত মধুসূদনের আত্মা কাতর কণ্ঠে নিবেদন কবিতোছে,—“মধুহীন কবো না, গো, তব মনঃ-কোকনদে।” তাঁহাব এই বিদায়-কবিতাটীও অমবত্বেব দাবী কবিতো পারে।

মধুসূদন বিলাত-যাত্রা কবিলেন। ইহাব কিছুদিন পবে তাঁহাব পত্নীও পুত্র-কন্যাসহ বিলাতে গিয়া তাঁহাব সহিত মিলিত হইলেন। এদিকে নিজ পৈতৃক সম্পত্তি হইতে নিয়মিত-রূপে অর্থপ্রাপ্তির যে ব্যবস্থা মধুসূদন কবিয়া গিয়াছিলেন, তাঁহার অমুপস্থিতিতে সে বিষয়ে নানা গোলযোগ ঘটিল। বিলাতেব মত স্থানে সপরিবারে থাকা সবিশেষ ব্যয়-সাধ্য ; অথচ টাকা আসিতে থাকিল না। মধুসূদন বিব্রত হইয়া পড়িলেন এবং আইন পড়া কিছুদিনের জন্ত স্থগিত রাখিয়া অপেক্ষাকৃত অল্পব্যয়-সাধ্য ফ্রান্স দেশে Versailles-নগবে কোনরূপে দিনপাত করিতে লাগিলেন। এই সময়ে তিনি দরার সাগব বিদ্যাসাগর মহাশয়কে নিজের বিপদের কথা জানাইয়া-ছিলেন। বিদ্যাসাগর মহাশয়ও মধুসূদনের অবস্থা বুঝিয়া যথা-কর্তব্য সহায়তা করেন। নতুবা ইউরোপের মত স্থানে অর্থহীন মধুসূদনের যে কি ছদ্দশা হইত, তাহা ভাবিতেও পারা যায় না। মধুসূদনের তখনকার সাংসাবিক অবস্থা ত এই ; কিন্তু এমনই তিনি কাব্য-প্রাণ যে, এই দুরবস্থাব

সময়েও ভিন্ন-ভিন্ন ভাষা-শিক্ষা ও কাব্য-চর্চায় তাঁহার বিরাম ছিল না। এই সময়েই তিনি জার্মান ভাষা ও ইতালীয় ভাষা শিক্ষা করিতেছিলেন। ফরাসী ভাষায় কখন-কখন কবিতা লিখিয়া তিনি কিছু কবিত্ব-যশও পাইয়াছিলেন।

এই ভার্सेল্‌স্-নগরে অবস্থান-কালে তিনি “চতুর্দশপদী কবিতাবলী” রচনা করেন। এদেশে থাকিতে তিনি এক সময়ে “কবি মাতৃভাষা” * শীর্ষক একটি চতুর্দশপদী কবিতা লিখিয়া বন্ধু রাজনারায়ণকে উপহার দেন। তখন এই পর্য্যন্ত। পরে, প্রবাসে বসিয়া নানা বিষয় অবলম্বনে তিনি একশত চতুর্দশপদী কবিতাবলী লিখিলেন এবং উপক্রমণিকা-স্বরূপ আরও দুইটি কবিতা,—এই একশো-দুইটি কবিতায় চতুর্দশপদী কবিতাবলী সম্পূর্ণ করিলেন। তিনি প্রবাসে থাকিতে আর যাহা-যাহা লিখিয়াছিলেন, সে সকলই অসম্পূর্ণ। তিলোত্তমা-সম্ভবের দ্বিতীয় সংস্করণে প্রায় ছত্রে-ছত্রে পরিবর্তন করিয়াও তাঁহার মনস্তৃপ্তি হয় নাই। এইখানে তিনি তিলোত্তমা-সম্ভব পুনর্লিখনে প্রবৃত্ত হইয়াছিলেন। কিন্তু প্রথম সর্গের কতকটা লিখিয়াই ক্ষান্ত হইলেন। সুভদ্রা-হরণের কিঞ্চিদংশ, দ্রৌপদী-স্বয়ম্বরের কিঞ্চিদংশ, এইখানে বসিয়া লিখিত। La-Fontaine প্রণীত নীতিগর্ভ কবিতাবলী পড়িয়া তিনি আদর্শ-স্বরূপ তিনটি মাত্র নীতি-গর্ভ কবিতা + এই সময়েই লেখেন। চতুর্দশপদী কবিতাবলীর হস্তলিপির সঙ্গে তিনি এই সব কবিতাবলীও কলিকাতায় তাঁহার গ্রন্থ-প্রকাশক ঈশ্বরচন্দ্র বসুর নিকট পাঠাইয়া দিলে “চতুর্দশপদী কবিতাবলী” প্রকাশিত হইল। উহার পরিশিষ্টে ছিল—পুনর্লিখিত তিলোত্তমা-সম্ভবের অংশটুকু, পূর্বেও তিনটি নীতিগর্ভ কবিতাবলী ও সুভদ্রা-হরণের আরম্ভাংশ। ভার্सेল্‌স্ নগরে লিখিত এই চতুর্দশপদী কবিতাবলীই মধুসূদনের নির্বাণোগ্রন্থী কাব্য-প্রতিভার শেষ-শিখা। চতুর্দশপদীর শেষ-কবিতাটির নাম—“সমাপ্তে”।—

* “নিজাগারে ছিল মোর অমূল্য রতন” ইত্যাদি।

* রসাল ও স্বর্ণ-লতিকা, কাক ও শূগালী এবং ময়ূর ও গৌরী।

“বিসর্জিব আজি, মা গো, বিশ্বতির জলে

(হৃদয়-মগুপ হায়, অন্ধকার করি)

ও প্রান্তমা । * *

* নারিনু মা চিনিতে তোমাবে—

শৈশবে, অবোধ আমি ! ডাকিলা বৌবনে ;

(যদিও অধম পুত্র মা কি ভুলে তারে ?)

এবে—ইন্দ্রপ্রস্থ ছাড়ি যাই দূর বনে !

এই বর, হে বরদে, মাগি শেষ বারে,—

জ্যোতির্ময় কর বঙ্গ ভারত-রতনে !”

তিনি কাব্যের ‘ইন্দ্রপ্রস্থ’ পরিত্যাগ করিয়া আইন-ব্যবসায়ের গহন বনে প্রবেশ করিতে উদ্যত । তাই, হৃদয়-মগুপ হইতে কবিতা-দেবীকে বিসর্জন করিতে বাধ্য হইলেন ।

এই সময়ে লিখিত মধুসূদনের একখানি পত্র হইতে একটু উদ্ধৃত করা আবশ্যিক মনে করিতেছি । চতুর্দশপদী কবিতা লিখিবার সময় বন্ধুগণের মতামত জানিবার জন্ত দুই তিনটি কবিতা তিনি গৌরদাসকে পাঠাইয়াছিলেন । সেই পত্রে প্রসঙ্গতঃ তিনি বাঙ্গলা ভাষা ও উহার অনুশীলন সম্বন্ধে যে কয়টি কথা লিখিয়াছিলেন, তাহা আজিও আমাদের অনেকের, বিশেষতঃ ছাত্রবৃন্দের জানিয়া রাখা কর্তব্য । তিনি লিখিয়াছিলেন—

“Believe me, my dear friend, our Bengali is a very beautiful language. It only wants men of genius to polish it up ; such of us as, owing to early defective education, know little of it and have learnt to despise it, are miserably wrong. It is or rather it has the elements of a great language in it. I wish I could devote myself to its cultivation ; but, as you know, I have not sufficient means to lead a literary life and do nothing in the shape of real work for a living.”

তিনি যে কেবল ব্যারিষ্টার হইবার জন্তই বিলাত গিয়াছিলেন, তাহা নহে । সেখানে ইউরোপের উৎকৃষ্ট ভাষা-সকল ভাল করিয়া শিক্ষা করাও তাঁহার অন্যতম উদ্দেশ্য ছিল এবং তিনি ইংলণ্ডে না থাকিয়া সপরিবারে ফ্রান্স দেশে ভার্সেল্‌স্-

নগরে অনেক দিন বাস করিয়াছিলেন, ঐ উদ্দেশ্যই তাহার অন্ততম কারণ । ইউরোপ-প্রবাসকালে তিনি যেরূপ আর্থিক ক্লেশ পাইয়াছিলেন, তাহা মনে করিলেও কষ্ট হয় । অনেক সময়ে সপরিবারে অনাহার-ভীতি বা দেনার দায়ে জেলে যাইবার আশঙ্কা তাঁহাকে ব্যতিব্যস্ত করিয়া তুলিয়াছিল । তবু কিন্তু এমন দুর্দিনেও সাহিত্য-চর্চায় তাঁহার অসাধারণ আকাঙ্ক্ষা ও আগ্রহের কিছুমাত্র হ্রাস হয় নাই । ঐ সময়ে লিখিত তাঁহার এক পত্রে আছে :—

“Though I have been very unhappy and full of anxiety here, I have very nearly mastered French. I speak it well and write it better. I have also commenced Italian and mean to add German to my stock of knowledge, —if not Spanish and Portugese, before I leave Europe.”

সাহিত্য-চর্চায় এই-যে আগ্রহ ও আনন্দ, ইহা অপূর্ব । মধুসূদন এই আনন্দে বিভোর ছিলেন । কিন্তু ইহা শুধু যে নিজের জন্ম, তাহা নহে । নানা দেশের নানা রত্ন সংগ্রহ করিয়া মাতৃভাষাকে উজ্জ্বল করিবেন, ইহাই তাঁহার নিগূঢ় উদ্দেশ্য ছিল । ১৮৩৫ খৃষ্টাব্দে বন্ধুবর গৌরদাসকে যাহা লিখিয়াছিলেন, সে কথা এখনও আমাদের সকলেরই মনে রাখা কর্তব্য । তিনি লিখিয়াছিলেন—

“I have been for months like a ship becalmed in France, though, thank God, I have had strength of mind and resolution to make the very best use of my misfortune in learning the three great continental languages, viz Italian, German and French languages—which are well worth knowing for their literary wealth. You know, my Gour, that the knowledge of a great European language is like the acquisition of a vast and well-cultivated state—intellectual of course. Should I live to return, I hope to familiarise my educated friends with these languages through the medium of our own. After all, there is nothing like cultivating and enriching our own tongue. Do you think England, or France, or Germany, or Italy wants Poets and Essayists? I pray God, that the noble ambition of Milton to do something for his mother-tongue and his native land may animate all men of talent among us. If there be any one among us anxious to leave a name behind him, and not pass away into oblivion like a brute, let him devote himself to his mother tongue. That is his legitimate

sphere—his proper element. European scholarship is good, in as much as it renders us masters of the intellectual resources of the most civilised quarters of the globe ; but when we speak to the world, let us speak in our own language. Let those who feel that they have springs of fresh thought in them, fly to their mother tongue. Here is a bit of 'lecture' for you and the gents who fancy that they are swarthy Macaulays and Carlyles and Thackerays ! I assure you, they are nothing of the sort. I should scorn the pretensions of that man to be called "educated" who is not master of his own language "

এতকাল পরে, এখনও ঐ "লেকচারটা" এদেশেব "শিক্ষিত"দিগকে শুনাইবার প্রয়োজন আছে—দুঃখের সহিত এ কথা বলিতে হইল।

বিদ্যাসাগর মহাশয়ের কৃপায় মধুসূদনের অর্থ-কষ্ট দূর হইলে, তিনি ইংলণ্ডে আইন পড়িয়া ১৮০৭ খৃষ্টাব্দের প্রাবন্তে কলিকাতায় প্রত্যাগমন করেন। কলিকাতা হাইকোর্টে প্রবিষ্ট হইতে তাঁহাকে একটু বেগ পাইতে হইয়াছিল। কিন্তু বিদ্যাসাগর-প্রমুখ অনেক সম্ভ্রান্ত লোকের সহায়তায়—তিনি অবশেষে কলিকাতা হাইকোর্টে ব্যারিষ্টার-রূপে প্রবেশাধিকার লাভ করিতে পারিয়াছিলেন।

তিনি দুই বৎসর-মাত্র ব্যারিষ্টারী করেন। তাহাতে যথাসম্ভব যে অর্থ পাইতেন, তাঁহার মত অমিতব্যয়ী লোকের পক্ষে তাহাতে কুলাইত না। ক্রমে পসার-প্রতিপত্তির একটু হ্রাস হইতে থাকিলে, তিনি ঐ হাইকোর্টেই মাসিক একহাজার টাকা বেতনে একটা চাকুরী স্বীকার করিয়া, আর দুই বৎসর কাটাইলেন। কিন্তু অমিতচারী ও অমিতব্যয়ী মধুসূদনের সংসারে ইহাতেও স্বচ্ছলতা বিরাজ করিতে পাইল না। ক্রমে তাঁহার স্বাস্থ্য ভগ্ন হইল। এই সময়ে তিনি অল্পদিন পঞ্চকোটের রাজার অধীনে চাকুরী করেন। ক্রমে তিনি রোগে অকর্মণ্য হইয়া পড়িলেন। এই সময়ে তাঁহার দারিদ্র্য চরমে উঠিয়াছিল। অর্থের জন্ত গৃহের মূল্যবান্ দ্রব্যাদি, কখনও বিক্রয় করিতে হইত, কখনও বা দেনার দায়ে নিলাম হইত।

বিলাত হইতে প্রত্যাগমনের পরে তাঁহার সাহিত্য প্রচেষ্টা নিতান্তই স্বল্প ও ক্ষীণ। ১৮৬৭ খৃষ্টাব্দে তিনি কয়েক মাস পীড়িত থাকেন। এই সময়ে গ্রীক-ভাষায়

“ঐলিয়াস” কাব্য পড়িয়া তিনি চিত্ত-বিনোদন করিতেন। ইহারই ফলে, “হেক্টোর-বধ” অথবা গ্রীক-ভাষার ঐলিয়াস-নামক মহাকাব্যের উপাখ্যান ভাগ। ইহা গল্প-গ্রন্থ। সুদীর্ঘ গল্প-রচনায় মধুসূদন অভ্যস্ত ছিলেন না। সুতরাং এই গ্রন্থখানি সুখপাঠ্য হয় নাই। গ্রন্থখানি চারি বৎসর মুদ্রায়ন্ত্রের কবলে থাকিয়া ১৮৭১ খৃষ্টাব্দে প্রকাশিত হয়। ইহার পরে তিনি AEsop's Fables-এর আদর্শে কয়েকটি নীতিগর্ভ কবিতা লেখেন। সেগুলি আজিও ঐ শ্রেণীর কবিতার আদর্শ বলিলেও হয়। পরে, রোগে শয্যাগত অবস্থায় বঙ্গ-রঙ্গভূমি (বেঙ্গল থিয়েটার) হইতে কিছু অর্থ-সাহায্য পাইয়া, তিনি “মায়ী-কানন” ও “বিষ না ধনুগুণ” নামে দুই খানি নাটক লিখিতে আরম্ভ করেন। কিন্তু কোনখানিই সমাপ্ত করিতে পারেন নাই।

ক্রমে কপর্দকহীন হইয়া কিছুদিন তাঁহাকে পরাশ্রয় গ্রহণ করিতেও হইয়াছিল। এই সময়ে তাঁহার পত্নীও পীড়িতা হইয়া পড়িলেন। অবশেষে মধুসূদন কলিকাতা জেনারেল হাসপাতালে আশ্রয় লইতে বাধ্য হইলেন। সেখানে দিন দিন তাঁহার অবস্থা মন্দ হইতে থাকিল। এমন সময়ে তাঁহার পত্নীর মৃত্যু হয়। হাসপাতালে থাকার সময়ে মধুসূদন নিরন্তর নিজের উচ্ছৃঙ্খলতার জন্য গভীর অনুতাপ করিতেন। পত্নী-বিয়োগের তিন দিন পরে হাসপাতালেই মধুসূদনের প্রাণবায়ু বহির্গত হয় - সেদিন রবিবার,—২২শে জুন, ১৮৭৩।

বহুকাল ধরিয়া মধুসূদনের সমাধি অচিহ্নিত অবস্থাতেই ছিল। ক্রমে সাধারণের নিকট হইতে চাঁদা তুলিয়া প্রায় ১৫ বৎসর পরে ১৮৮৮ খৃষ্টাব্দে ১লা ডিসেম্বরে— মধুসূদনের সমাধির উপর প্রস্তর-স্তম্ভ প্রতিষ্ঠিত হয়। ঐ স্তম্ভের গাত্রে মধুসূদনের মূর্ধ্বকালে স্ব-রচিত সমাধি-লিপি-টুকু * উৎকীর্ণ আছে—

বাঁহারা মহাকবি সেক্সপিয়রের স্ব-রচিত সমাধি-লিপির সংবাদ রাখেন, তাঁহারা দেখিবেন, এই সমাধি-লিপির আরম্ভ তাহারই আদর্শে—“Stay, Passenger, why goest thou by so fast” ইত্যাদি।

“দাড়াও, পথিক-বর, জন্ম যদি তব
 বঙ্গে ! তিষ্ঠ ক্ষণকাল ! এ সমাধি-স্থলে
 (জননী কোলে শিশু লভয়ে যেমতি
 বিরাম) মহীর কোলে মহানিদ্রাবৃত
 দত্ত-কুলোদ্ভব কবি শ্রীমধুসূদন !
 যশোরে সাগর-দাঁড়ী কবতক্ষ-তীরে
 জন্মভূমি ; জন্মদাতা দত্ত মহামতি
 রাজনারায়ণ নামে ; জননী জাহ্নবী !” (মাইকেল মধুসূদন দত্ত ।)

ইহার পর হইতে প্রতি বৎসর ২৯শে জুন কবির সমাধির উপরে বহু সাহিত্যানুরাগী
 ব্যক্তি কর্তৃক পুষ্পাঞ্জলি প্রদত্ত হইয়া আসিতেছে । গত ১৯২৪ খৃষ্টাব্দে কলিকাতার
 নানাস্থানে কবির জন্মদিনের শতবার্ষিক উৎসবও অনুষ্ঠিত হইয়াছিল ।

মেঘনাদ-বধ কাব্য

প্রকাশ ও সমাদর

ভারতচন্দ্রীয় যুগের শেষ-কবি ঈশ্বরচন্দ্র গুপ্তের চিতাধুম বঙ্গ-সাহিত্যাকাশে বিগীন হইতে-না-হইতে “বিবিধার্থ সংগ্রহে” মধুসূদনের তিলোত্তমা-সম্ভব কাব্য প্রকাশিত হইতে থাকিল। ইহা শুধু এক কবির অন্তে আর-এক কবির উদয় নহে—ইহা বাঙ্গালা-সাহিত্যের “প্রাচীন” যুগের অবসানে নবযুগের অভ্যুত্থান। বাঙ্গালা-সাহিত্যের আনোচনায় এ কথাটি বুঝিয়া রাখা একান্তই কর্তব্য। ধারা-ভেদে যুগ-ভেদ হয়। প্রাচীন যুগের বাঙ্গালা-সাহিত্যের ধারা ছিল ধর্ম-সাহিত্যের ধারা। ক্ষুদ্র কবিতাদির কথা বলিতেছি না। কাব্য বা মহাকাব্যই ধারা নির্দেশ করে। অবান্তর ধারা ও অন্তর্ভুক্ত সমেত বাঙ্গালার যে প্রাচীন যুগ, তাহাতে নিরবচ্ছিন্ন-সাহিত্যের, যাহাকে ইংরেজীতে Pure Literature বলে, তাহার একান্ত অভাব ছিল। এমন কি, ভারতচন্দ্রের Romantic কাব্য “বিদ্যাসুন্দর”, তাহাও ধর্মের সহিত বিজড়িত ও দেবী-মাহাত্ম্য-কীর্তনে সমাপ্ত। এই ভারতচন্দ্রীয় যুগ বাঙ্গালা-সাহিত্যের প্রাচীন যুগের শেষ অন্তর্ভুক্ত ; এবং দাশরথি রায় ও ঈশ্বরচন্দ্র গুপ্ত ছিলেন এই যুগের শেষ কবি। সংস্কৃতে নিরবচ্ছিন্ন-সাহিত্যের অভাব নাই। কিন্তু বাঙ্গালার উল্ল ছিল না, বলিলেই হয়। মধুসূদনের অভ্যুদয়ের অব্যবহিত পূর্বে সংস্কৃত দুই-একখানি নাটকের বঙ্গানুবাদ হইতে তাৎকালিক শিক্ষিত সম্প্রদায় ঐ-জাতীয় সাহিত্যের আশ্বাদ গ্রহণ করিতেছিলেন। তখন পর্যন্ত বাঙ্গালার নিরবচ্ছিন্ন-সাহিত্যের সৃষ্টি হয় নাই। মধুসূদনের তিলোত্তমা-সম্ভব কাব্যই বাঙ্গালার মৌলিক আকারে নিরবচ্ছিন্ন-সাহিত্যের প্রথম প্রকাশ। শুধু ইহাতেই নবযুগ সূচিত হইতে পারিত ; কিন্তু এই সঙ্গে আরও-একটি বিশিষ্ট ধারা-ভেদ মিলিত হইয়া এই নবযুগের সাহিত্যকে সর্বাংশে এক নূতন পথে চালিত করিয়াছে। আমি এখানে-

পাশ্চাত্য প্রভাবের ইঙ্গিত করিতেছি। ঐ প্রভাবই এই নব যুগের বঙ্গ-সাহিত্যকে সম্পূর্ণ এক নূতন ধরণের বৈশিষ্ট্য প্রদান করিয়াছে এবং পাশ্চাত্য শিক্ষার বিস্তারে বাঙ্গালা-সাহিত্যে এই প্রভাব দিনদিন প্রবল হইতে প্রবলতর হইতেছে। ইহাই বাঙ্গালা সাহিত্যের প্রাচীন ও নবযুগের বিশিষ্ট প্রভেদ এবং মধুসূদনই ইহার প্রবর্তক। বাঙ্গালা-সাহিত্যে প্রাচ্য ও প্রতীচ্যের সম্মিলনই ছিল মধুসূদনের একান্ত অতীক্ষিত কার্য এবং এই কার্য সাধনের জন্ত তিনি প্রাণপণ করিয়াছিলেন—“শরীরং বা পাতয়েয়ম্ কার্যং বা সাধয়েয়ম্”—হয় শরীর-পতন, নয় কার্য-সাধন। সেকালে তাঁহার গ্রন্থগুলির প্রচ্ছদপত্রে যে একটা সাস্কৃতিক চিত্র থাকিত, তাহা এই সাধনারই স্মৃতিক। একদিকে হস্তী, অপবদিকে সিংহ ;—প্রাচ্য ও প্রতীচ্যের সঙ্কেত। এই উভয়ের মধ্যস্থ কাব্য-প্রতিভারূপী সূর্য্য বঙ্গ-সাহিত্য-শতদলকে সমুদ্ভাসিত করিতেছে। মধুসূদনের সৌভাগ্য যে, তিনি বঙ্গ-সরস্বতীর রূপায় সঙ্কলিত কার্য সাধন করিয়া গিয়াছেন।

মেঘনাদবধ-কাব্য প্রথম-প্রথম দুই খণ্ডে প্রকাশিত হইত। ১ম সর্গ হইতে ৫ম সর্গের শেষ পর্য্যন্ত প্রথম খণ্ড ; ৬ষ্ঠ হইতে ৯ম সর্গ, দ্বিতীয় খণ্ড। ১২৬৭ সাল ২২শে পৌষে ইহার প্রথম খণ্ড এবং ১২৬৮ সালেব প্রারম্ভে দ্বিতীয় খণ্ড প্রথম প্রকাশিত হয়। ১২৬৯ সালের ২৫শে ভাদ্র প্রথম খণ্ডের এবং কয়েকমাস পরে দ্বিতীয় খণ্ডের দ্বিতীয় সংস্করণ বাহির হয়।

প্রথমবারে ইহার প্রচ্ছদ-পত্রে কালিদাসের “রঘুবংশম্” হইতে নিম্নলিখিত দুই পংক্তি উদ্ধৃত ছিল—

“———কৃতবাগ্ দ্বারে বংশেশ্বিন্ পূর্ব্বস্মৃতিঃ

মর্গো বজ্রসমুৎকীর্ণে সূত্রস্যোবাতি মে গতিঃ ।”

কিন্তু তার পরে, দ্বিতীয় সংস্করণ হইতে উহার পরিবর্তে মধুসূদনের সাহিত্য-সেবার মূলমন্ত্র (“শরীরং বা পাতয়েয়ম্ কার্যং বা সাধয়েয়ম্”)—সম্বলিত পূর্ব্বোক্ত সাস্কৃতিক চিত্রটি বহুকাল উহার স্থান অধিকার করিয়া আসিতেছিল। মধুসূদনের

সকল গ্রন্থের প্রচ্ছদ পৃষ্ঠাতেই ঐ চিত্রটি মুদ্রিত থাকিত। কিন্তু দুঃখের বিষয়, অধুনা অনেক প্রকাশকগণ উহা বর্জন করিতেছেন।

প্রথম বারে গ্রন্থারম্ভে নিম্নলিখিত “মঙ্গলাচরণ” ছিল ;—

মঙ্গলাচরণ

বন্দনীয় শ্রীযুক্ত দিগম্বর মিত্র মহাশয় বন্দনীয়বরেষু।

আর্য্য,—আপনি শৈশবকালাবধি আমার প্রতি যেরূপ অকৃত্রিম স্নেহ-ভাব প্রকাশ করিয়া আসিতেছেন, এবং স্বদেশীয় সাহিত্য শাস্ত্রের অনুশীলন বিষয়ে আমাকে যেকপ উৎসাহ প্রদান করিয়া থাকেন, বোধ হয়, এ অভিনব কাব্য-কুসুম তাহার যথোপযুক্ত উপহার নহে। তবুও আমি আপনার উদাবতা ও অমায়িকতার প্রতি দৃষ্টিপাত করিয়া সাহস পূর্বক ইহাকে আপনার শ্রীচরণে সমর্পণ করিতেছি। স্নেহের চক্ষে কোন বস্তুই সৌন্দর্য্য-বিহীন দেখায় না।

যখন আমি “তিলোত্তমা-সম্ভব”-নামক কাব্য প্রথম প্রচার করি, তখন আমাব এমন প্রত্যাশা ছিল না যে, অমিত্রাঙ্কব ছন্দ এদেশে ত্বরায় আদরণীয় হইয়া উঠিবেক, কিন্তু এখন সে বিষয়ে আমার আর কোন সংশয় নাই। এ বীজ অবসর কালেই সংক্ষেত্রে সংরোপিত হইয়াছে; বীর-কেশরী মেঘনাদ, সুর-সুন্দরী তিলোত্তমার স্মায়, পণ্ডিত-মণ্ডলীর মধ্যে সমাদৃত হইলে, আমি এ পরিশ্রম সফল বোধ করিব—ইতি।

কলিকাতা

২২শে পৌষ, সন ১২৬৭ সাল।

দাস শ্রীমাইকেল মধুসূদন দত্তঃ।

দ্বিতীয় সংস্করণেও এই “মঙ্গলাচরণ” ছিল (২৫শে ভাদ্র, সন ১২৬৯ সাল)। পরে, কবি কোন ব্যক্তি-গত কারণে তাঁহার এই গ্রন্থের পরবর্তী সংস্করণ হইতে ঐ মঙ্গলাচরণটি বর্জন করেন। উহাতে দুইটি লক্ষ্য করিবার বিষয় ছিল। তিলোত্তমাসম্ভব-প্রকাশে প্রথমে অনেকে অমিত্রাঙ্ককে যতটা অনাদরের চক্ষে দেখিয়াছিলেন, এই অল্পকাল মধ্যেই সেই ভাবের সবিশেষ পরিবর্তন ঘটিয়াছিল। আর লক্ষ্য করিবার বিষয়, ইংরেজী শিক্ষিত ও স্বধর্ম্য ত্যাগী হইলেও মধুসূদনের হিন্দুচিত্ত বিনয়ের অভাব ছিল না;—তিনি নিজেকে “দাস” বলিতে কুণ্ঠিত হইবেন নাই।

দ্বিতীয় সংস্করণে কবি বহুস্থল এবং তৃতীয় সংস্করণে আবার বহুস্থল পরিবর্তিত এবং অষ্টম সর্গে ৪৩১ পংক্তি হইতে ৪৯৩ পংক্তি পর্য্যন্ত নূতন রচনা সংযোজিত করিয়াছিলেন। সেই পূর্ব-পাঠগুলির সহিত সংশোধিত পাঠ আলোচনা করিলে বুঝা যায় যে, বাক্য-বিচ্ছাসের উপরে অমিত্রচ্ছন্দের সুর ও সুশ্রাব্যতা কতটা নির্ভর করে।

দ্বিতীয় সংস্করণ হইতে যে সংক্ষিপ্ত টীকা মূলের সহিত প্রকাশিত হইয়া আসিতেছিল, তাহা তৎকালের উদীয়মান কবি ৩হেমচন্দ্র বন্দ্যোপাধ্যায় কৃত।

এই কাব্যের যে কত সংস্করণ এ পর্য্যন্ত হইয়াছে, তাহা ঠিক কবা দুঃসাধ্য। কবির জীবদ্দশায় প্রায় প্রতি-বৎসরে ইহার নূতন সংস্করণ বাহির হইত। তাঁহার মৃত্যুর পরে গ্রন্থ-স্বত্ব নিলামে বিক্রিত হইয়া গেলে, ক্রেতা এবং তাঁহার উত্তরাধিকারীগণ বহুকাল ধরিয়া অনেক সংস্করণ প্রকাশ করিয়াছেন। পরে স্বত্বকালের অবসানে, বহুলোকে ইহার বহুবিধ সংস্করণ বাহির করিয়াছেন এবং করিতেছেন।

তিলোত্তমা-সম্ভব প্রকাশিত হইলে সমাদর ও অনাদর, দুই-ই হইয়াছিল। কিন্তু অনাদর ক্রমে কম হইয়া আসিতেছিল। মেঘনাদ-বধ প্রকাশে সে অনাদর প্রায় দূর হইয়া গেল। চারিদিকে মধুসূদনের কাব্য-যশ স্প্রতিষ্ঠিত হইল। যে বৎসরে উহা প্রথম প্রকাশিত হয়, তাহার পর বৎসরে উহা বি-এ পরীক্ষার্থীদের পাঠ্য বলিয়া নির্দিষ্ট হইয়াছিল। নর্ম্যাল স্কুলেও উহা পাঠ্য হইয়াছিল। যে-মধুসূদন একদিন তাঁহার বন্ধু ৩ভূদেব মুখোপাধ্যায়ের সহিত নর্ম্যাল স্কুলের শিক্ষকতা-পদ-প্রার্থী হইয়া পরীক্ষায় 'পৃথিবী' লিখিতে 'প্রথিবী' লিখিয়াছিলেন, * কিছুকাল পরেই ভূদেব বাবুকে নর্ম্যাল-স্কুলে সেই-মধুসূদন-প্রণীত মেঘনাদ-বধ কাব্য পড়াইতে হইয়াছিল। বালকদিগের জন্ম পঞ্চপাঠ-তৃতীয়ভাগে ইহার ৪র্থ সর্গের অংশবিশেষ উদ্ধৃত হইয়া বঙ্গ-বিদ্যালয়-সমূহে পাঠিত হইত। এই কাব্যের প্রকাশে বিদ্যাসাগর

* ভূদেব বাবুর সহিত কথোপকথনে "It must be প্রথিবী," মধুসূদনের এইকপ দৃঢ়োক্তি করিবার, বোধ হয়, এই কারণ ছিল যে, তাৎকালিক প্রচলিত ১৮০৩ খৃঃ শ্রীরামপুবে মুদ্রিত কৃষ্ণিবাস-রামায়ণে সর্বত্রই "পৃথিবী" স্থলে "প্রথিবী" দেখা যায়। সম্ভবতঃ মধুসূদন উহাই পড়িয়াছিলেন এবং ঐ জন্মই ঐ ভ্রান্ত ধারণা তাঁহার মনে তখন বদ্ধমূল ছিল।

মহাশয় এবং কলিকাতার তাৎকালিক কৃতবিদ্য মহোদয়গণ এমনই আনন্দিত হইয়াছিলেন যে ৬কালীপ্রসন্ন সিংহ মহোদয়ের উদ্বোধনে “বিদ্যোৎসাহিনী সভায়” সকলে সমবেত-ভাবে মধুসূদনকে মূল্যবান্ উপহারের সহিত অভিনন্দন করিয়াছিলেন। গ্রন্থ প্রকাশিত হইতে-হইতেই এরূপ সমাদর, সকল কবির ভাগ্যে ঘটে না।

বঙ্গের কয়েকজন শ্রেষ্ঠ সমালোচক ভিন্ন-ভিন্ন সময়ে এ কাব্য-সম্বন্ধে কি বলিয়াছেন, এখানে তাহাই উদ্ধৃত করিলাম।—

১৮৭১ খৃষ্টাব্দে ৬বঙ্কিমচন্দ্র চট্টোপাধ্যায় মহাশয় “The Calcutta Review” পত্রিকায় বাঙ্গালা-সাহিত্য-সমালোচনায় মেঘনাদ-বধ কাব্য সম্বন্ধে লিখিয়াছিলেন ;—

“The *Meghnada Badh* is Mr. Datta's greatest work. The subject is taken from the *Ramayana*, the source of inspiration to so many Indian poets. In the war with Ravana, Meghnada, the most heroic of Ravana's sons and warriors, is slain by Lakshman, Rama's brother. This is the subject; and Mr Datta owes a great deal more to Valmiki than the mere story. But nevertheless, the poem is his own work from beginning to end. The scenes, characters, machinery and episodes, are in many respects of Mr. Datta's own creation. In their conception and development, Mr. Datta has displayed a high order of art, and to do justice to it, or even to give a suitable idea of it, would require a much more minute examination of the poem than the space at our command will allow. To Homer and Milton, as well as to Valmiki, he is largely indebted in many ways. But he has assimilated and made his own most of the ideas which he has taken, and this poem is on the whole the most valuable work in modern Bengali literature. The characters are clearly conceived and capable of winning the reader's sympathy. The machinery, including a great deal that is supernatural, is skilfully and easily handled. The imagery is graceful and tender and terrible in turn. The play of fancy gives constant variety. The diction is richly poetic, and the words so happily chosen as constantly to bring up by association ideas congruous to those which they directly express. Nor is the verse broken up into couplets complete in themselves, in the Sanskrit fashion, but, abounding like Milton's in variety of pause, it seems to us musical and graceful, as well as a fitting vehicle for passionate feelings. Mr.

Datta, however, is not faultless. He wants repose. The winds rage their loudest when there is no necessity for the lightest puff. Clouds gather and pour down a deluge, when they need do nothing of the kind; and the sea grows terrible in its wrath, when everybody feels inclined to resent its interference. All this bombast is unworthy of Mr. Datta's genius and cultivated taste. Equally so is his constant repetition of the same images and phrases till they almost nauseate his readers. Nor is he altogether innocent of plagiarism. Homer and Valmiki are not unfrequently put under contribution, and Milton and Kalidasa have equal reason to complain.

✓ Then again grammar might have been respected; and we must strongly protest against the constant introduction, in imitation of the English idiom, of such verbs as *Stutita*, *Swanila*, *Nirghosila*.

We have given no extracts from the *Meghnada Badh*, because we could give no adequate idea of its merits by isolated quotations. The poem is beautiful as a whole, but single passages would give no more idea of it than a brick could give of the building from which it was taken."

ইহার পরে সুপ্রসিদ্ধ সাহিত্যিক ওরমেশচন্দ্র দত্ত মহোদয় তাঁহার Literature of Bengal গ্রন্থে এই কাব্য-সম্বন্ধে লিখিয়াছিলেন ;—

✓ "The reader who can feel and appreciate the sublime, will rise from a study of this great work with mixed sensations of veneration and awe, with which few poets can inspire him, and will candidly pronounce the bold author to be indeed a genius of a very high order, second only to the highest and the greatest that have ever lived, like Vyasa, Valmiki or Kalidas; Homer, Dante or Shakespear ;"

অবশেষে, প্রগাঢ় দার্শনিক পণ্ডিত ও স্মার ভ্রজেন্দ্র নাথ শীল এম্-এ, মহাশয় মেঘনাদ-বধ কাব্যের যে আর্ট-সমালোচন (higher criticism) করিয়াছেন, শ্রদ্ধার সহিত কৃতজ্ঞতা প্রকাশ করিয়া তাহা এখানে উদ্ধৃত করিলাম ;—

"The later Bengali epics are all chiselled into classic grace and repose. But, studied historically, they exhibit an internal life and movement. The *Meghnadabadha* of Michael Madhusudan Dutt is classic both in style and conception, though the groundwork of the

plot is derived from strictly oriental sources. Nothing can be a stronger testimony to the reality of Hegel's distinction between orientalism and classicism than this strange phenomenon in the history of poetic art, a splendid Parian monument of transparent classic art built on oriental foundation, a stately pantheon on the site of a Pagoda. The phenomenon is unique and offers an *experimentum crucis* in favour of Hegel's classification of art. The next epic, Babu Hem Chandra Banerji's *Vritrasanhara*, occupies a still more curious position. The traditional material is Puranic, and is thus derived from the great store house of neo-oriental mythology. But the treatment is classic, not, however, as in *Meghnadbada* in the genuine sculptural style which is most typical of classic art, but in the more mixed Romanarchitectural fashion, and the result is that both in style and conception, there is an expansiveness, a tendency to the illimitable and the formless, which savours more of the neo-classical than of the genuine classical epoc. * * * we have the poetry of Sculpture as often in Madhusudana Dutt, an entire absence of colouring, being compensated by the preternatural clearness and distinctness of form and proportion, and the poetic perception of symmetry and living expression. * * * With Michael Madhusudan Dutt, the conflict of force which is constitutive of the epic poem has already raised itself in Miltonic fashion from the physical plane to the moral platform, herein transcending the classic conception,—though, of course the *deus ex machina* is there still in full working, this commingling of the supernatural with the natural, of the superhuman with the human, of the miraculous, the mythical, and the improbable with the historical and the actual, being a distinctive trait of the epic symbolism or *Vorstellung*."

(*New Essays in Criticism—1903*)

১৯৩৭ সালে কলিকাতা বিশ্ব-বিদ্যালয়ের উপাধিবিতরণ উৎসবে বিশ্বকবি রবীন্দ্রনাথের অভিভাষণের কিয়দংশ—

“ইংরেজি ভাষায় ও সাহিত্যে মাইকেলের অধিকার ছিল প্রশস্ত, অমুরাগ ছিল সুগভীর। সেই সঙ্গে গ্রীক লাতিন আয়ত্ত্ব করে যুরোপীয় সাহিত্যের অমরাবর্তীতে

তিনি আমন্ত্রিত হয়েছেন ও তৃপ্ত হয়েছেন সেখানকার অমৃতরস-ভোগে। স্বভাবতই প্রথমে তাঁর মন গিয়েছিল ইংরেজি ভাষায় কাব্য রচনা করতে। কিন্তু একথা বুঝতে তাঁর বিলম্ব হয়নি যে, ধার-করা ভাষায় সুদ দিতে হয় অত্যধিক, তার উদ্ভূত থাকে অতি সামান্য। তিনি প্রথমেই মাতৃভাষায় এমন একটি কাব্যের আবাহন করলেন যে-কাব্যে স্থলিতগতি প্রথম-পদচারণার ভীৰু সতর্কতা নেই। এই কাব্যে বাহিরের গঠনে আছে বিদেশী আদর্শ, অন্তরে আছে কৃত্তিবাসী বাঙালি কল্পনার সাহায্যে মিলটন-হোমর-প্রতিভার অতিথি-সংকার। এই আতিথেয় অগৌরব নেই, এতে নিজের ঐশ্বর্যের প্রমাণ হয় এবং তার বৃদ্ধি হোতে থাকে।”

ছন্দ ও ভাষা

পূর্বে বলা হইয়াছে—বঙ্গালা-সাহিত্যে এখন যে যুগ চলিতেছে, মধুসূদনই তাহার প্রবর্তক ; তাঁহার কাব্য, নাটক ও প্রহসন,—সকল গুলিই যুগ-প্রবর্তক। প্রথমতঃ, বঙ্গালা সাহিত্যে ঐ গুলি নিরবচ্ছিন্ন সাহিত্যের প্রথম নিদর্শন। দ্বিতীয়তঃ বঙ্গালা-সাহিত্যে প্রতীচ্যের প্রভাব মধুসূদনের কাব্যাদি হইতেই আরম্ভ হইয়াছে। সুতরাং মধুসূদন প্রবর্তিত সাহিত্যকে নিরবচ্ছিন্ন সাহিত্যের দিক দিয়াই দেখিতে হইবে। অরভূতির উত্তর-রাম-চরিত যেমন রাম-চরিত হইলেও ধর্ম-সাহিত্য নহে, মেঘনাদ-বধও তেমনি রামায়ণ ঘটিত কথা লইয়া রচিত হইলেও ধর্ম সাহিত্যের চক্ষে আলোচ্য নহে ; উহা নব্য-বঙ্গে নিরবচ্ছিন্ন-সাহিত্য-প্রতিষ্ঠার প্রথম ও প্রধান জয় পতাকা ;—এবং যে প্রাচ্য ও প্রতীচ্যের সম্মিলন এই যুগের প্রধান বৈশিষ্ট্য এবং যাহা মধুসূদনের সাহিত্য-প্রচেষ্টার মূল-মন্ত্র ছিল, মেঘনাদ-বধে তাহা ঘনিষ্ঠভাবে ও চরম-রূপে অভিব্যক্ত। ইহার মূল উপাদান বাল্মীকি ও কৃত্তিবাসের রামায়ণ হইতে গৃহীত ; ঘটনা-পরম্পরার সংঘটনে গ্রীক-নিয়তি-বাদ ও হোমরের ইলিয়াড-কাব্যের প্রভাব স্পষ্ট ; ইহার ছন্দে ও ভাষায় মিলটনের গম্ভীর ও উদাত্ত স্বর শ্রুত হয় এবং ইহার অলঙ্কার-পারিপাট্য সংস্কৃত-কাব্যাদির আদর্শে। তাহা ছাড়া, স্থলে-স্থলে যেমন

বাল্মীকি-ব্যাস, কালিদাস-ভবভূতি, কৃত্তিবাস-কাশীদাসাদির পদাঙ্ক লক্ষিত হয়, তেমনি স্থলে-স্থলে আবার Homer, Virgil, Dante, Tasso, Shakespeare, Milton ইত্যাদিকেও স্মরণ করাইয়া দেয়। মেঘনাদ-বধ কাব্যে প্রাচ্য ও প্রতীচ্যের এই অপূর্ব সম্মিলন যেন মূর্তিমান হইয়া সেকালে বঙ্গীয় সাহিত্য-জগতে এক অভূতপূর্ব বিশ্বয়ের সৃষ্টি করিয়াছিল। বাস্তবিকই, এই কাব্যে কবির উদ্যম কল্পনা মধুকরীর ন্যায় নানা কবির “চিত্ত-ফুলবন-মধু” লইয়া এই অপূর্ব “মধুচক্র” রচনা করিয়াছে !

বাঙ্গালা-সাহিত্যে এই যে নবযুগ-প্রবর্তন, ইহা শুধু কাব্যের প্রকৃতিগত নূতনত্বই পর্য্যবসিত হয় নাই ; ইহার আকৃতি-গত নূতনত্বই অর্থাৎ ইহার ছন্দ ও ভাষার ও রচনা-ভঙ্গির অভিনবত্বই তৎক্ষণাৎ সকলের দৃষ্টি আকর্ষণ করিয়াছিল। ১৮৬০ সালে তিলোত্তমা-সম্ভব প্রকাশিত হইবামাত্র, উহার অভিনব ছন্দ লইয়া এক তুমুল কল্লোল-কোলাহল উখিত হয়। একদিকে ইংরেজী-শিক্ষিতের দল ইহাতে Paradise Lost কাব্যের ছন্দের ও ভাষা-গাম্ভীর্যের আশ্বাদে মোহিত হইয়া শত মুখে ইহার প্রশংসা করিতে লাগিলেন ; অপর দিকে, সংস্কৃত-পণ্ডিতের দল “ভাষা”-কাব্যে পয়ারাদি মিত্রাক্ষর-ছন্দের পরিবর্তে এক কিস্তৃতকিমাকার ছন্দ, যাহা পয়ারের মত করিয়া আবৃত্তি করিতে গেলে নিতান্ত হাশ্র-জনক হয় দেখিয়া, ঐ ছন্দের প্রতি বিরক্ত হইয়া তুচ্ছ-তাচ্ছিল্য করিতে লাগিলেন। বিদ্যাসাগর মহাশয়ের মত গুণগ্রাহী লোকও প্রথম প্রথম এই দলভুক্ত ছিলেন। পরে, তাঁহার গুণ-গ্রাহিতা-গুণে তিনি মত পরিবর্তন করিয়াছিলেন। এমন কি, পর বৎসরে, মেঘনাদ-বধ প্রকাশিত হইলে, তিনি ইহার পক্ষপাতীই হইয়াছিলেন। এই গুণগ্রাহিতায় মুগ্ধ হইয়া মধুসূদন তাঁহার অমিত্রহন্য শেষ-কাব্য “বীরঙ্গনা” বিদ্যাসাগর মহাশয়কেই উৎসর্গ করেন। এখন আর সে দিন নাই ; এখন এ দলের সকলের না হউক, অনেকেরই কান এ ছন্দে অভ্যস্ত হইয়াছে। আবৃত্তি করিতে পারিলে, ইহা অতীব সুমিষ্ট, এখন তাহা এ দলের অনেকেই স্বীকার করেন। কিন্তু আশ্চর্যের বিষয় এই যে, পরবর্তী

কোন কবিই এমন সঙ্গীত-স্বাদ-বিশিষ্ট, সুমিষ্ট অমিত্রচ্ছন্দ রচনা করিতে সমর্থ হইবেন নাই ;—চেষ্টা করিয়াছেন প্রায় সকলেই ; কিন্তু মধুসূদনের মত কৃতকার্য্য কেহই হইবেন নাই । এমত অবস্থায় ইহার বৈশিষ্ট্য কিসে, কোন্ কোন্ গুণে ইহা এমন শ্রেষ্ঠ, তাহা অনুধাবন করিয়া দেখিবার বিষয় ।

একদল সমালোচক ইহার ভাষারও নিন্দা করিয়া থাকেন । ইহা আভিধানিক-শব্দ-বহুল বলিয়া নিন্দা করিবার সময়ে তাঁহারা ভুলিয়া যান যে, সংস্কৃত-কাব্যাদির ভাষাও সমধিক আভিধানিক-শব্দ-সম্পন্ন এবং যে Paradise Lost হইতে “Miltonic grandeur” ইংরেজীতে প্রবাদ-বাক্য হইয়াছে, তাহার ভাষাও কম আভিধানিক শব্দ-বহুল নহে । এই কারণে মেঘনাদ-বধের ছন্দের সঙ্গে উহার ভাষারও আলোচনা করিয়া দেখা আবশ্যিক ।

বস্তুতঃ, ভাষা, ছন্দ-অলঙ্কার, ইত্যাদিই কাব্যে রস-ব্যঞ্জনার উপাদান (Structural elements) । উহারা যথাযথ সন্নিবেশিত হইয়া যে-রূপ ধারণ করে, তাহার ভিতর দিয়াই রস-বস্তুর আশ্বাদ গ্রহণ করিতে হয় । কারণ, কাব্যের রস বা প্রাণ-বস্তু বুঝাইবার সামগ্রা নহে ; উহা কেবল মাত্র অনুভূতি-গ্রাহ । এইজন্য কাব্য-বিচারে কাব্যের রূপ-বিচারই প্রথম কথা অর্থাৎ কবি যে রূপেব ভিতর দিয়া কাব্যান্তর্গত রসকে অনুভূতি-গ্রাহ করিতে চাহিয়াছেন, তাহার দ্বাৰা উদ্দিষ্ট রূপ প্রকৃষ্টভাবে অনুভূতির অবিগম্য হইয়াছে কি না, প্রধানতঃ ইহাই কাব্য-বিচার । ইহা সংস্কৃত-রীতি এবং আমার মনে হয়, কাব্য-বিচারে এই পন্থাই সরল ও সুগম । এই ভূমিকায় সংক্ষেপে ঐ পন্থায় কাব্য-বিচার করা যাইতেছে ।

কি জড়-জগৎ, কি জীব-জগৎ, সর্বত্রই ক্রিয়া ছন্দোময়ী । মানুষের ভাবোচ্ছাসও ছন্দে প্রকাশিত হয় । নিতান্ত অসভ্য জাতিদের মধ্যেও বিজয়োল্লাস, যাহা তাহাদের একমাত্র উল্লাসের বিষয়,—তাহাও ছন্দোময় নৃত্য ও স্বরে প্রকাশিত হইয়া থাকে । সভ্য জাতিদের মধ্যেও সকল প্রকার ভাবের অভিব্যক্তিতেই, বিশেষতঃ করুণ স্বরে ক্রন্দনে, কিম্বা ক্রোধ-ভরে তর্জ্জন-গর্জ্জনে একটা ছন্দ সুস্পষ্ট লক্ষিত হয় । এরূপ হইবারই কথা । ক্রিয়াশীল শক্তির সহিত ক্রিয়াশীল শক্তির

বিরোধ ও সংঘর্ষ হইতেই ছন্দের উৎপত্তি। * সৌরজগৎ হইতে আরম্ভ করিয়া মানুষের মনোভাবের অভিব্যক্তি পর্য্যন্ত, সর্বত্রই ঐ নিয়মে ছন্দের উৎপত্তি। মানুষের মনে প্রবল ভাব-স্রোত যখন কার্যে বা কথায় প্রকাশিত হয়, তখন তাহা ছন্দোনিয়মিত নিশ্বাস-প্রশ্বাস দ্বারা বাধিত হইয়া, ছন্দেই আত্ম-প্রকাশ করিয়া থাকে। সুতরাং ভাবের অভিব্যক্তিতে ছন্দ অনিবার্য ও স্বাভাবিক এবং স্বাভাবিক বলিয়াই সুন্দর। সৌন্দর্য্য-জনক বলিয়া “ছন্দস্” অর্থে দোষি পাওয়া। ছন্দোবদ্ধ রচনা ভাবে উজ্জ্বল করে। মাত্রা-বিশিষ্ট রচনাই কবিতা এবং বিশেষ-বিশেষ মাত্রা, বিশেষ-বিশেষ ছন্দ বলিয়া অভিহিত। সঙ্গীতে ও নৃত্যে যাহা “তাল,” কবিতায় তাহাই “ছন্দ”। তাল যেমন সঙ্গীতের ও নৃত্যের সৌন্দর্য্য-বর্দ্ধক, ছন্দও তেমনই কবিতার উৎকর্ষ-সাবক ; এমন কি, সুলেখকের হাতে ভাবময়ী গদ্য-রচনাতেও একটা ছন্দ লক্ষিত হয় এবং সেইরূপ গদ্যই কবিতার স্বাদ-বিশিষ্ট ও সুমিষ্ট।

সঙ্গীতাদিতে যেমন মাত্রাই তাল-নির্দেশক, কবিতাতে তেমনই মাত্রাই ছন্দোনির্দেশক। মাত্রা-ভেদে তাল যেমন নানাবিধ, মাত্রা-ভেদে কবিতায় ছন্দও তেমনি নানাবিধ। সংস্কৃত-কবিতায় মাত্রা উচ্চারণ-গত অর্থাৎ শব্দোচ্চারণের হ্রস্ব-দীর্ঘ-ভেদে মাত্রা-ভেদ এবং মাত্রার বিশেষ-বিশেষ সমাবেশ বিশেষ-বিশেষ ছন্দ বলিয়া অভিহিত হইয়া থাকে। সুতরাং সংস্কৃতে, চরণে-চরণে শেবাক্ষরের মিল বা অমিলের সহিত ছন্দের কোন সম্বন্ধ নাই। বস্তুতঃ, সংস্কৃত কবিতা “মিত্রাক্ষর” নহে ; অথচ ছন্দোপ্তে চমৎকার শ্রবণ-সুখকর !

বাঙ্গালায় হ্রস্ব-দীর্ঘ কেবল অক্ষর-গত ; উচ্চারণ-গত নয়। সুতরাং বাঙ্গালায় ছন্দও অক্ষর-মাত্রিক। উচ্চারণের হ্রস্বতা বা দীর্ঘতার সহিত বাঙ্গালায় প্রায় কোন ছন্দেরই কোন সম্বন্ধ নাই। কেবল “তোটক” অক্ষর-মাত্রিক হইলেও, সংস্কৃতানুযায়ী হ্রস্ব-দীর্ঘ-মাত্রানুসারে নিয়মিত এবং আরও দুই-একটি বাঙ্গালা ছন্দে

* “Rhythm results wherever there is a conflict of forces not in Equilibrium”—H. Spencer.

অক্ষর-মাত্রার সহিত উচ্চারণ মাত্রাও লক্ষিত হয়। তাহা হইলেও, সাধারণতঃ বাঙ্গালায় ছন্দকে অক্ষর-মাত্রিকই বলিতে হইবে।

তুই প্রকারে বাঙ্গালায় এই অক্ষর-মাত্রিক ছন্দের শ্রুতি-মাধুর্য সাধন করা হইয়াছে ;—যতি-স্থাপন করিয়া এবং চরণের শেষে বা যতির শেষে অক্ষরের “মিত্র”তা অর্থাৎ মিল করিয়া। ফলে, বাঙ্গালায় কবিতামাত্রেরই মিত্রাক্ষর, মিত্রাক্ষর এবং নিয়মিত-যতি-(অর্থাৎ বিরাম) বিশিষ্ট। অক্ষরের সংখ্যা-ভেদে ও যতি-ভেদে নানাবিধ ছন্দের সৃষ্টি হইয়াছে ; কিন্তু সর্বত্রই মিত্রাক্ষর।

মিত্রাক্ষর-বিশিষ্ট নানারূপ ছন্দ থাকিলেও, বাঙ্গালায় চতুর্দশাক্ষরী পয়ারবেবই আধিপত্য ছিল। বড়-বড় কাব্যে কচিৎ বস-বিশেষে ত্রিপদী-আদি দ্বারা কিঞ্চিৎ ছন্দোবৈচিত্র্য ঘটনা হইত মাত্র। সুতরাং বঙ্গের কাব্য-ভূমি পয়ার-প্লাবিত ছিল বলিলে অত্যুক্তি হয় না। পয়ারের পসাব যখন সকল কাব্য-গ্রন্থেই এত বেশী, তখন তাহার নিগূঢ় কারণ অবশ্যই আছে এবং তাহা এই যে, চতুর্দশাক্ষরী মাত্রা ঠিক যেন আমাদের সহজ নিশ্বাস-প্রশ্বাসের মাপে গঠিত। উহা পড়িতে সহজ নিশ্বাস-প্রশ্বাসকে ধরু করিতে হয় না, দীর্ঘ করিতেও হয় না ; অর্থাৎ উহাব তাল ক্রমও নহে, বিলম্বিতও নহে ;—উহা সহজ ও স্বাভাবিক। তাহা ছাড়া, ত্রিপদী, চতুস্পদী অপেক্ষা ইহাতে মিত্রাক্ষরের জটিলতাও কম ;—তুই চরণে মাত্র। এইজন্য, কি প্রাচীন, কি আধুনিক, সকল বাঙ্গালা-কাব্যাদিতেই পয়ারের বহুল ব্যবহার লক্ষিত হইয়া থাকে।

আদর্শ মিত্রাক্ষর-পয়ার রচনা করিতে হইলে, ছন্দ সম্বন্ধে তিনটি বিষয়ে লক্ষ্য রাখিতে হয়—চৌদ্দ অক্ষরে চরণ, চরণ-দ্বয়েব শেষাংশের উচ্চারণে মিল এবং অষ্টমাক্ষরে যতি অর্থাৎ স্বল্প বিরাম। এই যতি সুশ্রাব্য হইতে হইলে, স্বাভাবিক অর্থাৎ শব্দের শেষে হওয়া উচিত। সুতরাং মিত্রাক্ষর পয়ারে কবির ভাব চারিপ্রকার বন্ধনে বন্দী। জেলের কয়েদী, হাতে হাতকড়ি, পায় বেড়ী লইয়া যেরূপ ভাবে চলে, তাহাতে একটা ছন্দ নাই, বলি না ; তাহাতেও সুন্দর ছন্দ আছে, সত্য ; কিন্তু সে ছন্দ স্বাধীন ব্যক্তির চলা-ফেরার ছন্দ নহে ; তাহা আড়ষ্ট ও অস্বাভাবিক।

মিত্রাক্ষর পয়ারে কবিতাও তদ্রূপ নির্দিষ্ট অক্ষর গণিয়া পা ফেলিয়া, নির্দিষ্ট স্থলে থামিয়া-থামিয়া, চরণে-চরণে মিল রাখিয়া, একটা সুন্দর ছন্দে চলে বটে ;—কিন্তু আড়ষ্ট ও অস্বাভাবিক। আড়ষ্ট ও অস্বাভাবিক বলিয়াই সুদীর্ঘ পয়ার সজীবতার বৈচিত্র্যহীন একটা একঘেয়ে ব্যাপার। ছোট-খাট কবিতায় ভাল লাগিতে পাবে ; কিন্তু দীর্ঘ কবিতায় নিদ্রাকর্ষক, তাহাতে আর সন্দেহ নাই। “পাখী সব করে রব” ইত্যাদি আদর্শ পয়ার এবং অন্ন স্বল্প বলিয়াই মিষ্ট লাগে। কিন্তু অন্ন-স্বল্প না হইয়া, যদি উহা ক্রমাগত চলিত, তাহা হইলে উহার আদর্শ রক্ষা করা সহজ হইত না এবং বৈচিত্র্য-হীনতায় উহার মিষ্টত্বেরও হ্রাস হইত। বস্তুতঃ ভাবকে, ভাষাকে নানাবিধ নিয়মে চালাইতে হইলে, সর্বত্র নিয়ম রক্ষা করা সুকঠিন। যে-কোন কাব্য হইতে দীর্ঘ-ব্যাপী পয়ার পড়িলেই দেখা যায়, কোথাও ভ্রষ্ট-মাত্রা, কোথাও ভ্রষ্ট-যতি, কোথাও মধ্যম মিল বা অধম মিল, নহ্ন ত গৌজা মিল ! অষ্টমাক্ষরে অথচ একটি শব্দ-শেষে যতিটি হওয়া সব সময়ে সহজ নয়। কাজেই অনেক স্থলে ভ্রষ্ট-যতি-যুক্ত পয়ার, ছন্দ বজায় রাখিয়া পড়িতে গেলে, “তুমি অন্নদা কাশীতে” হইয়া দাঁড়ায় “তুমি-অন্ন-দাকা-শীতে”। সুতরাং ছোট কবিতায় মিত্রাক্ষর ভাল লাগিলেও দীর্ঘ-ব্যাপী রচনায় উহা নানা রকমে ভ্রষ্ট-সৌন্দর্য্য হয় এবং শব্দ-সম্পন্ন কবির হাতে তাহা না হইলেও, আড়ষ্ট ও বৈচিত্র্য-হীন হইয়া থাকে, তাহাতে আর সন্দেহ নাই। কয়েক ছত্র অমিত্রাক্ষর কবিতাকে পয়ারে পরিবর্তিত করিলেই মিত্রাক্ষরছন্দে কবিতা যে কিরূপ আড়ষ্ট-ভাবাপন্ন হয়, তাহা বুঝা যাইবে—

সন্মুখ সমরে পড়ি বীরবাহু বীর ।
 অকালেতে যবে গেলা ষমের মন্দির ॥
 কহ দেবী অমৃতভাষিনী সরস্বতী ।
 কোন্ রক্ষাবীরবরে করি সেনাপতি ॥
 রাক্ষসাদিপতি পুনঃ পাঠাইলা রণে ।
 অমর ব্রহ্মার বরে, হেন পুত্র ধনে ।

কহ, কি কৌশলে তানে মারিয়া লক্ষণ ।
 নিঃশঙ্কিলা দেবেস্ত্রের সশঙ্কিত মন ॥
 বন্দি চরণারবিন্দ অতি মন্দমতি ।
 আবার ডাকিছে তোমা, হে মাতঃ ভারতি ॥
 বাগ্মীকি মুনিরে দয়া করিলা যেমতি ।
 রসনায় বসি তার, পদ্মাসন পাতি ॥
 যবে ক্রৌঞ্চ-বধু সহ তমসার তীরে ।
 তাজিলা পরাণ ক্রৌঞ্চ নিষাদের তীরে ॥
 তেমতি দাসের প্রতি দয়া কর, সতি ।
 তব পদাশুভ-যুগে এ মম মিনতি ॥

মেঘনাদ-বধ কাব্যের আরম্ভের কয়েক পংক্তির সহিত উদ্যোগ ভাব ও ভাষা প্রায় এক হইলেও, মিত্রাক্ষরের বন্ধনে উহা আড়ষ্ট হইয়াছে, স্পষ্টই বুঝা যায়। এইরূপ আড়ষ্ট ভাব দীর্ঘ-ব্যাপী হইলেই, একঘেয়েই অনিবাধ্য।*

কবিতাকে এই নিগড়-দায় হইতে মুক্তি দিবার জন্যই মধুসূদন বন্ধপরিষ্কার হইয়া-
 ছিলেন। সকল দেশের উৎকৃষ্ট কাব্যাদিব সহিত তাঁহার স বিশেষ পরিচয় থাকিলেও,
 মহাকাব্য-রচনায় ছন্দে ও শব্দ-গাভীর্ঘ্যে ইংলণ্ডীয় কবি মিল্টনের প্রতি তাঁহার প্রগাঢ়
 শ্রদ্ধা ছিল। তিনি মিল্টনের অমিত্রাক্ষরছন্দে ও শব্দ-গাভীর্ঘ্যে এতই মুগ্ধ হইয়াছিলেন
 যে, বাঙ্গালায় ঐ নূতন ছন্দের প্রবর্তন না করিয়া থাকিতে পারেন নাই। বলা বাহুল্য,
 অসামান্য ক্ষমতা ছিল বলিয়াই, তিনি এ কার্য্য এমন কবিতা সুসম্পন্ন করিয়া গিয়াছেন
 যে, আজিও এ ক্ষেত্রে তিনি একেশ্বর ও অদ্বিতীয়।

* ৩রাঙ্গেন্দ্র লাল মিত্রও তাঁহার এক পত্রে বলিয়াছেন—“the jingling monotony of the পয়ার। “সোম প্রকাশ” সম্পাদক পণ্ডিত ৩৬৪১রকানাথ বিজ্ঞানভূষণও বলিয়াছেন,—
 “অমিত্রাক্ষর পদ্য ব্যতিরেকে ভাষার শ্রীবৃদ্ধি হওয়া সম্ভাবিত নহে। পয়ার, ত্রিপদী, চৌপদী
 প্রভৃতিতে যে সমস্ত পদ্য আছে, তাহা মিত্রাক্ষর। কোন প্রগাঢ় বিষয়ের রচনার তাহা
 উপযোগী নহে”—(সোমপ্রকাশ, ২৩ শ্রাবণ ১২৬৭ সাল)

এখন দেখা যাউক, মধুসূদনের অমিত্রাক্ষরচ্ছন্দের বিশেষত্ব কিসে?—শুধু বীর বা রৌদ্র রসাদিতে নহে, করুণাদি সকল রসেই উহা। যেমন সুন্দর শ্রবণ-সুখকর, তেমনই রসোৎকর্ষক হইয়াছে কেন? উহাতে মিত্রাক্ষরের মিলের মাধুর্য্য নাই, নিয়মিত যতির ছন্দ-সৌন্দর্য্য নাই, তবুও উহা ভাবোদ্দীপক ও সুমিষ্ট কেন?—

প্রথমতঃ,—মধুসূদন যতির খাতিরে কোথাও বাক্যের সঙ্কোচ করেন নাই। তাঁহার কাবিতায় দুই চরণেই ভাবটি শেষ করিবার চেষ্টামাত্রও লক্ষিত হয় না। তাহাতে তাঁহার বাক্য-স্ফুর্তি কোথাও কোনরূপ বাধা পায় নাই। তাঁহার ভাব ও বাক্য যতির বশে নহে; যতিই তাঁহার ভাব ও বাক্যের বশে। সুতরাং যেখানে ভাব শেষ হইয়াছে, সেইখানেই তাঁহার যতি। একটা কৃত্রিম বন্ধনে ভাব ও ভাষাকে না বাধিয়া, ভাব ও ভাষাকে স্বাধীন-ভাবে চলিতে দেওয়ায়, মধুসূদনের অমিত্রাক্ষর কাবিতায় একঘেয়েত্বের সম্ভাবনা পর্য্যন্ত লোপ পাইয়াছে। প্রতি পদেই যতির বৈচিত্র্য। কবি তাঁহার প্রবর্তিত এই ছন্দ-সম্বন্ধে নিজেই বলিয়াছেন—“I find that the যতি instead of being confined to the 8th syllable, naturally comes in after the 2nd, 3rd, 4th, 6th, 7th, 8th, 10th, 11th, and 12th and so on.” এখানে “naturally” কথাটি লক্ষ্য করিবার বিষয়। ভাবটি যেখানে শেষ হইয়াছে, সেইখানে যতি হওয়াই “স্বাভাবিক”। পয়ারে নির্দিষ্ট স্থলে যতি-স্থাপনের নিয়মে কাবিতায় একটা সুন্দর ছন্দ থাকিলেও, অস্বাভাবিকতা আসিয়া পড়ে। ভাবের প্রকাশে স্বাভাবিকতাই মধুসূদনের অমিত্রাক্ষরচ্ছন্দের প্রধান বিশেষত্ব। এই স্বাধীন ছন্দে পদে-পদে বৈচিত্র্য আছে বলিয়া দীর্ঘ কাবিতাতেও একটা আড়ষ্ট ভাব লক্ষিত হয় না এবং পড়িতে বা শুনিতে ক্লান্তি আসে না। সৈন্তগণ যখন শ্রেণীবদ্ধ হইয়া, নিয়মিত-পরিসর-বদ্ধ হইয়া, নিয়মিত তালে পা ফেলিয়া চলিয়া যায়, তখন কিয়ৎক্ষণ তাহা দেখিতে সুন্দর লাগে, সন্দেহ নাই। কিন্তু বৈচিত্র্য-হীনতা বশতঃ তাহা বেশীক্ষণ ধরিয়া দেখিতে হইলে, চক্ষুর ক্লান্তি অবশ্যস্বাভাবিক। কিন্তু মেলায় যখন লোকরাশি স্বাধীন-ভাবে চলা-ফেরা করে,—কেহ দ্রুত-ভাবে, কেহ ধীরে, কেহ হাত নাড়িয়া, কেহ ঘাড় বাঁকাইয়া—নানা লোকে নানা রকমে চলা-ফেরা করে—

লোকরাশির এইরূপ বন্ধন-হীন স্বাধীন গতাগতি অনেকক্ষণ দেখিলেও ক্লান্তি-বোধ হয় না। কারণ, ইহাদের চলা-ফেরা স্বাভাবিক। স্বাভাবিকতায় একটা চমৎকার সৌন্দর্য আছে, বাহ্যিক কৃত্রিম সৌন্দর্য অপেক্ষা অধিকতর হৃদয়াকর্ষক। মধুসূদনের অমিত্রাক্ষরচ্ছন্দের এই স্বাভাবিকতাই ইহার প্রধান বিশেষত্ব। এই স্বাভাবিকতা-গুণেই ইহা বীর, রৌদ্র, ভয়ানকাদি রসেও যেমন সেই-সেই রসের উৎকর্ষক হইয়াছে, আবার করুণেও এই স্বাভাবিকতা-গুণেই উহা তেমনই মর্ম্মস্পর্শী হইয়া, আদর্শ ককণ-রসের সৃষ্টি করিয়াছে। বাস্তবিক, আদর্শ অমিত্রচ্ছন্দের কবিতা স্বাভাবিকতায় ভাবাত্মক গণ্ডের গায়, অথচ সঙ্গীতের স্বাদ-বিশিষ্ট।

কবি নিজে, যিনি কি প্রাচ্য, কি প্রতীচ্য, সকল দেশের সূকাব্যের সত্তিত সুপরিচিত ছিলেন, এবং সঙ্গীতের আশ্বাদও বাঁহাকে দৃষ্টি করিত, তিনি নিজেই বলিয়াছেন—

(Bengali Blank Verse) "if well recited, sounds as much like prose as English Blank Verse sounds like English prose retaining at the same time a sweet musical impression."

মিত্রাক্ষর-কবিতার ক্রম-পরিণতির দিকে দৃষ্টি করিলেই বুঝা যায় যে, মিত্রাক্ষরচ্ছন্দ, একঘেয়েত্ব নিবারণের নিমিত্ত, শুধু মিত্রাক্ষরতা-মাত্র রক্ষা করিয়া কত-রকম বিচিত্র যতিতে, বিচিত্র গতিতে, স্বাধীনতা খুঁজিয়া চলিয়াছে! তাহাতে অক্ষর-মাত্রার কোন নিয়ম নাই; যতিরও কোন নিয়ম নাই। কেবল চরণের শেষে মিল আছে; তাহারও কোন নিয়ম নাই। কানের সুরে বাঁধা, অথচ ছন্দময়ী কবিতা; শুনিলেও বেশ মিষ্ট;—ছোট-ছোট গীতি-কবিতায় একঘেয়ে হইবার সম্ভাবনা নাই;—বেশ লাগে। ইংরেজী গীতি-কবিতাতে এইরূপ বিচিত্র ছন্দের বহুল প্রচলন হইয়াছে; দেখাদেখি, আমাদের গীতি-কবিতাতেও এইরূপ অনিয়মিত মিত্রাক্ষরচ্ছন্দ চলিতে আরম্ভ করিয়াছে। ইংরেজীর অনুকরণে আর-একপ্রকার মিত্রাক্ষর পয়ার প্রচলিত হইয়াছে;—তাহা কতকটা অমিত্রাক্ষরের স্বাদ-বিশিষ্ট অথচ মিত্রাক্ষর। তাহা চতুর্দশাক্ষর পয়ারেরই মত; কিন্তু যতি অমিত্রচ্ছন্দের গায় ভাবানুসারিণী। সুতরাং,

তাহা আবৃত্তি করিতে, ঠিক অমিত্রচ্ছন্দেরই স্বাদ পাওয়া যায় ; অথচ তাহা মিত্রাক্ষর । বলা বাহুল্য, এরূপ কবিতার আবৃত্তিকালে উহার মিল কানে তেমন লাগে না । সুতরাং, উহার মিত্রাক্ষরতা মিত্রাক্ষর পরারের মত সার্থক নহে । অথচ এই মিলের জন্ত কবিকে কিছু-না-কিছু বন্ধনে পড়িতে হয় । যাহা হউক, দেখা যাইতেছে, মিত্রাক্ষরচ্ছন্দে গতি স্বাধীনতা ও স্বাভাবিকতার দিকে এবং সেই স্বাধীনতা ও স্বাভাবিকতা অমিত্রাক্ষরচ্ছন্দে পূর্ণ পরিণতি প্রাপ্ত হইয়াছে । মিত্রাক্ষরের মিল ও যতির মাধুর্যের বিনিময়ে অমিত্রচ্ছন্দে স্বাধীনতা ও স্বাভাবিকতা ভাব-ব্যঞ্জনার হিসাবে সমৃদ্ধাভ, ইহা কে না স্বীকার করিবে ?

মধুসূদনের অমিত্রাক্ষর কবিতার দ্বিতীয় বিশেষত্ব, অসাধারণ শব্দ-সম্পদে উৎসাহ, রাগ, ভয়, বিস্ময়াদি মনোভাব যেমন বিশেষ-বিশেষ দৈহিক আড়ম্বরের সহিত প্রকাশিত হয়, কবিতাতে তাহা প্রতিফলিত করিতে হইলে, বীর, রোদ্র, ভয়ানক, অদ্ভুতাদি রসের প্রকাশে তেমনই তদুচিত বাক্যাড়ম্বরের প্রয়োজন । সকল কবিই ইহা বুঝেন । কিন্তু মধুসূদন এ বিষয়ে যেমন মনোযোগী, এমন আর কেহই নহেন । ভারতচন্দ্র কতকগুলি শব্দানুকারী বাক্যের দ্বারা ও দ্রুতগামী ছন্দে “দক্ষ-যজ্ঞ নাশ” শব্দের মধ্যেই সারিয়াছেন ; কিন্তু যদি তাঁহাকে আর-একটা যজ্ঞ নাশ করিতে হইত, তাহা হইলে শব্দানুকারী বাক্যে কুলাইত কি না, সন্দেহ । মেঘনাদ-বধ কাব্যে কবিকে নানা স্থানে বীর, রোদ্রাদি রসের অবতারণা করিতে হইয়াছে ; তাহাতে আবার ছন্দোবৈচিত্র্য নাই । কাজেই তাঁহাকে রসোপযোগী শব্দ চয়ন করিয়া তদ্বারা রসের বিকাশ করিতে হইয়াছে । শব্দ দ্বারাই যখন কবিকে উৎসাহ, রাগ, ভয়, বিস্ময়াদি ভাব-সকলকে কবিতায় প্রতিফলিত করিতে হয়, তখন রসোপযোগী শব্দ চয়ন করাই ত কাব্য-শিল্পীর প্রকৃষ্ট পন্থা । মধুসূদন তাহাই করিয়াছেন ;—

“—সভাতলে বাজিল দুন্দুভি
গভীর জামুত-মল্লৈ । সে ভৈরব রবে,
সাজিল কর্ণ রবুন্দ বীর-মদে মাতি,



মধুসূদন কাব্য-পরিচয়

দেব-নৈত্য নর-ক্রাস । বাহিরিল বেগে
 বারী হ'তে (বারি শ্রোতঃ-সম পরাক্রমে
 দুর্বার) বারণ-যুধ ; মন্দুরা ত্যজিয়া
 বাজীরাজী, বক্র-গ্রীব, চিবাইয়া রোষে
 মুখস্।” ইত্যাদি— (প্রথম সর্গ)

এখানে শব্দ-গুণে বীরোচিত আয়োজনের এই বর্ণনাটিতে উৎসাহ যেন মূর্তিমান হইয়া উঠিয়াছে ।

“বাহিরিল অগ্নি-বর্ণ রথগ্রাম বেগে,
 স্বর্ণধ্বজ ; ধূম-বর্ণ বারণ, আক্ষালি
 ভীষণ মুদগর শুভে , বাহিবিল হ্রেষে
 তুরঙ্গম ; চতুরঙ্গে আইলা গর্জিয়া
 চামর, অমর-ক্রাস ; রথীবৃন্দ-সহ
 উদগ্র, সমরে উগ্র , গজবৃন্দ-মাবে
 বাস্কল, জীমূত-বৃন্দ-মাঝারে যেমতি
 জীমূত-বাহন বজ্রী, ভীম বজ করে ।
 বাহিরিল হুহুকারি অসিলোমা বলী,
 অশ্ব-পতি ; বিড়ালাক্ষ পদাতিক দলে,
 মহা ভয়ঙ্কর রক্ষঃ, দুর্মদ সমরে ।”—(সপ্তম সর্গ)

এখানে শব্দাডম্বরে যুদ্ধায়োজনের শব্দময় আডম্বরটি সুন্দর প্রতিফলিত হইয়াছে ।
 যুদ্ধের উৎসাহময় উদ্যোগটি শুধু যে বায়স্কোপের ছায় চক্ষের সম্মুখে সজীব-ভাবে
 প্রতিভাত হইয়াছে, তাহা নহে ; উহার আনুষঙ্গিক শব্দাডম্বরটিও এই শব্দ-চিত্রে যেন
 সজীবতা লাভ করিয়াছে ;—মনে হয়, যেন উদ্যোগাডম্বরের শব্দটিও কানে শুনা
 যাইতেছে । ইহাই ত বাক্যে রস-সৃষ্টি ;—ঘটনাস্থলে উপস্থিত থাকিলে মনে যে-ভাব
 হইত, চক্ষু যাহা দেখিত, কর্ণ যাহা শুনিত, তাহারই মানস-চিত্র বাক্যে প্রতিফলিত

করা। * শব্দাভঙ্গ-ব্যতীত এমন আভঙ্গরময় উচ্চোগের কাব্যোচিত বর্ণনা, এমন শব্দ-চিত্র, আর কিরূপে হইতে পারে? সরল ভাষা তরল ভাবেরই উপযোগী; গম্ভীর ভাব প্রকাশ করিতে হইলে, ভাষাও গাম্ভীর্যময় হওয়াই সম্ভব। শব্দ একটা নির্জীব কাঠের পুতুল নহে, অবহেলার সামগ্রী নহে। উহার একটা নিজস্ব শক্তি, গুণ ও তরুচিত মর্যাদা আছে। নিপুণ শিল্পী সেই শব্দ-শক্তিকে কাজে লাগাইয়া বসোৎকর্ষ সাধন করেন। “গম্ভীরে অম্বরে যথা নাদে কাদম্বিনী,” আর “খুব জোরে যেমন মেঘ ডাকে”; “দম্ভোলী-নিষ্ফেপ,” আর “বাজ ফেলা,” কাব্য-শিল্পে সর্বত্র সমশক্তি-সম্পন্ন নহে। ভাবটি যদি অস্পষ্ট গোঁছের না হয়, আর বাক্যটি যদি নিতান্ত দুর্বল না হয়, তাহা হইলে শব্দাভঙ্গের ভাবকে কখনই আচ্ছন্ন করিতে পারে না। আবার, ভাব যেখানে স্পষ্ট নয়, সেখানে সহজ শব্দও গাঢ় কুহেলিকা সৃষ্টি করিয়া থাকে। “কসুম-সুবক” বলিলেই যে তাহার রূপ, রস, গন্ধ,—সমস্তই আচ্ছন্ন হইয়া গেল, আর “ফুলের তোড়া” বলিলেই সে সব ফুটিয়া উঠিল, ইহা কখনই হইতে পারে না। দুই-ই সমার্থবাচক হইলেও, রস-সৃষ্টিতে উহাদের পৃথক-পৃথক স্থান। কোনটিই অবহেলার জিনিষ নয়; অথচ সকল স্থলেই দুইটি নির্দিষ্টাবে ব্যবহৃত হইবারও নহে।

আশ্চর্যের বিষয় এই যে, অমিত্রচ্ছন্দ যথাবিধি আবৃত্তি কবিত্তে না জানায় প্রথম-প্রথম এক শ্রেণীর লোক যেমন এই কাব্যের উপরে বীতশ্রদ্ধ হইয়াছিলেন, তেমনই আর-এক শ্রেণীর লোক উহার শব্দাভঙ্গের ভীত হইয়া এই কাব্যখানিকে ঐরূপ

* প্রথম সংস্করণ প্রকাশিত হইবার পরে, এক সময়ে সুপ্রসিদ্ধ আধুনিক দার্শনিক হেনরী বার্গসোঁ (Henry Bergson) মহোদয়ের “Time and Freewill” নামক দার্শনিক গ্রন্থ আলোচনা করিতে-করিতে এক স্থলে যাহা পাইয়াছিলাম, তাহা এখানে উদ্ধৃত করিতেছি।

—————“The poet is he with whom feelings develop into images and the images themselves into words which translate them, while obeying the laws of rhythm. In seeing these images pass before our eyes we in our turn experience the feeling which was, so to speak, their emotional equivalent.”

শব্দাভঙ্গের জন্তই নিন্দা কবিয়াছেন, এবং এখনও এরূপ লোকেব একান্ত অভাব নাই। রস-বোধ না থাকিলে, কাব্য পাঠে এরূপ বিড়ম্বনা হইবাবই কথা। ভিন্ন-ভিন্ন রসেব ভিন্ন ভিন্ন রূপ। কোথা করুণ-বসেব গনদশ লোচন, শিথিলাবনত অঙ্গ ও ক্ষণ স্বর।—আব কোথা বৌদ্ধ-বসেব বজ্র-মুষ্টি, বোষ-কষায়িত নেত্র, দার্ষাবত দেহ ও ভীম নাদ। শব্দমাত্র ঘাঁহাব সম্বল, তিনি কি একই প্রকাব শব্দ দ্বাবা এই দুইটি বিভিন্ন প্রকাবেব ভাবে মূর্ত্তিমন্ত কবিতে পাবেন? কাজেই উপযোগী শব্দেব দ্বাবাহ শব্দ-চিত্রে বিভিন্ন বস ফুটাইতে হয়। বীব বৌদ্দাদিতে তহুচিত দুঃস্বব শব্দেব দ্বাবাহ সেই-সেই বসেব স্বাভাবিক আভঙ্গবময়ী মূর্ত্তিটি ফুটাইয়া তুলিতে হয়। বাক্যে বস মূর্ত্তি-গঠনে ইহাই স্বাভাবিকতা এবং সংস্কৃত অলঙ্কার-শাস্ত্রে ইহাই উপদিষ্ট। অলঙ্কার-শাস্ত্র-মতে বীব বৌদ্দাদিতে শব্দেব “দুঃশ্রবত্ব” গুণ বলিযা গণ্য।—

বৌদ্দাদৌ তু রসেত্যন্ত দুঃশ্রবত্বং গুণো ভবেৎ।’—(সাহিত্যদপণ)

টীকা—“আদি শব্দাং বীর বীভৎসয়োগ্র হণম্।”

এই কাব্যে বীব, বৌদ্ধ, অদ্ভুতাদি বসে কবি বসোপযোগী শব্দ ব্যবহাব কবিয়াছেন বলিয়াই, তাঁহাব কবিতা এমন ওজাগুণান্বিত হইয়াছে এবং অমিবচ্ছন্দেব স্বাধীনতাও ঐ ওজোগুণ যথেষ্ট পবিপুষ্ট ও প্রসাবিত হইতে পাবিযাছে।

আবাব, যে বসে শব্দাভঙ্গব অশোভন, শব্দাভঙ্গব যে বসকে নষ্ট কবে, সেই ককণ ও শান্ত্র-বসে কবিব ভাষা কেমন আভঙ্গব-গীণ ও বসোপযোগী। সীতা ও সবমাব কথোপকথনেব ভাষা কি সবল, সহজ ও স্বাভাবিক। বাব-বসে যিনি লিখিযাছেন— “গন্তাবে অম্ববে যথা নাদে কাদম্বিনী,” তিনিই আবার ককণবসে লিখিযাছেন— “পঞ্চবটী-বনে মোবা গোদাবরী-তটে হিন্দু স্মথে।” শোকে যখন শব্দাভঙ্গব থাকে না, তখন করুণ-বসেব কবিতায় তাহা থাকিলে সাজিবে কেন? ইহাই স্বাভাবিকতা, এবং স্বাভাবিকতাই কাব্য-কলাব হিসাবে সুন্দর। “লো সহচবি, এতদিনে আজি ফুরাইল জীব-লালা জীব-লালা স্থলে আমাব।” ইহা শোক প্রকাশেব সহজ ভাবা, — অশ্রুধাবাব সহিত বাহিব হইয়াছে; এবং পাঠককেও অশ্রুধাবায় শিক্ত কবিয়া তুলে।

ছন্দের স্বাধীনতার সহিত শব্দ-সম্পদ না থাকিলে, ভাব-ব্যঞ্জনায এমন সুন্দর স্বাভাবিকতা থাকিত না, ইহা অস্বীকার করিবার যো নাই। অমিত্রছন্দের স্বাধীনতার সহিত এই অসামান্য শব্দ-সম্পদ যেমন বীর-রৌদ্রাদিতে ওজোগুণের প্রভাব বৃদ্ধি করিয়াছে, তেমনই করুণ-রসে সহজ ও সরল বাক্যের প্রয়োগ প্রসাদ-গুণের সহায় হইয়াছে। এই রসোপযোগী বাক্য-প্রয়োগেই মধুসূদনের অমিত্রছন্দের আর-এক মনোহারিত্ব। কিন্তু দুঃখের বিষয় এই যে, এক শ্রেণীর বিজ্ঞ সমালোচকেরা এ কাব্যে রস-নির্কিশেষে সর্বত্রই জনৈক নত প্রোঞ্জল ভাষা নাই বলিয়া দোষ ধরেন এবং অধিকতর দুঃখের বিষয় যে, সংস্কৃত অলঙ্কার-শাস্ত্রজ্ঞ কোন-কোন পণ্ডিত-সমালোচকও বাঙ্গালা-কাব্যে বীররৌদ্রাদি রস-ব্যঞ্জনায “পাখী সব করে রব”-এর মত ভাষা চাহেন।*

মধুসূদনের শব্দ-সম্পদের কথা শেষ করিবার পূর্বে ইহাও বলা আবশ্যিক যে, তিনি যে শুধু সংস্কৃত শব্দ ভাণ্ডার হইতে রসোপযোগী শব্দ চয়ন করিয়া কাব্য-রসের পুষ্টি করিয়াছেন, তাহা নহে; ইংরাজীর অনুকরণেও তিনি অনেক পদ গঠন করিয়া কাব্যে ব্যবহার করিয়াছেন। Hope of Troyএর আদর্শে “রাক্ষস-ভরসা” সুন্দর! এইরূপ “রাঘব-বাঞ্জা,” “কেশব-বাসনা,” “অমর-ত্রাস” ইত্যাদি। আবার, উপযুক্ত স্থলে তিনি সংস্কৃতের অনুকরণে দীর্ঘ-সমাস-বটিত পদও ব্যবহার করিতে

* এই স্থলে বিপ্লব-বরণা কবি রবীন্দ্র নাথের “আধুনিক সাহিত্য” হইতে একটু উদ্ধৃত করিতেছি—“বাংলার যে ছন্দে যুক্ত অক্ষরের স্থান হয় না, সে ছন্দ আদরণীর নহে। কারণ, ছন্দের স্বাক্ষর এবং ধ্বনি-বৈচিত্র্য যুক্ত অক্ষরের উপরেই অধিক নির্ভর করে। একে বাংলা ছন্দে স্বরের দীর্ঘ-হ্রস্বতা নাই, তার উপরে যদি যুক্ত অক্ষর বাদ পড়ে, তবে ছন্দ নিতান্তই অস্থিবিহীন স্থললিত শব্দপিণ্ড হইয়া পড়ে। তাহা শীঘ্রই প্রাপ্তিজনক তন্দ্রাকর্ষক হইয়া উঠে, এবং হৃদয়কে আঘাত পূর্বক ক্ষুদ্র করিয়া তুলিতে পারে না। সংস্কৃত ছন্দে যে বিচিত্র সঙ্গীত তরঙ্গিত হইতে থাকে, তাহার প্রধান কারণ স্বরের দীর্ঘ-হ্রস্বতা এবং যুক্ত অক্ষরের বাহুল্য। মাইকেল মধুসূদন ছন্দের এই নিপুট তত্ত্বটী অবগত ছিলেন। সেইজন্য তাঁহার অমিত্রাক্ষরে এমন পরিপূর্ণ ধ্বনি এবং তরঙ্গিত গতি অনুভব করা যায়।”

কৃষ্টিত হয়েন নাই ; অথচ স্পর্শকের মুখে তাহা অনেক স্থলেই শ্রবণ-সুখকর হইয়াছে । “কাঞ্চন-সৌধ-কিরীটিনী,” “দ্বিরদ-রদ-নির্মিত” পড়িতে কাব্য-পাঠকের রদোত্তম হইবার কথা নহে, কাব্য-শ্রোতার কানেও মন্দ শুনাইবার কথা নহে । ইহা ছাড়া, তিনি বিস্তর ক্রিয়াপদ গঠন করিয়া গিয়াছেন, যেগুলি কবিতায় ব্যবহারের বিশেষ উপযোগী । ইংরেজীতে বিস্তর বিশেষ্য-বিশেষণ পদ হইতে ক্রিয়াপদ নিষ্পন্ন দেখা যায় । ইহাতে শব্দ-সম্পদের শ্রীবৃদ্ধিই হইয়া থাকে । মধুসূদনও ঐরূপ বিস্তর ক্রিয়াপদ প্রবর্তিত করিয়া গিয়াছেন ;—তাহাতে কথার সংক্ষেপ হওয়ায় সেগুলি কবিতায় ব্যবহারের উপযোগী হইয়াছে । এইরূপ ক্রিয়াপদের ব্যবহার বাঙ্গালা-কাব্যে যে একেবারেই ছিল না, তাহা নহে । প্রাচীন কাব্যাদিতে নানা স্থলে ইহার বহু উদাহরণ পাওয়া যায় । “নির্মিল,” “নিবারিবে,” “নিবাব,” “জিজ্ঞাসয়ে”—এ সব ত আছেই ; তাহা ছাড়া, “মোহিলা,” “বুড়াইলে,”—এমন কি, “কুলুপিল” ভাবত চল ব্যবহার করিয়াছেন । কবিকঙ্কণ-চণ্ডীতে “কটাক্ষিয়া” “গানে” (গান করে) পাওয়া যায় । কাশীরামের মহাভারতে “ত্যাগিতে,” “ভেটিবে,” “সমর্পে,” “ভৎসিয়া,” আছে । মধুসূদন এই আদর্শে বিস্তর ক্রিয়াপদ সৃষ্টি করিয়া গিয়াছেন । নূতন বলিয়া “স্বত্বিলা,” “স্বনিলা” “নির্ঘোষিলা” ইত্যাদি প্রথম-প্রথম কানে একটু লাগিত বটে ; কিন্তু অভ্যাস-গুণে আর লাগে না । “কুজন করিল” স্থলে “কুজনিল,” “প্রভাত হইল” স্থলে “প্রভাতিল,” “প্রফুল্ল হইল” স্থলে “প্রফুল্লিল,” “ছটফট করিয়া” স্থলে “ছটফটি,” “তাপিত হইয়া,” স্থলে “তাপি,” “শান্ত হইল” স্থলে “শান্তিল,” “নিবীৰ করিবে” স্থলে “নিবীরিবে”—এ সবের দ্বারা কাব্যোচিত শব্দ-সম্পদের শ্রীবৃদ্ধিই হইয়াছে । বার-বার ‘করিল’ ‘হইল’ বা ‘করিয়া,’ ‘হইয়া’ কবিতায় ভাল শুনাইত না । “হ্রাসো বসুধার ভাব” কবিতার ভাষায় শুনিতে সুন্দর । তাই বলিতেছি, মধুসূদনের অমিত্রচ্ছন্দের ভাষার ইহাও এক বিশেষত্ব ।

তৃতীয়তঃ—মধুসূদনের অমিত্রচ্ছন্দের আর-এক বিশেষত্ব বাক্য-বিগ্ৰাসে । গণ্ডে বাক্য-বিগ্ৰাস অনেক স্থলেই ব্যাকরণানুযায়ী ; ব্যাকরণ যেখানে যে কারকের স্থান-নির্দেশ করিয়া দিয়াছে, সাধারণতঃ সেই নিয়ম রক্ষা করিয়া লিখিলেই সুন্দর গণ্ড রচনা

হয়। কিন্তু কবিতা ভাবের ভাষা। ভাব যে-ভাবে আত্ম-প্রকাশ করিয়া থাকে, তাহাই সেই ভাবের স্বাভাবিক ভাষা। এখানে ব্যাকরণের নির্দেশ খাটে না। সকল প্রকার কবিতাতেই সেইজন্য বাক্য-বিন্যাস ভাবানুযায়ী ; এমন কি, প্রবল ভাবকে ফুটাইতে গন্তেও অনেক সময়ে ব্যাকরণের নির্দেশ না মানিয়া, ভাবের ভাষাতেই ভাবকে প্রকাশ করা হইয়া থাকে। কিন্তু তাহা হইলেও, মিত্রাক্ষরচ্ছন্দে মিলের খাতিরে এবং ছই চরণে ভাব শেষ করিতে গিয়া, ভাবের ভাষা অনেক স্থলেই সঙ্কুচিত হইয়া পড়ে এবং বাক্য-বিন্যাসও সব-সময়ে ভাবানুযায়ী না হইয়া স্বাভাবিকতা হারায়। বন্ধন থাকিলেই ইহা অবশ্যস্বাভাবিক। যে-কোন কবির মিত্রাক্ষরচ্ছন্দী কবিতায় ইহার ভূরি-ভূরি দৃষ্টান্ত দেখা যায়। কিন্তু মধুসূদনের অমিত্রচ্ছন্দে সে সঙ্কোচনের প্রয়োজন নাই—ছই চরণে ভাবের শেষ করিতেই হইবে, তাহা নহে—এবং চরণে-চরণে মিল রাখিতে হইবে, তাহাও নহে। সুতরাং ভাব সেই-ভাবোচিত স্বাভাবিক বাক্য-বিন্যাসের সহিত ফুটিয়া উঠিতে পাইয়াছে। বাক্য-বিন্যাসের এই স্বাভাবিকতা-গুণে মধুসূদনের অমিত্রচ্ছন্দে সকল রসই সুখাস্বাদু। এই বাক্য-বিন্যাসের গুণেই তাঁহার বীর-রসে প্রাণ উদ্দীপিত হয়, রৌদ্র-রসে রৌদ্র-মূর্তি যেন চক্ষুর সমক্ষে প্রতিভাত হয়, ভয়ানকে হৃদয়ে ভয়ের সঞ্চার করে এবং করুণে অশ্রুর উৎস খুলিয়া যায়।—

———“হায়, লঙ্কাপতি,
কেমনে কহিব আমি অপূর্ব কাহিনী ?
কেমনে বর্ণিব বীরবাহুর বীরতা ?
মদকল করি যথা পণে নলবনে,
পশিলা বীরকুঞ্জর অরিদল-মাঝে,
ধনুর্ধর । এখনও কাঁপে হিয়া মম
ধরধরি, স্মরিলে সে ভৈরব হৃদয়ে !— (প্রথম সর্গ)

এখানে বাক্য-বিন্যাস কেমন স্বাভাবিক ! মিলের বন্ধন নাই, যতির খাতির নাই ; লোকে ভাবের ভাষায় যাহার পরে যে-কথাটি বলে, সেইরূপ স্বাভাবিক

বাক্য-বিগ্রাসে ভগ্নদূত কহিতেছে। বাক্যের এই স্বাভাবিক বিগ্রাস মধুসূদনের
অমিত্রহৃন্দের চমৎকারিত্বের এক নিগূঢ় রহস্য।

আবার দেখুন ;—

“রুধিলা দানব-বাল্য প্রমীলা রূপসী ;—

“কি কহিলি, বাসন্তি ? পর্বত-গৃহ ছাড়ি’

বাহিরায় যবে নদী সিন্ধুর উদ্দেশে,

কার হেন সাধ্য যে সে রোবে তার গতি ?

দানব-নন্দিনী আমি ; রক্ষঃকুল-বধু ;

রাবণ ঋগুর মম ; মেঘনাদ স্বামী,—

আমি কি ডরাই, সখি, ভিখারী রাখবে ?” —(তৃতীয় সর্গ)

এখানে রোষের ভাষায় বাক্য-বিগ্রাস চমৎকার স্বাভাবিক হইয়াছে ;—যে
কথাটির পরে যে কথাটি স্বাভাবিক, ঠিক তাহাই হইয়াছে। হৃন্দের স্বাধীনতা না
থাকিলে, সুকবির পক্ষেও সব সময়ে এইরূপ রসানুযায়ী বাক্য-সমাবেশের স্বাভাবিকতা
রক্ষা করা সুকঠিন।

আরও দেখুন ;—

“সবিস্ময়ে দেখিলা অদূরে,

ভীষণ-দর্শন মূর্তি !”—(পঞ্চম সর্গ)

এখানে, প্রথমেই “সবিস্ময়ে” পাঠককে সচকিত করিয়া, শেষে “ভীষণ-দর্শন মূর্তি”
বলায় ভীষণ-দর্শন মূর্তিটী যেন পাঠকের মনে স্থায়িত্ব ধারণ করিয়া অদ্ভুত-রসটীকে
গাঢ় করিয়া তুলিয়াছে। “ভীষণ-দর্শন মূর্তি সবিস্ময়ে দেখিলা অদূরে” বলিলে রসের
পাক একটু কাঁচা থাকিয়া যাইত। কবি প্রথমে একস্থলে লিখিয়াছিলেন ;—

“শুনিলা চমকি’ বীর ঘোর সিংহ-নাদ ।”—(পঞ্চম সর্গ)

পরে ২য় সংস্করণে পরিবর্তিত করেন

“ঘোর সিংহনাদ বীর শুনিলা চমকি’ ।”— (৩)

বাক্য-সমাবেশের গুণে প্রথমটী অপেক্ষা দ্বিতীয়টী অধিকতর বিস্ময়-ভাব-ব্যঞ্জক, ইহা রসজ্ঞ পাঠককে আর বুঝাইতে হইবে না। অমিত্রচ্ছন্দে কবি অবাধ বলিয়া রসোৎকর্ষক বাক্য সমাবেশে তাঁহার এমন স্বাধীনতা।

করণ-রসের অভিব্যক্তিতেও বাক্য-বিন্যাসের ঐরূপ সুন্দর স্বাভাবিকতা বিদ্যমান। সেইজন্য মধুসূদনের অমিত্রচ্ছন্দ করণ-রসেও চমৎকার রসোৎকর্ষক হইয়াছে।

“রাজ্য তাজি বনবাসে নিবাসিনু যবে,
লক্ষ্মণ, কুটীর-দ্বারে, আইলে ষামিনী,
ধনুঃ করে, হে সুধনি, জাগিতে সন্তত
রক্ষিতে আমায় তুমি, আজি রক্ষঃপুবে —
আজি এই রক্ষঃপুরে অরি-মাঝে আমি,
বিপদ-সলিলে মগ্ন ; তবুও ভুলিয়া
আমায়, হে মহাবাহু, লভিছ ভূতলে
বিরাম ?”—ইত্যাদি——— অষ্টম সর্গ)

ইহা পড়িবার সময়ে মনে হয় না যে, কবির ছন্দোবদ্ধ রচনা পড়িতেছি,—মনে হয়, যেন সত্য-সত্যই লক্ষ্মণের জন্ম কাঁদিয়া-কাঁদিয়া সুভ্রাতৃবৎসল রাম শোক-প্রকাশ করিতেছেন ;—বাক্যের সমাবেশ এমনই স্বাভাবিক। এই স্বাভাবিকতাই ইহার মনোহারিত্ব !

—“লো সহচরি, এতদিনে আজি
ফুরাইল জীব-লীলা জীব-লীলা-স্থলে
আমার ! ফিরিয়া সবে যাও দৈত্য-দেশে !
কহিও পিতার পদে এ সব বারতা,
বাসন্তি !”— (নবম সর্গ)

করণ-রসের এই অভিভাষণে বাক্য-বিন্যাসের স্বাভাবিকতাই ইহার সৌন্দর্য-রহস্য। অধিক উদাহরণ দেওয়া অনাবশ্যক। কাব্যের প্রায় সর্বত্রই বাক্য-বিন্যাসের এইরূপ মনোহারিত্ব জাজ্জল্যমান।

চতুর্থতঃ—মধুসূদনের অমিত্রচ্ছন্দের আর-এক বিশেষত্ব, সংযত-ভাবে অনুপ্রাস ব্যবহারে। মধুসূদনের অব্যবহিত পূর্বেই আর-এক মধুসূদন, * দাশরথি এবং অন্যান্য কবিগণ অনুপ্রাসের এত ছড়াছড়ি করিয়া গিয়াছেন যে, এখন তাহার প্রতিক্রিয়া দেখিতে পাই। কিন্তু মধুসূদনের অমিত্রচ্ছন্দী কবিতার সংযত অনুপ্রাস পাঠকের কানে মিত্রাক্ষরের মিলের অভাবটী সুন্দর রূপে পূরণ করিয়াছে। তিনি নিজেই তাঁহার এক পত্রে লিখিয়াছিলেন—“I have used more “অনুপ্রাস” and “যমক” than I like ; but I have done so to deceive the ear, as yet unfamiliar with blank verse.”

কোন-কোন স্থলে একটু দীর্ঘ অনুপ্রাস আছে বটে, কিন্তু ক্ষুদ্র-ক্ষুদ্র অনুপ্রাস ঠিক যেন অলঙ্কারে “ডায়মন্”-কাটার মত সর্বত্র ঝক্-ঝক্ করিতেছে এবং তাহাতে কবিতাও উজ্জ্বল হইয়াছে।

“বন্দি চরনারবিন্দ অতি মন্দমতি”—(১ম সর্গ)

“কহিলা জানকী,

মধুরভাষিণী সতী, আদরে সম্ভাষি

সরমারে—“হিতৈষিণী সীতার পরমা

তুমি সখি।”———(৪র্থ সর্গ)

“কিন্মা বিশ্বাধরা রমা অম্বুরাশি-তলে”—(৫)

এই-সকল ক্ষুদ্র-ক্ষুদ্র অনুপ্রাসে কবিতার আশ্বাদ যেন সুপাচকের হাতে মিষ্ট-দেওয়া ব্যঞ্জনের আশ্বাদের মত। মিষ্ট দেওয়া হইয়াছে বলিয়া স্পষ্ট বোধ হয় না ; অথচ আশ্বাদের উৎকর্ষ হয় ! ইহাতে মিত্রাক্ষরের মিষ্টত্বের স্থান সুন্দর পূরণ করিয়াছে।

পূর্বেক্ত ঐ-সকল গুণগুলি একত্র হইয়া মধুসূদনের অমিত্রচ্ছন্দী কবিতাকে সুস্বাদু, সুশ্রাব্য ও মনোহর করিয়া তুলিয়াছে। রসানুধারী শব্দ-প্রয়োগে ও

* প্রসিদ্ধ চণ্ড-সঙ্গীত-প্রণেতা মধুসূদন কিম্বর, যিনি “মধুকান” নামে প্রসিদ্ধ।

স্বাভাবিক বাক্য-বিন্যাসে উহা সজীবতাময় ; ভাবানুযায়ী যতিতে উহা স্বাভাবিক অথচ সঙ্গীত-স্বাদ-বিশিষ্ট ; এবং সংযত অনুপ্রাসে উহা সুমিষ্ট ও মনোহর ।

ইংলণ্ডের কবিবর টেনিসন্ কবীন্দ্র মিলটনকে “Organ Voice of England” বলিয়া অভিহিত করিয়াছেন। মধুসূদনের মেঘনাদ-বধ কাব্যকেও বাঙ্গালার মৃদঙ্গ-নাদ বলিয়া অভিহিত করিলে কিছুমাত্র অত্যাঙ্কি হয় না। সর্বাংশে ক্ষীণ জাতির উন্নতি-কল্পে একরূপ কাব্য সবিশেষ উপকারী ও আশাপ্রদ। উহার ভাষা পুরুষোচিত সবল ও দৃঢ় ; উহার প্রকাশভঙ্গি সহজ ও সুস্পষ্ট ; এবং উহার পরিপূর্ণ ধ্বনি গাঙ্গীর্ষ্যে, লয়ে ও ঝঙ্কারে বস্তুতই হৃদয়োন্মাদক। জাতি-গঠনে একরূপ কাব্যের যথেষ্ট সার্থকতা না থাকিয়াই পারে না। গীতি-কাব্যাদির স্ত্রীজনোচিত কোমলতা ও অর্ধনিমীলিত প্রকাশ-ভঙ্গির সহিত তুলনা করিয়া দেখিলেই, এ কথার যথার্থ্য সুস্পষ্ট-রূপে প্রতীয়মান হয়।

ছন্দের মনোহারিতা আবৃত্তিতে। ছেদের দিকে দৃষ্টি রাখিয়া, ভাবের দিকে মন রাখিয়া, স্থলে-স্থলে হ্রস্ব-দার্ষের মাত্রাভেদ-অক্ষুণ্ণ এবং সর্বত্রই চরণের শেষে (যদি পূর্ণচ্ছেদ না থাকে) একটা টান রাখিয়া এই ছন্দের আবৃত্তি অভ্যাস করিতে হয়। রীতিমত আবৃত্তি হইলেই বুঝা যায়, এই ছন্দ রসের কিরূপ উৎকর্ষক। তখন এবং তখনই উপলব্ধি হয় যে, অমিত্রচ্ছন্দ বাস্তবিকই “noblest measure in the language” এবং মধুসূদনের হাতে এই ছন্দের কেমন মর্যাদা রক্ষা হইয়াছে, তাহা একজন বাঙ্গালা-সাহিত্যে সুপণ্ডিত ইংরেজ বলিয়াছেন ;—

“Bengali verse can also be nobly and impressively rhetorical as in the magnificent epic of Madhusudan.” *Chhandā or metre by J. D. Anderson—The Modern Review, Sep—1916*

অলঙ্কার

বঙ্গ সাহিত্যের প্রাচীন-মহাকাব্যগুলি প্রায়শঃ সংস্কৃত-কাব্যাদির আদর্শে রচিত বলিয়া নানাবিধ অলঙ্কারে ভূষিত। কৃত্তিবাসের রামায়ণে, কাশীরামের মহাভারতে, রঘুনন্দনের রাম-রসায়নে অলঙ্কারেব প্রাচুর্য্যই লক্ষিত হয়। এ বিষয়ে মধুসূদনও সংস্কৃত-কাব্যাদির আদর্শে অলঙ্কার প্রয়োগ করিতে এবং তাহাদের পারিপাট্য-সাবনে বরং অন্যান্য বঙ্গীয় কবি অপেক্ষা সমধিক যত্নশীল। শুধু “মেঘনাদ-বধ” নহে, তাঁহার অন্যান্য কাব্যগুলিও নানাবিধ অলঙ্কারে মণ্ডিত। এইজন্য তাঁহার এই শ্রেষ্ঠ কাব্যখানির ভূমিকায় অলঙ্কার-সম্বন্ধে সংক্ষেপে আলোচনা করা যাইতেছে।

সংস্কৃত-অলঙ্কার-শাস্ত্রে কাব্য পুরুষ-রূপে কল্পিত। শব্দ ও অর্থ তাহার দেহ। ঐ দেহের নানাবিধ ভূষণগুলি “অলঙ্কার” নামে অভিহিত। “কাব্যস্ত শব্দার্থৌ শরীরম্, রসাদিশ্চাত্মা, গুণাঃ শৌর্যাদিবৎ, দোষাঃ কাণত্বাদিবৎ, রীতয়োহব্যব-সংস্থান-বিশেষবৎ, অলঙ্কারাস্ত কটক কুণ্ডনাদিবৎ।” শব্দ ও অর্থ কাব্য পুরুষের শরীর ; রস আত্মা ; গুণ শৌর্যাদির ন্যায় ; দোষ কাণত্ব-খঞ্জত্বাদির ন্যায় ; রীতি অব্যব-সংস্থানবৎ এবং অলঙ্কার বলয়-কুণ্ডনাদিবৎ। বাস্তবিক, দেহের শোভাবর্দ্ধন করিবার নিমিত্ত যেমন নানাবিধ ভূষণের ব্যবহার, তেমনি বাক্যের শব্দার্থের চমৎকারিত্বের এবং ভাব ও রসের সৃষ্টি ও পুষ্টির নিমিত্ত নানাবিধ রচনা-চাতুর্য্যের সৃষ্টি। দৈহিক ভূষণের ন্যায় সাহিত্যেও সেগুলি “অলঙ্কার” বলিয়া প্রসিদ্ধ। যেমন ভাষাকে নিয়ম-বদ্ধ করিয়া ব্যাকরণের সৃষ্টি হইয়াছে, তেমনি ঐ-সকল রচনাভঙ্গিকে শ্রেণিবদ্ধ ও নিয়মিত করিয়া অলঙ্কার-শাস্ত্রের সৃষ্টি হইয়াছে। সংস্কৃত-সাহিত্যে, বিশেষতঃ সংস্কৃত-কাব্য-সাহিত্যে বিবিধ-প্রকারের রচনা-চাতুর্য্য যত প্রচুর পরিমাণে দেখা যায়, বোধ হয়, তত আর কোনও সাহিত্যে নয়, একরূপ বলিলে অত্যুক্তি হয় না। সুতরাং, সংস্কৃত সাহিত্য অবলম্বনে এমন সুবিপুল অলঙ্কার-শাস্ত্র গঠিত হইয়া উঠিয়াছে যে, তাহা ভাবিলে অবাক হইতে

হয়। ভাবকে ফুটাইবার ও রসের পুষ্টির নিমিত্ত যত প্রকার ভঙ্গি আছে বা হইতে পারে, সকলই যেন তাহাতে স্থান পাইয়াছে। এমন কি, বিশেষ-বিশেষ দোষ-গুলিও বিশেষ-বিশেষ নামে অভিহিত হইয়া আলোচিত হইয়াছে। এজন্য, সংস্কৃত-সাহিত্যে প্রবেশ করিতে গেলে যেমন প্রথমেই ব্যাকরণ উত্তমরূপে জানিতে হয়, সেইরূপ সংস্কৃত-কাব্য পড়িবার পূর্বে পাঠার্থীকে ব্যাকরণের সহিত অলঙ্কার-শাস্ত্রও পড়িতে হয়। বাঙ্গালা কাব্যে সংস্কৃতের মত, অলঙ্কারের বাহুল্য না থাকিলেও, প্রধান-প্রধান অলঙ্কারগুলির ব্যবহার উৎকৃষ্ট কাব্যগুলিতে নিতান্ত অপ্রচুর নহে। বিশেষতঃ, মধুসূদনের কাব্যগুলিতে বহুবিধ অলঙ্কারের প্রয়োগ সুপ্রচুরই বলিতে হয় এবং অনেক স্থলেই তিনি সংস্কৃতেব আদর্শে অলঙ্কারগুলির পারিপাট্য-সাধনে অন্যান্য কবিদিগের অপেক্ষা সমধিক মনোযোগী। তাঁহার ব্যবহৃত অলঙ্কারগুলি সকল-স্থলেই অলঙ্কার-শাস্ত্রানুসারে নির্দোষ না হইলেও, অধিকাংশ স্থলেই সুন্দর ও হৃদয়গ্রাহী। একেবারে অলঙ্কার-দোষ-বর্জিত কাব্য সংস্কৃতেও বিরল, বাঙ্গালা কাব্যের ত কথাই নাই। অলঙ্কার-শাস্ত্রের সূক্ষ্ম বিচারে সংস্কৃতে কোন কবিরই নিস্তার নাই। মহাকবি কালিদাসও অলঙ্কারিকের হাত এড়াইতে পারেন নাই। এমত স্থলে, মধুসূদনের এ কাব্যেও যে স্থানে-স্থানে অলঙ্কার-দোষ লক্ষিত হইবে, তাহা আর বিচিত্র কি? যাহা হউক, দোষ থাকিলেও এমন একখানি অলঙ্কারবহুল কাব্যের রসাস্বাদ করিতে হইলে, অলঙ্কার-সম্বন্ধে আলোচনা আবশ্যিক। সেইজন্য আমি নিয়ে এই-কাব্যে ব্যবহৃত প্রধান-প্রধান অলঙ্কারগুলির উল্লেখ ও তাহাদের লক্ষণাদি নির্দেশ করিয়া উদাহৃত করিতেছি। পাঠক-পাঠিকাগণ সেই সেই নির্দেশানুসারে কাব্যের কোথায় কি অলঙ্কার, নিজেরাই অনুসন্ধান করিয়া লইবেন। প্রত্যেক স্থলে আমার উল্লেখ করা অপেক্ষা, তাঁহাদের নিজেদের অনুসন্ধানই বাঞ্ছনীয়।

শব্দ ও অর্থ কাব্যের শরীর; সূত্রাং অলঙ্কারও দ্বিবিধ :—~~শব্দ~~ অলঙ্কার ও অর্থালঙ্কার।



শব্দালঙ্কার

যাহা দ্বাবা শব্দের চমৎকারিত্ব সাধিত হয়, তাহাই শব্দালঙ্কার ; যথা অনুপ্রাস-যমকাদি । এ কাব্যে অনুপ্রাস ভিন্ন অল্প শব্দালঙ্কার প্রায় নাই ; কেবল কোথাও কোথাও “কাকু” দৃষ্ট হয় মাত্র ।

অনুপ্রাস—বাক্যেব মধ্যে একই ব্যঞ্জন-বর্ণের বারংবার বিছাসকে অনুপ্রাস বলে । শব্দের চমৎকারিত্ব সাধন কবে বলিয়া ইহা শব্দালঙ্কার । সংস্কৃত-অলঙ্কার-শাস্ত্রে পঞ্চবিধ অনুপ্রাস উল্লিখিত হইয়াছে—ছেকানুপ্রাস, বৃত্তানুপ্রাস, অন্ত্যানুপ্রাস, শ্রত্যানুপ্রাস ও লাট্যানুপ্রাস । এ কাব্যে প্রথম দুই প্রকার অনুপ্রাসেব ব্যবহৃত আছে ।

ছেকানুপ্রাস—শব্দের ব্যঞ্জন-সমূহ যথায়থ পুনরুচ্চারিত হইলে ছেকানুপ্রাস হয় । ভারতচন্দ্রের কাব্যে ও দাশরথির পাঁচালীতে ইহাব বহুল দৃষ্টান্ত পাওয়া যায় । এ কাব্যে কচিৎ দুই-এক স্থলে দেখা যায় ; যথা—

“হৃদ্যন্ত দানবে দলি, নিস্তারিলা তুমি
দেব-দলে, নিস্তারিণি ; নিস্তার অধীনে,
মহিষমর্দিনি, মর্দি দুর্মদ রাক্ষসে ।”—(ষষ্ঠ সর্গ)

এখানে, “নিস্তার” শব্দের ব্যঞ্জন-সমূহ তিনবার এবং “মর্দি” শব্দের ব্যঞ্জন-দ্বয় দুইবার পর্যায়-ক্রমে উচ্চারিত হইয়াছে । ইহা ছাড়া, এখানে বৃত্তানুপ্রাসেব মিশ্রণও আছে—

“বাহিরিল বেগে
বারী হ’তে (বারি-শ্রোতঃসম পরাক্রমে
হুর্কার) বারণ-যুধ ,”— (প্রথম সর্গ)

এখানে, ‘ব’ ও ‘র’ যথাক্রমে পুনঃ পুনঃ উচ্চারিত হইয়াছে ।

বৃত্তানুপ্রাস—পর্যায়-ক্রমেই হউক, আর অপর্যায়-ক্রমেই হউক, একরূপ ব্যঞ্জন-বর্ণের বারংবার উল্লেখকে বৃত্তানুপ্রাস বলে। বাঙ্গালায় সর্বত্রই ইহার প্রচুর প্রচলন। এ কাব্যেও সেইরূপ। উপরি-উক্ত উদাহরণে দ, ন, স্ত, ম, দ্, এই কয়েকটির পুনঃ-পুনঃ উচ্চারণে বৃত্তানুপ্রাস হইয়াছে। গঢ়ে, পঢ়ে, সর্ববিধ রচনাতেই ইহার ব্যবহার দৃষ্ট হয় এবং সংযত-ভাবে ব্যবহৃত হইলে, রচনা সবিশেষ সমাদৃতই হইয়া থাকে। এ কাব্যে প্রায় ছত্রে-ছত্রে এই অনঙ্গার বিরাজ করিতেছে এবং প্রায় সর্বত্রই ইহা সংযত-ভাবে ব্যবহৃত ;—

“দেউল-দুরারে দৌহে দাঁড়িয়ে দেখিলা”,—(১ম সর্গ)

“শত-শত হেন যোধ হত এ সমরে।”— (৩)

ভবেশ-ভাবিনী ভাবিলা কি ভাবে আজি
ভেটিব ভবেশে” ————— (২য় সর্গ)

“ভয়ে ভগ্নোত্তম আমি ভাবিয়া ভবেশে”— (৩)

“চল রঙ্গে মোর সঙ্গে, নির্ভয় হৃদয়ে
অনঙ্গ’ ————— (৩)

“একাকিনী শোকাকুলা অশোক-কাননে
কাদেন রাঘব-বাঞ্জা আঁধার কুটীরে।”— (৪র্থ সর্গ)

“কিন্মা বিশ্বাধরা রমা অম্বু রাশি-তলে’— (৩)

কয়েক স্থলে ঐরূপ দীর্ঘ অনুপ্রাস দৃষ্ট হয়। কিন্তু তাহা ছাড়া, ক্ষুদ্র-ক্ষুদ্র অনুপ্রাস এ কাব্যের সর্বত্র বিরাজমান থাকায় এই কাব্যের শব্দ-সৌন্দর্য অতুলনীয় হইয়াছে। ক্ষুদ্র-ক্ষুদ্র অনুপ্রাস তত জোরে কানে লাগে না ; অথচ বাক্যের শ্রুতি-মাধুর্যে মন মুগ্ধ হয় ;—

“শৃগাল হইয়া, লোভি, লোভিলি সিংহীরে !

কে তোরে রক্ষিবে, রক্ষ ? পড়িলি সঙ্কটে,

লঙ্কানাথ, করি চুরি এ নারী-রতনে।”—(৪র্থ সর্গ)

এখানে, অনুপ্রাসগুলি কেমন স্নিগ্ধভাবে শব্দ-চমৎকারিত্ব সাধন করিয়াছে !

যেখানে কঠিন-কঠিন শব্দ ব্যবহৃত হইয়াছে, সেখানে অনুপ্রাস দিয়া তাহার শ্রুতি-কঠোরতা যতদূর সম্ভব দূর করা হইয়াছে ; পূর্বোক্ত “হৃদাস্ত দানবে দলি” ইত্যাদি ইহার প্রকৃষ্ট উদাহরণ ।

কোথাও স্বেচ্ছাশ্রু অনুপ্রাসে বর্ণিতব্য বিষয়টী কেমন সুস্পষ্ট ভাবে প্রকাশিত ;—

“গম্বীরে অন্বরে যথা নাদে কাদম্বিনী”—(৩য় সর্গ)

পড়িতে পাঠকের কানে কাদম্বিনী-নাদটী যেন ধ্বনিত হইয়া উঠে । ইহাকেই ইংরাজীতে বলে, “Sound echoes the sense.” Onomatopoeic.

কাকু—স্বরভঙ্গি দ্বারা কাব্যার্থ প্রকাশ করা ; যথা—

“কে ছেঁড়ে পদ্মের পর্ণ ?—(৪র্থ সর্গ)

কেহই পদ্মের পর্ণ (পাপড়ি) ছিঁড়িয়া পদ্মের শোভা নষ্ট করে না ; তবে সীতা-পদ্মের অলঙ্কার-রূপ পর্ণ রাবণ কেন ছিঁড়িল ? ইহাই এখানে “কে ছেঁড়ে”— এই স্বরভঙ্গি দ্বারা বাক্ত করা হইয়াছে ।

“ফোটে কি কমল কভু সমল সলিলে ?”—(৪র্থ সর্গ)

এখানে, অশোক-কানন-রূপ সমল সলিলে কি কভু সীতা-কমলের কমল-শ্রী ফোটে ?—ইহাই স্বরভঙ্গি দ্বারা ইঙ্গিত করা হইয়াছে ।

ত্রীরূপ—

— —“হতাশন-তেজে

গলে লৌহ, বারিধারা দমে কি তাহারে ?

অণুবিন্দু মানে কি, লো, কঠিন যে হিয়া ?”—(৪র্থ সর্গ)

অর্থালঙ্কার

যাহার দ্বারা অর্থের চমৎকারিত্ব, ভাবের পরিস্ফুটন ও রসের পুষ্টি হয়, তাহাই অর্থালঙ্কার ; যথা উপমা, রূপকাদি। অর্থালঙ্কার বহুবিধ এবং এ কাব্যে প্রায় সকল প্রকার অর্থালঙ্কারগুলিরই ব্যবহার দৃষ্ট হয়।

উপমা—(উপ+মা অর্থাৎ মাপারই মত)। কোন বিষয়ে সমান-ধর্ম-বিশিষ্ট দুইটি পদার্থের সাদৃশ্য প্রদর্শন করাকে উপমা বলে। সূত্রাং উপমার দুই অঙ্গ ;— উপমেয় ও উপমান। যাহার উপমা দেওয়া হয়, তাহা উপমেয় এবং যাহার সহিত উপমা দেওয়া হয়, তাহা উপমান। উপমায় যথা, ত্রায়, সম, সমান ইত্যাদি তুলনা-বাচক শব্দেব ব্যবহার হইয়া থাকে।

অলঙ্কারেব মধ্যে উপমাই প্রধান বলিয়া পরিগণিত। রূপক, উৎপ্রেক্ষাদি অন্যান্য প্রধান অলঙ্কারগুলি উপমারই একপ্রকার রূপান্তর মাত্র। এ কাব্যে এবং সকল কাব্যেই সেইজন্য উপমাবই প্রাধান্য লক্ষিত হয়। এ কাব্যে উপমা ত প্রায় ছত্রে-ছত্রে, বলিলেও চলে।

পূর্ণোপমা—যেখানে উপমান, উপমেয়, সাধারণ ধর্ম ও উপমা-বাচক ‘যথা’ শব্দেব স্পষ্ট উল্লেখ থাকে, সেখানে পূর্ণোপমা ;—

“নৃমুণ্ডমালিনী দূতী, নৃমুণ্ডমালিনী—
আকৃতি, পশিয়া ধনী অরিদল-মাঝে
নিভয়ে চলিলা, যথা গরুয়তী তরী
তরঙ্গ-নিকরে রঞ্জে করি অবহেলা
অকূল সাগর-প্রলে চলে-একাকিনী।”—(৩য় সর্গ)

এখানে, উপমার বিষয়ীভূত সমস্ত উপাদানগুলি—উপমান, উপমেয় ও উভয়ের সাধারণ ধর্ম এবং ‘যথা’ শব্দ—স্পষ্ট উল্লিখিত হইয়াছে বলিয়া, ইহা পূর্ণোপমার দৃষ্টান্ত-স্থল।

মধুসূদন সংস্কৃতির আদর্শ উপমান-উপমেয়ের সমলিঙ্গতা, এমন কি, কোথাও-কোথাও সমবচনতাও রক্ষা করিতে বৃত্তশীল ;—

‘চমকিলা বীর-বৃন্দ হেরিয়া বামারে,
চমকে গৃহস্থ যথা ঘোর নিশাকালে
হেরি অগ্নিশিখা ঘরে ———(৩য় সর্গ)

এখানে, উপমেয় “বামার” সহিত উপমান “অগ্নিশিখা”র সমলিঙ্গতা, সুন্দর রক্ষিত হইয়াছে। এইরূপ, উপমান-উপমেয়ের সমলিঙ্গতা, মেঘনাদবধ-কাব্যে অনেকস্থলেই দৃষ্ট হয়।

“পশিলা বীরেন্দ্র-বৃন্দ বীরবাহু-সহ
রণে যুথনাথ সহ গজযুথ যথা।”—(১ম সর্গ)

এখানে, “যুথনাথ” ও “বীরবাহু” এবং “গজযুথ” ও “বীরেন্দ্র-বৃন্দ”, উভয় স্থলেই উপমান-উপমেয়ের, সমবচনতা রক্ষিত হইয়াছে।

লুপ্তোপমা—যেখানে উপমান, উপমেয়, উভয়ের সাধারণ ধর্ম এবং উপমা-ছোতক ‘যথাদি’ শব্দ, ইহাদের কোন-একটি বা দুইটি লুপ্ত থাকে, সেখানে লুপ্তোপমা হয়।

“না বুঝে পা দিমু ফাঁদে ; অমনি ধরিল
হাসিয়া ভাসুর তব আমায় তখনি।”—(৪র্থ সর্গ)

এখানে, পক্ষী ফাঁদে পা দিলে, ব্যাধ যেমন আনন্দে তাহাকে ধরিয়া ফেলে,— এই ভাবটি লুপ্ত আছে, বুঝিতে হইবে—

“কোন কুলবধু আজি হরিলি দুর্মতি ?
কার ঘর আঁধারিলি নিবাইয়া এবে
প্রেম-দীপ ?”—(৪র্থ সর্গ)

এখানে, উপমার ছোতক ‘যথাদি’ শব্দের প্রয়োগ নাই ; অথচ দীপ নিবাইয়া ঘর আঁধার করার সহিত গৃহস্থের প্রেম-দীপ-স্বরূপ কুলবধুকে হরণ করার উপমা দেওয়া হইয়াছে।

মালোপমা—(মালী + উপমা অর্থাৎ উপমা-মালী) । প্রস্তাবিত বিষয়ের সহিত একাধিক উপমা ; যথা —

“—————সিংহপৃষ্ঠে যথা
মহিষমর্দিনী দুর্গা ; ঐরাবতে শচী
ইন্দ্রাণী ; খগেন্দ্রে রমা উপেন্দ্রে রমণী .—
শোভে বীর্ষ্যবতী সতী বড়বার পিঠে” ;—(৩য় সর্গ)

অন্যত্র—

“মলিন-বদনা দেবী, হায় রে, যেমতি
খনির তিমিরগর্ভে (না পারে পশিতে
সৌরকর-রাশি যথা) সূর্য্যকাস্ত-মণি ;
কিন্মা বিশ্বাধরা রমা অনুরাশি-তলে ।”—(৪র্থ সর্গ)

এক উপমেয়েব সহিত একাধিক লুপ্তোপমা থাকিলে, তাহাকে লুপ্ত মালোপমা বলা যাইতে পারে ; যথা—

“—হায় সখি জানিতাম যদি
ফুলরাশি-মাঝে ছুট কালসর্প-বেশে,
বিমল সজিলে বিম”,———(৪র্থ সর্গ)

প্রতিবস্তুপমা—‘যথাদি’ উপমা-বাচক শব্দের প্রয়োগ না করিয়া, সাধারণ ধর্ম্ম এক, এমন দুইটি বিষয়ের সাদৃশ্য কথন । ‘যথাদির’ প্রয়োগ থাকিলে উপমা এবং সাধারণ ধর্ম্ম এক হইলে প্রতিবস্তুপমা হইয়া থাকে ; যথা—

“যে রমণী পতি-পরায়ণা,
সহচরী-সহ সে কি যার পতি-পাশে ?
একাকী প্রত্যাষে, প্রভু, যার চক্রবাকী
যথা প্রাণকান্ত তার !”—(২য় সর্গ)

এখানে, পতিপরায়ণা রমণী ও চক্রবাকীর সাধারণ ধর্ম্ম এক এবং একাকী

পতি-পাশে গমনে উভয়ের সাদৃশ্য দেখান হইয়াছে ; অথচ 'যথাদি' উপমা-বাচক শব্দের প্রয়োগ নাই।—

“——— চারিদিকে সখী-দল যত,
বিরস-বদন, মরি, স্তম্ভরীর শোকে !
কে না জানে, ফুলকুল বিরস-বদনা,
মধুর বিরহে যবে তাপে বনস্থলী ?”—(৩য় সর্গ)

এখানে, মেঘনাদের বিরহে প্রমীলা, মধুর বিরহে বনস্থলীর আয়, তাপিতা এবং সখীগণও, ফুলকুলের আয় বিরস-বদন। স্তম্ভরাং উপমান ও উপমেয়ের সাধারণ ধর্ম এক দেখান হইয়াছে ; অথচ 'যথাদি' শব্দের প্রয়োগ নাই।

রূপক—উপমান ও উপমেয়ে অভেদ-কল্পনা। ইহা উপমার রূপান্তর হইলেও, কবি-কল্পনার দিক হইতে ইহা উপমা অপেক্ষা শ্রেষ্ঠ।—

“পাবক-শিখা-রূপিণী জানকী”—(১ম সর্গ)

এখানে, “জানকী” ও “পাবক-শিখা” অভিন্ন-রূপে কল্পিত হইয়াছে।

“আর কি এ পোড়া আঁখি এ ছার জনমে
দেখিবে সে পা দুখানি—আশার সরসে
রাজীব ?”—(৪র্থ সর্গ)

সীতার পক্ষে রামের ‘পা-দুখানি’ আশা-রূপ সরোবরে ‘রাজীব-স্বরূপ’। এখানে, “আশা” ও “সরোবর” এবং “সে পা-দুখানি” ও “রাজীব” অভিন্ন-রূপে কল্পিত।

“লঙ্কার পঙ্কজ-রবি গেলা অস্তাচলে”—(৬ষ্ঠ সর্গ)

এখানে লঙ্কা ও পঙ্কজ, মেঘনাদ ও রবি এবং মৃত্যু ও অস্তাচলে গমন, কবি-কল্পনায় অভিন্ন।

সাক্ষ-রূপক—প্রস্তাবিত রূপকের উপমেয় ও উপমান অবলম্বন করিয়া যখন উভয়পক্ষেই উহাদের অন্ত্যন্ত অন্তও রূপকে কল্পিত হয়, তখন তাহাকে সাক্ষ-রূপক বলে ; যথা—

“শোকের ঝড় বহিল সস্তাতে ।

সুর-সুন্দরীর রূপে শোভিল চৌদিকে

বামাকুল, মুক্ত-কেশ মেঘমালা, ঘন

নিঃশ্বাস প্রবল বায়ু ; অশ্রুবারিধারা

আসার, জীমূত-মন্ত্র হাহাকার রব ।” (১ম সর্গ)

এখানে, প্রথমে শোক ও ঝড়কে অভিন্ন-রূপে কল্পনা করা হইয়াছে । তাহার পর, ঝড়ের অঙ্গ-স্বরূপ বিদ্যুৎ, মেঘ, প্রবল বায়ু, বারি-বর্ষণ ও মেঘ-গর্জন যথাক্রমে বামাকুল, মুক্তকেশ, ঘন নিঃশ্বাস, অশ্রুবারিধারা ও হাহাকাব-রবের সহিত অভিন্নরূপে কল্পিত হইয়া, একপক্ষে সাস্ত্র-উপমেয় ও পক্ষান্তরে সাস্ত্র-উপমান,—একত্রে সুন্দর সাস্ত্র-রূপক তইয়াছে ।

এইকপ কয়েকটি সাস্ত্র-রূপক এই কাব্যের স্থানে-স্থানে শোভা পাইতেছে ;—
এখানে গুটিকতক উদ্ধৃত করিলাম ;—

“মেঘ-বর্ষ রথ, চক্ৰ বিজলীর ছটা,

ধ্বজ ইন্দ্র-চাপ-কপী ; তুবঙ্গম বেগে

আশুগতি ।”———— (১ম সর্গ)

এখানে, উপমেয়-পক্ষে বথ, চক্র, ধ্বজা ও তুবঙ্গম, এবং উপমান-পক্ষে যথাক্রমে মেঘ, বিজলী, ইন্দ্র-চাপ ও আশুগতিব (বায়ুব) সহিত অভিন্নরূপে কল্পিত ।

অন্যত্র—

“শরদিন্দু পুত্র, বধু শারদ কৌমুদি” ইত্যাদি—(৫ম সর্গ)

“লক্ষাধামে সাজিলা ভৈরবী

রক্ষঃকুল-অনীকিনী উগ্রচণ্ডা রণে ।

গজরাজ-তেজঃ ভুজে ! আশুগতি পদে” ইত্যাদি ।—(৭ম সর্গ)

অলঙ্কারের মধ্যে সাস্ত্র-রূপক পরম উপাদেয় । বাঙ্গালা-সাহিত্যে ইহা কমই

দেখা যায় । এই কাব্যে কয়েক স্থলে চমৎকার সাজ-রূপক দেখিতে পাই । সেগুলি সংস্কৃত আদর্শ অপেক্ষা কোন অংশেই হীন নহে ।

মালা-রূপক—একই উপমেয় বস্তুকে একাধিক ভিন্ন-ভিন্ন উপমান দ্বারা রূপকিত করিলে মালা-রূপক হয় ; যথা—

“মরুভূমে প্রবাহিণী মোর পক্ষে তুমি,
রক্ষাবধু ! স্নহীতল ছায়া কপ ধরি,
তপন-তাপিতা আমি, জুড়ালে আমারে ।
মূর্ত্তিমতী দয়া তুমি এ নির্দয় দেশে !
এ পঙ্কিল জলে পদ্ম ! ভুজঙ্গিনী-রূপী
এ কাল-কনক-লঙ্কা-শিরে শিরোমণি !”—(৪র্থ সর্গ)

এখানে, লঙ্কায় সরমা সীতার পক্ষে, ‘মরুভূমে প্রবাহিণী’, তপন-তাপিতার পক্ষে “স্নহীতল ছায়া” ইত্যাদি ।

উৎপ্রেক্ষা—ইহা রূপকেরই ঈষৎ রূপান্তর । “যেন”, “বুঝি” প্রভৃতি শব্দের প্রয়োগে উপমেয়কে উপমান বলিয়া উৎকট সংশয় বা বিতর্ক । যথা ;—

“ধরে ছত্র ছত্রধর , আহা,
হরকোপানেলে কাম যেন রে না পুড়ি’,
দাঁড়ান সে সভাতলে ছত্রধর-রূপে !” (১ম সর্গ)

এখানে, উপমেয় “ছত্রধর”কে ছত্রধর-রূপী “কাম” (মদন) বলিয়া বিতর্ক ।

“যেন তরু তাপি মনস্তাপে
ফেলিয়াছে খুলি সাজ ; ———(৪র্থ সর্গ)

এখানে, উপমেয় “তরু”কে মনস্তাপিত বলিয়া বিতর্ক ।

সাজ-রূপকের মত উৎপ্রেক্ষাতেও উপমান ও উপমেয়ের অঙ্গ-প্রত্যঙ্গগুলি সুন্দর উৎপ্রেক্ষিত হইতে পারে ; যথা,—

“মানস-সকাশে শোভে কৈলাস-শিখর

আভীময় ; তার শিরে ভবের ভবন,
 শিখিপুচ্ছ-চূড়া যেন মাধবের শিরে !
 স্তম্ভামাঙ্গ শৃঙ্গধর ; স্বর্ণফুলশ্রেণী
 শোভে তাহে, আহা মরি, পীতধড়া যেন !
 নিৰ্ঝর-ঝরিত বারিরাশি স্থানে-স্থানে
 বিশদ চন্দনে যেন চচ্চিত সে বপু !” (২য় সর্গ)

এখানে, ‘মাধবের’ সহিত ‘কৈলাসের’ এবং তদঙ্গীভূত শিখিপুচ্ছ-চূড়া ইত্যাদির সহিত ভব-ভবনাদির, উৎপ্রেক্ষা।

এক টীকাকার এখানে “উপমা” বলিলেন কিরূপে? স্থানান্তরে তিনি উৎপ্রেক্ষার লক্ষণ ঠিকই আঙড়াইয়াছেন। তবে এখানে এমন স্থলে ভুল করিলেন কেন?

প্রতীয়মানোৎপ্রেক্ষা—যেখানে “যেন”, “বুঝি” ইত্যাদি উৎপ্রেক্ষা-বাচক শব্দের স্পষ্ট উল্লেখ থাকে, সেখানে বাচ্যোৎপ্রেক্ষা হয়। কিন্তু যেখানে উহা উহা থাকে, সেখানে প্রতীয়মানোৎপ্রেক্ষা। যথা উপরি-উক্ত উদাহরণে “স্তম্ভামাঙ্গ শৃঙ্গধর”। এখানে “যেন” উহা বুঝিতে হয় বলিয়া প্রতীয়মানোৎপ্রেক্ষা হইয়াছে।

মালা-রূপকেব মত, একই উপমেয় বস্তুকে ভিন্ন-ভিন্ন উপমান-দ্বারা উৎপ্রেক্ষিত কবিলে মালোৎপ্রেক্ষা হয় ; যথা—

“——— দেখিলা অদূরে
 দেবাকৃতি সৌমিত্রিরে, কুজ্ঝটিকাভূত
 যেন দেব ত্রিষাম্পতি, কিন্নরা বিভাবহু
 ধূমপুঞ্জ।”——— (৬ষ্ঠ সর্গ)

এখানেও ঐ টীকাকার “মালোপমা” বলিয়া ভ্রম করিয়াছেন।

অতিশয়োক্তি—উপমেয়ের উল্লেখ না করিয়া উপমানকেই উপমেয়-রূপে নির্দেশ : যথা—

“হায় শূর্ণগথা,

মধুসূদন কাব্য-পরিচয়

কি কক্ষণে দেখেছিলি, তুই রে অশাগী,
কাল-পঞ্চবটী-বনে কালকূটে ভরা
এ ভূজগে ?”———(১ম সর্গ)

এখানে, উপমেয় রামের উল্লেখ না করিয়া, যেন কালকূটে ভরা ভূজগকেই শূর্ণগথা পঞ্চবটী বনে দেখিয়াছিল, এইরূপ বর্ণনা করা হইয়াছে।

“দাসীর এ তৃষা তোষ সূধা বরিষণে !”——(৪র্থ সর্গ)

এখানে সীতার বাক্যই উপমেয়। কিন্তু তাহার উল্লেখ না করিয়া “সূধা-বরিষণে” তৃষা তুষিতে অনুরোধ করা হইয়াছে।

“বন-সুশোভন শাল ভূপতিত আজি,
চূর্ণ তুঙ্গতম শৃঙ্গ গিরিবর-শিরে ;
গগন-রতন-শশী চির-রাহু গ্রাসে !”——(৭ম সর্গ)

এখানে, উপমেয় মেঘনাদের উল্লেখ নাই। উপমান-ত্রয়ই উপমেয়-রূপে নির্দিষ্ট হইয়াছে।

স্বভাবোক্তি—স্বভাবের বা বিষয়ের যথাযথ বর্ণনা। যথা—

“কিন্তু যে, গো, গুণহীন সন্তানেব মাঝে
মূঢ়মতি, জননীর স্নেহ তার প্রতি
সমধিক।”———(১ম সর্গ)

এখানে, মাতৃ-প্রকৃতির যথাযথ বর্ণনাই করা হইয়াছে।

“মন্দুরায় হ্রেষে অশ্ব উর্দ্ধ কর্ণে শুনি
মুপূরের ঝনঝনি, কিক্কিণীর বোলি,”——(৩য় সর্গ)

ইহা অশ্ব-প্রকৃতির স্বাভাবিক বর্ণনা।

“পাগলিনী-প্রায় আমি ধাইনু ধরিতে
পদযুগ, সুবদনে !—জাগিনু অমনি।”——(৪র্থ সর্গ)

স্বপ্নে দৌড়াইতে গেলে স্বপ্ন-ভঙ্গ হয়। সুতরাং, এখানে স্বভাবের যথাযথ বর্ণনা করাই হইয়াছে।

প্রথম সর্গে রণক্ষেত্র-বর্ণনা, চতুর্থ সর্গে সীতা-কথিত পঞ্চবটী-বাস বর্ণনায় অনেকস্থলই স্বভাবোক্তির সুন্দর উদাহরণ।

সমাসোক্তি—সমান কার্য, সমান লিঙ্গ ও সমান বিশেষণ দ্বারা বর্ণনীয় অচেতন পদার্থে সচেতনের কার্যাদিব সম্যক্ আবোপ। যথা—

“—নয়নে তব, হে বাক্ষস-পুবি,
অশ্রুবিন্দু, মুক্তকেশী শোকাবেশে তুমি ;
ভূতলে পড়িয়া, হায়, রতন-মুকুট,
আর রাজ-আভরণ, হে রাজসুন্দরি,
তোমার ! উঠ, গো, শোক পরিহরি, সতি !”—(১ম সর্গ)

এখানে, অচেতন বাক্ষসপুত্রীতে সচেতন-ও-শোকাকুলা বাগ-সুন্দরীর কার্যাদি আবোপিত হইয়াছে। অন্তর —

“নিদ্রা ত্যজি প্রতিধ্বনি জাগলা অমনি”—(৩য় সর্গ)
“—ফিরেন নিদ্রা ছুয়ারে-ছুয়ারে”—(৪র্থ সর্গ)

আধুনিক এক টীকাকার, যেমন টীকায়, তেমনি অলঙ্কার-বিচারে, স্থানে-স্থানে বড়ই শোচনীয় ভ্রমে পতিত হইয়াছেন। ইন্দের সভায়—

“—————ছয় রাগ, মূর্ত্তিমতী
ছত্রিশ বাগিনী সহ আসি আরস্তিলা
সঙ্গীত।”—————(২য় সর্গ)

এখানে, ঐ টীকাকার মহাশয় “সমাসোক্তি অলঙ্কার” বলিয়াছেন। ফলতঃ এখানে কোন অলঙ্কারই নয়। বাগ-বাগিনীবা নিজ-নিজ মূর্ত্তিতে দেবেন্দ্রের সভায় আসিয়া গীত আরস্ত কবিলেন। ‘মূর্ত্তি’ এখানে কল্পিত বা আরোপিত নহে।

অন্তর যথা—যমপুরী-বর্ণনায়—

“অস্থিচর্মসার, ষারে দেখিলা সুরথী,
জ্বর-রোগ।”———(৮ম সর্গ)

এখানেও ঐ টীকাকার “সমাসোক্তি অলঙ্কার” বুঝিয়েছেন। কিন্তু এখানেও কোন অলঙ্কার নহে। জ্বরাদি রোগ-সকল এবং হত্যাদি উপদ্রব সকল মূর্ত্তিমন্ত শমন-দূত। জ্বরাদিতে মূর্ত্তি কল্পনা করা হয় নাই। সত্য-সত্যই তাহারা মূর্ত্তিমন্ত যমদূত, যম-দ্বারে বিঘ্নমান। সে সব মূর্ত্তির যথাযথ বর্ণনাও কবি দিয়েছেন।

দৃষ্টান্ত—বর্ণনীয় বিষয়ের সমর্থনার্থ সমভাবাপন্ন বিষয়ের দৃষ্টান্ত দিলে দৃষ্টান্তালঙ্কার হয়। ইহাতে ‘যথাদি’ উপমা-সূচক চিহ্ন থাকে না এবং উপমান ও উপমেয়ের সাধারণ ধর্মও এক বলিয়া দেখান হয় না। কারণ, ‘যথাদি’ চিহ্ন থাকিলে উপমা এবং সাধারণ ধর্ম একরূপ হইলে প্রতিবস্তু পমা হয়।

“কিন্তু জেনে-শুনে তবু কাঁদে এ পরাণ
অবোধ। হৃদয়-বৃন্তে ফুটে যে কুসুম,
তাহারে ছিঁড়িলে কাল, বিকল-হৃদয়
ডোবে শোক-সাগরে”———(১ম সর্গ)

পুত্র-শোকে রাবণের মন সাস্বনা মানিতেছে না ; একটি নৈসর্গিক দৃষ্টান্ত দিয়া তাহাই উদাহৃত হইয়াছে।

“চলহ দেবি, মোর সঙ্গে তুমি ;
পরিমল-সুধাসহ বহিলে পবন,
দ্বিগুণ আদর তার ! যুগালের রুচি
বিকল-কমল-গুণে, শুন, লো ললনে।”——(২য় সর্গ)

এখানে, দুইটি নৈসর্গিক দৃষ্টান্ত দিয়া, শচীকান্ত শচীকে তাঁহার সঙ্গে যাইতে বলিতেছেন।

“———মধ্যাহ্নে কি কভু
যান চলি অস্তাচলে দেব আংশুমালী,
জগত-নয়নানন্দ ?”———(৬ষ্ঠ সর্গ)

মেঘনাদের জন্ত শোক করিতে-করিতে বিভীষণ এই দৃষ্টান্তটি দিয়া মেঘনাদের যৌবনাবস্থাতে কাল-কবলিত হওয়ার বিচিত্রতা দেখাইলেন ।

“রাহগ্রাসে হেরি সূর্য্যে কার না বিদরে
হৃদয়? যে তবরাজ জলে তাঁর তেজে
অরণ্যে, মলিন-মুখ সেও, হে, সে কালে।”—(৯ম সর্গ)

রাম দুইটি নৈসর্গিক দৃষ্টান্ত দিয়া রাবণের দুঃখে সমবেদনা প্রকাশ করিয়াছেন ।

“যে বিধি, হে মহাবাহু, সৃজিলা পবনে
সিন্ধু-অরি; যুগ-ইন্দ্রে গজ-ইন্দ্র-রিপু;
থগেন্দ্রে নাগেন্দ্র-বৈরী; তাঁর মায়াছলে
রাঘব রাবণ-অরি”—————(৯ম সর্গ)

এখানে, রাম-রাবণের বৈরিতা তিনটি নৈসর্গিক দৃষ্টান্তে উদাহৃত ।

ভ্রান্তিমান্—সাদৃশ্য-বশতঃ প্রস্তাবিত বিষয়কে অন্য বস্তু বলিয়া কবি-কল্পিত ভ্রম । (বাস্তবিক ভ্রম হইলে অলঙ্কার হয় না) ।

“——বাহিরি বেগে শোভিল আকাশে
দেবযান, সচকিতে জগৎ জাগিলা,
ভাবি রবিদেব বুঝি উদয়-অচলে
উদিল।”—————(২য় সর্গ)

এখানে চাক্চিক্যশালী দেবযানকে জগৎ রবিদেব বলিয়া ভাবিল;—ইহা কবি-কল্পিত ভ্রান্তি ।

ব্যতিরেক—উপমান অপেক্ষা উপমেয়ের উৎকর্ষ বা অপকর্ষ কথন ।

“কি ছার ইহার কাছে, হে দানবপতি
ময়, মণিময় সভা, ইন্দ্রপ্রস্থে যাহা
স্বহস্তে গড়িলা তুমি তুষিতে কৌরবে ॥”—(১ম সর্গ)

এখানে উপমান (মণিময় সভা) অপেক্ষা উপমেয়ের (রাবণের সভার) উৎকর্ষ কথিত হইয়াছে ।

“—ভাতিছে কেশে রত্নরাশি ; মরি,
কি ছার তাহার কাছে বিজলীর ছটা
মেঘমালে ?”—(৬ষ্ঠ সর্গ)

এখানে উপমান অপেক্ষা উপমেয়ের উৎকর্ষ দেখান হইয়াছে ।

“মুকুতা-মণ্ডিত বৃকে নয়ন বর্ষিল
উজ্জ্বলতর মুকুতা ! শতদল-দলে
কি ছার শিশির-বিন্দু ইহার তুলনে ?”—(৫ম সর্গ)

এখানে উপমান অপেক্ষা উপমেয়ের উৎকর্ষ সূচিত । পূর্বোক্ত টীকাকার এস্থলে
“অতিশয়োক্তি” বলিয়াছেন । কিন্তু “ব্যতিরেক” এখানে কাব্যাংশে সুন্দর ।

ব্যাজস্তুতি—স্তুতিচ্ছলে নিন্দা বা নিন্দাচ্ছলে স্তুতি ;—

“কি সুন্দর মালা আজি পরিয়াছ গলে,
প্রচেতঃ !”—(১ম সর্গ)

এখানে সমুদ্র-বক্ষে শিলাময় বাঁধকে “কি সুন্দর মালা” বলিয়া, স্তুতিচ্ছলে
সমুদ্রকে নিন্দা করা হইয়াছে । বাচ্যার্থ স্তুতি ; কিন্তু ব্যঙ্গ্যার্থ নিন্দা ।

নিদর্শনা—বর্ণিতব্য কার্যের সাদৃশ্য-হেতু কোন বস্তুতে অবাস্তব ধর্মের বা
কার্যের আরোপ ।—

“—ফুলদল দিয়া
কাটিল কি বিধাতা শাল্মলী তরুবরে ?”—(১ম সর্গ)

এখানে বীরবর বীরবাহ ও শাল্মলী তরুবরের পতনে সাদৃশ্য দেখাইবার জন্য
ফুল-দলে কর্তন-শক্তি (এই অবাস্তব ধর্ম) আরোপ করা হইয়াছে ।

লক্ষণা—শব্দের বৃত্তি-বিশেষ, যাহা দ্বারা শব্দের মুখ্যার্থের সঙ্গে অন্ত্যার্থের
বোধ হয় ।

“—এ বিষে ও রাঙা পা দুখানি
বিষের আকাঙ্খা, মা গো !”—(২য় সর্গ)

এখানে, “বিশ্বের আকাঙ্ক্ষা” গৌণার্থে বিশ্ববাসীর আকাঙ্ক্ষা বুঝাইতেছে ।

“ভাসিছে কনক-লঙ্কা আনন্দের নীরে”—(৪র্থ সর্গ)

এখানে, ‘লঙ্কা’ লঙ্কাবাসীকে বুঝাইতেছে ।

এইরূপ— .

“—বীধ হে আজি কৃতজ্ঞতা-পাশে

রঘুবংশে, দাক্ষিণাত্য, দাক্ষিণ্য প্রকাশি ।”—(৭ম সর্গ)

এখানে, “দাক্ষিণাত্য” অর্থে দাক্ষিণাত্য-বাসী ।

প্রতীপ—উপমানকে উপমেয়-রূপে বর্ণনা অথবা উপমানের বৈকল্য বা নিষ্ফলতা প্রদর্শন । যথা—

“অধর-অমৃত-আশে ভুলিলা অমৃত

দেব-দৈত্য ; নাগদল নন্দ্র-শিরঃ লাজে,

হেরি’ পৃষ্ঠদেশে বেণী , মন্দর আপনি

অচল হইল হেরি উচ্চ কুচযুগ ।”—(২য় সর্গ)

এখানে, উপমানের—(অমৃত, নাগদল ও মন্দরের) বিকলতা দেখান হইয়াছে ।

সন্দেহ—উপমেয়ে উপমান বলিয়া কল্পিত সন্দেহ ।

“চেয়ে দেখ, রাঘবেন্দ্র, শিবির-বাহিরে ,

নিশীথে কি উষা আসি’ উতরিলা হেথা ?”—(৩য় সর্গ)

এখানে, প্রমীলা দূতীকে উষা বলিয়া কল্পিত সন্দেহ । প্রকৃত সন্দেহ স্থলে অলঙ্কার হয় না ।—

“—প্রাণদান পাইল কি পুনঃ

কপট-সমরী মুঢ় সৌমিত্রি ? কে জানে—

অমুকুল দেবকুল তাই বা করিল ।”—(৭ম সর্গ)

এখানে, রাবণের প্রকৃত সন্দেহই হইতেছে । সুতরাং এখানে কোন অলঙ্কার



মধুসূদন কাব্য-পরিচয়

নহে। পূর্বেও টীকাকার এখানে “সন্দেহালঙ্কার” কহিয়াছেন। কল্পিত সন্দেহ না হইলে “সন্দেহালঙ্কার” হয় না।

দীপক—একই কর্তৃপদের অনেকগুলি ক্রিয়া থাকিলে দীপক হয় ; যথা—

“অজ্বিন, রঞ্জিত, আহা কত শত রঙে,
পাতি’ বসিতাম কভু দীর্ঘ তরুণুলে,
সখীভাবে সম্ভাষিয়া ছায়ায় , কভু বা
কুরঙ্গিনী সঙ্গে সঙ্গে নাচিতাম বনে,
গাইতাম গীত, শুনি’ কোকিলের ধ্বনি ,
কভু বা প্রভুর সনে ভ্রমিতাম মুখে
নদী-তটে, দেখিতাম তরল সলিলে”———(৪র্থ সর্গ)

এখানে, উহ “আমি” কর্তৃপদের সহিত ক্রমাগত “বসিতাম,” “নাচিতাম,” “গাইতাম,” “ভ্রমিতাম,” “দেখিতাম,” এতগুলি ক্রিয়াব সম্বন্ধ রহিয়াছে।

তুল্যযোগিতা—একই ক্রিয়ার সহিত নানা বিষয়ের সম্বন্ধ প্রদর্শন ; যথা—

“শুনেছি, রাক্ষস-পতি, মেঘের গর্জনে ,
সিংহ-নাদে, জলধির কল্লোলে” ;———(১ম সর্গ)

অন্যত্র—

“———চমকিলা দিবে
অমর, পাতালে নাগ, নর নরলোকে ?”———(৩য় সর্গ)

অপ্রস্তুত প্রশংসা—অপ্রস্তুত বিষয়ের বর্ণনা দ্বারা প্রস্তুত বিষয়ের প্রশংসা বা প্রতীতি করণ।—

“কিন্তু ভেবে দেখি যদি, ভয় হয় মনে ।
রবি-কর যবে, দেখি, পশে বনস্থলে
তমোময়, নিজ গুণে আলো করে বনে

সে কিরণ ; নিশি যবে যায় কোন দেশে,
মলিন-বদন সবে তার সমাগমে ।”———(৪র্থ সর্গ)

অপহুতি—উপমেয়ের বা প্রকৃত বস্তুর অপলাপ করিয়া উপমানের বা
অপ্রকৃত বস্তুর স্থাপন ; যথা—

“বৃষ্টিচ্ছলে গগন কাঁদিলে”———(৬ষ্ঠ সর্গ)

এখানে, বৃষ্টির অপহুব করিয়া, তাহাতে ক্রন্দনের আরোপ করা হইয়াছে । :

অর্থান্তরন্যাস—অন্য বিষয়ের উল্লেখ করিয়া প্রস্তাবিত বিষয়ের সমর্থন ;
যথা—

“কে ছেঁড়ে পদ্মের পর্ণ ? কেমনে হরিল
ও বরাক্ষ-অলঙ্কার বৃষ্টিতে না পারি !”——(৪র্থ সর্গ)

স্মরণ—প্রস্তাবিত বিষয়ের অনুভূতি হইতে সদৃশ বিষয়ের স্মরণ ; যথা—

“সুরাসুর-বৃন্দ যবে মথি জলনাথে,
লভিলা অমৃত, দুষ্টে দিতি-সুত যত
বিবাদিল দেব সহ সুধামধু-হেতু ।
মোহিনী-মুরতি ধরি আইলা শ্রীপতি ।”——(২য় সর্গ)

বিষম—কার্য-কারণে বৈষম্য ; যথা—

“—হেরিলে ফণী পলায় তরাসে,
যার দৃষ্টি-পথে পড়ে কৃতাস্ত্রের দূত .
হায় রে, এ ফণী হেরি কে না চাহে এরে
বাঁধিতে গলায় ?”———(৫ম সর্গ)

কোথায় সাপ দেখিয়া পলায়ন, আব কোথায় তাহাকে গলায় বাঁধা !

নিশ্চয়—অপ্রকৃত উপমান পরিহার করিয়া প্রকৃত বিষয়ের স্থাপন ; যথা ।—

“———কাঁপিছে এ পুরী
রক্ষোবীর-পদ-ভরে, নহে ভুকম্পনে ।”——(৭ম সর্গ)

এখানে, ইতিপূর্বোক্ত উপমান “ভুকম্পন” পরিহার করিয়া প্রকৃত বিষয় অর্থাৎ “রক্ষাবীর-পদ-ভরে” লক্ষাপুরীর কম্পন নিশ্চয়ীকৃত হইয়াছে।

পরিণাম—কবি-কল্পনার এক বস্তুর অল্প বস্তুতে পরিণতি ; যথা—

“—এ পুণ্যভূমে বিধাতার হাসি
চন্দ্র-সূর্য্য-তারা-রূপে দীপে অহরহঃ
উজ্জলে।—”———(৮ম সর্গ)

এখানে, বিধাতার হাসি চন্দ্র-সূর্য্য ও তারা-রূপে পরিণত হইয়াছে।

বিশ্ভাবনা—প্রসিদ্ধ কারণ ব্যতিরেকে কার্যোৎপত্তি ; যথা—

“মরে নর কাল-ফণী-নখর-দংশনে ;—
কিন্তু এ সবার পৃষ্ঠে ছলিছে যে ফণী,
মণিময়, হেরি' তারে কাম-বিষে জলে
পরান।”———(৫ম সর্গ)

এখানে, প্রসিদ্ধ কারণ (দংশন) ব্যতিরেকে, শুধু হেরিয়াই প্রাণ-জ্বালা !

সূক্ষ্ম—সঙ্কেত দ্বারা কোন বিষয়ের সূক্ষ্ম অর্থের প্রতি ইঙ্গিত ; যথা—

“———দেখিলা বিস্ময়ে
রঘুরাজ, অহি-সহ যুঝিছে অশ্বরে
শিখী।

* * *

গত-প্রাণ শিখিবর পড়িলা ভূতলে ;
গরজিলা অজগর, বিজয়ী সংগ্রামে।—(ষষ্ঠ সর্গ)

এখানে, সর্প ও ময়ূরের যুদ্ধ ও তাহাতে ময়ূরের বিনাশ, এই মায়াদৃশ্যে ভবিতব্য মেঘনাদের পতনের ইঙ্গিত কল্পিত হইয়াছে।

আরও নানাবিধ অলঙ্কার এই কাব্যে দৃষ্ট হয়। বাহুল্য-ভয়ে সে সকলের উল্লেখ করা গেল না। যাহা হউক, ইহা হইতেই পাঠকের উপলব্ধি হইবে, মেঘনাদ-বধ-

কাব্যখানি কাব্যালঙ্কারে কি সুন্দর-রূপেই সমলঙ্কৃত ! কবি বিনয় করিয়া বলিয়াছেন বটে,—

“————ইচ্ছা সাজাইতে
বিবিধ ভূষণে ভাষা ; কিন্তু কোথা পাব
(দীন আমি !) রত্নরাজী ?”———— (৪র্থ সর্গ)

কিন্তু মাতৃ-ভাষাকে তিনি কিরূপ বিবিধ রত্নালঙ্কারে সাজাইয়াছেন, এই কাব্য চিরকাল তাহার সাক্ষ্য প্রদান করিবে ।

রস

“বাক্যং রসাত্মকং কাব্যম্” ;—সংস্কৃত অলঙ্কার-শাস্ত্রে ইহাই কাব্যের সূত্র । ইহার অর্থ এই যে, রস যাহার আত্মা, এমন বাক্যই কাব্য । শব্দ ও অর্থ যে কাব্য-পুরুষের শরীর, উপমাদি যাহার অলঙ্কার, মাধুর্যাদি যাহার গুণ, ধ্বনি যাহার জীবন, রস সেই কাব্য-পুরুষের আত্মা অর্থাৎ মূলভূত সার-স্বরূপ । * ছন্দ, অলঙ্কার, গুণাদি ঐ কাব্য-দেহাত্মাবই উৎকর্ষ সাধনের নিমিত্ত । রস-ধাতুর অর্থ আশ্বাদন-করা । কাব্যে যাহা আশ্বাদনীয়, তাহাই কাব্য-রস । কাব্য পড়িলে বা শুনিলে বিশেষ-বিশেষ স্থলে বিশেষ বিশেষ ভাব মনোমধ্যে উদ্ভিত হয় । ভাব স্থায়ী হইলেই রসের উৎপত্তি । “স্থায়িভাবো রসঃস্বতঃ” । উপভোগ্য বলিয়া ইহাই কাব্যের আশ্বাদনীয় বস্তু । ইহা বাক্যে বুঝাইবার বস্তু নহে ;—ইহা অনির্কচনীয় । এই জন্ত অলঙ্কার-শাস্ত্রকার ভরত ইহাকে “ব্রহ্মাশ্বাদসহোদরঃ” বলিয়াছেন অর্থাৎ কাব্য-রস ব্রহ্মাশ্বাদেরই মত । ব্রহ্মও “রসো বৈ সঃ”—অনির্কচনীয়, কেবল মাত্র অনুভূতি-গ্রাহ্য । কাব্য-রসও সেইরূপ—সহৃদয় ব্যক্তি কর্তৃক অনুভব দ্বারা আশ্বাদনীয় । অনুরাগ-উৎসাহাদি মানব-

*Emotion অর্থাৎ রসই যে সৌন্দর্যের মূলভূত সার-বস্তু, একথা পাশ্চাত্য দেশে এখন স্বীকৃত হইতেছে—“In the history of aesthetics we may discover a growing concensus of emphasis upon the doctrine that all beauty is the expression of what may be generally called emotion, and that all such expression is beautiful”—(Carritt's Theory of Beauty, 1914).

মনের নানাবিধ চমৎকার ভাব অবলম্বনে নানাবিধ রসের সৃষ্টি। ভাব-ভেদে স্বাদ-ভেদ অর্থাৎ রস-ভেদ! আলাঙ্কারিকেরা নয় প্রকার, কেহ-বা দশ প্রকার কাব্য-রসের উল্লেখ করেন ;—

“শৃঙ্গার বীর করুণাত্ত হাশু ভয়ানকঃ ।

বীভৎস রৌদ্রো বাৎসল্য শান্তশ্চেতি রসাঃ দশ ॥”

শৃঙ্গার (বা আশু), বীর, করুণ, অদ্ভুত, হাশু, ভয়ানক, বীভৎস, রৌদ্র বাৎসল্য ও শান্ত ।

যে-ভাব স্থায়ী হইলে যে-রসের উৎপত্তি, সেই ভাবকে সেই রসের স্থায়িত্ব বলে। যেমন অমুরাগ শৃঙ্গারের, উৎসাহ বীরের ইত্যাদি। যাহা স্থায়িত্বের উদ্বোধক অর্থাৎ প্রকাশক, তাহার নাম “বিভাব”। বিভাব দুই প্রকার—আলম্বন-বিভাব ও উদ্দীপন-বিভাব। যাহাকে অবলম্বন করিয়া স্থায়িত্বের উদ্বেক হয়, তাহাকে সেই রসের আলম্বন-বিভাব বলে ;—যেমন, শত্রু-অবলম্বনে ক্রোধের সৃষ্টি হয় বলিয়া, শত্রু রৌদ্র-রসের আলম্বন-বিভাব। আলম্বনের চেষ্টা-ক্রিয়াদি, যাহা দ্বারা রসের স্থায়িত্ব উদ্দীপিত হয়, তাহাই উদ্দীপন-বিভাব ;—যেমন, রৌদ্র-রসে শত্রুর চেষ্টাদি। এক কথায়, যাহা রসের প্রধান বিষয়, তাহাই আলম্বন-বিভাব; আর যাহা রসের পরিপোষক, তাহাই উদ্দীপন-বিভাব। স্থায়িত্বের বাহ্যক্রিয়াকে সেই রসের অমুভাব বলে ;—যেমন, ক্রন্দনাদি করুণ-রসের অমুভাব। এই গুলিকে রসের উপকরণ (structural elements) বলা যাইতে পারে। বস্তুতঃ ছন্দ, ভাষা, অলঙ্কার, গুণাদি যাহা এই ভূমিকায় আলোচনা করা হইতেছে, সে-সকলই কবিতার structural elements—অর্থাৎ রসোৎপাদনের উপকরণ-মাত্র। এই সকল উপকরণের সুসমাবেশের উপরেই রসের উৎকর্ষ নির্ভর করে। রস অনির্বাচনীয় হইলেও উহার উপকরণগুলি সেরূপ নয় ; উহারা বোধগম্য—বুঝাও যায়, বুঝানও যায়।

যখন ভাব স্থায়ী হইলে রসের উৎপত্তি, তখন লক্ষ্য রাখিতে হইবে যে, রচনায় যেন কোন বিরোধী ভাব ভাবান্তর ঘটাইয়া রসোভঙ্গ না করে। কেহ শোক

করিতে-করিতে যদি তাহার মধ্যে কোতুক করিয়া ফেলে (যাহাতে হস্তের উদ্বেক হয়), তাহা হইলে শোক-ভাব স্থায়ী হইতে পাইল না,—বিরোধী ভাব কোতুক আসিয়া, অর্থাৎ করুণ-রসে হস্ত-রস আনিয়া রসোভঙ্গ ঘটাইল। ইহা কাহারই ভাল লাগে না। সঙ্গীতে যেমন পৃথক্-পৃথক্ রাগ-রাগিনীর পৃথক্-পৃথক্ বিবাদী স্বর আছে, আলাপ-কালে যাহা ধ্বনিত হইলে সেই রাগ বা রাগিনী স্বর-ভ্রষ্ট হইয়া অনুপভোগ্য হয়, কাব্য-রসেও সেইরূপ। কোন রসের পরিপুষ্টিকালে, যদি বিরোধী রস আসিয়া পড়ে, তাহা হইলে রসোভঙ্গ হয়। রসোভঙ্গ হইলে রচনার স্বাদ নষ্ট হয়। সেরূপ রচনা স্তবীগণের অনুপভোগ্য। পায়সের সঙ্গে নিম-ঝোল কাহার কচিকর?—অথবা তিক্ত মুখেই বা কে মিষ্টান্ন উপভোগ কর?

মেঘনাদবধ-কাব্যে সকল রসই আছে। তবে তাহার মধ্যে বীর ও করুণ রসেরই প্রাধান্য লক্ষিত হয়। এ দুয়ের মধ্যে আবার বীর-রসেরই প্রাধান্য এ কাব্যে বেশী। সেইজন্য আমি প্রথমে বীর এবং তৎপরে করুণ রসের বিষয় কহিয়া, পরে অন্যান্য রসের কথা কহিব।

বীর—দান, ধর্ম, দয়া ও যুদ্ধ-বিগ্রহ উপলক্ষে উৎসাহ হইতেই বীর রসের উৎপত্তি। ইহা পাঠকের বা শ্রোতার মনে বাব-ভাব উদ্দীপিত করে। সুতরাং, ইহা একটা পরম উপভোগ্য রস। সংস্কৃত অলঙ্কারশাস্ত্রে ইহা উত্তম-প্রকৃতি ও হেম-বর্ণ বলিয়া বর্ণিত। মহেন্দ্র এই রসের অধিদেবতা। বিজেতব্য ইহার আলম্বন-বিভাব এবং বিজেতব্যের চেষ্টাদি উদ্দীপন-বিভাব। ভয় ও নির্বেদ, উৎসাহেব বিরোধী বলিয়া, ভয়ানক ও শান্ত-রস বীর-রসের বিরোধী।

এই কাব্যখানি মুখ্যতঃ যুদ্ধ-সম্বন্ধীয় বীর-রসাত্মক। ইহাতে নানা স্থলে করুণ-রসের অতি সুন্দর অভিব্যক্তি থাকিলেও, বিশেষতঃ ইহার শেষ-সর্গে করুণ-রস যেন মূর্তিমান হইয়া পাঠককে অভিভূত করিয়া ফেলিলেও, বলিতে হইবে যে, বীর-রসই এই কাব্যের প্রধান রস। ইহা হইবারই কথা। রামায়ণের লক্ষা-যুদ্ধ এবং তাহার উত্তোগায়োজন যে কাব্যের বিষয়; রাবণ, মেঘনাদ, লক্ষণ, যে কাব্যে যুধামান বীর-পুরুষ; এমন কি, যুবরাজ-মহিষী প্রমীলা ও তাহার চৌকীগণ যে

কাব্যে বীর-রমণী-রূপে বর্ণিত ; সে কাব্যে বীর-রসের প্রাধান্য হইবারই কথা ; তাই কবি স্বয়ং গ্রন্থারম্ভে বলিয়াছেন,—

“—গাইব মা বীররসে ভাসি মহাগীত,—”(১ম সর্গ)

কবি বাঙ্গালা-কাব্যে ছন্দাংশে যেমন এক সুন্দর নূতনত্ব দিয়া গিয়াছেন, তেমনই সেই নূতন ছন্দে বীর-রসের যে কেমন চমৎকার অভিব্যক্তি হইতে পারে, তাহারও আদর্শ দিতেও বিন্দুমাত্র ত্রুটি করেন নাই। বাঙ্গালা-কাব্যে অমিত্রাক্ষর-ছন্দের প্রবর্তনে মধুসূদনেব যেমন অতুলনীয় কীর্তি, ঐ ছন্দে বীর-রসের চমৎকার অভিব্যক্তিতেও তাঁহার তেমনই অসাধারণ কৃতিত্ব।

গ্রন্থারম্ভেই ভগ্নদূতের মুখে বীরবাহুর বীরত্ব-কাহিনী শুনিয়া শোকাক্ত বাবণর হৃদয় বীরোচিত উৎসাহে পূর্ণ হইল ;—

“——সাধাসি, দূত, তোর কথা শুনি
কোন্ বীর-হিয়া নাহি চাহে রে পশিতে
সংগ্রামে ?”——(১ম সর্গ)

পরে—

“এতদিনে” (কহিলা ভূপতি)
“বীর-শৃঙ্খল লঙ্কা মম ! কে আর রাখিবে
রাক্ষস-কুলের মান ? যাইব আপনি ।
সাজ, হে বীরেন্দ্র-বৃন্দ, লঙ্কার ভূষণ !
দেখিব কি গুণ ধরে রঘুকুলমণি !
অরাবণ, অরাম বা হবে ভবে আজি !

* * *

* * সভাতলে বাজিল ছন্দুভি
গম্ভীর ভীমুত-মল্লৈ ! সে ভৈরব রবে
সাজিল কর্ণ-বৃন্দ বীরমদে মাতি,
দেব-দৈত্য-নর-ত্রাস !” ইত্যাদি——(১ম সর্গ)

এইরূপ উৎসাহ-ব্যঞ্জক উক্তিতে এবং উদ্বোধনে বীর-রস উপভোগ্য।

রাবণ মেঘনাদকে বারংবার যুদ্ধে পাঠাইতে অনিচ্ছুক হইলে, মেঘনাদের উৎসাহ-
ব্যঞ্জক উক্তি বীর-রসাত্মক ;—

“কি ছার সে নর, তারে ডরাও আপনি ;
রাজেন্দ্র ! থাকিতে দাস, যদি যাও রণে
তুমি, এ কলঙ্ক, পিতঃ, ঘৃষিবে জগতে” ।—(১ম সর্গ)

তৃতীয় সর্গে প্রমীলা এবং তাঁহার চেড়ীগণের লক্ষা-প্রবেশার্থ বীর-সৃষ্টার
বর্ণনা—

“উথলিল চারিদিকে হৃন্দুস্তির ধ্বনি ;
বাহিরিল বামাদল বীরমদে মাতি,
উলঙ্গিয়া অসিরাশি কার্শ্বুক টঙ্কারি,
আফালি ফলকপুঞ্জ !” —————(৩য় সর্গ)

ইত্যাদি চমৎকার বীর-রসাত্মক । এইরূপ উৎসাহ-ব্যঞ্জক যুদ্ধোদ্যোগ-বর্ণনা এ
কাব্যে বহুস্থলে বিদ্যমান । পঞ্চম, ষষ্ঠ ও সপ্তম সর্গের অনেক স্থলেই বর্ণনার ও
কাব্যে বীর-রস উচ্ছলিত ।

করুণ—ইষ্টনাশে বা অনিষ্ট-পাতে বা প্রিয়-বিয়োগে যে শোক, তাহা হইতেই
এই রসের উৎপত্তি । সংস্কৃত অলঙ্কার-শাস্ত্রে ইহা কপোত-বর্ণ ও যম-দৈবত বলিয়া
বর্ণিত । শোক ইহার স্থায়িত্ব ; শোচ্য ব্যক্তি বা বিষয় ইহার আলম্বন বিভাব ;
তদ্বিষয় দর্শন, শ্রবণ, মননাদি ইহার উদ্দীপন-বিভাব এবং ক্রন্দনাদি ইহার অনুভাব ।
আশ্রু ও হাস্য ইহার বিরোধী ; কারণ, অনুরাগ ও হাস্য, শোকের বিপরীত ।

এ কাব্যে বীর-রসের পরেই করুণ-রসের প্রাধান্য এবং কবির অসামান্য তুলিকা-
শুণে এ কাব্যে করুণ-রসের অভিব্যক্তি বঙ্গ-সাহিত্যে অতুলনীয় হইয়া রহিয়াছে ।
কাব্যারম্ভেই মূর্তিমান করুণ-রস ;—

“এ হেন সভায় বসে রক্ষঃকুল-পতি,
বাক্য-হীন পুত্র-শোকে । ঝর-ঝর-ঝরে
অবিরল অশ্রুধারা, তিতিয়া বসনে” —(৭ম সর্গ)

তারপর, বীরবাহুর মৃত্যুতে শোকে বাবণেব বিলাপ—“নিশাব স্বপন সম, তোব এ বারতা” ইত্যাদি ; লঙ্কার বর্ণনায় বর্ণন ; সভাস্থলে বীরবাহু-জননী চিত্রাঙ্গদাব বিলাপ ; চতুর্থ সর্গে সীতা ও সবমাব কথোপকথন ; অষ্টম সর্গে মৃতপ্রায় লঙ্কণকে ক্রোড়ে কবিতা বামেব ক্রন্দন এবং সর্বশেষে নবম সর্গে মৃত মেঘনাদেব সামবিক অস্ত্যোষ্টি-ক্রিয়ায় বর্ণনা ও প্রমীলায় সহমবণ—এই সকল স্থলেব করুণ-বস—কেবল বাঙ্গালা-সাহিত্যে কেন ?—যে-কোন সাহিত্যেই গোববের বিষয় হইতে পাবে, তাহাতে আর সন্দেহ নাই ।

চিতারোহণ-কালে প্রমীলায় মুখে

“—লো সহচরি, এতদিনে আজি

ফুরাইল জীব-লীলা জীব লীলা-স্থলে”—(৯ম সর্গ)

এবং তৎপরে মেঘনাদ ও প্রমীলায় চিতা-সমক্ষে “বিশদ-বস্ত্র” ও “বিশদ-উত্তরী” রাবণের মুখে—

“ছিল আশা মেঘনাদ, মুদিব অস্তিম

এ নয়নদ্বয় আমি তোমার সম্মুখে ,”—(৯ম সর্গ)

করুণরসেব উৎস বলিলেও হয় । বোধ হয়, যেন বাবণেব বজ্র-হৃদয় ফাটিয়া শোণিতেব উষ্ণধাবা বলকে-বলকে নির্গত হইয়াছে ।

সর্বশেষে—

“করি স্নান সিঙ্কুনীয়ে রক্ষোদল এবে

ফিরিলা লঙ্কার পানে আজি অশুনীয়ে—

বিসর্জি প্রতিমা যেন দশমী-দিবসে ।

সপ্ত দিবানিশি লঙ্কা কাঁদিলা বিষাদে ।”—(৯ম সর্গ)

ইহাতে পাঠককে সপ্ত দিবানিশিব অপেক্ষাও বেশী দিন করুণ-রস-সিক্ত হইয়া থাকিতে হয়, তাহাতে সন্দেহ নাই । করুণ-বসে কবিব যে এতখানি ক্ষমতা ছিল, তাহা কবি নিজেও জানিতেন না । লিখিতে-লিখিতে, বোধ হয়, নিজেই অশ্রু-সিক্ত

ইহা তাহা অনুভব করিয়াছিলেন। সেই সময়ে তাঁহার এক বন্ধুকে তিনি লিখিয়াছিলেন—

“I can tell you that you have to shed many a tear for the glorious Rakhasas, for poor Lakhana, for Promila. I never thought, I was such a fellow for the pathetic.”

রোদ্ৰ—ক্রোধ হইতে রোদ্ৰ-রসের উৎপত্তি। সেইজন্য সংস্কৃত অলঙ্কার-শাস্ত্রে ইহা রক্তবর্ণ ও রুদ্রাধিষ্ঠিত বলিয়া বর্ণিত। ক্রোধ ইহার স্থায়িত্ব, শত্রু আলম্বন-বিভাব, এবং শত্রুর চেষ্টাদি উদ্দীপন-বিভাব। আঘ, ভয়ানক ও হাশ্ব এই রসের বিরোধী। কারণ, ক্রোধাবস্থায় মনে অনুরাগ, ভয়, বা হাশ্বের উদ্বেক একেবারেই অসম্ভব এবং তাহা হইলে, স্থায়িত্ব ক্রোধের পরিস্ফুটনে ব্যাঘাত হয়, ইহা বলাই বাহুল্য।

বীর-রসের স্থায়িত্ব উৎসাহ। ইহাই মনে রাখিয়া, রোদ্ৰ ও বীরের পার্থক্য বুঝিতে হইবে। যুদ্ধ-বিগ্রহ-ঘটিত কাব্যে রোদ্ৰ-রস থাকিবারই কথা। এ কাব্যেও রোদ্ৰরস বড় অপ্রচুর নহে।

বাসন্তী প্রমীলাকে লঙ্কায় ফাইতে বারণ করিলে, প্রমীলা “রুঘিয়া” কহিলেন—

“কি কহিলি, বাসন্তি ? পর্বত-গৃহ ছাড়ি
বাহিরায় যবে নদী সিঞ্চুর উদ্দেশে,
কর হেন সাধ্য যে, সে রোধে তার গতি ?”—(৩য় সর্গ)

ইহা রোদ্ৰ-রসের সুন্দর উদাহরণ-স্থল। রমণীর মুখে রোদ্ৰ-রসের সমধিক চমৎকারিত্ব !

ষষ্ঠ সর্গে নিকুন্তিলা-যজ্ঞাগারে লক্ষ্মণ ও মেঘনাদের উক্তি-প্রত্যুক্তিতে বীর, রোদ্ৰ ও অদ্ভুত রসের অপূর্ব সমাবেশ আছে। সেখানে পাঠক স্থায়িত্ব বিচার করিয়া রস-নির্গম করিবেন। দুই-এক স্থল উদ্ধৃত করিতেছি।

মেঘনাদ লক্ষ্মণকে ছদ্মবেশী অগ্নিদেব বলিয়া ভ্রম করিলে,—

“উত্তরিলা বীর-দর্পে রৌদ্র দাশরথি ;—
 “নহি বিভাবস্থ আমি, দেখ নিরথিয়া,
 রাবণি । লক্ষ্মণ নাম, জন্ম রঘুকুলে ।
 সংহারিতে, বীরসিংহ, তোমায় সংগ্রামে
 আগমন হেথা মম ; দেহ রণ মোরে
 অবিলম্বে ।”—————(৬ষ্ঠ সর্গ)

এখানে রৌদ্র-রস মূর্তিমান্ । ইহাও লক্ষ্য করিবার বিষয়, কবি বিশেষ-বিশেষ স্থলে রসের জ্ঞাপক শব্দ ব্যবহার করিয়া নিজেই তত্তৎস্থলেব রসের পরিচয় দিয়াছেন— “বিস্ময়” শব্দের প্রয়োগে অদ্ভুত-রসের পরিচয় ; ভয়-ব্যঞ্জক “কাপিলা” আদি শব্দে ভয়ানক-রসের পরিচয়, “সরোষে”, “রুষিয়া,” ইত্যাদি শব্দে রৌদ্র-রসের পরিচয় । উপরে উক্ত অংশে “রৌদ্র দাশরথি” রৌদ্র-রসের পরিচায়ক ।

সপ্তম সর্গে রাক্ষস-সৈন্যদিগের প্রতি মেঘনাদ-বধের প্রতিশোধে উদ্যোগী রাবণের “ক্রোধভরে” অভিভাষণ—

“দেব-দৈত্য-নর রণে যার পরাক্রমে
 জয়ী রক্ষঃ-অনীকিনী”—(৭ম সর্গ)

যুদ্ধক্ষেত্রে লক্ষ্মণের প্রতি রাবণের উক্তি রোষ-ব্যঞ্জক ; সূতরাং রৌদ্র-রসাত্মক—

“এতক্ষণে, রে লক্ষ্মণ”,—কহিলা সরোষে
 রাবণ ,—“এ রণ ক্ষেত্রে পাইনু কি তোরে,
 নরাধম ? কোথা এবে দেব বজ্রপাণি ?”—(৭ম সর্গ)

মেঘনাদের মৃত্যুতে মহাদেবের রুদ্ধ-মূর্তির বর্ণনা রৌদ্ররসের উৎকৃষ্ট উদাহরণ ;—

“অধীর হইলা শূলী কৈলাস-আলয়ে !
 লড়িল মস্তকে জটা ; ভীষণ গর্জনে
 গর্জিল ভূজঙ্গবৃন্দ ; ধক্-ধক্-ধকে
 অলিল অনল ভালে ; ভৈরব কল্লোলে
 কল্লোলিলা ত্রিপথগা,”—(৯ম সর্গ)

অদ্ভুত—আশ্চর্য্য-জনক বিষয়ে বা দৃশ্যে যে বিশ্বয়-ভাবের উদয় হয়, তাহা হইতে অদ্ভুত রসের উৎপত্তি। সংস্কৃত অলঙ্কার-শাস্ত্রে ইহা পীত-বর্ণ ও গন্ধর্বাধিষ্ঠিত বলিয়া বর্ণিত। বিশ্বয় ইহার স্থায়িত্ব। অলৌকিক বিষয় বা ব্যাপার ইহার আলঙ্কন-বিভাব, এবং তাহার মহিমাদি, উদ্দীপন বিভাব। অল্প কোন রস ইহার বিরোধী নহে।

যুদ্ধাদি ব্যাপার লইয়া যে-কাব্য, প্রেতপুরীর সুবিস্তৃত বর্ণনা যে-কাব্যে আছে, সে-কাব্যে অদ্ভুত-রস থাকিবারই কথা। কোন-কোন স্থলে বীর ও ভয়ানকের সঙ্গে, অদ্ভুতেরও সমাবেশ আছে। পাঠকগণ স্থায়িত্ব স্বরণ করিয়া রস-নির্গম করিবেন। উৎসাহ ও ক্রোধে যেমন বীর ও রৌদ্রের পার্থক্য, তেমনই বিশ্বয় ও ভয়ে, অদ্ভুত ও ভয়ানকের পার্থক্য বৃষ্টিতে হইবে।

প্রথম সর্গারম্ভে ভগ্নদূতের মুখে বীরবাহুর যুদ্ধকাহিনী-বর্ণনায়—

“যন যনাকারে ধূলা উঠিল আকাশে,—
মেঘদল আসি যেন আবরিলা রুঘি
গগনে; বিদ্যুৎ-ঝলা-সম চক্‌মকি
উড়িল কলঙ্ককুল অম্বর-প্রদেশে
শনশনে।”——(১ম সর্গ)

ইহা অদ্ভুত-রসের উদাহরণ। বিশ্বয়ই এ বর্ণনার স্থায়িত্ব।

তৃতীয় সর্গে বীরবেশধারিণী প্রমীলাকে দেখিয়া হনুমানের বিশ্বয়-ভাবাত্মক-
উক্তি—

“অলঙ্ঘ্য সাগর লজ্জি, উতরিমু ববে”—(৩য় সর্গ)

এবং নৃমুণ্ডমালিনীকে বিদায় দিয়া বিভীষণের কাছে রামের উক্তি—

“ভৈরবরূপিণী বামা”—কহিলা নৃমণি,
“দেবী কি দানবী, সখে, দেখ নিরখিলা,”—(৩য় সর্গ)

এ-সব অদ্ভুত-রসাত্মক । কোন-কোন সমালোচক এখানে রামের উক্তি ভয়-ব্যঞ্জক ভাবিয়া কবিকে দোষ দেন । বস্তুতঃ তাঁহারা হইল ভ্রান্ত । বীর নারী দেখিয়া রামের ঐ-সব উক্তি বিস্ময়-ব্যঞ্জক ; কারণ, বেশে ও সাহসে এমন বীর-নারী রামের পক্ষে অদৃষ্ট-পূৰ্ব্বা ।

পঞ্চম সর্গে যখন লক্ষ্মণ চণ্ডী-পূজার্থে দুর্গম বন-পথে যাইতেছেন, তখন—

“কতক্ষণে উত্তরিয়া উত্তান-দুয়ারে
ভীমবাহু, সবিস্ময়ে দেখিলা অদূরে
ভীষণ-দর্শন, মূর্তি । দীপিছে ললাটে
শশিকলা” ইত্যাদি ।—(৫ম সর্গ)

এখানে ভয়ানক-রস নহে ;—অদ্ভুত-বস । কাবণ, মূর্তি “ভীষণ-দর্শন”, হইলেও লক্ষ্মণের মনে ভয়ের উদয় হয় নাই ;—তিনি “সবিস্ময়ে”ই তাহা দেখিতেছেন । ভয় হইলে, তৎপরে বীৰ-কেশরী “নিকোষিয়া তেজস্বব অসি” বিরূপাক্ষকে বণে আহ্বান করিতে পারিতেন না । এখানেও কবি “সবিস্ময়” দ্বারা বসেব ইঙ্গিত করিয়াছেন ।

অষ্টম সর্গে প্রেত-পুত্রী বর্ণনায় নানাস্থানে অদ্ভুত-রসের সমাবেশ আছে । সে সমস্ত উদ্ধৃত করা নিম্নয়োজন । যেখানে বিস্ময় স্থায়ীভাব, সেইখানেই অদ্ভুত-বস ; ইহা মনে রাখিলেই “অদ্ভুত”কে “ভয়ানক” বলিয়া ভ্রম হইবার সম্ভাবনা থাকিবে না । প্রেত-পুত্রী বর্ণনারস্তেই—

“সবিস্ময়ে রবুনাথ নদীর উপরে
হেরিলা অদ্ভুত সেতু, অগ্নিময় কভু,
কভু ঘন ধুমাবৃত, সুন্দর কভু বা,
স্বর্ণে নির্মিত যেন ! ধাইছে সতত
সে সেতুর পানে, প্রাণী লক্ষ লক্ষ কোটি
হাহাকার-নাদে কেহ, কেহ বা উল্লাসে !”—(৮ম সর্গ)

এখানে দৃশ্যটী বিস্ময়-জনক ; সুতরাং অদ্ভুত-রসাত্মক । বর্ণনারস্তে “সবিস্ময়ে” রসের ইঙ্গিত ।

ভয়ানক—ভয় হইতে ইহার উৎপত্তি। সংস্কৃত অলঙ্কার-শাস্ত্রে ইহা কৃষ্ণবর্ণ, কালাধিষ্ঠিত ও স্ত্রীবৎ ভীক-প্রকৃতি বলিয়া বর্ণিত। ইহা বীর-রসের ঠিক বিপরীত। বীর-রস অর্থাৎ দান, ধর্ম, দয়া ও যুদ্ধবিষয়ে পুরুষোচিত উৎসাহে যে রস, তাহা উত্তম প্রকৃতি, হেমবর্ণ এবং মহেন্দ্রাধিষ্ঠিত বলিয়া কীর্তিত। আর ভয়ানক-রস অর্থাৎ ভয়াশ্রিত যে রস, তাহা নীচ-প্রকৃতি, কৃষ্ণবর্ণ এবং কালাধিষ্ঠিত। উত্তম বা বীরপুরুষে, আর অধম বা কাপুরুষে যে প্রভেদ, বীর ও ভয়ানকের রূপ-কল্পনায় তাহা পূর্ণ প্রকটিত। যাহা হইতে ভয় জন্মে, তাহাই, ইহার আলম্বন-বিভাব এবং তাহার ঘোরতর ভয়-জনক চেষ্টাদি ইহার উদ্বোধন-বিভাব। আশ্র, বীর, বোদ্ধ, হাশ্র ও শান্ত ইহার বিবোধী। যে ব্যক্তি ভয়ে বিবর্ণ, স্থলিত-বচন, গলদঘর্ষ, রোমাঞ্চিত ও কম্পিত-কলেবর এবং নিজেকে কালাধিষ্ঠিত ভাবিয়া “ত্রাহি মধুসূদন” ডাক ছাড়িতে থাকে, তাহার মনে তখন অনুরাগ, উৎসাহ, ক্রোধ, হাশ্র বা নির্বেদের স্থান কোথায়?

ভগ্নদূতের মুখে “বীববাহুর বীরতা” বর্ণনা-কালে—

“—এখনও কাঁপে হিয়া মম
খরখরি, স্মরিলে সে ভৈরব-ছঙ্কারে।” (১ম সর্গ)

নিশাকালে বীর-রমণীদিগের লঙ্কাপ্রবেশ-কালে তাহাদের শঙ্খ-ধ্বনি ও ধনুষ্ঠকার শুনিয়া—

“—কাঁপিল লঙ্কা আতঙ্কে কাঁপিল
মাতঙ্কে নিষাদী, রখে রণী,” (৩য় সর্গ)

এ সকল ভয়ানকের উদাহরণ। অষ্টম সর্গে প্রেতপুরী বর্ণনার স্থানে-স্থানেও এই রসের অবতারণা আছে।

বীভৎস—কুৎসিতের প্রতি ঘৃণা হইতে বীভৎস-রসের উৎপত্তি। সংস্কৃত অলঙ্কার-শাস্ত্রে ইহা নীলবর্ণ ও মহাকালাধিষ্ঠিত বলিয়া বর্ণিত। যে কুৎসিত বিষয় অবলম্বনে ঘৃণার উদ্রেক করান হয়, তাহাই ইহার আলম্বন-বিভাব এবং তাহার

বিকারাদির বর্ণনাই ইহার উদ্দীপন-বিভাব। আত্ম বা শৃঙ্গার ইহার বিরোধী। স্বণ্য ও নীচ-প্রকৃতি রস বলিয়া ইহার প্রচুরতা কোন কাব্যেই শোভনীয় নহে। এ কাব্যে কেবলমাত্র প্রেত-পুরীর নরক-বর্ণনায় কোন-কোন স্থলে ইহার সংক্ষিপ্ত ও সংযত উদাহরণ পাওয়া যায়। বিশালোদর উদরপরতা—

“অজীর্ণ ভোজন-দ্রব্য উগরি দুর্গতি

পুনঃ পুনঃ হস্তে তুলিয়া গিলিছে” (৮ম সর্গ)

ইহা বীভৎস-রসের প্রকৃষ্ট ও প্রসিদ্ধ উদাহরণ।

উন্নততার বর্ণনায়—

“———— মল, মূত্র, না বিচারি কিছু,

অন্নসহ মাখি, হায়, খায়, অনায়াসে।—”(৮ম সর্গ)

ইহা যে বীভৎস-রসের চরম উদাহরণ, তাহা বলাই বাহুল্য।

আত্ম বা শৃঙ্গার—স্ত্রী-পুরুষের মধ্যে একের প্রতি অন্নের অনুরাগ হইতে এই রসের উদ্ভব। সংস্কৃত অলঙ্কার-শাস্ত্রে ইহা শ্যামবর্ণ ও বিষ্ণুদৈবত বলিয়া কীর্তিত। বৈষ্ণব-সাহিত্যে ইহারই নামান্তর “উজ্জ্বল রস”। অনুরাগ ইহার স্থায়ীভাব। উত্তম-স্বভাব নায়ক-নায়িকা ইহার আলম্বন-বিভাব এবং অনুরাগোদ্দীপক বিষয় ইহার উদ্দীপন-বিভাব। বীর, করুণ, রোদ্র, ভয়ানক ও বীভৎস, ইহার বিরোধী। স্মৃতরাং, বীর-করুণ-রোদ্রাদি-প্রধান এই কাব্যে আত্ম-রসের অবসর অতি অল্প। কয়েক স্থলে মাত্র সবিশেষ সংযত-ভাবে ইহার ব্যবহার দৃষ্ট হয়।

প্রমোদ-উদ্যানে প্রমীলার কাছে মেঘনাদেব বিদায়-গ্রহণকালে উভয়ের উক্তি-প্রত্যুক্তি—

“————কোথা প্রাণনাথ,

রাধি এ দাসারে, কহ চলিলা আপনি?” (১ম সর্গ)

এবং

“————ইন্দ্রজিতে জিতি তুমি, সতি

বেঁধেছ যে দৃঢ় বাঁধে, কে পারে খুলিতে” (১ম সর্গ)

—আত্মরসের সুন্দর ও সংযত অভিব্যক্তি।

লঙ্কার মেঘনাদের সহিত প্রমীলার মিলন-কালে উভয়ের উক্তি-প্রত্যুক্তিও ঐরূপ।
চণ্ডী-পূজার্থ গমন-কালে লঙ্কার বনরাজী-মধ্যে লক্ষ্মণের সম্মুখে বামাদলের আবির্ভাব
এবং লক্ষ্মণের প্রতি তাহাদের অনুরাগাত্মিকা উক্তি আশ্চর্যসাত্মক। তবে মায়া-
দৃশ্য বলিয়া এখানে রস না বলিয়া, “রসাভাস” বলাই উচিত।

নরক-দৃশ্যে কামাতুর প্রেত-প্রেতিনীর যে শৃঙ্গার-রসাত্মক বর্ণনা আছে তাহাকেও
শৃঙ্গার-রসাভাসের উদাহরণ বলিতে হইবে। যদিও পাঠকের মনে উহা বীভৎস-
রসেরই উদ্বেক করে, তবু যখন তাহাদের পরম্পরের প্রতি অনুরাগই বর্ণনার
বিষয়, তখন তাহাকে বীভৎস না বলিয়া শৃঙ্গার-রসাভাস বলাই সঙ্গত।

হাস্য—যে কৌতুকাবহ কথায়, কার্যে, আকারে বা ইন্দ্রিতে হাস্যের উদ্বেক
করে, তাহা হইতে এই রসের উৎপত্তি। সংস্কৃত অলঙ্কার-শাস্ত্রে ইহা শ্বেতবর্ণ ও
‘প্রমথ-দৈবত বলিয়া বর্ণিত। নিৰ্ম্মল হাস্য শ্বেত-বর্ণই বটে এবং শিবানুচর প্রমথগণ
আকার-প্রকাবে হাস্য-রসেবই মূর্ত্তি-স্বরূপ। হাস্য ইহার স্থায়িতাব। অঙ্গাদির
বিকৃতি, বাহাতে হাস্যের উদ্বেক করে, তাহাই ইহার আলঙ্কন-বিভাব এবং তাহার
চেষ্টাদি উদ্দাপন-বিভাব। করুণ ও ভয়ানক ইহাব বিরোধী; কারণ, শোক
হাস্যের বিপবীত এবং ভয়ে হাস্য অসম্ভব। মেঘনাদবধ-কাব্যে হাস্য-রসের উদাহরণ
নিতান্তই বিরল। কারণ, ঐরূপ গান্তার্যাময় কাব্যে তবল রসের অবসর অতি স্বল্প।

চেড়িবৃন্দ-সহ প্রমীলার লঙ্কা-প্রবেশ-কালে পথে হনুমান্ বাধা দিলে প্রমীলার
দাসী নৃমুণ্ডমালিনী যখন হনুমান্কে বলিল—

“দিনু ছাড়ি, প্রাণ লয়ে পালা, বনবাসি !”—(৩য় সর্গ)

—তখন এই অবজ্ঞা-সূচক উক্তির ভিতরে একটু হাস্য নৃমুণ্ডমালিনীর অধর-প্রান্তে
দেখা দিয়াছিল বলিয়াই, উহা পাঠকের মনে হাস্যের উদ্বেক করে। বোধ হয়,
সলেজ-বানরাকৃতি হনুমানের মুখে দৃষ্ট রোদ্ৰ-বসের বচনাবলী শুনিয়া বীর-রমণী
নৃমুণ্ডমালিনীর মনে হাস্য-রসের সঞ্চার হইয়াছিল।

সুগ্রীব যুদ্ধার্থে রাবণের সম্মুখীন হইলে—

—হাসিয়া কহিলা

লঙ্কানাথ, 'রাজ্যভোগ ত্যজি কি কুক্ষণে,
বর্কর, আইলি তুই এ কনক-পুরে ?
ভ্রাতৃবধু তারা তোর, তারকারা রূপে ;
তারে ছাড়ি কেন হেথা রথীকুল-মাঝে
তুই রে কিঙ্কিঙ্কানাথ ? ছাড়িসু, যা চলি
শ্বদেশে ! বিধবা-দশা কেন যাটাইবি
আবার তাহাব, মুঢ় ? দেবর কে আছে
আব তার ?' ————— (৭ম সর্গ)

এই তীব্র বিদ্বেষাত্মক উক্তিটা হাশ্ব-রসের সুন্দর উদাহরণ-স্থল । এখানে “হাসিয়া কহিলা” বলিয়া কবি রসের ইঙ্গিত করিতে ভুলেন নাই । এই দুই স্থল ব্যতীত হাশ্ব-রসের অবতারণা এ কাব্যে আব নাই ।

শান্তি—তত্ত্বজ্ঞানোদয়ে শম অর্থাৎ শান্তি বা নির্বেদ হইতে এই রসের উৎপত্তি । সংস্কৃত অলঙ্কার-শাস্ত্রমতে ইহা উত্তম প্রকৃতি ও কুন্দেন্দুসুন্দর-কান্তি বিশিষ্ট এবং শ্রীনারায়ণ ইহাব দেবতা । বিমল শান্তি কুন্দেন্দুসুন্দর-কান্তিই বটে ; এবং হৃদয়ে শ্রীনারায়ণের অধিষ্ঠান না হইলে নির্বেদ আসিবে কেন ? শান্তি বা নির্বেদ ইহাব স্থায়িত্বাব । বীর্ষ, রোদ্ৰ, ভয়ানক, আত্ম ও হাশ্ব ইহার বিরোধী । কারণ, হৃদয়ে নির্বেদের উদয়ে উৎসাহ, ক্রোধ, ভয়, অনুরাগ ও হাশ্ব থাকিতে পারে না ।

বীর-বোদ্ভাদি-প্রধান এই কাব্যে শান্তি-রসের উদাহরণ সবিশেষ বিরল । করুণ-রসের সংশ্রবে কয়েক স্থলে শান্তি-রসের অবতারণা আছে । বীরবাহুর শোকে স্নানবর্ণের উক্তিতে—

“হায় ইচ্ছা করে,

ছাড়িয়া কনক-লঙ্কা, নিবিড় কাননে

পশি এ মনের জ্বালা জুড়াই বিরলে ।

* * * *

তবে কেন আর আমি থাকি রে এখানে ?

কার রে বাসনা বাস করিতে-আঁধারে ?” — (১ম সর্গ)

মেঘনাদ-বধ কাব্য

ইহা নির্বেদ-ব্যঞ্জক ।

তৎপরে মন্ত্রী সারণের উক্তি—

“বিশেষতঃ এ ভব-মণ্ডল
মায়াময়, বৃথা এর দুঃখ সুখ যত ।
মোহের ছলনে ভুলে অজ্ঞান যে জন ।”—(১ম সর্গ)



—শাস্ত-রসের উদাহরণ স্থল ।

সীতার মুখে পঞ্চবটী-বাস-বর্ণনায় করুণ-রসের সহিত শাস্ত-রসের সুন্দর অভিব্যক্তি ।

নিকুন্তিনা-যজ্ঞাগার-যাত্রী লক্ষণ লঙ্কার বৈভবাদি দেখিয়া রাবণের ঐশ্বর্যমহিমা খ্যাপন করিলে, বিভীষণের উক্তি শাস্ত-রসাত্মক ;—

“যা কহিলি সত্য, শূরমণি ।
এ হেন বিভব, হায়, কার ভবতলে ?
কিস্ত চিরস্থায়ী কিছু নহে এ সংসারে ।
এক যায়, আর আসে, জগতের রীতি,
সাগর তরঙ্গ যথা !”— (৬ষ্ঠ সর্গ)

ব্যাৎসল্য—উপরি-উক্ত নয় প্রকার রস ছাড়া, সংস্কৃতে কোন-কোন আলঙ্কারিক ব্যাৎসল্যকেও রস বলিয়া গণ্য করিয়াছেন ;—

“ক্ষুটং চমৎকারিতয়া বৎসলঞ্চ রসং বদুঃ !
স্থায়ী বৎসলতা স্নেহঃ পুত্রাচ্ছালম্বনং মতম্ ॥”... (সাহিত্যদর্পণম্)

উহার টীকায় আছে—“পুত্রাদীত্যাদিনা ভ্রাতাদিগ্রহণম্ ।”

পুত্রাদির অর্থাৎ পুত্র-ভ্রাতাদির প্রতি স্নেহ হইতে এই রসের উৎপত্তি । স্নেহই ইহার স্থায়িত্ব । পুত্র-ভ্রাতাদি ইহার আলম্বন-বিভাব এবং তাহাদের ক্রিয়া-গুণাদি উদ্দীপন-বিভাব । সংস্কৃত অলঙ্কার-শাস্ত্রে ইহা পদ্মগর্ভচ্ছবি-বর্ণ বলিয়া বর্ণিত এবং লোক-মাতৃকাগণঃ ইহার দেবতা । পদ্মপর্ণ ভেদ করিয়া সূর্যালোক পড়ায় পীতাত পদ্মগর্ভচ্ছবির বর্ণ কেমন দেখায়, তাহা যাহারা দেখিয়াছেন, তাহারাই বুঝিবেন,—

উহা বাৎসল্য রসেরই বর্ণ বটে—স্নিগ্ধ এবং গাঢ় । আর, সংসারের যাবতীয় মানসিক কার্যে ষাঁহাদের কাছে করযোড়ে কল্যাণ-প্রার্থনা করিতে হয়, সেই সর্ব-কল্যাণদাতা গৌরীাদি মাতৃকাগণ ভিন্ন বাৎসল্য-রসের দেবতা আর কে হইতে পারে ? *

উদাহরণ—মেঘনাদের প্রতি রাবণের উক্তি—

“———এ কাল সময়ে
নাহি চাহে প্রাণ মম পাঠাইতে তোমা
বারম্বার ।”——— (১ম সর্গ)

মেঘনাদের প্রতি মন্দোদরীর উক্তি—

“কেমনে বিদায় তোবে করিরে, বাছনি !
আঁধারি হৃদয়াকাশ, তুই পূর্ণ শশী
আমার ।”——— (৫ম সর্গ)

এবং তৎপরে—

“——ঘাইবি রে যদি,—
রাক্ষস-কুল-রক্ষণ বিরূপাক্ষ তোরে
রক্ষুন এ কাল রণে ! এই ভিক্ষা করি
তঁার পদযুগে আমি ! কি আর কহিব ?
নয়নের তারাহারা করি রে খুইলি
আমায় এ ঘরে তুই ! (৫ম সর্গ)

এই-সব স্থল পুত্রস্নেহ-অবলম্বনে বাৎসল্য-রসের সুন্দর অভিব্যক্তি ।

ভ্রাতৃ-বৎসলতা, যেখানে স্নেহ স্থায়িতাব, চমৎকাব হইলে, তাহাও বাৎসল্য-বস বলিয়া গণ্য । বিশেষতঃ লক্ষ্মণের প্রতি রামের স্নেহ,—যে রাম বলিয়াছিলেন—

“দেশে দেশে কলত্রাণি দেশে দেশে চ বাক্যবাঃ
তন্তু দেশং ন পশ্যামি যত্র ভ্রাতা সহোদরঃ ॥—(বাঃ রমাংগ)

* গৌরা, পদ্মা, শচী, মেধা, সাবিত্রী, বিজয়া, জয়া, দেবসেনা, স্বধা, স্বাহা, শান্তি, পুষ্টি, ধৃতি, তুষ্টি, আশ্রদেবতা ও কুলদেবতা ।

—সেই রামের ভ্রাতৃ-স্নেহ, পুত্র-স্নেহ অপেক্ষা কোন অংশেই হীন নহে। এ কাব্যে রামের ভ্রাতৃবৎসলতা-অবলম্বনে বাৎসল্য-রসের চমৎকার অভিব্যক্তি আছে। স্বপ্নাদিষ্ট চণ্ডী-পূজার নিমিত্ত দারুণ বিভীষিকাময় ঘোর বনে প্রবেশ করিতে উৎসাহিত লক্ষ্মণ রামের কাছে অনুমতি চাহিলে, বাম যাত্রা বলিয়াছেন, তাহা চমৎকার বাৎসল্য-রসাত্মক !

“—————কত যে সয়েছ

মোর হেতু তুমি, বৎস, সে কথা স্মরিলে,

না চাহে পরাণ মোর আর আয়াসিতে

তোমার।” —————

(৫ম সর্গ)

—এখানে ‘বৎস’ সম্বোধনে বাৎসল্য রসের ইঙ্গিত সুস্পষ্ট।

তৎপরে লক্ষ্মণ যখন চণ্ডীর আদেশ রামকে জ্ঞাপন করিয়া মেঘনাদ-বধের নিমিত্ত অনুমতি প্রার্থনা করিলে সুভ্রাতৃবৎসল রামের মুখ দিয়া কবি যে চমৎকার ভ্রাতৃ-বাৎসল্যের অভিব্যক্তি করিয়াছেন, বাঙ্গালা কাব্য-সাহিত্য-ক্ষেত্রে তাহা বাৎসল্য-রসের উৎস-স্বরূপ চির-বিরাজ করিবে ;—

“—————হায়রে, কেমনে—

যে কৃতান্ত-দুতে ছবে হেরি, উর্দ্ধ্বাসে

ভয়াকুল জীবকুল ধায় বায়ু-বেগে

প্রাণ লয়ে ; দেব-নর ভয় যার বিধে !

কেমনে পাঠাই তোরে সে সর্প-বিবরে,

প্রাণাধিক ? নাহি কাজ সীতার উদ্ধারি ! (৬ষ্ঠ সর্গ)

এবং তৎপরে,—

—————“কেমনে ফেলিব

এ ভ্রাতৃ-রতনে আমি এ অতল জলে ?”—(৬ষ্ঠ সর্গ)

এই সব রসের, বিশেষতঃ বীর-করণ-রৌদ্ৰাদি প্রধান-প্রধান রসের সংযত সমাবেশে মেঘনাদবধ-কাব্যখানি রসাংশে বড়ই উপভোগ্য। ইহাতে ছন্দের স্বাধীনতা, ভাষার রসোপযোগিতা ও বিবিধ অলঙ্কারের পারিপাট্য সর্বত্রই রসের উৎকর্ষ ও

পরিপুষ্ট সাধন ত করিয়াছেই ; তাহা ছাড়া, সুসংঘত তুলিকাপাতে সর্বত্রই রস চমৎকার গাঢ় হইয়াছে ! এইজন্য এই কাব্য পড়িতে কোথাও ধৈর্য্য-চ্যুতি হয় না । ইহাতে লঙ্কার রণ-ক্ষেত্রের চিত্র কয়েকটা ছত্রে কেমন সুন্দর ফুটিয়া উঠিয়াছে ! বীরবাহু ও মেঘনাদের জন্য রাবণের বিলাপ সুন্দর সংঘত এবং সংঘত বলিয়াই গাঢ় । ইহাতে যুদ্ধোত্তোগ-বর্ণনা গুলি সর্বত্রই নাতিদীর্ঘ ।

অন্যান্য রসেও সেইরূপ ;—

“অধীর হইয়া শূলী কৈলাস-আলয়ে,
লড়িল মস্তকে জটা ; ভীষণ গর্জনে
গজ্জল ভুজঙ্গ-বৃন্দ ; ধক্-ধক্-ধকে
জ্বলিল অনল ভালে ! ভৈরব কল্লোলে
কল্লোলিলা ত্রিপথগা” ।—— (৯ম সর্গ)

এখানে, অল্প কথায় রুদ্র-মূর্তির কি চমৎকার শব্দ-চিত্র ! মধুসূদনের রস-সৃষ্টিতে সর্বত্রই এইরূপ সংযম লক্ষিত হয় । অবশ্য ইহা অসাধারণ ক্ষমতার পরিচায়ক । ক্ষমতা না থাকিলে সংযম আসে না, সাজেও না । সুনিপুণ চিত্রকবই স্বল্প রেখাপাতে চিত্র ফুটাইতে পারেন ।

বিষয়-গুণে, কাব্যোচিত ছন্দ, ভাষা, অলঙ্কার ও রসাদি গুণে এই কাব্য খানিকে মহাকাব্যই বলিতে হয় । ইংরাজীতে এপিক্ (Epic) বলিলে যদি আমাদের ভাষায় “মহাকাব্য” বুঝায়, তাহা হইলেও ইহা মহাকাব্য ; আর সংস্কৃত অলঙ্কার-শাস্ত্রের নির্দেশানুসারে বিচার করিলেও ইহা মহাকাব্য । বিশ্ব-বিশ্রুত রামায়ণের লঙ্কা-যুদ্ধ যে কাব্যের আখ্যান-বস্তু ; অযোধ্যার সুপ্রসিদ্ধ রাজবংশোদ্ভব, অশেষ-গুণ-সম্পন্ন, বীর ভ্রাতৃত্বয় রাম, ও লক্ষ্মণ যাহাতে এক পক্ষ এবং স্বর্গ-মর্ত্য-পাতাল-বিজয়ী প্রবল-পরাক্রান্ত রক্ষোবাহু রাবণ ও ইন্দ্রজিৎ কুমার মেঘনাদ অপর পক্ষ ; অষ্টাধিক সর্গ ব্যাপিয়া বীর ও করুণাদি প্রধান প্রধান রস যে কাব্যে ওতপ্রোত-ভাবে বিঘ্নমান এবং চমৎকার-রূপে অভিব্যক্ত, — সে কাব্যকে মহাকাব্য ভিন্ন আর কি বলা যাইতে পারে ? সংস্কৃত-সাহিত্যে কুমারসম্ভব ; নৈষধীয়-চরিত, শিশুপাল-

বধ ইত্যাদির স্থায় বাঙ্গালা-সাহিত্যে মেঘনাদবধও মহাকাব্য। তবে কবি নিজে ইহাকে “মহাকাব্য” না বলিয়া “কাব্য” নামে অভিহিত করিয়াছেন ; ইহাতে তাঁহার বিনয়-গুণ পরিষ্কৃত।

গুণ

“গুণ্” ধাতুর এক অর্থ “গুণিত করা” অর্থাৎ বৃদ্ধি সাধন করা, উৎকর্ষ করা। অলঙ্কার-শাস্ত্রে রচনার ধর্ম-বিশেষ, যাহা দ্বারা রসের পুষ্টি হয় এবং রচনা মনোহর হয়, তাহাই “গুণ” বলিয়া খ্যাত। দেহীর পক্ষে শৌর্য্য-বীর্য্যাদি ধর্ম-সকল যেমন আত্মার উৎকর্ষ-সাধক বলিয়া “গুণ” নামে খ্যাত, কাব্যেও তেমনই রচনার মাধুর্য্যাদি ধর্ম সকল, কাব্যের আত্মা-স্বরূপ রসের উৎকর্ষ-সাধন করে বলিয়া “গুণ” বলিয়া কীর্ত্বিত। সংস্কৃত অলঙ্কার-শাস্ত্রে দশবিধ গুণের উল্লেখ আছে।—ওজঃ, মাধুর্য্য, প্রসাদ, শ্লেষ, সমতা, স্নকুমারতা, অর্থ-ব্যক্তি, উদারতা, কান্তি ও সমাধি। তন্মধ্যে ওজঃ, মাধুর্য্য ও প্রসাদ—এই তিনই প্রধান।

ওজঃ—রচনায় যে গুণ থাকিলে, তাহা হৃদয়কে উদ্দীপিত করে, তাহাই ওজঃগুণ। বীর, রোদ্ৰ, অদ্ভুত ও ভয়ানক রসের অভিব্যক্তিতে এ গুণের সর্বিশেষ উপযোগিতা। এ কাব্যেও সেইজন্য ওজোগুণ-প্রধান। সাহিত্যের ওজোগুণে হৃদয়ে বলাধান হয়। সেইজন্য ওজোগুণাত্মক সাহিত্য পৌরুষ জনক।

মাধুর্য্য—রচনায় যে গুণ থাকিলে, তাহা চিত্তকে দ্রবীভূত করে, তাহাই মাধুর্য্য-গুণ। আত্ম, করুণ ও শান্ত রসে ইহার সর্বিশেষ উপযোগিতা। এ কাব্যে মেঘনাদ-প্রমীলার কথোপকথন, রামের, রাবণের ও প্রমীলার বিলাপ এবং সীতা ও সরমার কথোপকথন মাধুর্য্য-গুণে মনোহর।

প্রসাদ—রচনায় যে গুণ থাকিলে, তাহা শ্রবণমাত্র চিত্তকে রস-সিক্ত করে, তাহাই প্রসাদ-গুণ। এ কাব্যে সীতা ও সরমার কথোপকথনাংশ আত্ম এই-গুণ-বিশিষ্ট এবং এইজন্যই ঐ অংশ কাব্যংশে এমন মনোরম হইয়াছে।

রীতি

দেহের অবয়ব-সংস্থানের স্থায়, রচনার পদ-সংঘটনকে অলঙ্কার-শাস্ত্রে রীতি বলে। ইংরেজীতে যাহাকে style বলে, ইহা তাহাই। সংস্কৃত ভাষায় দেশ-ভেদে চারি প্রকার রীতি প্রসিদ্ধ—গৌড়ী, বৈদর্ভী, পাঞ্চালী ও লাতী। সেকালে এক-এক প্রদেশে পদ-সংঘটন-ভঙ্গি এক-এক প্রকার ছিল; সেইজন্য দেশ-ভেদে রীতি-ভেদ করা হইয়াছিল। কিন্তু বাঙ্গালায় তাহা হইতে পারে না। বাঙ্গালার পদ-সংঘটন-ভঙ্গি-ভেদেই রীতি-ভেদ করিতে হয়। বাঙ্গালী-আলঙ্কারিক পণ্ডিত ৬জয়গোপাল গোস্বামী মহাশয় এই প্রণালীতে রীতি-ভেদ করিয়াছেন। তাঁহার মতে বাঙ্গালী ভাষায় রীতি প্রধানতঃ দুই প্রকার;—সাধ্বী ও প্রাকৃতী। রচনা সাধু-ভাষা-প্রধান হইলে, সে রীতিকে সাধ্বী বলে। বাঙ্গালী-সাহিত্যে প্রধানতঃ এই রীতিই অবলম্বিত হইয়া আসিতেছে। চলিত ভাষা অবলম্বনে রচনা করিলে, সেখানে প্রাকৃতী রীতি কথা যায়। “ছতোম পেঁচার নক্সা” ও “আলালের ঘরে দুলাল” এই রীতির প্রকৃষ্ট উদাহরণ। নাটকাদিতেও ইহার উদাহরণ পাওয়া যায়। এ কাব্যখানিতে আদ্যন্ত সাধ্বী রীতিই অবলম্বিত হইয়াছে। এরূপ গম্ভীর মহাকাব্যে প্রাকৃতী রীতির স্থান নাই; তাহা শোভনও হইত না; বরং তাহাতে রসোভঙ্গই হইত।

সাধ্বী রীতি চারি প্রকার;—দাণ্ডালী, হৈমী, দ্বৈমাতুরী ও মাদনী।

দাণ্ডালী—রচনা আড়ম্বরময়-শব্দ-সম্পন্ন ও গম্ভীর হইলে, দাণ্ডালী রীতি। ইহা সংস্কৃত-সাহিত্যের ‘গৌড়ী’ রীতির অনুরূপ। এ কাব্যে বীর-রোদ্ৰ-অদ্ভুত ও ভয়ানক রসের পরিষ্কৃষ্ণে দাণ্ডালী রীতিই অবলম্বিত হইয়াছে। “দাণ্ডালী-নিষ্ফেপী” স্বয়ং যে কাব্যের একজন প্রধান উপনায়ক, সে কাব্যের অনেকস্থল দাণ্ডালী-রীতির উদাহরণ হইবারই কথা।

হৈমী—যেখানে রচনা মধুর ও ললিত পদ-সম্পন্ন, সেখানে হৈমী। ইহা সংস্কৃতের বৈদর্ভী-রীতির অনুরূপ। সীতা সরমার কথোপকথনে অনেক স্থলে এই রীতি লক্ষিত হয়।

ধৈমাতুরী—দাম্ভালী ও হৈমীর মিশ্রণে ধৈমাতুরী-রীতি। ইহা সংস্কৃতের “পাঞ্চালী” রীতির অনুরূপ। এ কাব্যে বীর-রসের অভিব্যক্তিতে অনেক স্থলে এইরূপ সংমিশ্রণ বিদ্যমান।

মাদনী—রচনা অতি মৃদু-পদ-সম্পন্ন হইলে মাদনী-রীতি। ইহা সংস্কৃতের লাটী-রীতির অনুরূপ। এ কাব্যে সীতা ও সরমার কথোপকথনের অনেক স্থলে ইহার উদাহরণ।

দোষ-পরিচ্ছেদ

কাব্য-সমালোচনায় দোষ-গুণ, দুই-ই বিচার করা অলঙ্কার-শাস্ত্রের বিধান। গুণ-বিচার যথাসাধ্য করিলাম। এখন দোষ-বিচার করিতেছি।

দেহীর পক্ষে যেমন কাণ্ড-খঞ্জহাদি, কাব্য-পুঙ্খের পক্ষেও দোষ তদ্রূপ। রসই কাব্যের আত্মা; সুতরাং যাহা রসের অপকর্ষ ঘটায়, তাহাই অলঙ্কার-শাস্ত্রে ‘দোষ’ বলিয়া গণ্য। সংস্কৃত অলঙ্কারিকেরা নানাবিধ দোষকে নানা নামে শ্রেণিবদ্ধ করিয়াছেন। এখানে আমি কয়েকটা প্রধান-প্রধান দোষের উল্লেখ করিতেছি।

ছন্দোদোষ—অধিকাকর, ন্যূনাকর, যতি-ভঙ্গ ও মাত্রা-পাত—এই চারি প্রকার ছন্দোদোষের মধ্যে এ কাব্যে যতি-ভঙ্গের বা মাত্রা-পাতের বিশেষ সম্ভাবনা নাই; কারণ অমিত্রচ্ছন্দে যতি নির্দিষ্ট-নিয়মাবলী নহে এবং বাঙ্গলা চতুর্দশাকরী পয়ারে মাত্রার অর্থাৎ লঘু-গুরুর কোন নিয়ম নাই। তবু, ইহা লক্ষ্য করিবাব বিষয়, মধুসূদন অনেক স্থলেই ছন্দের সুর বক্ষা করিবাব জন্য হ্রস্ব-দীর্ঘের দিকে বিশেষ দৃষ্টি রাখিয়াছেন ;—

“নিশার স্বপন সম তোর এ বারতা।” (১ম সর্গ)

“দীন যথা যায় দূর তীর্থ দরশনে” (৪র্থ সর্গ)

এই-সব স্থলে হ্রস্ব-দীর্ঘ-ঘটিত পদের সমুচিত সমাবেশে ছন্দের সুর সুন্দর রক্ষিত হইয়াছে। কিন্তু সর্বত্রই এরূপ সম্ভব হয় নাই। সেই-সেই স্থলে এক-প্রকার মাত্রা-দোষ ঘটিয়াছে, বলিতে হয় ;—

একদা, বিধুবদনে, রাঘবের সাথে

ভ্রমিতেছি কাননে, দূর গুল্ম-পাশে

চরিতেছিল হরিণী।”——— (৪র্থ সর্গ)

এখানে “ভ্রমিতেছি” ও “চরিতেছিল” পদদ্বয়ে মাত্রা-পাত হওয়ায় উহা অস্বাভাবিক স্থলের স্থান অতিমধুর হয় নাই।

অধিকাকর—এ কাব্যে কোথাও এ দোষ লক্ষিত হয় না। কয়েক স্থলে, যেখানে ‘বৎস’, ‘বৎসব’, ‘উৎস’, ‘কুজঝাটিকা’ ইত্যাদি আছে, সেখানে দৃশ্যতঃ পনের অক্ষর হইলেও, ‘ৎস’ বা ‘জঝ’, উচ্চারণে এক অক্ষর বলিয়াই গণ্য। সুতরাং তাহাতে ছন্দোভঙ্গ হয় নাই।

ন্যূনাকরতা—এ কাব্যে কোথাও নাই।

পদ-ও-বাক্য-দোষ—

শ্রুতিকটুতা—ঠিক শ্রুতিকটু না হইলেও স্থলে-স্থলে দুর্বোধ শব্দের প্রয়োগ দেখা যায় ;—‘যাদঃ-পতি-রোধঃ’, ‘দেব-ওদন’, ‘প্রক্ষেড়ন’ ইত্যাদি। বীর-

রসাদিতে দুঃশ্রব শব্দের ব্যবহার আছে ; কিন্তু তাহা দোষাবহ না হইয়া গুণ বলিয়াই গণ্য ।

অশ্লীলতা—কবি এ বিষয়ে স বিশেষ সাবধান হইলেও দুই-এক স্থলে, কথায় না হউক, ভাবে শ্লীলতার সীমা অতিক্রম করিয়া ফেলিয়াছেন ;—অষ্টম সর্গে কামুক ও কামুকী প্রেতদিগেব কাম-লীলা বর্ণনা অশ্লীল-ভাবাপন্ন ।

গ্রাম্যতা—গ্রাম্য শব্দের ব্যবহার এ কাব্যে কচিৎ দুই-এক স্থলে দৃষ্ট হয় ;—“খেনাইছে”, “ভাঁড়াইলা” ইত্যাদি । নবম সর্গে সীতার উক্তি “হাদে দেখ” গ্রাম্য হইলেও, স্ত্রীলোকের মুখে অশোভন হয় নাই ।

নিহতার্থতা—শব্দের যে অর্থ অপ্রচলিত, সেই অর্থে সেই শব্দের প্রয়োগ । ‘বল্লভ’ পদ প্রিয়ার্থ-বাচক হইলেও, প্রায়ই প্রণয়ীতে প্রযুক্ত হয় । কিন্তু এ কাব্যে প্রিয়ার্থে পুত্রে প্রযুক্ত হইয়াছে ;—

কৃত্তিকাকুল-বল্লভ সেনানী—(২য় সর্গ)

‘জগদম্বা’ নাতৃ-বাচক হইলেও সচরাচর কেবল দুর্গা ও কালীদেবীকেই বুঝায় । এ কাব্যে এক স্থলে লক্ষ্মীকে ‘জগদম্বা’ বলা হইয়াছে—(৬ষ্ঠ সর্গ) ।

অবাচকতা—যে শব্দের অর্থে যাহা বুঝায় না, তাহা বুঝাইতে সেই শব্দের প্রয়োগ । “উৎস রজঃছটা”,—“সফরী, দেখাতে ধনী রজঃ-কাস্তি-ছটা”—এখানে এবং সর্বত্রই (মধুসূদনের অন্ত্যস্ত কাব্যেও) রজতার্থে ‘রজঃ’ ব্যবহৃত হইয়াছে ।

অন্তর্নিহিত অর্থে “অন্তরিত” (“অন্তরিত পরাক্রমে”) ; পিধানার্থে “নিকষ” (“নিকষে যথা অসি”) ; নাশকার্থে ‘নশ্বর’ (“মরে নর কাল-ফণী-নশ্বর দংশনে”—“নশ্বর সংগ্রামে”) ; প্রতারণার উদ্দেশে রোষার্থে “প্রতারিত রোষ”—এই গুলি অবাচকতা-দোষের উদাহরণ ।

এক টীকাকার “লক্ষা, হৈমবতী পুরী” স্থলে “হৈমবতী”—অর্থে পার্বতী বুঝিয়া এখানে ‘অবাচকতা-দোষ’ বলিয়াছেন । বস্তুতঃ “হৈমবতী” অর্থে এখানে হেম-

নির্মিত-অগ্কার-বিশিষ্টা। সূতরাং, এখানে কবির উক্তিতে অবাচকতা-দোষ না হইয়া বরং টীকাকারেরই অবাচ্যতা-দোষ হইয়াছে। এই কাব্যেই অন্তর্ভুক্ত আছে—
“হৈমবতী উষা” অর্থাৎ উষা তরুণারুণ-রাগ-রঞ্জিতা বলিয়া যেন হৈমালঙ্কার-বিশিষ্টা।

অমুচিততা—মহতের সহিত ক্ষুদ্রের তুলনা অমুচিত। এ কাব্যে কোন-কোন স্থলে এই দোষ ঘটিয়াছে ;—

“হোঁষল অথ মগন হরষে,
দানব-দলিনী-পদ্মপদযুগ ধরি’
বক্ষে, বিরূপাক্ষ সুখে নাদেন যেমতি।”—(৩য় সর্গ)

অন্তর্ভুক্ত—

“সে রঞ্জেস্ত্রে, রাঘবেস্ত্রে, রাধে পদতলে
ধিমোহিনী দিগম্বরী যথা দিগম্বরে !”— (৩য় সর্গ)

উন্নততার বর্ণনায়—

“— কভু বা
উলঙ্গ, সমর-রঞ্জে হর-প্রিয়া যথা”— (৮ম সর্গ)

নিরর্থকতা—বর্ণিতব্য বিষয়ের অনুপযোগী কিংবা অর্থহীন শব্দ বা বাক্যের প্রয়োগ ;—

“হে কৃত্তিকে হৈমবতি।”— (৫ম সর্গ)

এখানে হৈমবতী পার্বতীই কবির লক্ষ্য। কিন্তু কৃত্তিকা ও হৈমবতী একজন নহেন ; সূতরাং ‘কৃত্তিকে’ নিরর্থক।

“——সুরপতি-সহ
ভারক-সূদন যেন শোভিল ছুজনে,
কিন্মা ত্রিষাম্পতি-সহ ইন্দু সূধানিধি।”— (৩য় সর্গ)

এখানে “শোভিল” নিরর্থক। কারণ, সূর্যের সহিত চন্দ্রের একত্র ‘শোভা’ পাওয়া অসম্ভব।

ক্লিষ্টতা—নানা শব্দের যোজনা-দ্বারা অভিপ্রেত অর্থের প্রকাশ। সমুদ্র তট বুঝাইতে “যাদঃ-পতি-রোধঃ” ; মেঘনাদ বুঝাইতে ‘অসুরারি-রিপু’ ।

চ্যুত-সংস্কৃতি—ব্যাকরণ-ছষ্ট পদের প্রয়োগ ;—“প্রফুল্লিত”, “সত্রাসে” বথাক্রমে ‘প্রফুল্ল’ ও ‘ত্রাসে’ হওয়া উচিত। “শিরোপরি” ব্যাকরণ তষ্ট।

অধিকপদতা—এক শব্দে যাহা বুঝায়, তাহার জন্ম সেই শব্দের সঙ্গে আর-এক বা ততোধিক শব্দের ব্যবহার ;—“অবগাহে দেহ”। এখানে ‘দেহ’ পদটি অধিক ; কারণ, ‘অবগাহে’ বলায় জলে দেহ নিমজ্জন বুঝাইয়া থাকে।

“শুনি সে সু-আরাধনা, নগেন্দ্র-নন্দিনী,
আনন্দে, তথাস্তু বলি আশীষিলা মাতা।”—(৬ষ্ঠ সর্গ)

এখানে, ‘নগেন্দ্র নন্দিনী আশীষিলা’ ; স্মৃতির্যং ‘মাতা’ অধিক পদ।

“অশ্রমর অঁধি পুনঃ কহিল রাবণ,
মন্দোদরী-মনোহর,—কহ রে সন্দেশ-
বহ”————— (১ম সর্গ)

এখানে, ‘রাবণ’ বলিয়া আবার ‘মন্দোদরী-মনোহর’ বলার কোন সার্থকতা নাই। শুধু অনুপ্রাসের লোভে, ‘সন্দেশ’ এর খাতিরে ‘মন্দোদরী’ ।

ন্যূনপদতা—প্রয়োজনীয় পদের অভাব ;—

“—শঙ্খ, চক্র, গদা,
চতুর্ভূজে চতুভুজ,—(৬ষ্ঠ সর্গ)

এখানে, চতুর্থ ভূজেব জন্ম, ‘পদ্ম’—এই পদের অভাব। তিনটি পদার্থ ‘চতুর্ভূজে’—বিসদৃশ হইয়াছে।

অর্দ্ধান্তরৈকপদতা—একটি পদের একাংশ এক চরণের শেষে এবং অপরাংশ দ্বিতীয় চরণের আরম্ভে ব্যবহার ;—

“— কহ, রে সনেশ-

বহ” ————— (১ম সর্গ)

“ ——— ইন্দ্রতুল্য বলী-

বৃন্দ, চেয়ে দেখ, সাজে ।” ——— (১ম সর্গ)

“শুইলা ফুল-শয়নে সৌরকব-রাশি-

কপিণী সুর-সুন্দরী ।” ——— (৫ম সর্গ)

————— “সৌরকর রাশি-

সদৃশ কিরীট ; —————” (৯ম সর্গ)

এই-সব স্থলে প্রকৃত-পক্ষে একটি পদকে বিভক্ত করা হয় নাই ; সংযুক্ত পদকে বিভক্ত করা হইয়াছে মাত্র । একটা পদ বিভক্ত হইলেই প্রকৃত দোষের হয় ।

প্রসিদ্ধি-ত্যাগ—যাণ প্রসিদ্ধ, তাহার পরিহার করিয়া নূতনের প্রয়োগ ;—

“প্রবেশিলা যুদ্ধে আসি নরেন্দ্র রাঘব ;—

কনক-মুকুট শিরে ;” ————— (১ম সর্গ)

লক্ষাযুদ্ধে রামের মস্তকে “কনক-মুকুট” অপ্রসিদ্ধ ।

“শুনেছি কৈলাস-পুরে কৈলাস-নিবাসী

ব্যোমকেশ, স্বর্ণাসনে বসি গৌরী-সনে”— (৪র্থ সর্গ)

কৈলাসে মহাদেবের ‘স্বর্ণাসন’ অপ্রসিদ্ধ ।

নবম সর্গে প্রমীলা সম্বন্ধে আছে ;—

“মর্ন্ত্যে রতি মৃত-কাম-সহ সহগামী ।”— (৯ম সর্গ)

বক্তঃ, রতি মৃতপত্নিসহ সহগামিনী হয়েন নাই ।

গর্ভিততা—এক বাক্যের মধ্যে বাক্যান্তরের উক্তি ;—

“——কহিল দুর্শ্বতি—

(প্রভারিত রোষ আমি নারিনু বুঝিতে)

‘সুধার্ত্ত অতিথি আমি কহিনু তোমারে ।’—(৪র্থ সর্গ)

এখানে বন্ধনী-বেষ্টিত বাক্যান্তরটিকে বক্ষ্যমাণ বাক্যের মধ্যে প্রবিষ্ট করান হইয়াছে ।

“——কি কুক্ষণে (তোব দুঃখে দুঃখী)

পাবক-শিখা-রূপিণী জানকীরে আমি

আনিবু এ হৈমগেহে ?’—— (১ম সর্গ)

এখানে, ‘তোব দুঃখে দুঃখী’—এই বাক্যান্তরটিকে মূল বাক্যের মধ্যে প্রবিষ্ট করান হইয়াছে ।

এ কাব্যে যে-কয়েক স্থলে গভীততা আছে, তাহা ইংরেজীর অনুকরণে । সুতরাং, উহা ইংবেজী-শিক্ষিতদের কাছে মন্দ লাগে না ।

দূরাস্বয়—ক্রিয়াপদের সম্মিহিত না হইয়া দূবে অর্থাৎ বাক্যান্তরের পরে কর্মাদিব অবস্থান ।

“——কহ কেমনে রেখেছ,

কাকালিনী আমি, রাজা, আমার সে ধনে ?”

এখানে, ‘রেখেছ’ ক্রিয়ার কর্ম ‘ধনে’ ; কিন্তু দুইয়ের মধ্যে বাক্যান্তরদ্বয়—‘কাকালিনী আমি’ ও ‘রাজা’ ব্যবধান হইয়াছে ।

“কুল, মান, প্রাণ মোর রাখ, হে, উদ্ধারি,

রঘু-বন্ধু, রঘু-বধু, বন্ধা কারাগারে ।’—(৭ম সর্গ)

এখানে, ‘উদ্ধারি’ ক্রিয়ার কর্ম ‘রঘুবধু’ ; কিন্তু মধ্যে সম্বোধন-পদ ‘রঘু-বন্ধু’ ব্যবধান থাকায় দূরাস্বয় হইয়াছে । কিন্তু এরূপ দূরাস্বয়ে অর্থ-গ্রহণের ব্যাঘাত হয় না । যে রূপ দূরাস্বয় হইলে তাহা হয়, তাহাই প্রকৃত দোষের । এ কাব্যে সেরূপ দূরাস্বয় দৃষ্ট হয় না ।

অর্থদোষ—

ব্যাহতত্ব—একই বিষয়ের উৎকর্ষ বা অপকর্ষ দেখাইয়া, পরে তাহার
অনুথা-করণ ;—

“আমি কি ডরাই, সখি, ভিখারী রাখবে ?
পশিব লঙ্কায় আমি নিজ ভুজ-বলে ;
দেখিব কেমনে মোরে নিবারে নৃমণি ?”—(৩য় সর্গ)

এখানে, রাখবকে ‘ভিখারী’ বলিয়া, ক্ষণপরেই আবার ‘নৃমণি’ বলায় উৎকর্ষ-
কথন দ্বারা অপকর্ষ-কথন ব্যাহত হইয়াছে ।

খ্যাতি-বিরুদ্ধতা—যাহা লোক-প্রসিদ্ধ বা কবি-প্রসিদ্ধ, তাহার বিরুদ্ধ
ভাব-ব্যঞ্জনা ;—

“শোভিল মুকুতাপাতি সে চিকণ কেশে,
চন্দ্রমার রেখা যথা ঘনাবলী-মাঝে,
শরদে !”—————— (৭ম সর্গ)

শরতের মেঘ শুভ্র বলিয়াই প্রসিদ্ধ ; স্মৃতরাং, উহার সহিত এখানে (কৃষ্ণবর্ণ)
কেশের উপমা খ্যাতি-বিরুদ্ধ হইয়াছে ।

রস-দোষ—

বিরুদ্ধ-রস-বিভাব-পরিগ্রহ—কোন রসের মধ্যে যদি বিরোধী রসের
বিভাবাদি আসিয়া পড়ে, তবে মূল-রসের অপকর্ষ হয় বলিয়া, উহা দোষ-মধ্যে
গণ্য ;—

তৃতীয় সর্গে সখিবৃন্দের প্রতি প্রমীলার সম্ভাষণ চমৎকার বীর রসাত্মক ;
কিন্তু তন্মধ্যে—

“অধরে ধরি লো মধু, গরল লোচনে
আমরা ; নাহি, কি বল এ ভুজ-মৃগালে ?

চল সবে, রাখবের হেরি বীরপণা,
দেখিব যে রূপ দেখি শূর্ণগথা পিসী
মাতিল মদন-মদে পঞ্চাটী বনে ।”—(৩য় সর্গ)

এই আশু-রসাত্মক বর্ণনা আসিয়া পড়ায় এখানে রস-দোষ ঘটিয়াছে ।

অকাল-রস-ব্যঞ্জনা—যে সময়ে যে রস অশোভন, সেই সময়ে সেই রসের
অভিব্যক্তি ;—

নবম সর্গে সামরিক শাসন-যাত্রাকালে শোকাকুলা চেড়িবৃন্দ-মধ্যে প্রমীলার
ঘোড়া (বড়বা) চলিয়াছে ;—

“প্রমীলার বীরবেশ শোভে ঝল-ঝলে
বড়বার পৃষ্ঠে—অসি, চর্ম্ম, তণ, ধনুঃ,
কিরীট, মণ্ডিত, মরি, অমূল রতনে !
সারসন মণিময় ; কবচ খচিত
সুবর্ণে,—মলিন দৌহে——শারসন, স্মরি,
হায় রে, সে সরু কটি—কবচ, ভাবিয়া
সে সু-উচ্চ কচয়ুগে—গিরিশৃঙ্গ-সম !—(৯ম সর্গ)

এখানে, ঘোর করুণ-রসের অভিব্যক্তির মধ্যে আশু-রসের বিভাব-বর্ণনা নিতান্তই
অশোভন ও অনুপভোগ্য ।

প্রকৃতি-বিপর্যায়—দেবতাদি দিব্য নায়ক-নায়িকার সন্তোগাদি বর্ণন করিলে,
দেব-প্রকৃতি ও দেব-মর্যাদা ক্ষুণ্ণ হয় ; এইজন্য ইহা দোষ বলিয়া গণ্য ;—

দ্বিতীয় সর্গে হর-পার্বতী সম্বন্ধে এই দোষ ঘটিয়াছে । উগ্র সংঘত ও ইঙ্গিত-
মাত্র হইলেও অনুপভোগ্য ।

অজ্ঞাতবিস্তৃতি—মূল বিষয়ের কোন-এক অঙ্গের অতি-বিস্তৃত বর্ণনা ;—

অষ্টম সর্গে অতি-দীর্ঘ নরক-বর্ণনাটি এই দোষে ছষ্ট । কবি অজ্ঞাত দৃশ্য-বর্ণনার
যে রূপ সংঘত, এখানে সেরূপ হয়েন নাই । নরক-বর্ণনার মধ্যে আবার

প্রতিনীদিগের বর্ণনাও অতি-বিস্তৃতি-দোষে ছষ্ট। পরন্তু, উহা অশ্লীলতাবাপন্ন ও অপ্রিয়-রসাতাস-ছষ্ট।

উহাকে বীভৎস-রস বলিলেও অতি-বিস্তৃতি-দোষ ঘটে এবং বীভৎস-রসে অতি-বিস্তৃতি একান্তই অসহ।

অনৌচিত্য—রস-অঙ্গে কতকগুলি ‘অনৌচিত্য’-দোষ কথিত হইয়া থাকে—
শোনৌচিত্য, কালানৌচিত্য, অবস্থানৌচিত্য, বয়োনৌচিত্য, জাত্যানৌচিত্য, পাত্রা-
নৌচিত্য ইত্যাদি। প্রথম সর্গে কাব্যারম্ভে রাবণের সভা-বর্ণনায়, যে-সভায় শতশত
পাত্রমিত্রাদি “নতভাবে” বসিয়া আছেন, সেই সভায় সূচাকু চামর ঢুলাইবার সময়ে
কিঙ্করীর “আনন্দে” যুগল-ভূজ্ঞ আন্দোলন অবস্থানুচিত হইয়াছে।

এ কাব্যে পাত্রানৌচিত্য দোষ স্থানে-স্থানে বিদ্যমান। যেখানে পাত্র-পাত্রীর
কথা বা কার্য সেই পাত্র বা পাত্রীর পক্ষে অনুচিত, সেইখানে পাত্রানৌচিত্য-দোষ।

দ্বিতীয় সর্গে, জননী-স্বরূপা পার্শ্বতীর কাছে সবিস্তারে আত্ম-রসের ভাষায়
মোহিনী-মূর্তির রূপ-বর্ণনা করা মদনের মুখে অশোভন ; সূতরাং অনুচিত হইয়াছে।

ষষ্ঠ সর্গে, গোঁপনে নিকুন্তিলা-যজ্ঞাগারে সশস্ত্র লক্ষ্মণের প্রবেশ, দৈবাস্ত্রে সজ্জিত
হইয়াও, মেঘনাদ-নিষ্কিপ্ত কোষার আঘাত নিবারণে অক্ষমতা ; নিরস্ত্র মেঘনাদকে
হত্যা ;—এ সকলই বীর-চরিত্রের পক্ষে পাত্রানুচিত। পাশ্চাত্য কাব্যাদির অনুকরণে
লুক্ক হইয়াই, কবি এই প্রমাদে পড়িয়াছেন। ইহাতে লক্ষ্মণেব বীর-চরিত্র ক্ষুণ্ণ
হইয়াছে। যদিও, যে-রাবণ রাম-লক্ষ্মণের অজ্ঞাতসারে ছলনা ও বল-প্রয়োগ দ্বারা
অবলা হরণ করিয়াছে, সেই রাবণের পক্ষ হইয়া যে যুদ্ধ করিতেছে, তাহার প্রতি
শ্রায়-আচরণের তত প্রয়োজন আছে বলিয়া বোধ হয় না ; যদিও পাপীর প্রতি
শাস্তি-বিধানে শ্রায়-যুদ্ধই কর্তব্য বলিয়া মনে হয় না ; যদিও রাক্ষসের সহিত যুদ্ধে
কৃত্র-ধর্ম পালনেরও অবশ্য-কর্তব্যতা লক্ষিত হয় না—লক্ষ্মণ নিজেই মেঘনাদকে এ
সকল কথা বলিয়াছেন,—

“———জন্য রক্ষকুলে

তোর ; ক্ষত্রধর্ম, পাপি, কি হেতু পালিব

তোর সঙ্গে ?”——— (৬ষ্ঠ সর্গ)

—তবু দৈবাস্ত্রে সজ্জিত হইয়াও মেঘনাদ-কর্তৃক নিষ্কিপ্ত কোষার আঘাত নিবারণে লক্ষ্মণ অক্ষম হইলেন এবং সে আঘাতে মূর্ছাপ্রাপ্ত হইয়া ‘ভূতলে’ পড়িয়া গেলেন ; পরে মায়া-দেবীর বস্ত্রে চেতনা পাইবার পরে যখন যুদ্ধ চলিতে লাগিল, তখন মেঘনাদ শঙ্খ-ঘণ্টাদি লক্ষ্মণের প্রতি নিষ্ফেপ করিতে থাকিলে, দৈবাস্ত্র-বলে বলী লক্ষ্মণকে কষ্ট করিয়া সেগুলি নিবারণ করিতে হইল না ;—মায়াদেবীই ‘বাহু প্রসারণে’ সে-সব ফেলিয়া দিতে থাকিলেন ! ইহাতে লক্ষ্মণের বীর-চরিত্রকে সবিশেষ খর্ব করা হইয়াছে, তাহাতে সন্দেহ নাই । কবি এ কাব্যে লক্ষ্মণকে বীর-ভাবে দেখান নাই, এমন নহে ;—সর্বত্রই লক্ষ্মণ ‘বীর-কেশবী’, ‘রৌদ্র দাশরথি’ । পঞ্চম সর্গে বিভীষিকাময় বনবাজি-মাঝে মগদেবকেও লক্ষ্মণ বারের তায় যুদ্ধার্থ সগর্বে আহ্বান (Challenge) করিয়াছেন ; মহাদেবও ‘বাথানি সাহস তো’র’ বলিয়া ‘বিনা রণে’ পথ ছাড়িয়া দিয়াছেন । মেঘনাদ-বধেব পবে, যখন রুদ্র-তেজে পূর্ণ রাবণ লক্ষ্মণের সহিত যুদ্ধ করিয়া, তাঁহাকে শক্তিশূন্যে আগত করেন, তখন সে যুদ্ধে রুদ্র-তেজঃ-শালী রাবণকেও বলিতে হইয়াছে—

“বাথানি বীরপণা তো’র আমি.

সৌমিত্রি-কেশরি !”——— (৭ম সর্গ)

তবু কবি মেঘনাদের সহিত যুদ্ধে, বোধ হয়, কেবলমাত্র পাশ্চাত্য কাব্য-নাটকের অনুকরণেব বশবর্তী হইয়াই লক্ষ্মণকে হীন কবিয়া ফেলিয়াছেন । Shakespeare তাঁহার “Troilus and Cressida” নামক নাটকে “নিরস্ত্র” Hector-কে Achilles-কর্তৃক নিহত করাইয়াছেন । বাহা হউক, ইহা মেঘনাদবধের দুর্পনয় কলঙ্ক ।

এ কাব্যের রাম-চরিত্র সম্বন্ধেও অনেকে ঐরূপ দোষারোপ করিয়া থাকেন । সেইজন্য এই দোষ-পরিচ্ছেদে সে কথাও আলোচনা করিতে হইতেছে ।—

তৃতীয় সর্গে, প্রমীলা ও তাঁহার চেড়িবৃন্দ লঙ্কাভিমুখে চলিয়া গেলে, বিভীষণের কাছে রামের উক্তি—“দূতীর আকৃতি দেখি ডরিমু হৃদয়ে” ইত্যাদি বীরের পক্ষে অনুচিত ভয়-ব্যঞ্জক বলিয়া ব্যাখ্যা হইয়া থাকে। কিন্তু ইতিপূর্বে দূতীর প্রতি রাম যাহা কহিয়াছেন, সেই বীরোচিত-সৌজন্য-ব্যঞ্জক উক্তির সহিত সংযোজনা করিয়া দেখিলে, পরে বিভীষণের কাছে ‘ডরিমু’ ইত্যাদি কথাগুলি কাপুরুষতা-ব্যঞ্জক বলিয়া বোধ হয় না; উহা ভয়ের ভাষায় বিস্ময়-প্রকাশ মাত্র। কারণ, বমণীর একরূপ বীর-ভাব রামের পক্ষে অদৃষ্টপূর্ব; সুতরাং বিস্ময়-জনক।

যখন রুদ্র-তেজ-পূর্ণ রাবণ রামকে যুদ্ধ-ক্ষেত্রে আসিতে দেখিয়া স্পর্ধার সহিত বলিলেন—

“———— না চাহি তোমারে
আজি, হে বৈদেহীনাথ ! এ ভব-মণ্ডলে
আর একদিন তুমি জীব নিরাপদে।”——(৭ম সর্গ)

তখন রাম ‘না রাম, না গঙ্গা’ কিছুই বলিলেন না। কেহ-কেহ বলেন যে, ইহাও রামের গায় বীরের পক্ষে অনুচিত হইয়াছে। কিন্তু এখানে ভাবিয়া দেখিতে হইবে যে, মহাদেবের আদেশে আজ রাবণ ‘মহারুদ্রতেজে পূর্ণ’। এই রুদ্র-তেজের কাছে দেব-বীর্য্যও নিষ্ফল;—সনানী কার্ত্তিককেও যুদ্ধে বিরত হইতে হইয়াছে! রাম নীরব থাকিবেন, ইহাতে আর আশ্চর্য্যের কথা কি? বিশেষ, যখন রাবণ আজ রামের সহিত যুদ্ধ করিতে চাহিতেন না, তখন ‘বীর’ রামের পক্ষে নীরবতাই বরং শোভন হইয়াছে।

লক্ষ্মণের জন্ম সমধিক ভয়-ব্যাকুলতা ও কাতরতাও বীর রামের পক্ষে অনুচিত বলিয়া কথিত হইয়া থাকে। কিন্তু ভাবিতে হইবে যে, এ কাব্যে রামের বীরত্ব দেখাইবার অবসর নাই। কারণ, লক্ষ্মণ কর্তৃক মেঘনাদ-বধ এবং রাবণ কর্তৃক লক্ষ্মণকে শক্তিশেলে বিদ্ধনই এই কাব্যের মুখ্য বর্ণনার বিষয়। সুতরাং, রাম এ কাব্যে “সুভ্রাতৃবৎসল” রূপেই চিত্রিত। অযোধ্যা-ত্যাগ-কালে সুমিত্রা, লক্ষ্মণকে রামের হস্তে গ্ৰাস-স্বরূপই দিয়াছেন। সুতরাং, লঙ্কার বনরাজি-মাঝে চণ্ডীর

দেউলে গিয়া চণ্ডীপূজা করা যে কি ভয়ানক ব্যাপার, বিভীষণের মুখে তাহা শুনিয়া, লক্ষ্মণের জন্ত রামের ভয়-ব্যাকুলতাই রামের ছায় ভ্রাতৃবৎসলের পক্ষে স্বাভাবিক।

অষ্টম সর্গে, মুর্ছাগত লক্ষ্মণকে কোলে করিয়া রামের বিলাপ ভ্রাতৃবৎসলতার চমৎকার অভিব্যক্তি। যাহাকে সুমিত্রা-মাতা শ্বাস-স্বরূপ রামের হাতে সমর্পণ করিয়াছেন, যাহার জন্ত তিনি সুমিত্রা-মাতার কাছে দায়ী, তাহাকে ছাড়িয়া কি সীতার উদ্ধার? এই দায়িত্ব ভাবিয়াই রাম বিলাপ করিতে-করিতে বলিয়াছেন—

“—চল ফিরি যাই বনবাসে।

নাহি কাজ, প্রিয়তম, সীতার উদ্ধারি” —(৮ম সর্গ)

এই উক্তি রামের বীরত্বে আঘাত লাগে নাই; বরং তাহার ভ্রাতৃত্বই ফুটিয়া উঠিয়াছে। এই স্থলে অন্যান্য রামায়ণ-কবিরাও এইরূপেই রামকে লক্ষ্মণের জন্ত বিলাপ করাইয়াছেন।

পূর্বে বলিয়াছি, এ কাব্যে রামের বীরত্ব দেখাইবার অবসর নাই। তবু কবি ভগ্নদূতের মুখে বীরবাহুর সহিত রামের যুদ্ধে রামের বীরত্ব-বর্ণনা করিতে ভুলেন নাই;—

“অগ্নিময় চক্ষুঃ যথা হৃদ্যাক্ষ সরোষে

কড়মড়ি ভীম দম্ব, পড়ে লক্ষ দিয়া,

বৃষ-স্কন্ধে, রামচন্দ্র আক্রমিলা রণে

কুমারে”—

(১ম সর্গ)

নিকুন্তিলা-যজ্ঞাগারে মেঘনাদের সহিত যুদ্ধে লক্ষ্মণকে হীন করা হইয়াছে, সত্য; কিন্তু রামকে এ কাব্যে হীন করা হইয়াছে বলিয়া বোধ হয় না। বরং ভ্রাতৃ-বৎসল রামের ভ্রাতৃবৎসলতা অতি সুন্দর-রূপেই দেখান হইয়াছে।

এই প্রসঙ্গে একথাও বলিতে হইতেছে যে, রামায়ণেও রাম-লক্ষ্মণের চিত্র একেবারে নির্দোষ নহে। বনবাসের আজ্ঞায় পিতার প্রতি লক্ষ্মণের অবধা ঘোরতর উদ্ভা, * নিতান্তই পুত্রাশুচিত এবং স্ত্রীলোক শূর্ণগথার নাসিকাচ্ছেদন ~~বীর~~ চরিত্রের আদর্শ নহে। লক্ষ্মণ-যুদ্ধে রাম-লক্ষ্মণ বীরত্বে সর্বত্রই যে রাবণ, মেঘনাদ

* হনিষ্যে পিতরং বৃক্ষ কৈকেয্যাসক্তমানসম্। (বাঃ রাঃ—২।২।১২)

বা অশ্রু-রাক্ষস-বীর অপেক্ষা মহত্তর, তাহাও রামায়ণে দেখি না। মেঘনাদ কর্তৃক নাগপাশ-বন্ধনে রাম-লক্ষ্মণকে বিষ্ণু-প্রেরিত গরুড়ের সাহায্যে রক্ষা পাইতে হইয়াছিল। কৃত্তিবাসের রামায়ণেও দেখা যায়, লক্ষ্মী-যুদ্ধে রাম-পক্ষকে নানা সময়ে নানা কৌশল অবলম্বন করিতে হইয়াছে ;—শুধু বীরত্বে কুলায় নাই। বস্তুতঃ, মানুষ এবং মানুষের কৃত অশ্রু কার্যের স্থায়, কাব্য-নাটকও নির্দোষ হয় না। বাস্কি-ব্যাসে দোষ আছে, কালিদাস-ভবভূত্মিতে, সেক্সপীয়ার-মিণ্টনে, হোমার-ভার্জিলে—সকল কাব্যেই দোষ লক্ষিত হয়। মধুসূদনও এ নিয়মের বহির্ভূত নহেন। কিন্তু গুণাংশে বাঙ্গালায় আর-একখানি কাব্য নাই, যাহা ইহার সমকক্ষ হইতে পারে। বলা আবশ্যিক, মধুসূদনের কাব্যে যিনি কোনরূপ বিশ্ব-সমস্যা বা তাহার পুরণ অন্বেষণ করিবেন তিনি বঞ্চিত হইবেন। কেবল-মাত্র রসের দিক্ দিয়াই মধুসূদন তাঁহার কাব্য রচনা করিয়াছেন ; স্মরণ্য কেবল-মাত্র রসের দিক্ দিয়াই তাঁহার কাব্যের বিচার ও আশ্বাদন করিতে হইবে। এ কাব্যে তিনি রামায়ণের এক অতি-করণ ও বীররসাত্মক অংশ অবলম্বনে তাহারই রসচিত্র (artistic presentation) দিয়াছেন। আশু-রস ছাড়া, বীর-করণাদি প্রধান ও পরম উপভোগ্য রসগুলি এ কাব্যে চমৎকার রূপে অভিব্যক্ত ;—বীর ও করুণে বঙ্গ-সাহিত্যে ইহা এখন পর্য্যন্ত অদ্বিতীয়। বঙ্গমাতার প্রতি কবি একদিন নিবেদন করিয়াছিলেন—

“তবে যদি দয়া কর, ভুল দোষ গুণ ধর,

অমর করিয়া বর, দেহ দাসে সুবরদে।

ফুটি যেন স্মৃতি-জলে, মানসে, মা, যথা ফলে

মধুময় তামরস, কি বসন্ত কি শরদে।—(বঙ্গভূমির প্রতি)

বঙ্গ-জননী কবির নিবেদন শুনিয়াছেন। গোড়জন তাঁহার কাব্যের দোষ ভুলিয়া গুণই ধরিয়াছেন এবং যতদিন বঙ্গভাষা বিচ্যুত থাকিবে, ততদিন অমর কবির এই কাব্যখানি বাঙ্গলা-সাহিত্য-সরোবরে ‘মধুময় তামরস’-স্বরূপ চির-প্রস্ফুটিত হইয়া রহিবে।



তিলোত্তমা-সম্ভব কাব্য

বেলগেছিয়া রঙ্গমঞ্চে যখন পণ্ডিত রাম নারায়ণ তর্করত্ন প্রণীত রত্নাবলী নাটকের অভিনয়োত্তোগ হইতেছিল, তখন একদিন মধুসূদন তাঁহার বন্ধু গৌরদাসের সহিত কথায়-কথায় গর্বোক্তি করিয়া হঠাৎ বাঙ্গালা নাটক লিখিতে প্রতিশ্রুত হইলেন। ইহার পরেই মধুসূদন দুইখানি নাটক ও তৎপরে দুইখানি প্রহসন রচনা করেন।*

নাটক-রচনায় অমিত্রচ্ছন্দের প্রবর্তন করা মধুসূদনের একান্ত ইচ্ছা ছিল। কিন্তু প্রথমে তিনি সাহসী হন নাই। শশ্মিষ্ঠা নাটক রচনার পরে, একদিন যতীন্দ্র মোহনের (মহারাজা সার যতীন্দ্র মোহন ঠাকুর) সঙ্গে কথোপকথনে এই প্রসঙ্গ উঠিল। বাঙ্গালা ভাষা অমিত্রচ্ছন্দের উপযোগী নয়, যতীন্দ্রমোহন এইরূপ মত প্রকাশ করিলেন। মধুসূদন কিন্তু দৃঢ়ভাবে উত্তর দিলেন যে, “সংস্কৃত-জননীর দুহিতা বাঙ্গালা ভাষায় অমিত্রচ্ছন্দের চলন কখনই অসম্ভব নহে।” উত্তরে— যতীন্দ্রমোহন বলিলেন, “আচ্ছা, আপনি লিখুন, তাহা মুদ্রণের ব্যয়ভার আমি বহন করিব।” ইহার পরে পদ্মাবতী রচনা-কালে তিনি যেন অতি সন্তর্পণে উহাতে স্বল্পমাত্রায় অমিত্রচ্ছন্দ ব্যবহার করিয়াছেন। তাহার পর, প্রহসন দুই খনি সমাপ্ত করিয়াই, তিনি সাহসে ভর করিয়া আগাগোড়া অমিত্রচ্ছন্দে একখানি কাব্য লিখিতে যত্নবান্ হইলেন। ইহারই ফলে “তিলোত্তমা-সম্ভব কাব্য।” প্রথম ও দ্বিতীয় সর্গ লিখিয়াই তিনি যতীন্দ্রমোহনকে দেখাইলেন। মধুসূদন বাঙ্গালার অকস্মাৎ শশ্মিষ্ঠা-নাটক লিখিলে তাঁহার বন্ধুগণ যেমন চমৎকৃত হইয়াছিলেন, অমিত্র-

* প্রথমে শশ্মিষ্ঠা নাটক ও তৎপরে পদ্মাবতী নাটক। শশ্মিষ্ঠা নাটকখানি বেলগাছিয়া রঙ্গমঞ্চে মহাসমারোহে অভিনীত হইয়াছিল। প্রহসন দুইখানির নাম—“একেই কি বলে সত্যতা” ও “বুড়োশালিকের ঘাড়ে রৌ”।

ছন্দে এই তিলোত্তমা-সম্ভব কাব্যের প্রথম ও দ্বিতীয় সর্গ পড়িয়া তাঁহার। ততোধিক চমৎকৃত হইলেন। বন্ধুদিগের কাছে উৎসাহ পাইয়া মধুসূদন তাঁহার স্বাভাবিক ক্ষিপ্রহস্তে আরও দুই সর্গ লিখিয়া সমগ্র কাব্যের হস্তলিপিখানি যতীন্দ্রমোহনের হস্তে প্রদান করিলেন। যতীন্দ্র মোহন সাদরে উহা গ্রহণ করিয়া আত্মজীবন উহাকে মহারত্নজ্ঞানে সংরক্ষণ করিয়াছিলেন এবং পরিশেষে উহাকে Victoria Memorialএ উপহার স্বরূপে নির্দেশ করিয়া গিয়াছেন। সম্ভবতঃ এখন ঐ হস্তলিপি উক্ত ভিক্টোরিয়া মেমোরিয়ালে বিদ্যমান। ১৮৬০ খৃষ্টাব্দে তিলোত্তমাসম্ভব কাব্য পুস্তকাকারে মুদ্রিত হইয়া প্রকাশিত হয়।

বাঙ্গালা ভাষায় অমিত্রচ্ছন্দের প্রবর্তন সম্বন্ধে যতীন্দ্রমোহনের সঙ্গে কথায়-কথায়—মধুসূদন বেন বাণী রাখিয়াই তিলোত্তমা-সম্ভব-রচনায় প্রবৃত্ত হইয়াছিলেন, এ সব কথা তাঁহার জীবনী-প্রসঙ্গে বলা হইয়াছে। প্রথমে, ইহার প্রথম ও দ্বিতীয় সর্গ রাজেন্দ্রলাল মিত্র সম্পাদিত মাসিক পত্রিকা “বিবিধার্থ সংগ্রহে” প্রকাশিত হইয়াছিল। তৎপরে চারি সর্গে সম্পূর্ণ গ্রন্থখানি মুদ্রিত হইয়া ১৮৬০ খৃষ্টাব্দের মে মাসে প্রকাশিত হয়।

এই পয়ার-প্লাবিত দেশে অকস্মাৎ এক নূতন প্রকার ছন্দে বাঙ্গালা কাব্য ব্যুহির হওয়াতে তাৎকালিক বিদ্বজ্জন-সমাজে একটা তুমুল কল্লোল-কোলাহল উখিত হইয়াছিল। তখন কাহারও মনে হয় নাই এবং সেই কোলাহলের মধ্যে থাকিয়া মনে হইবার সম্ভাবনাও ছিল না যে, দোষ-গুণ লইয়া এই কাব্যখানি বাঙ্গালা-সাহিত্যে একটা সম্পূর্ণ নূতন ধরণে, পাশ্চাত্য প্রভাবে প্রভাবিত যে নব-যুগেব প্রবর্তন করিতেছে, ইহা সেই উদীয়মান নব-যুগের অগ্রদূত মাত্র হইয়া অদৃশ্যে ঐ যুগের অর্থাৎ পাশ্চাত্য প্রভাবের নূতন পতাকা বহন করিতেছে। এ কথা কবি স্বয়ং এবং ইংরেজী শিক্ষিত জন-কয়েক ভিন্ন অনেকেরই ধারণায় আসে নাই। এবং আসে নাই বলিয়াই তাঁহার। ব্যঙ্গ-বিজ্ঞপে কবিকে লাঞ্চিত করিতে কুষ্ঠিত হইলেন নাই। কিন্তু এ বিষয়ে কবির প্রতীতি এমন সুদৃঢ় ছিল যে, তিনি ঐ-সব ব্যঙ্গ-বিজ্ঞপের প্রতি সম্পূর্ণ উপেক্ষা প্রদর্শন করিয়া ঐ অমিত্রচ্ছন্দেরই সুপরিণতি দেখাইয়া সমস্ত কোলাহল নিরস্ত

করিতে বস্বান হইলেন। ইহারই ফলে, মেঘনাদবধ কাব্য বখন প্রকাশিত হইল, তখন আপনা-আপনি সমস্ত কোলাহল থামিয়া গেল। অন্ততঃ ছন্দ-সম্বন্ধে কোলাহল আর রহিল না। ঐ নূতন ছন্দের আবৃত্তি-কৌশল না জানাতেই যাহা কিছু গোল বাধিয়াছিল। বাস্তবিক, পরারের সুরে পরাবের যতি রক্ষা করিয়া অমিত্রছন্দ পড়িতে গেলে কখনই ভাল লাগিতে পারে না, ভাল লাগা দূরে থাক, অতি অদ্ভুতই শুনায়, ইহাই ছিল সেই গোলমালের মূলকথা। এমন কি, বিদ্যাসাগর মহাশয়ের মত গুণগ্রাহী পণ্ডিতও প্রথম-প্রথম ঐ কারণেই তিলোত্তমাব প্রতি বিরূপ ছিলেন। পবে, তিনি উহার আবৃত্তি অভ্যাস করিয়া তবে ঐ ছন্দের গুণ বুঝিতে পারেন।— পবে মেঘনাদবধ প্রকাশিত হইলে, তিনি ঐ ছন্দের পরূপাতাই হইয়াছিলেন। কিন্তু পণ্ডিত-সম্প্রদায়ের সকলে সেরূপ হইতে পারেন নাই। “বাঙ্গালা ভাষা ও সাহিত্য বিষয়ক প্রস্তাব”-লেখক পণ্ডিত বামগতি ঞ্চারত্ন-মহাশয় শুধু আবৃত্তি-কৌশল না জানাতেই ঐ ছন্দের গুণানুভবে বঞ্চিত ছিলেন। তিলোত্তমা-সম্ভবে কবিত্বের অভাব নাই, উত্তম উত্তম অলঙ্কারও আছে,—এ সব কথা স্বীকার করিয়াও তাৎকালিক “পণ্ডিত”-সম্প্রদায় শুধু ঐ নূতন ছন্দের জন্ম ঐ কাব্যখানিকে আদর করিতে পারেন নাই।

এই কাব্যখানি সম্বন্ধে সেই সময়ে ও তৎপবনর্তী সময়ে ভিন্ন ভিন্ন মনীষীগণ কর্তৃক লিখিত যে কয়টা উল্লেখ-যোগ্য সমালোচনা প্রকাশিত হইয়াছে, সেগুলি ক্রমান্বয়ে উদ্ধৃত করা গেল। প্রথমেই রাজেন্দ্রলাল মিত্র মহাশয়ের সমালোচনা। কাব্যখানি প্রকাশিত হইবা মাত্র তিনি তাঁহার ‘বিবিধার্থ-সংগ্রহে’ ঐ কাব্যের সমালোচনা করেন।—

“বিবিধার্থের পূর্ব পূর্ব খণ্ডে তিলোত্তমা-সম্ভব কাব্যের প্রথম দুই সর্গ প্রকটিত করা হয় ; তাহার পাঠে সহৃদয় ব্যক্তির কল্পিত সম্প্রীতি হন, ইহাই নিরূপণ করা তৎকালে কাব্য-লেখকের উদ্দেশ্য ছিল। সে অভিপ্রায় মনোমত সিদ্ধ হওয়াতে সম্প্রতি অপর দুই সর্গ সমভিব্যাহারে সুধিবর দত্ত মহাশয় অভিনব কাব্য চারি সর্গে সম্পাদিত করিয়াছেন। ইহার প্রথম সর্গের প্রকটন সময়ে আমরা

লিখিয়াছিলাম যে, “ইহার রচনাপ্রণালী অপর সকল বাঙ্গালী কাব্য হইতে স্বতন্ত্র । ইহাতে ছন্দ ও ভাবের অনুশীলন ও অন্ত্য যমকের পরিত্যাগ করা হইয়াছে । ঐ উপায়ে কি পর্য্যন্ত কাব্যের ওজোগুণ বর্দ্ধিত হয়, তাহা সংস্কৃত ও ইংরেজী কাব্য-পাঠকেরা জ্ঞাত আছেন ; বাঙ্গালীতে সেই ওজোগুণের উপলব্ধি করা অতীব বাঞ্ছনীয় ; বর্তমান প্রয়াসে সে অভিপ্রায় কি পর্য্যন্ত সিদ্ধ হইয়াছে, তাহা সহৃদয় পাঠকবৃন্দ নিরূপিত করিবেন ।” আমরা স্বয়ং তৎকালে কাব্যের দোষ-গুণের সমালোচনা করিতে পারিতাম না, কাবণ আমরাই তাহা প্রকটিত কবিয়াছিলাম ; কিন্তু এইক্ষণে দত্তজ তিলোত্তমাকে স্বতন্ত্ররূপে প্রকাশিত করায়, আমরাদিগের আর সে প্রতিবন্ধক নাই । অতএব এস্থলে অভিনব কাব্যের বচনা-বিষয়ে কিঞ্চিৎ আলোচনা করায়, বোধ হয়, পাঠকবৃন্দের পবিতৃপ্তি হইতে পারে ।

সাহিত্যকারেরা রসাত্মক বাক্যকেই * কাব্য বলিয়া নির্দেশ করেন ; সেই রসের বিশেষ উদ্দীপনার্থে কবিরা তাঁহাদের রসাত্মক বাক্য সকল নানাবিধ মিতাক্ষর অর্থাৎ ছন্দে নিবন্ধিত করিয়া থাকেন, এবং ছন্দের লক্ষণ এই যে, রচনাকে নির্দিষ্ট সঙ্খ্যক পদ বা চরণে বিভক্ত করিয়া ঐ চরণে নির্দিষ্ট সঙ্খ্যক মাত্রা বা বর্ণ ও যতি বা বিরাম রাখিতে হয় । দেশ, ভাষা ও পাঠকদিগের রুচি ভেদে ঐ ছন্দের বিবিধ রূপান্তর হইয়া থাকে । সংস্কৃতে ঐ রূপান্তর করণার্থে ছন্দের বর্ণ, মাত্রা ও যতির পরিবর্তন করা হয় ; সূত্রাং বর্ণ, যতি ও মাত্রাই ছন্দের আত্মা ; তদভাবে ছন্দ হয় না । ছন্দের অলঙ্কার-স্বরূপে কোন কোন ছন্দের এক চরণের শেষ অক্ষরের সহিত অপর চরণের শেষ অক্ষরের অনুপ্রাস করা হয় ; কিন্তু তাহা ছন্দের অঙ্গ নহে । এই বাক্যের প্রমাণার্থে আমরা সমস্ত সংস্কৃত কাব্যের উদ্দেশ্য কবিত্তে পারি । ঐ সকল কাব্য ছন্দে রচিত, অথচ তাহাতে অন্ত্যানুপ্রাস প্রায় নাই । কবিকুল-পিতামহ বাণ্মণিক স্বীয় রামায়ণে ঐ অনুপ্রাসের প্রয়োগ একবার মাত্রও করেন নাই । বেদব্যাস অষ্টাদশ পুরাণ ও মহাভারতেও তাহার অনুসরণ করিতে বিবত হন ।

* বাক্যং রসাত্মকং কাব্যম্ । সাহিত্য-দর্পণ । ১ প্র, ৩ সূত্র ।

কালিদাস, ভবভূতি, শ্রীহর্ষাদি নব্য কবিরাও তাহার অনুরাগী নহেন। এই সকল দৃষ্টান্তে স্পষ্টই অনুভূত হইবে যে, অন্ত্যানুপ্রাস কবিতার সামান্য অলঙ্কার মাত্র, তাহা কোন মতে অবশ্য-প্রয়োজনীয় নহে। ইহা স্বীকর্তব্য বটে যে, বঙ্গভাষায় অद्याপি যে সকল কবিতা প্রকটিত হইয়াছে, তৎসমুদায়ই অন্ত্যানুপ্রাস-বিশিষ্ট; কিন্তু তাহাতে অন্ত্যানুপ্রাসের অবশ্য-প্রয়োজনীয়তা সাব্যস্ত হইতে পারে না; যেহেতু বাঙ্গালীরা ছন্দোমাল্য পবিপূর্ণ নহে; তাহার সম্পূর্ণার্থে সর্বদা নূতন ছন্দঃ প্রস্তুত করা ও সংস্কৃত ছন্দঃ-সকল গ্রহণ করা হইতেছে; অতএব দত্তবাবু বাঙ্গালী কাব্যের পদ হইতে মিত্রাক্ষর স্বরূপ নিগড় ভগ্ন করায় বোধ হয় সহৃদয় ব্যক্তির অসম্ভব হইবেন না। কেহ ইহা প্রশ্ন করিতে পাবেন যে, অন্ত্যানুপ্রাস অলঙ্কার মাত্র, কবির স্বেচ্ছায় তাহার ত্যাগ হইতে পারে; পরন্তু সে ত্যাগ করিবার কারণ কি? অপর, অন্ত্যানুপ্রাস সুখশ্রাব্য, তাহাতে সত্বরে অর্থের বিকাশ হয়, অধিক দূর অবধি বাক্যের আসক্তির নিমিত্ত অপেক্ষা করিতে হয় না; যাহারা গণ্যরচনা অত্যন্ত মাত্র বুদ্ধিতে পারে, তাহাদিগের পক্ষে অনুপ্রাসের সাহায্যে পয়ারাদি ছন্দোগত ভাব অনায়াসে বোধগম্য হয়; তাহার পরিত্যাগেব প্রয়োজন কি? এই প্রশ্ন সকল আশু উৎকট বোধ হইতে পারে; পরন্তু তাহার উত্তর নিতান্ত অসাধ্য নহে। কবির স্বেচ্ছানুসারে অন্ত্যানুপ্রাসের পরিত্যাগ হইতে পারে, এই স্বীকারে প্রথম প্রশ্নের সহৃদয় অনায়াসে উপলব্ধ হইবেক। অপর, অনেক সহৃদয় ব্যক্তি দীর্ঘ-কাব্য-পাঠে প্রতি চতুর্দশ অক্ষরের পর অনুপ্রাসকে শ্রবণ-সুখকর না বলিয়া নিয়ত স্বর-সমানতা-প্রযুক্ত অপ্রিয় জ্ঞান করেন; কোন কোন বাঙ্গালী কবি ঐ স্বরসাম্যের নিরাকরণার্থে এক কাব্যে নানা ছন্দ ব্যবহৃত করেন; তদনুযায়ী সংস্কৃত, ইংরাজি, ল্যাটিন ও গ্রীক মহাকবিদিগেব অনুকরণে অনুপ্রাসের ত্যাগ শ্রেয়ঙ্কর বোধ হইতেছে। অধিকন্তু, পয়ার ছন্দে প্রতি চতুর্দশ অক্ষরের শেষে অর্থের সমাপ্তি করিতে হয়। তাহার অনুরোধে মনোগত ভাবের সঙ্কোচ হইয়া উঠে, কল্পনাশক্তি শকাভাবে বহুদূর ব্যাপন করিতে পারেন না, উজ্জল ভাব থর্ব হয়, কাব্যের গৌরবের লাঘব হয় এবং ওজোগুণের হানি হয়। অনুপ্রাসের

প্রতিবন্ধক না থাকিলে কবিরা এক বাক্যকে যতদূর ইচ্ছা ততদূর দীর্ঘ করিতে পারেন ; যেখানে ইচ্ছা সেই স্থানে বাক্য শেষ করিতে পারেন ও যে পরিমিত শব্দে আপনার ভাব সুপরিব্যক্ত হয়, তাহাবই গ্রহণ করিতে পারেন ; কদাপি পাদ-পূরণের নিমিত্ত বৃথা শব্দের প্রয়োগ বা প্রয়োজনীয় শব্দের পরিত্যাগ করিতে প্রণোদিত হইবেন না । ফলতঃ, দত্তজ যথার্থ লিখিয়াছেন যে, মিত্রাকর কবিতার নিগড় । তাহার পরিত্যাগে কবিতা কামাবচর হইতে পারেন ।

অপর, ঐ নিগড় সম্বন্ধে কবিতায় ওজোগুণের সংবৃদ্ধি হইতে পারে না । ইহা কেহই অস্বীকার করিবেন না যে, বাঙ্গালী কবির মধ্যে ভারতচন্দ্র যেমত কবিতার লালিত্য অনুভূত করিতে পারিতেন, এমত আর কোন কবিই পারেন নাই । তিনি শব্দের গৌরব ও অর্থের গৌরব অতি চমৎকৃতরূপে সমাহিত করিয়া রাগ-দ্বेषাদি-প্রকাশ-কবণ-সময়ে তদুপযুক্ত গস্তীর, কর্কশ, ভয়ানক শব্দ, ও কোমল ভাবের জ্ঞাপনার্থে সুমধুর, কোমল মৃদুশব্দ প্রয়োগ করিয়াছেন । অতি অল্প বাঙ্গালী কবি এ বিষয়ে তাহার সহিত তুলনীয় হইতে পারেন । শিবের দক্ষালয়ে যাত্রা-সময়ের বিবরণ-মধ্যে শব্দার্থের সমন্বয়-বিষয়ক একটি অপরূপ উদাহরণ আছে ; তাহার পাঠে আমাদের অভিপ্রেত অনায়াসে পাঠকদিগের বোধগম্য হইবে । ঐ বর্ণনায় সতীর দেহত্যাগ-সংবাদে মহাদেব ভয়ঙ্কর কোপে ভূত-প্রেত-পরিচারক সমভিব্যাহারে দক্ষালয়ে আগমন করিয়া কি করিতেছেন, তদ্বিষয়ে লিখিত আছে—

“অদূরে মহারুদ্র ডাকে গভীরে ।

অরে অরে দক্ষ দেবে সতীরে ।”

এই ভূজঙ্গপ্রয়াত ছন্দে ভয়ানক কোপজ্ঞাপক অর্থের সহিত শব্দের সাম্যত্ব সকলেই স্বীকার করিবেন ; কিন্তু পয়ার, কি অন্য কোন বাঙ্গালী ছন্দে, তাহার সমাধা হয় না ; ভারত-সদৃশ কবিও তাহার চেষ্টা করিয়া পরাস্ত হইয়াছেন । দেখুন, বিদ্যা কোপাঘ্নিতা হইয়া তিরস্কার-করণ-সময়ে ছন্দের অনুরোধে

“শুন লো মালিনী, কি তোয় রীতি ।

কিঞ্চিৎ হৃদয়ে না হয় ভীতি ।

এত বেলা হৈল পূজা না করি ।

সুধার তুফার ছলিয়া মরি ।”

ইত্যাদি বাক্যে কি প্রকার শব্দ ও ভাবের বিরোধ করিয়াছেন। বিছা “মায়ের আগে” ক্রন্দন করিয়া মালিনীর নামে অভিযোগকরণ সময়ে একরূপ বাক্য কহিলে হানি ছিল না ; তিরস্কারের নিমিত্ত ইহা নিতান্ত অপ্রযোজ্য—মধুরভাষিণী কামিনীর উক্তি বলিলেও ইহার দোষ খণ্ডিত হয় না। পরন্তু, ইহা যে কেবল ছন্দ ও অনুষঙ্গের অনুরোধে ঘটিয়াছে, ইহাতে সন্দেহ নাই। ভারতচন্দ্র যত্বপি অনুষঙ্গপ্রাস ত্যাগ করিয়া এই কবিতা লিখিতেন, তাহা হইলে এ দোষ কদাপি হইত না। এই অনুরোধেও আমিত্রাক্ষর কবিতার উপযোগিতা উপলব্ধ হইতেছে, এবং দত্তজ বাল্লালাতে তাহার প্রচার করাতে এতদেশীয় সাহিত্যের উপকার করিয়াছেন বলিয়া মানিতে হইবে।

ইহা অবশ্য স্বীকর্তব্য যে, অন্ত্যযমক থাকিলে কবিতা যেরূপ অনায়াসে বোধগম্য হয়, অন্ত্যযমক বিরহে সেরূপ সুখবোধ্য হইতে পারে না ; সুতরাং অনুষঙ্গপ্রাসবিশিষ্ট কবিতা যেরূপ অনভিজ্ঞ পাঠকের নিকট সমাদৃত হয়, অনুষঙ্গপ্রাসবিহীন কাব্য তাদৃশ হইবেক না। পরন্তু, ইহা স্বীকর্তব্য যে, সকল কবিতাই অনভিজ্ঞ ব্যক্তির নিমিত্ত প্রস্তুত হয় না ; এবং ধীমান ব্যক্তিদিগের নিমিত্ত তদ্ব্যগ্য কবিতা প্রস্তুত করা কর্তব্য। বালকের দুগ্ধফেন ভীমের উপযুক্ত খাওয়া নহে। বোধ হয়, এতদেশীয় পণ্ডিত মহাশয়েরা বাল্লী কবিতার নাম শুনিলেই “ভাষা” বলিয়া পরিত্যাগ করেন, তাহার একমাত্র কারণ এই যে, তাঁহারা কালিদাস, শ্রীহর্ষ প্রভৃতির কবিতা পাঠ করণান্তর অর্থের গৌরবহীন পয়ার নিতান্ত ইতরবৃত্তি মনে করেন।

কথিত হইয়াছে যে, অনুষঙ্গপ্রাস ত্যাগ করিলে কবি যেখানে ইচ্ছা সেই স্থানে বাক্যের সমাপ্তি করিতে পারেন, ইহাতে আশু বোধ হইতে পারে, এবং কোন কোন সম্পাদকের বোধ হইয়াছে যে, আমিত্রাক্ষর কবিতায় যতির ভেদ নাই ; কিন্তু তাহা আমাদের উদ্দেশ্য নহে। কাব্যের প্রধান অঙ্গ অক্ষর বা মাত্রা, বৃত্তি ও যতি ;

আমরা তাহা অবশ্য প্রয়োজনীয় বোধ করি; এবং আমাদেরই আধুনিক কবি দত্তজ্ঞও তাহার বিরুদ্ধমতাবলম্বী নহেন। পরন্তু, যতির অনুরোধে যে অশ্লীল বাক্যশেষে যতিভঙ্গ হয়, ইহা আমরা বোধ করি না। নিয়মিত স্থানে যতি রাখিয়া, পরে তথায় বা অশ্লীল পদের শেষ হইবার পূর্বেই বাক্য শেষ করিলে যতিভঙ্গ হয় না, ইহাই আমাদের বক্তব্য। তাহার উদাহরণার্থে আমরা এক চরণান্তর্গত প্রশ্লীলবিশিষ্ট কবিতার উদ্দেশ্য করিতে পারি; তাহাতে আমাদের বাক্য সপ্রমাণ হইবে। তদ্বিন্ন সামান্য কবিতায়ও তাহার অনেক দৃষ্টান্ত আছে। দেখুন, কুমারসম্ভবেক ৪র্থ সর্গের ৫ম শ্লোক যথা—

“উপমানমভূদ্বিলাসিনাং
করণং যন্তব কাস্তিমন্তরা।
তদিদং গতমীদৃশীং দশাং
ন বিদীর্ঘ্যে—কঠিনাঃ খলু স্ত্রিয়ঃ।”

এস্থলে চতুর্থ পদের ‘ন বিদীর্ঘ্যে’ পদের পরই অর্থের শেষ হইয়াছে। “কঠিনাঃ খলু স্ত্রিয়ঃ” বাক্যের সহিত পূর্ব বাক্যের বৈয়াকরণীয় কোন আসক্তি নাই, অথচ ঐ স্থান ছন্দের যতি স্থান নহে। রঘুবংশে যথা—

“সোহমাজন্মশুক্কানামাকলোদয়কর্ষণাম্,
আসমুদ্রক্ষিতীশানামানাকরখবস্রানাম্,
যথাবিধি হতাগ্নীনাং যথাকামাচ্চিতাধিনাম্,
যথাপরাধদণ্ডানাং যথাকালপ্রবোধিনাম্,
ত্যাগায় সমুত্তার্থানাং সত্যায় মিতভাষিণাম্,
যশসে বিজিগীষুণাং প্রজায়ৈ গৃহমেধিনাম্,
শৈশবেহভাস্তবিদ্যানাং যৌবনে বিষয়ৈষিণাম্,
বার্দ্ধক্যে মুনিবৃন্তিনাং যোগেনাস্তে তনুতাজাম্,
রঘুণামম্বয়ং বক্ষ্যে” —১ম সর্গ, ৫—১০ শ্লোক।

এই বাক্যেও ইহার দৃষ্টান্ত দৃষ্ট হইবে। ইহাতে “বক্ষ্যে” পদেরই অর্থের শেষ

হইয়াছে ; শ্লোকপাদের শেষ কথায় অন্য প্রসঙ্গ ; তাহাব সহিত পূর্ব কথার সম্বন্ধ নাই । বসুবংশেব অন্তঃ—

“সমমেব সমাক্রান্তং দ্বয়ং দ্বিবদগামিনা

তেন—সিংহাসনং পিত্রামখিলং চাবিমণ্ডলং ।”—৪র্থ সর্গ ৪ শ্লোক ।

এই শ্লোকেও “তেন” পদে অর্থের শেষ হইয়াছে, অথচ সেই স্থান যত্ন নহে ।
কিবাতার্জুনীয়ে যথা—

কৃত প্রণামস্য মহী° মহীভূক্ষে

জিতাং সপত্নেন নিবেদয়িত্যতঃ

নবিবাপে তস্য মনঃ—নহি প্রিয়ং,

প্রবক্তৃমিচ্ছন্তি যুধা হিতমিণঃ ॥’

এই শ্লোকে তৃতীয় পাদেব “মনঃ” পদে অর্থের শেষ হইয়াছে । তৎপর্বেব “নহি প্রিয়ং” ইত্যাদি বাক্যেব সহিত তাহাব কোন সম্বন্ধই নাই । এতাদৃশ অপব দৃষ্টান্ত অনেক সংগ্রহ করা যাইতে পারে ; পবন্ব তাহাব প্রয়োজন নাই । প্রদত্ত উদাহরণই পাঠকবৃন্দ নিশ্চিত হইবেন যে, পদমধ্যে অর্থের শেষ কথায় হানি হয় না, এবং তিলোত্তমায যে পদেব প্রাবেশ্ত বা মধ্যে যে সকল বিবাম আছে, তাহা কোন যত্ন প্রকৃত যত্নেব হানিকব নহে । দত্তজ লেখেন—

“এ হেন নির্জন স্থানে দেব পুবন্দর,

কেন গো বসিয়া আজি, কহ পদ্মাসনা,

বীণাপাণি । কবি, দেবি, তব পদাম্বুজে,

ন মিয়া জিজ্ঞাসে তোমা, কহ, দয়াময়ি ।”

এই পাদ-চতুর্থেব তৃতীয় পাদেব ‘বীণাপাণি’ পদে অর্থ শেষ হইয়াছে ; কিন্তু তাহাতে যত্ন ভঙ্গ হয় নাই ; যেহেতু তিলোত্তমাব ছন্দঃ অমিত্রাক্ষর পয়ার, তাহার লক্ষণ চতুর্দশাক্ষর বৃত্তি, অষ্টমাক্ষরে যতি, এবং এই লক্ষণ বক্ষা পাইলেই ছন্দের রক্ষা মানিতে হইবে । সেই লক্ষণানুসাবে “স্থানে”, ‘আজি’, ‘দেবি’ ও ‘তোমা’, পদেব

পর যতি আছে ; সেই যতিতেই ছন্দের অনুরোধ রক্ষা পায় ; 'দীর্ঘাংশি' শব্দের পদ পৃথক যতি থাকায় তাহার হানি হয় না। বস্তুপি এই নিয়মের অন্তর্গত অষ্টমাক্ষরের পর যতি না থাকে, তাহা হইলে কাব্যকর্তাকে যতি-ভঙ্গ-দোষ স্বীকার করিতে হইবে। এক পদে চতুর্দশাক্ষরের অধিক বা অল্প থাকে, তাহা হইলে তাহাকে ছন্দোভঙ্গ স্বীকার করিতে হয়।

প্রস্তাবিত ছন্দের পাঠ করিবার নিয়ম স্বতন্ত্র। সামান্য পয়ারের তায় ইহা পাঠ করিলে অর্থেরও অনুভব হইবেক না এবং কাব্যও পণ্ড বনিয়া বোধ হইবেক না। যাহারা ইংরাজী ভাষা জ্ঞাত আছেন, তাঁহারা যে প্রকারে মিল্টন্ কবি কৃত "প্যারাডাইস্ লষ্ট" নামক কাব্য পাঠ করেন, তদ্রূপে ইহার পাঠ করিলে সিদ্ধকাম হইবেন। অন্তের প্রতি বক্তব্য যে, তাঁহারা পয়ারের অষ্টম ও চতুর্দশাক্ষরে যতি রাখিয়া, বাক্যার্থের শেষ হইলে পৃথক্ যতি রাখিলেই তিলোত্তমা-পাঠে সুখী হইতে পারিবেন। ফলতঃ, যে প্রকারে বিরামচিহ্নসারে গণ্ড পাঠ করা যায়, সেই প্রকারে অমিত্রাক্ষর-পয়ার পাঠ করিতে হয় ; কেবল ইহার বিরাম-চিহ্ন ব্যতীত ছন্দের দুই যতি আছে, তাহার প্রতি দৃষ্টি রাখা কর্তব্য।

তিলোত্তমার ছন্দ ও যতি বিষয়ে এতাবন্মাত্র লিখিয়া তাহার রচনা-কৌশল ও কবিত্ব সম্বন্ধে আমাদের অভিপ্রায় ব্যক্ত করা কর্তব্য। কিন্তু বিবিধার্থের শেষ প্রস্তাবে সমালোচন আরম্ভ করিলে প্রায় স্থান সঙ্কর্ণ হইয়া থাকে। বর্তমান প্রস্তাবে তাহা স্পষ্টই প্রতীয়মান হইতেছে। সুতরাং আমাদের বক্তব্য সংক্ষিপ্ত করিতে হইবে। ইহাতে আমাদের বিশেষ আক্ষেপ নাই ; যেহেতু এতৎপত্রের পূর্ব-পূর্ব খণ্ডে দত্তজর কবিত্ব বিষয়ে আমাদের অভিপ্রায় ব্যক্ত আছে। এহলে এইমাত্র বলিলে হয় যে, দত্তজর কবিত্বশক্তি সম্বন্ধে আমরা পূর্বে যে প্রশংসাবাদ করিয়াছিলাম, তাহা সর্বতোভাবে সিদ্ধ হইয়াছে। তিলোত্তমার যে কোন স্থানে নয়ন নিঃক্ষেপ করা যায়, তাহাতেই প্রকৃত কবির লক্ষণ বিলক্ষণ প্রতীত হয়। সর্বত্রই স্ফূর্ত-রসাত্মক ভাব অতি প্রোঞ্জল বাক্যে বিভূষিত হইয়াছে। ঐ ভাব সকল দত্তজর ভুবনবিখ্যাত কালিদাস, ভবভূতি, হোমর, মিল্টন্ প্রভৃতি কবিকুল কেশরিদিগের

রচনা হইতে সংগ্রহ করিয়াছেন ; কিন্তু বঙ্গভাষায় তাহার বিভাষণে দত্তজ কেবল অনুবাদ করিয়া নিরস্ত হইয়াছেন নাই ; তাঁহার মন হইতে অন্তের যে কোন ভাব নিঃসৃত হইয়াছে, তাহাই তাঁহার স্বাভাবিক কল্পনাবৃত্তির কৌশলে নূতন অবয়ব ধারণ করিয়াছে ; কিছুই প্রাচীন বলিয়া অনাদরণীয় বোধ হয় না ; প্রত্যুত, সকলই হৃদয়, দীপ্তিময় ও প্রীতিকর অনুভূত হয় । লালিত্য বিষয়ে বোধ হয়, তিলোত্তমা অতি প্রসিক্ত হইবেক না । তথাপি, পোলোমীর খেদ-উক্তির সহিত তুলনা করিলে অতি অল্প বাঙ্গালা কাব্য পরীক্ষোত্তীর্ণ হইতে পারে । দত্তজ পৌরাণিক ভূগোল ও খগোল পবিত্যাগ করিয়া বিশ্বকর্মাণকে ভূমণ্ডলের প্রান্তভাগে প্রেরণ করায় কেহ কেহ আপত্তি কবিত্তে পাবেন, এবং পোলোমীর সহচরীর মধ্যে ষষ্ঠি, মনসা সুবচনীর উল্লেখ সহৃদয়ের কাব্য হয় নাই । অপর, অনেক স্থানে তুলনা ও বিশেষণ, তথা স্বর্দেশ্য তিলোত্তমাকে “সতী” বলিয়া বর্ণনা দূষিত মানিতে হয় । পরন্তু, ঐ সকল আপত্তি-সত্ত্বেও আমরা মুক্তকণ্ঠে স্বীকার কবিত্তে পারি যে, বর্তমান কাব্য বঙ্গভাষার প্রধান কাব্য-মধ্যে গণ্য হইবে, সন্দেহ নাই, এবং সহৃদয় কাব্যানুবাগীরা ইহার পাঠে অবশ্যই বিশেষ সন্তুষ্ট হইবেন । তাহা না হইলে, ইহাব মঙ্গলাচরণে আমরা কদাপি জর্নৈক সহৃদয়াগ্রগণ্যের নাম দেখিতাম না ।”

এই কাব্য-সম্বন্ধে রাজনারায়ণবাবু এক পত্রের উত্তরে—মিত্র মহাশয় তাঁহাকে লিখিয়াছিলেন,—

“Your opinion of Madhu’s poem is entirely my own, and Jatindra Mohan Tagore a man of well-cultivated taste, and an excellent judge of poetry, whom perhaps you know, concurs with me. It is the first and a most successful attempt to break through the jingling monotony of the পয়ার and as a poem the best we have in the language. The ideas are no doubt borrowed and Keats and Shelly and Kalidas and Milton have been largely, very largely, put in requisition ; but as you very justly say, “whatever passes through the crucible of the author’s mind receives an original shape,” so the reader has no opportunity to notice, much less to find fault with, the mosaic character of the materials which

go to the making up of Filottama. The author can never expect a wide circle of readers, but then he must console himself by the reflection that Milton is not the most popular author in English.

রাজনারায়ণ বাবু এই কাব্যের একটি পাণ্ডিত্যপূর্ণ সমালোচনা লিখিয়া Indian-Field নামক পত্রে উহা প্রকাশিত করেন এবং কবিকেও লেখেন,—

“If Indra had spoken Bengali, he would have spoken in the style of the poem; The author’s extraordinary loftiness and brilliancy of imagination, his minute observation of nature, his delicate sense of beauty, the uncommon splendour of his diction and the rich music of his versification charm us in every page. It is an intellectual treat of the first description. Compared to it, what are “Lucent syrups tinct with cinnamon?” As all natural objects and all the Gods lent their respective chief attractions to the Hindu pandora better than that of grandmother-like old garrulous Hesoid, because from her nostrils flowed as from the charms of Epimetheus but good only, so all sublime things and beautiful—the sky, the ocean, the mountain, the rainbow, the Zephyr, the lotus—as well as all the great masters of song--Vyas and Valmiki, Homer and Virgil, the Hebrew Prophets and Dante, Tasso and Milton, Kalidas and Shakespeare have contributed their respective quotas to the composition of the ‘Filottama’; but as the divine skill of Vishwakarma enabled him to combine and arrange his store of materials in such a manner as to produce a peerless masterpiece of female beauty, so your extraordinary genius has enabled you to arrange your immense store of sublime and beautiful sentiments and images into one harmonious and original whole and produce a masterpiece of poetry that will delight mankind from generation to generation.

How sublime is the commencement of the poem! How beautiful, how touchingly tender is the episode of Night, Sleep and Dream! * * How feelingly true the allegory of Veneration and Prayer’ (·) and how sublime the description of Hell in the third! How steadily majestic is the Second Book, rapturously inspired the Fourth! * * * With

(1) ব্রহ্মার মন্দিরধারে ভক্তি ও আরাধনা, ব্রহ্মসকাশে বাইতে ও কিছু নিবেদন করিতে হইলে বাহাদের সহায়তা লইতে হইয়াছিল। (৩য় সর্গ দেখ)

regard to your style, it is at times silently lofty and majestic as the peak of Dhavala, at others it rushes on like mountain-flood with such impetuosity that one is amazed at the 'thunder of its power,' at others again it is soft as the Zephyr dallving with the flowers of spring, at others again it is so musical that we almost fancy a *voix* playing near our ears *সুঞ্জরিল কুঞ্জবন শুঞ্জরিল অলি * * ** And this is the first poem of the author ! We know not what he will achieve afterwards."

সেই সময় সোমপ্রকাশ-সম্পাদক স্বর্গীয় পণ্ডিত দ্বাবকানাথ বিদ্যাভূষণ, সোম-প্রকাশ-পত্রে অমিত্রাক্ষর-সম্বন্ধে লিখিয়াছিলেন ;—

“বাস্তালা ভাষায় অমিত্রাক্ষর পণ্ড নাহি। কিন্তু অমিত্রাক্ষর পণ্ড ব্যক্তিবোক ভাষার শ্রীবৃদ্ধি হওয়া সম্ভাবিত নহে। পয়ার, ত্রিপদী, চৌপদী প্রভৃতি যে সমস্ত পণ্ড আছে, তাহা মিত্রাক্ষর। কোন প্রগাঢ় বিষয়ব বচনার তাহা উপযোগী নহে। দেশের দোষ হউক, অথবা অভ্যাসদোষে হউক, আমাদিগের দেশের লোকেবা আদিবস-প্রিয়। পয়ার আদি ছন্দ সেই আদিবসপ্রিয় বচনাবই প্রকৃত উপযোগী। এতদ্বারা প্রগাঢ় বচনা হইবার সম্ভাবনা নাই। প্রগাঢ় বচনা বিষয় সংযুক্ত ও প্রযত্নোচ্চাচিত-বর্ণাবলী আবশ্যিক, কিন্তু পয়ার আদি ছন্দে তাদৃশ বর্ণাবলী বিস্তার করিলে, উগ্রব শোভা এককালে দূবে প্রস্থান কবে। কোমল, মধুর ও অসংযুক্ত অক্ষর দ্বারা বিবচিত হইলেই উগ্রব শোভা হয়। অতএব প্রগাঢ় বচনার্থ ভিন্নবিধ পণ্ড সৃষ্টি নিতান্ত আবশ্যিক হইয়া উঠিয়াছে। তিলোত্তমাসম্ভব কাব্য-বচয়িতা তাহা নবাব তাব করিলেন। এখন যদি অগ্গাণ্ড লোকে তাঁহাব প্রদর্শিত পথের পথিক হন, অবিলম্বে অমিত্রাক্ষর পদ্যেব শ্রীবৃদ্ধি হইয়া উঠিবে; এবং ঐ পণ্ডে নিঃসন্দেহ নানাবিধ ছন্দ আবির্ভাবিত হইবে। এখন প্রগাঢ় বচনার সময় উপস্থিত হইয়াছে। এখন আব লোকেব মন সুখময় আদিবস সাগবে মগ্ন হইতে তাদৃশ উৎসুক নহে। এখন দিন দিন লোকেব মন বেমন উন্নত হইতেহ, তেমনই উন্নত পণ্ড সৃষ্টিও আবশ্যিক হইয়াছে। অতএব মাইকেল মধুসূদন দত্তেব চেষ্টা যথোচিত সময়েই হইয়াছে সন্দেহ নাই।”

তিলোত্তমাসম্ভব-কাব্য সম্বন্ধে পণ্ডিত রামগতি ঞ্জায়রত্ন মহাশয় তাঁহার সুপ্রসিদ্ধ “বঙ্গালা ভাষা ও বঙ্গালা সাহিত্য বিষয়ক প্রস্তাব” নামক পুস্তকে যে মত প্রকাশ করিয়াছেন, তাহার কিয়দংশ নিম্নে উদ্ধৃত করা হইল ;—

“এই পুস্তক প্রথমে বহির্গত হইলে আমরা আগ্রহ সহকারে পাঠ করিতে প্রবৃত্ত হই ; কিন্তু মিষ্টবোধ না হওয়ার ত্যাগ করি । কিছু দিন পরে কাহারও কাহারও মুখে ইহার প্রশংসাবাদ শুনিয়া আবার ইহা পড়িতে প্রবৃত্ত হই ; কিন্তু আবার ত্যাগ করি ; এইরূপ দুই তিন বার করিয়াও গ্রন্থখানি একবারও আত্মোপান্ত পাঠ করিতে পারি নাই । আমরা প্রণমে ইহা পাঠ করিতে পারি নাই বলিয়া কেহ একরূপ বুঝিবেন না যে, তিলোত্তমা রসবতী নহেন ;—ইহাতে উৎকৃষ্ট রস আছে ; কিন্তু সেই রস কর্ণের অনভ্যস্ত কর্কশায়মান নূতন ছন্দ, দুবাক্য, ‘ভূষেন’ ‘অস্থিবি’ ‘কান্তিল’ ‘কেলিছু’ প্রভৃতি মাইকেলি নূতনবিধ ক্রিয়া-পদে, ব্যাকবণ দোষ প্রভৃতি কণ্টকাকৃত কঠিন স্বকে একরূপ আচ্ছাদিত যে, তাহা ভেদ করিয়া স্বাদ গ্রহণ করিতে সকলেব পক্ষে পরিশ্রম পোষায় না ।”

ঞ্জায়রত্ন মহাশয় ইহার পরেও এ ছন্দের আবৃত্তি আয়ত্ত করিতে পাবেন নাই । মেঘনাদবধ-সমালোচনায় তিনি লিখিয়াছেন,—“আমরা মেঘনাদবধের যে ওরূপ মুক্তকণ্ঠে প্রশংসা করিলাম, তাহা ছন্দের গুণে নহে—কবিত্বের গুণে । ওরূপ অসাধারণ কবিত্বের প্রশংসা না করিয়া কে থাকিতে পারে ?”

ইহার কিছুকাল পরে—সুপ্রসিদ্ধ রমেশচন্দ্র দত্ত মহাশয় তাঁহার “Literature of Bengal” নামক পুস্তকে এই কাব্যের সমালোচনায় লিখিয়াছেন,—

“When this work in blank verse (Tilottama) appeared, it took the literary world by surprise. The power of diction, the sublimity of conception, and the beauty of description could not be denied ; but nevertheless the reading world wondered at the audacity of the writer and could not believe his work to be a success. Ridicule was hurled on the ambitious writer from all sides, contemptuous parodies were published, and writers of Iswar Chandra Gupta's School, as well of the Modern School of Akhay Kumar and Vidyasagar, pronounced the attempt to be .

a failure । The eminent Vidyasagar himself, ever ready to appreciate and encourage merit could not pronounce Tilottama a success; writers and critics of humbler merit and less candour ridiculed the writer and condemned the work.

Amidst this storm of opposition and ridicule Madhu Sudan stood unmoved. Never was the greatness of his genius, the loftiness of his purpose, the indomitable strength of his will, more manifest. He was resolved to prove by a higher endeavour and a loftier achievement that he was right, and that the world was wrong. It was a repetition of the story of Lord Byron whose earlier poems were condemned, and who retaliated with the might of a giant in his "English Bards and Scotch Reviewers." Only Madhu Sudan retaliated in a nobler manner; he did not abuse his critics; he convinced and silenced them by his success in a higher endeavour.

Among the few who pronounced Madhu Sudan's Tilottama to be a success was Jotindra Mohan Tagore himself. He acknowledged the beauty of the work, owned his defeat, and published the work at his own expense. The eminent Rajendra Lala Mitra, who was issuing the Bibidhartha-Sangraha from 1851 for spreading culture and general information among his countrymen, was another critic who recognised the success of Tilottama. And Raj Narayan Basu, the venerable collaborator of Akhay Kumar Datta, was charmed with the noble performance.

But a sceptical world had to be convinced, and the world was convinced by Madhu Sudan's grander poem, 'Meghnad-badh, published in 1861. Thus the critics were fairly convinced! The great Vidyasagar admitted his mistake with his accustomed candour, and acknowledged Madhu Sudan's genius and the success of his great endeavour. The voice of ridicule, though not completely silenced, failed to have any effect. All Bengal felt that a new light had dawned on the horizon of the nation's literature, that a genius of the first magnitude had appeared."

বে সকল সমালোচনা উদ্ধৃত করা হইল, অমুখাবন করিয়া দেখিলে এই কাব্যখানি

সম্বন্ধে সমস্ত বক্তব্য কথাই ত্রৈলোক্যের মধ্যে পাওয়া যায়। আমি এখানে স্বল্প কথায় বক্তব্য বিষয়গুলি শ্রেণীবদ্ধ করিয়া আলোচনা করিতেছি।

ছন্দ

যে অমিত্রাক্ষর-ছন্দে এই কাব্যখানি রচিত, ইংলণ্ডীয় মহাকাব্য মিল্টন প্রণীত Paradise Lost-কাব্যের ছন্দই উহার আদর্শ। বাঙ্গালা আদর্শ মিত্রাক্ষর-পয়ারছন্দে অষ্টমাক্ষরে স্বল্প বিবাম দিয়া এবং কোথাও এক চরণে, কোথাও বা দুই চরণে ভাব সম্পূর্ণ করিতে হয়। কিন্তু অমিত্রাক্ষর-ছন্দে ভাব, নির্দিষ্ট যতি ও চরণের বাধ্য নয়। ভাব যেখানে সম্পূর্ণ হইল, সেই খানেই পূর্ণ যতি। কেহ-কেহ অমিত্রাক্ষর-ছন্দ বলিতে বুঝেন যে, মিত্রাক্ষরের মত চরণের অস্ত্যানুপ্রাস অর্থাৎ শেষাক্ষরে মিল না থাকিলেই হইল। কিন্তু মধুসূদনের অমিত্রছন্দ সেরূপ নহে। মিত্রাক্ষর পয়ারের মত ভাবে দুই চরণের মধ্যেই শেষ করিয়া, কেবল চরণদ্বয়ের শেষাক্ষরে মিল না থাকিলেই যে অমিত্রছন্দ হয়, তাহা মিত্রাক্ষর পয়ার অপেক্ষাও নিরুপ্ত—কারণ, পয়ারের মিলে কানে যেটুকু সুশ্রাব্যতা আনে, উহাতে তাহাও থাকে না। আদর্শ অমিত্রছন্দ কেবলমাত্র ভাবানুযায়ী। উহাতে ভাবানুযায়ী অন্তর্ঘটিত যথঃপ্রয়োজন ত' থাকিলেই, কিন্তু পূর্ণ যতি অর্থাৎ পূর্ণ বিবামহুল কেবল মাত্র ভাবশেষে,—তা' চরণের আদি, মধ্য বা অন্ত্য, যেখানেই হউক।

এইরূপ অমিত্রছন্দের প্রধান গুণ এই যে, ইহাতে ভাবের স্বাভাবিক প্রকাশে কবির পূর্ণ স্বাধীনতা থাকে। এইরূপ ছন্দে ভাব ও তৎ প্রকাশক বাক্য যতিব বশে নহে, যতিই ভাব ও বাক্যের বশে। এই ছন্দে ভাব প্রকাশে কবির সম্পূর্ণ স্বাধীনতা থাকায়, রসোপযোগী শব্দ-ব্যবহারে ও বাক্যবিষ্ঠাসে কোথাও বাধা ঘটে না। এইজন্য সুরচিত অমিত্রছন্দের কবিতা সর্ববিধ রসের উৎকর্ষ সাধক এবং এইজন্যই উহাকে “*Noblest measure in the language*” বলা হয়।

শব্দ-সম্পদ

মধুসূদনের তিনখানি অমিত্রচ্ছন্দী কাব্যেই দেখা যায় যে, তিনি এ ছন্দে যুক্তাক্ষর শব্দ প্রয়োগে বিশেষ-রূপেই যত্নবান্। বীররৌদ্ৰাদি রসে শব্দাঙ্কুর একান্ত আবশ্যিক এবং অলঙ্কার-শাস্ত্রের নির্দেশও তাহাই। শব্দেব ঝঙ্কারে বসের তরঙ্গ কর্ণ ও হৃদয় উভয়কেই তরঙ্গায়িত করিয়া তুলে। ঐ ঝঙ্কারে কর্ণ এমন পরিপূর্ণ তৃপ্তি লাভ করে যে, মিলের অভাবের দিকে লক্ষ্যই থাকে না। ভাব-প্রকাশের স্বাধীনতার সহিত এই শব্দ-সম্পদ মিলিত হইলে, অমিত্রচ্ছন্দী কবিতা বড়ই সুশ্রাব্য ও সরস হইয়া থাকে। অমিত্রচ্ছন্দ-রচনায় মধুসূদনের এই দিকে পূর্ণ দৃষ্টি ছিল। বিশ্ববরেন্য কবি রবীন্দ্রনাথ “আধুনিক সাহিত্য” গ্রন্থে এই বিষয়ে যাহা লিখিয়াছেন, প্রাসঙ্গিক বলিয়া এখানে তাহা উদ্ধৃত করিলাম।

“বাংলা যে ছন্দে যুক্তাক্ষরের স্থান হয় না, সে ছন্দ আদরণীয় নহে। কারণ ছন্দের ঝঙ্কার এবং ধ্বনিবৈচিত্র যুক্ত অক্ষরের উপরেই অবিক নিৰ্ভর করে। একে বাংলা ছন্দে স্বরের দীর্ঘ-হ্রস্বতা নাই, তার-উপরে যদি যুক্ত অক্ষর বাদ পড়ে, তবে ছন্দ নিতান্তই অস্থিহীন মূলমিত শব্দ-পিণ্ড হইয়া পড়ে। তাহা শব্দই শ্রান্তিজনক তন্দ্রাকর্ষক হইয়া উঠে, হৃদয়কে আঘাতপূর্বক সুর করিয়া তুলিতে পারে না। সংস্কৃত-ছন্দে যে বিচিত্র সঙ্গীত তবঙ্গিত হইতে থাকে, তাহাব প্রধান কারণ স্বরের দীর্ঘ হ্রস্বতা এবং যুক্ত অক্ষরের বাজলা। মাইকেল মধুসূদন ছন্দের এই নিপুট তত্ত্বটী অবগত ছিলেন। সেইজন্য তাহাব অমিত্রাক্ষরে এমন পরিপূর্ণ ধ্বনি এবং তরঙ্গিত গতি অনুভব করা যায়।”

ভাষা

মধুসূদন বাঙ্গালা-রচনায় নূতন ব্রতী হইয়াছিলেন মাত্র। গুরুগম্ভীরভাবে কাব্য রচনায় এই তাঁহার প্রথম প্রচেষ্টা এবং তাহাও আবার সম্পূর্ণভাবে নূতন এক প্রকার ছন্দে,—যাহা বাঙ্গালার মিত্রাক্ষর-ছন্দরীতির কোন নিয়মেরই বশীভূত নহে। একরূপ স্থলে এই কাব্যখানির ভাষায় কর্কশতা ও জড়তা থাকিবে, ইহা আশ্চর্যের বিষয় নয়। কবি স্বয়ংই ইহা বেশ অনুভব করিয়াছিলেন।

“বিবিধার্থ সংগ্রহে” প্রকাশিত প্রথম ও দ্বিতীয় সর্গের সহিত প্রথম সংস্করণের ঐ দুই সর্গের পাঠ মিলাইলে দেখা যায় যে, কবি ছত্রে-ছত্রে পাঠ পরিবর্তন করিয়াছিলেন। কিন্তু তবুও তাঁহার তৃপ্তি হয় নাই। “I am going to print a plain edition of Tilottoma. I wish to try and improve the text. The versification in many places is rather defective”

পত্রান্তরে, “to tell you the candid truth I find the versification very *kanha* in many places.”

তিলোত্তমা-সম্ভব প্রকাশিত হইতে-হইতেই অল্প দিনের মধ্যেই উহার প্রথম সংস্করণ নিঃশেষিত হইয়া যায়। এই সুযোগে কবি উহার বহু স্থলে পুনর্কীর পাঠান্তর করিয়া দ্বিতীয়-সংস্করণ প্রকাশ করেন। কিন্তু ইহাতেও তাঁহার পূর্ণ মনস্বৃষ্টি হয় নাই। তাই তিনি ফ্রান্সে থাকিতে “চতুদশপদী কবিতাবলী” লিখিবার কালে তিলোত্তমাসম্ভব-কাব্যের পুনর্লিখনে প্রবৃত্ত হইলেন। কিন্তু প্রথম সর্গের খাণিক লিখিয়াই ক্ষান্ত হইয়াছিলেন। বাহা হউক, ভাবার কর্কশতা ও জড়তা সত্ত্বেও হৃদ, শব্দ-সম্পদ ও বাঁকাবিণ্যাসের গুণে এই কাব্যে ওজো-গুণের যথেষ্ট উৎকর্ষ সাধিত হইয়াছে। কবির জীবন-চরিত-লেখক শ্রদ্ধেয় শ্রীযুক্ত যোগেন্দ্রনাথ বসু মহাশয় যথার্থই বলিয়াছেন,—“যে কেহ, সেই কর্কশভাষার আবরণ ভেদ করিয়া, ইহার মাধুর্য্য অন্বেষণ করিবেন, তিনিই বুঝিতে পারিবেন যে, ইহা সম্পূর্ণরূপেই “মেঘনাদবধ-কাব্যের” পূর্বগানী হইবার যোগা।” মধুসূদনের অমিত্রচ্ছন্দ-রচনার মাধুর্য্য স্তরে-স্তরে বিকসিত হইয়াছে—তিলোত্তমাসম্ভবে প্রথম স্তর, মেঘনাদবধে দ্বিতীয় এবং অবশেষে বীরসেনায় অর্থাৎ তৃতীয় স্তরে উহা পরাকাষ্ঠা প্রাপ্ত হইয়াছে। এই স্তর বুঝিতে হইলে, প্রথমে তিলোত্তমা-সম্ভব পাঠ করা আবশ্যিক।

আবৃত্তি

অমিত্রচ্ছন্দী কাব্যের রনাস্বাদন করিতে হইলে, প্রথমেই ঐ ছন্দের আবৃত্তি অভ্যাস করিতে হয়। মিত্রাকর কবিতার আবৃত্তি কেবল নির্দিষ্ট যতি ও

উরণের দ্বারা নিয়মিত - সূত্রাং বৈচিত্র্যহীন এবং বৈচিত্র্যহীন বলিয়া সহজ। কিন্তু অমিত্রচ্ছন্দের আবৃত্তি সেরূপ নহে। ইহার আবৃত্তি কেবল মাত্র ভাবের দ্বারা নিয়মিত—স্বল্প বিরাম, মধ্যম বিরাম ও পূর্ণ বিরাম—সবই ভাবানুগত এবং স্থলে-স্থলে যে স্বর-বৈচিত্র্যের আবশ্যক হয়, তাহাও ভাবানুগামী। ভিন্ন-ভিন্ন ছেদ দ্বারা ঐ সব ভিন্ন-ভিন্ন বিরামস্থল চিহ্নিত থাকে। ভাবের দিকে লক্ষ্য ও ছেদের সঙ্কেতে দৃষ্টি রাখিয়া এই ছন্দ আবৃত্তি করিতে হয়। যদি সূকবির রচিত হয়, তাহা হইলে স্থলে-স্থলে হ্রস্ব-দীর্ঘের দিকেও দৃষ্টি রাখিয়া তদনুরূপ উচ্চারণ করিলে ছন্দ-মাধুর্য্য আরও পরিষ্ফুট হইয়া থাকে; নতুবা সূশ্রাব্য হয় না, নয়তো, ছন্দোভঙ্গ হয়। বলা বাহুল্য যে, কবি যেখানে হ্রস্ব-দীর্ঘের প্রতি দৃষ্টি রাখিয়া রচনা করিয়াছেন, আবৃত্তিকালে সেইখানে তদনুসারে উচ্চারণের আবশ্যক। এই ছন্দের আবৃত্তি-কৌশল না জানায়, সেকালে অনেক কাব্য-রসজ্ঞ ব্যক্তিও ইহার রসাস্বাদনে বঞ্চিত ছিলেন। কাব্যাংশে ইচ্ছাতে নানাস্থলে আশ্বাদনীয় গুণ উপলব্ধি করিয়াও তাঁহারা, শুধু আবৃত্তি করিতে না পারায়, এ কাব্যের রসগ্রহণ করিতে পারেন নাই। অমিত্রচ্ছন্দের আবৃত্তির প্রধান সহায়, উহার ছেদগুলি। ছেদ 'উঠাইয়া লইলে অমিত্রচ্ছন্দী কবিতার আবৃত্তি করা একেবারেই অসম্ভব। সুরচিত অমিত্রচ্ছন্দী কবিতা সূ-আবৃত্ত হইলে, ঠিক যেন তরঙ্গিত ও সঙ্গীত-স্বাদ-বিশিষ্ট গণ্ডের শব্দ শুনায়— ভাবের টানে উহার গতি এবং ভাবের বিরামে উহার যতি। এই ছন্দের আবৃত্তি, শুনিয়া শিখিতে হয়। এখানে শুধু কৌশলের ইঙ্গিত করা গেল মাত্র। স্থানে-স্থানে ভাবানুগামী যে স্বর বৈচিত্র্যের কথা বলিয়াছি, তাহার সন্ধানও কেবল শুনিয়াই শিখিতে হয়। লিখিয়া তাহা শিখান একেবারে অসম্ভব।

কবিত্ব

মধুসূদনের কবিত্ব ও কল্পনা-শক্তির প্রথম পরিচয় এই কাব্যে। কাব্যারম্ভে স্বপ্নাচল বর্ণনা, ধবলাচলেরই মত গাঙ্গীধাময়। অভাবাত্মক বর্ণনার বাস্তবিকই ইহা অনন্তসাধারণ! তৎপরে ব্রহ্মলোক, ব্রহ্মপুরী, দেবগণের মন্ত্রণা, বিশ্বকর্মা

কর্তৃক বিশ্বের যাবতীয় উপমান-দ্রব্যের সমাহারে অপূর্ব সৌন্দর্যময়ী তিলোত্তমার সৃষ্টি, বসন্ত-প্রাচুর্যবে দৈত্যবনের শোভা এবং তন্মধ্যে নিরন্তর-বিশ্বয়-চকিতা তিলোত্তমার বিচরণ—এই সকল অতি সুন্দর কবিত্ব সহকারে চিত্রিত। আর কল্পনা, তাহা ত' একেবারে স্বর্গ-মর্ত্য-পাতাল-ব্যাপিনী—কখনও হিমাচলের অত্যুচ্চ ধবল-শৃঙ্গে, কখনও ব্রহ্মলোকে, আবার কখনও বা সূর্যালোক, চন্দ্রলোক ও নক্ষত্রলোক ভেদ করিয়া যমপুরী ও উত্তরমেরুস্থিত বিশ্বকর্মার পুরী—কল্পনার রথে চড়িয়া কবি সর্বত্রই ভ্রমণ করিয়াছেন। তিলোত্তমাসম্ভবের বহুশ্লই যে কাব্যাংশে উৎকৃষ্ট এবং সংস্কৃত আদর্শের উপমাদি দ্বারা অলঙ্কৃত, এ বিষয়ে মতবৈধি নাই। বাঙ্গালা কাব্য-সাহিত্য-ক্ষেত্রে অলঙ্কার-প্রয়োগ বিষয়ে মধুসূদনের একটা বৈশিষ্ট্য লক্ষ্য করিবার বিষয় এই যে, সংস্কৃত কাব্যাদির আদর্শ উপমান-উপমেয়ের সমলিঙ্গতা রক্ষা করিতে তাঁহার যেরূপ প্রয়াস, তাহা বাঙ্গালা অন্য কাব্যাদিতে বড়-একটা দেখিতে পাওয়া যায় না।

দেবচরিত্রাঙ্কনেও মধুসূদন চমৎকার কৃতিত্ব দেখাইয়াছেন—মন্ত্রণা-সভায় প্রত্যেক দেবের বক্তৃতা শুদ্ধচিত্তই হইয়াছে; তাহাতে সেই-সেই দেবের বৈশিষ্ট্য উত্তমরূপে ফুটিয়া উঠিয়াছে। যম ও পবনের বক্তৃতা পড়িবার কালে তাঁহাদিগকে মূর্ত্তিমন্ত বীররস ও রৌদ্র-রস বলিয়াই মনে হয়। এইরূপ অন্যান্য দেবের কথায় তাঁহাদের স্ব-স্ব প্রকৃতি ও গুণ সুন্দররূপে অভিব্যক্ত। দেবপতি ইন্দ্র দেবপতিরই উপযুক্ত,—ধীর, গম্ভীর, নিজপদের দায়িত্বে পূর্ণ সজ্ঞান, আশ্রিতবৎসল ও করুণার্দ্ৰচিত্ত। পৌরাণিক ইন্দ্র অপেক্ষা তিলোত্তমা-সম্ভবের ইন্দ্র সমধিক সদৃশগম্পন্ন এবং অন্যান্য দেবচিত্রও সবিশেষ সমুজ্জ্বল।

কাব্যদোষ

যে-কোন কবির প্রথম রচনায় দোষাশ্লেষণ করিতে যাওয়া সুবিচার-সঙ্গত নয়; বিশেষতঃ মধুসূদনের, যিনি আদৌ বাঙ্গালা-রচনায় অভ্যস্ত ছিলেন না। তবে, এ কাব্যে স্থানে-স্থানে যে দোষ পাঠককে পীড়িত করে,—যে দোষ থাকায় ভাববোধে ব্যাঘাত ঘটে, সেই “দুরাশয়”-দোষ উল্লেখযোগ্য। এ দোষ-বশতঃ এই

কাব্যের অনেক স্থলে “প্রসাদ”গুণের অভাব হইয়াছে। এ দোষও কিন্তু কবির নবীনতা-জনিত—তখন ভাষার উপরে তাঁহার যথেষ্ট ক্ষমতা জন্মায় নাই, ভাব প্রকাশে ভাষা তখনও তাঁহার “হস্তামলকবৎ” হয় নাই বলিয়া। উপমাাদি অলঙ্কারগুলি কাবিত্বনোচিত হইলেও স্থানে-স্থানে প্রয়োগ-দোষে ক্ষুণ্ণ হইয়াছে; কোথাও বা জড়তাময় ভাষায় একাধিক উপমা স্তূপীকৃত হওয়ায় ভাবটী যেন আচ্ছন্ন হইয়া পড়িয়াছে। কবি নূতন ব্রতী ভাবিয়া এ কাব্যে উহা মার্জ্জনীয়। তারপর, “ভূষণ” প্রভৃতি যে সব ক্রিয়াপদকে ন্যায়রত্ন মহাশয় “মাইকেলি নূতনবিধ ক্রিয়াপদ” বলিয়া উপহাস করিয়াছেন, সেগুলি ঠিক “নূতনবিধ” নয়। বাঙ্গালা প্রাচীন কাব্যাদিতে আছে—‘নির্মিল’, ‘নিবারয়ে’, ‘মোহিলা’, ‘বুড়াইলে’ এমন কি, ভারতচন্দ্র ‘কুলুপিল’ ক্রিয়াপদও ব্যবহার করিয়াছেন। কবিকঙ্কণ-চণ্ডাতে ‘কটাক্ষিয়া’, কাশীরামের মহাভারতে ‘ত্যাগিতে’, ‘নমস্কারি’ পাওয়া যায়। মধুসূদন এইরূপ কতকগুলি ক্রিয়াপদের সংখ্যা বাড়াইয়াছেন মাত্র। একটু অভ্যস্ত হইলে, সেগুলিকে তত দুঃশ্রাব্য বলিয়া বোধ হয় না। ন্যায়রত্ন মহাশয় এই কাব্যের ব্যাকরণ-দোষেও ব্যথিত হইয়াছেন। বাঙ্গলায় প্রকৃত-পক্ষে ব্যাকরণ নাই। এমন স্থলে, ইংরাজী-শিক্ষিত ব্যক্তিগণের লিখিত বাঙ্গলায় যে সংস্কৃত-ব্যাকরণানুযায়ী—(এস্থলে ‘ব্যাকরণানুযায়িনী’ বলিলেই শুদ্ধ হইত) বিগুহতা সর্বত্র রক্ষিত হইবে, এরূপ আশা করা বৃথা। মধুসূদনের কাব্যগ্রন্থে “প্রফুল্লিত”, “বনুরাকার” ইত্যাদি কয়েকটি ব্যাকরণ-দুষ্ট পদ কাব্যের খাতিরে মার্জ্জনীয়। বাঙ্গলায় ব্যাকরণ না থাকায়, এই নবগুণের গণ্য-সাহিত্যেও লেখকগণ কিরূপ যথেষ্টাচার করিয়াছেন তাহা কি ন্যায়রত্ন মহাশয় লক্ষ্য করেন নাই? শুধু মধুসূদনকে দোষ দিলে চলিবে কেন? ব্যাকরণ-অভাবেই এই দোষ বাঙ্গালা-সাহিত্যে ক্রমেই বাড়িয়া যাইতেছে—এবং এইরূপই হইবার কথা। আমি ব্যাকরণ-দোষের সমর্থন করিতেছি না। এই প্রসঙ্গে কেবল ঐ দোষের কার্য-কারণতত্ত্ব নির্দেশ করিলাম মাত্র।

যুগ-প্রবর্তন

ভারতচন্দ্রীয় যুগের শেষ কবি ঈশ্বরচন্দ্র গুপ্তের চিতাধূম সাহিত্যাকাশে বিলীন হইতে-না-হইতে 'বিবিধার্থ সংগ্রহে' মধুসূদনের 'তিলোত্তমাসম্ভব' প্রকাশিত হইতে থাকিল। ইহা শুধু এক কবির অস্তে আর-এক কবির উদয় নয়,—ইহা বাঙ্গালা-সাহিত্যের 'প্রাচীন' যুগের অবসানে 'নব' যুগের অভ্যুত্থান। বাঙ্গালা-সাহিত্যের আলোচনার এ কথাটি বুঝিয়া রাখা একান্তই কর্তব্য। ধারাভেদে যুগভেদ হয়। প্রাচীনযুগের বাঙ্গালা-সাহিত্যের ধারা ছিল ধর্মসাহিত্যের ধারা। ক্ষুদ্র কবিতাদির কথা বলিতেছি না। কাব্য বা মহাকাব্যই ধারা নির্দেশ করে। অবাস্তুর ধারা ও অন্তর্যুগ সমেত বাঙ্গালার যে 'প্রাচীন' যুগ, তাহাতে নিরবচ্ছিন্ন সাহিত্যের (Pure Literature) একান্ত অভাব ছিল। এমন কি, ভারতচন্দ্রের Romantic কাব্য 'বিদ্যাসুন্দর'ও ধর্মের সহিত বিজড়িত ও দেবী-মাহাত্ম্য-কীর্তনে উহা সমাপ্ত। এই ভারতচন্দ্রীয় যুগ বাঙ্গালা-সাহিত্যের প্রাচীন যুগের শেষ অন্তর্যুগ, এবং দাশরথি রায় ও ঈশ্বরগুপ্ত এই যুগের শেষ কবি। সংস্কৃতে নিরবচ্ছিন্ন সাহিত্যের অভাব নাই। কিন্তু বাঙ্গালার উহা ছিল না বলিলেই হয়। মধুসূদনের অভ্যুদয়ের অব্যবহিত পূর্বে সংস্কৃত কয়েকখানি নাটকের অনুবাদ হইতে তাৎকালিক শিক্ষিত সম্প্রদায় ঐ-জাতীয় সাহিত্যের আশ্বাদ গ্রহণ করিতেছিলেন। তখন পর্যন্ত বাঙ্গালায় মৌলিকভাবে নিরবচ্ছিন্ন সাহিত্যের সৃষ্টি হয় নাই। এই 'তিলোত্তমা-সম্ভব' কাব্যই বাঙ্গালার মৌলিক আকারে নিরবচ্ছিন্ন সাহিত্যের প্রথম প্রকাশ। শুধু ইহাতেই "নবযুগ" সূচিত হইতে পারিত। কিন্তু এই সঙ্গে আরও একটা বিশিষ্ট ধারাভেদ মিলিত হইয়া এই নবযুগের সাহিত্যকে সর্বাংশে এক নূতন পথে চালিত করিয়াছে। আমি এখানে পাশ্চাত্য প্রভাবের ইঙ্গিত করিতেছি। এই প্রভাবই এই নবযুগের বঙ্গ-সাহিত্যকে সম্পূর্ণ এক নূতন ধরণের বৈশিষ্ট্য প্রদান করিয়াছে, এবং পাশ্চাত্য শিক্ষার বিস্তারে বাঙ্গালা-সাহিত্যে এই প্রভাব দিন-দিন প্রবল হইতে প্রবলতর রূপ ধারণ করিতেছে। বাঙ্গালা সাহিত্যের প্রাচীন ও নবযুগের এইখানেই বিশিষ্ট প্রভেদ


এবং মধুসূদনই ইহার প্রবর্তক। তাঁহার 'তিলোত্তমা-সম্ভব'-কাব্যই ঐ বৈশিষ্ট্যে সর্বাংশে এক নূতন আকার ধারণ করিয়া বাঙ্গালা-সাহিত্যে নবযুগের অবতারণা করিল। প্রাচ্যের সহিত পাশ্চাত্যের অপূর্ব সম্মিলনে বাঙ্গালায় ইহা নিরবচ্ছিন্ন সাহিত্যের প্রথম কাব্য।

মধুসূদন যেমন পাশ্চাত্য পুরাণ ও কাব্যাদির রসগ্রাহী ছিলেন, তেমনই প্রাচ্য পুরাণ ও কাব্যাদির প্রতিও তাঁহার অনুরাগ কম ছিল না। পাশ্চাত্যের মধ্যে গ্রীক-প্রভাব তাঁহার উপর বড়ই প্রবল ছিল। কথিত আছে, তাঁহার কোন বন্ধুকে তিনি এক সময়ে বলিয়াছিলেন—“My writings are three-fourths Greek.” তাহা হইলেও, শর্মিষ্ঠাদি তাঁহার প্রথমকার রচনাগুলিতে প্রাচ্য-প্রভাব অপেক্ষাকৃত বেশী। 'পদ্মাবতী'তে গ্রীক-পুরাণের আখ্যানবস্তু ছদ্মবেশে থাকিলেও, তাহাতেও প্রাচ্য-প্রভাব কম নয়। তারপর, তিলোত্তমা-সম্ভবে প্রাচ্য ও পাশ্চাত্য উভয় প্রভাবই সম্মিলিতরূপে বিদ্যমান। ইহার আখ্যানবস্তু মহাভারত হইতে গৃহীত; কিন্তু পরিকল্পনায় কুমারসম্ভবেব সহিত গ্রীক প্রভাব নিশ্চিত। বিষয়-সাদৃশ্যহেতু কুমারসম্ভবেব সহিত তিলোত্তমা-সম্ভবেব ঘনিষ্ঠতা না থাকিয়াই পারে না। ইহার নামকরণটি পর্যন্ত কুমারসম্ভবেব অনুকরণে। লাঙ্কিত দেবগণে, ব্রহ্মা-সম্ভবে, বসন্ত-বর্ণনে কুমারসম্ভবেব সুস্পষ্ট ছায়া। তাহা ছাড়া, ভাবাংশে কোথাও রঘুবংশকে স্মরণ করাইয়া দেয়, কোথাও বা মেঘদূতকে। পক্ষান্তরে, ধবলাচলে চিন্তাকুল দেবেন্দ্রের সেবার্থ তথায় বজ্রনীদেবী, নিদ্রাদেবী, ও স্বপ্নদেবীর আগমন, শচীকে আনিবার জন্ত স্বপ্নদেবীর গমন, বিশ্বকর্মা কে আনিবার জন্ত পবনের দৌত্য—এ সব গ্রীক-পুরাণের আদর্শে। গ্রীক-পুরাণের দেবদূত 'Mercury' তিলোত্তমা-সম্ভবে আশুগতি পবন এবং Vulcan এ কাব্যের বিশ্বকর্মা। ছন্দঃ ও ওজোগুণাত্মক ভাষা ইংলণ্ডীয় মহাকাবি মিল্টনের মহাকাব্যের (Paradise Lost) আদর্শে। লাঙ্কিত দেবগণের মন্ত্রণা-সভাও ঐ কাব্যের ছায়ায় কল্পিত এবং দৈত্যকাননে বিচরণশীলা তিলোত্তমা মিল্টনের Eve কে স্মরণ করাইয়া দেয়। কাব্যের আরম্ভ-ভাগে ধবলাচলের বর্ণনা গান্ধীর্ঘ্যে কবি Keats এর 'Hyperion' এর

আরম্ভ-ভাগের সদৃশ । এইরূপে প্রাচ্য ও প্রতীচ্যের গাঢ় সন্মিলনে এই কাব্যখানি রচিত ।

বাহ্যলা-সাহিত্যে এই সন্মিলনই ছিল মধুসূদনের সাহিত্য-সাধনার একান্ত অতীক্ষিত কার্য্য, এবং এই কার্য্য সাধনের জন্তু তিনি বহুপবিকর হইয়া প্রাণপণ কবিয়াছিলেন—“শরীবং বা পাতয়েয়ং কাব্যং বা :সাধয়েয়ম্”—ইয় শবীর পাতন, নয় কার্য্য-সাধন । সেকালে তাঁহার গ্রন্থগুলিব প্রচ্ছদপত্রে যে একটি সাক্ষাতিক চিত্র থাকিত, তাহা ঐ সাধনাবই চোতক । একদিকে হস্তা, অপর দিকে সিংহ, —প্রাচ্য ও প্রতীচ্যেব সঙ্কেত । এই উভয়েব মধ্যস্থ কাব্যপ্রতিভারূপী সূর্য্য বঙ্গ-সাহিত্য-শতদলকে সমুদ্ভাসিত কবিতেছে । মধুসূদনেব সৌভাগ্য যে, তিনি বঙ্গ-সবস্বতীব কৃপায় তাঁহার সঙ্কলিত কার্য্য সাধন কবিয়া গিবাছেন ।

তিলোত্তমাসম্ভব-কাব্য প্রাচ্য-প্রতীচ্য-সন্মিলনেব পতাকাধাৰী হইয়া বঙ্গ-সাহিত্যে নবযুগেব অগ্রদূত-রূপে বিবাজমান এবং এই গৌববে উজা চিবদিন গবীযান্ হইয়া থাকিবে । তিলোত্তমাসম্ভব না হইলে মেঘনাদবধ ও বীশাঙ্গনাব সম্ভাবনা থাকিত না,—নবযুগেব সাহিত্যালোচনায় এ কথা স্মরণ বাধা গাই ।



ব্রজাঙ্গনা-কাব্য

তিলোত্তমাসম্ভব-কাব্যের প্রথম সর্গে দেবেন্দ্র-রমণী সম্বন্ধে একস্থলে আছে,—

“————— বিরহবিধুবা,
ভ্রাস্তি দূতী সহ সতী ভ্রমেণ জগতে ।”

এইখানে পদাক্ষদূতবে # পদাক্ষ সুস্পষ্ট লক্ষিত হয় ;—

“গোপী ভর্তু বিবহবিধুবা কাচিদিন্দীববাক্ষী
উন্মত্তেব স্থলিতকবরী নিঃশ্বসন্তী বিশালম্ ।
অত্রৈবাস্তে মুবরিপুরিতি ভ্রাস্তিদূতী সহায়
ত্যক্তা গেহং ঝটিতি যমুনামঞ্জুকুঞ্জং জগাম ।”

পদাক্ষদূতবে এই “বিবহবিধুবা” “ভ্রাস্তিদূতী-সহায়”, “উন্মত্তেব গোপী”ই হইল ব্রজাঙ্গনা-কাব্যের বীজ এবং এই বীজ কবির মনঃক্ষেত্রে উদ্ভূত হইয়াছিল সম্ভবতঃ তিলোত্তমা-সম্ভব বচনার পূর্বেই। মধুসূদন তিলোত্তমা রচনা শেষ করিয়া, জয়দেবের “গীতগোবিন্দ” ও বিষ্ণুপতির “পদাবলী” আলোচনা করিতেছিলেন, এমন সময়ে তাঁহার বন্ধুবব ভূদেব মুখোপাধ্যায় তাঁহাকে বলিলেন—“মধু, শ্রীকৃষ্ণের বংশীধ্বনী শোনাতে পাব ?” মধুসূদন যাহা লিখিবেন বলিয়া সঙ্কল্প করিতেছিলেন, হঠাৎ ভূদেবের মুখ হইতে ঠিক তাহারই ইঙ্গিত পাইয়া, তিনি অধিকতর আগ্রহে তাঁহার স্বাভাবিক ক্ষিপ্ত হস্তে অল্প সময়ের মধ্যে ব্রজাঙ্গনা-নামক এই গীতি-কাব্য খানি

*পদাক্ষদূতম্—পণ্ডিত শ্রীকৃষ্ণ সার্কর্ভৌম ইহার রচয়িতা। ইহার আদি নিবাস শান্তিপুরে ছিল। পরে ইনি নবদ্বীপে চতুস্পাঠী স্থাপন করিয়া সেইখানেই বাস করিতেন। ৫৪৫ শককে এই কাব্যখানি রচিত হয়।

রচনা করিলেন। এই সময়ে একদিন তাঁহার পরিচিত বৈকুণ্ঠনাথ দত্ত নামক জনৈক ভদ্রলোক কবির মুখে পাণ্ডুলিপির কিছু-কিছু আবৃত্তি শুনিয়া মুগ্ধ হইলে, উদার-স্বভাব মধুসূদন তৎক্ষণাৎ এই কাব্যের স্বত্বাধিকার প্রদান করিয়া ছাপিবার জন্য পাণ্ডুলিপিখানি ঐ ভদ্রলোকের হস্তে প্রদান করেন। ১৮৬০ খৃষ্টাব্দে ২৪শে এপ্রিল তারিখে মধুসূদনের লিখিত এক পত্র হইতে জানা যায় যে, তিনি ব্রজাঙ্গনা রচনা শেষ করিয়া এবং ছাপিতে দিয়া, পরে মেঘনাদবধ রচনার হস্তক্ষেপ করেন।—

“I enclose the opening invocation of my মেঘনাদ. You must tell me what you think of it. A friend here a good judge of poetry has pronounced it magnificent. By the bye I have a small volume of odes in the press. They are all about poor old রাধা and her বিরহ।”

উদ্ধৃত অংশ হইতে স্পষ্ট বুঝা যায় যে, মধুসূদন মেঘনাদ-বধ ও ব্রজাঙ্গনা “এক সঙ্গে রচনা” করেন নাই।*

এই গীতিকাখানি মধুসূদনের প্রথম গীতিকাব্য ; এবং দুঃখের বিষয় যে, উহাই তাঁহার শেষ গীতিকাব্য—ইচ্ছা থাকিলেও মনশ্চাক্ষুণ্যে তিনি আর গীতিকাব্য লিখিতে পারেন নাই। তিলোত্তমাসম্ভব-কাব্যে যিনি বঙ্গ-সাহিত্যে অমিত্রচ্ছন্দের প্রবর্তন এবং মেঘনাদবধ-কাব্যে ঐ ছন্দের যথেষ্ট পরিপুষ্টি সাধন করিলেন, তাঁহারই লেখনী হইতে, ঐ দুইখানির কাব্য রচনার মধ্যে সুমধুর মিত্রাক্ষরের এই গীতি-কাব্যখানি

* “মাইকেল মধুসূদন দত্তের জীবনচরিত” লেখক মহাশয়ের উক্তি—“মেঘনাদবধ ও ব্রজাঙ্গনা এক সঙ্গে রচনা” ভ্রান্তিমূলক। ব্রজাঙ্গনা কাব্যখানি আকারে ক্ষুদ্র হইলেও, উহা মুদ্রিত হইয়া প্রকাশিত হইতে অত্যধিক বিলম্ব হইয়াছিল—এমন কি, মেঘনাদবধ-কাব্যের প্রথম ভাগ (পঞ্চম সর্গ পর্য্যন্ত) মুদ্রিত ও প্রকাশিত হইবার পরে, উহার দ্বিতীয় ভাগের শেষ সর্গ যখন ছাপা হইতেছিল, এমন সময়ে ব্রজাঙ্গনা মুদ্রাঘস্কের কবল হইতে বাহির হয়। (ঐ জীবন চরিতের ৩য় সংস্করণের ৪৩ সংখ্যক পত্র দেখ)। বোধ হয়, এইজন্যই ব্রজাঙ্গনা রচনার কাল-সম্বন্ধে কবির জীবনচরিতকার মহাশয়ের ভ্রান্তি ঘটিয়াছে।

রচিত হইতে দেখিয়া তাৎকালিক সাহিত্য-সমাজ বাস্তবিকই চমকিত হইয়াছিলেন। শুধু চমকিত নহে,—বহু দিনের পরে এই ক্ষুদ্র গীতিকাব্যখানিতে বাঙ্গালার ও বাঙ্গালীর মজ্জাগত রসের আশ্বাদন পাইয়া তাঁহারা মুগ্ধ ও হইয়াছিলেন। শ্রীচৈতন্য-দেবের প্রেমাশ্রুতে সিক্ত এই বাঙ্গালী দেশে রাধাভাব বাঙ্গালীর মজ্জাগত। বৈষ্ণব-যুগের পরে বহুকাল ধরিয়া আর কোন কবি রাধাভাবের এমন করুণ চিত্র বাঙ্গালীর সম্মুখে ধরেন নাই। মধুসূদনের নিকট হইতে এ যে একেবারে অপ্রত্যাশিত দান—আকারে ক্ষুদ্র হইলেও, ইহা মাধুর্য্যে মহান্ !

মধুসূদন বৈষ্ণব-পদাবলীর আলোচনা-কালে দেখিয়াছেন যে, তাহাতে কৃষ্ণবিরহে রাধিকার উন্মাদাবস্থা পরোক্ষভাবে সখীদের মুখে বর্ণিত হইলেও, সাক্ষাৎ-ভাবে উন্মাদিনী রাধিকার চিত্র কোথাও নাই। তাই তিনি পদাঙ্কদূতের বিরহবিধুরা, ভ্রাস্ত্রিদূতী-সহায়ী, উন্মত্তা গোপীকে উপাদেশ উপাদানবস্তু স্বরূপে গ্রহণ করিয়া, আগাগোড়া রাধিকার ভূমিকায় এই গীতিকাব্যখানি রচনা করিয়াছেন। কবি এই কাব্যে উদ্ভ্রান্ত রাধিকাকে ব্রজের পূর্বস্মৃতির যত কিছু স্থান, সেই সব স্থানে যুঝাইয়াছেন। সর্বত্রই রাধিকার পূর্বস্মৃতির hallucination এবং কৃষ্ণ-সেবিত সকল স্থলেই রাধিকার অপূর্ব কৃষ্ণ-স্মৃতি ও ঐকান্তিক তন্ময়তা। বৈষ্ণব গ্রন্থে উদ্ধবের মুখে বিরহোন্মত্তা রাধিকার বর্ণনায় একটি লক্ষণ উক্ত হইয়াছে—“প্রথয়তি তব বার্তাং চেতনা-চেতনেষু”। এ কাব্যে কবি সর্বত্রই রাধিকার ঐরূপ ব্যবহার দেখাইয়াছেন—চেতনাচেতন নির্বিশেষে সকলের কাছেই রাধিকার বিরহ ব্যথা জ্ঞাপন ও কৃষ্ণাশ্রয়ণ করিয়া দেখাইয়াছেন।

প্রথমেই, “বংশীধ্বনি” ;—(ইহা কি বন্ধুবর ভূদেবের অনুরোধ স্বরণে ?)— ব্রজে কৃষ্ণ নাই, তথাপি রাধিকার উদ্ভ্রান্ত কর্ণে বংশীধ্বনি হইতেছে ;—

“নাচিছে কদম্বমূলে বাজায় বংশরী রে” ইত্যাদি।

এই ‘নাচিছে’ পূর্বস্মৃতি হইতে পারে না, ইহা উদ্ভ্রান্ত শ্রবণ। তখন বৃন্দাবনে কৃষ্ণই নাই, বংশীধ্বনি হইবে কিরূপে ? কিন্তু বিরহোন্মাদিনী রাধিকা সর্বত্রই বংশীধ্বনি শুনিতেছেন ; নতুবা তিনি

“চল সখি, ত্বরা করি,
দেখিগে প্রাণের হরি ;”

বলিবেন কেন ? যেখানে যাহা নাই, সেখানে তাহাই দেখা বা শ্রবণ করা বা
অস্বভব করা, ইহাই হইল একপ্রকার উন্মাদের (hallucination) লক্ষণ ।

এই ঘোর বিরহের দিনে সখীর ফুল তুলিবার বা ফুলমালা গাঁথিবার কথাই নয়,
তবু উদ্ভ্রান্তা রাদিকা তাঁহার ভ্রান্ত দৃষ্টিতে পূর্বস্মৃতির ফুলরাশি দেখিয়া সখীকে
অনুযোগ করিতেছেন ;—

“কেন এত ফুল তুলিলি স্বজনি,
(যতন করিয়া), ভরিয়ে ডালা ?
মেঘাবৃত হলে, (কহ লো স্বজনি,)
পরে কি রজনী, তারার মালা ?
আর কি পরিব কভু ফুলহার ?
কেন লো হরিলি ভূষণ লতার ?
অলি বঁধু তার কে আছে আমার ?—
হতভাগিনী ব্রজের বাল। ।
হায় লো দোলাবি মালা কার গলে ?
আর কি সে নাচে তমালের তলে ?
প্রেমের পিঞ্জর, ভাস্কি পিকবর;
উড়ে গেছে, মোরে করে শোকাকুলা !
কবি মধুভণে, শুন ব্রজাঙ্গনে,
পাবে লো রমণে, রবে না জালা ।”

গানটি অতি শীঘ্র মুখে মুখে প্রচারিত হইয়া বহুকাল পর্যন্ত বড়ই লোক-প্রিয়
ছিল। এখন আর ঐ গানটি কাহারও মুখে শুনিতে পাই না ; তাই এখানে
গানটি লিপিবদ্ধ করিলাম ।

ফুল তোলা দূরে থাক্, সখীরা রাধিকার অবস্থা দেখিয়া সম্ভবতঃ অবাক্ হইয়া
অশ্রুবর্ষণ করিতেছে, এইরূপ অনুমান করাই সম্ভব । পরে তাহাও পাওয়া যাইবে ।

কৃষ্ণচূড়া-ফুল দেখিয়া রোষভরে রাধিকা ধরণীকে ষেরূপ অনুযোগ করিতেছেন,
তাহা সহজ অবস্থার ব্যবহার নহে, তাহা উন্মাদিনীর রোষোক্তি ।

“রাগে তারে গালি দিয়া
লয়েছি আমি কাড়িয়া
মোর কৃষ্ণচূড়া কেন পরিবে ধরণী” ?

গোধূলি-কালে গোকুলের গাভীকুল গোষ্ঠে ফিরিতেছে, অথচ “রাধান-চূড়ামণি”
নাই দেখিয়া পাগলিনীর বিষাদ ;—

“আইল গোধূলি, কোথা রহিল মাধব !”

কৃষ্ণ যে গোকুলেই নাই রাধিকার উদ্ভ্রান্ত চিত্তে এ কথা স্মরণ হইতেছে না !

যখন কৃষ্ণ বৃন্দাবনে ছিলেন, তখন বসস্তাগমে তিনি বন-বিহার করিতেন এবং
সখীগণ সঙ্গে রাধিকাও তাঁহার সহিত মিলিত হইতেন । আজ সেই পূর্বাবস্থা
স্মরণে উদ্ভ্রান্তা রাধিকার মনে সেই ভাবের উদয় হইতেছে । নতুবা এই নিদারুণ
কৃষ্ণ-বিরহে ব্রজে বসস্তাগমের সম্ভাবনা কোথায় ? কিন্তু রাধিকার উদ্ভ্রান্ত চক্ষু
দেখিতেছে বসস্তের সুষমা, উদ্ভ্রান্ত কর্ণ শুনিতেছে ভ্রমর গুঞ্জন ও পিক কাকলী !
তাই রাধিকা সখীগণকে বলিতেছেন—চল যাই ;—

“আইল বসন্ত যদি, আসিবে মাধব ।”

* * *

“কি সুখ লভিব, সখি, দেখ ভাবি মনে,
পাই যদি হেন স্থলে গোকুল-রতনে ।”

সখীরা কিন্তু দেখিতেছে ও বুঝিতেছে যে এ সকলই রাধিকার বিরহ-বিকার ।

তাই তাহারা নীরবে অশ্রুপাত করিতেছে,—রাধিকার সঙ্গে যাওয়া ত দূরের কথা ।
কিন্তু রাধিকা সখীদের মনোভাব বুঝিতেছেন না, তাই অশ্রুবোগ করিতেছেন ;—

“কেন এ বিলম্ব আজি, কহ ওলো সহচরি,
করি এ মিনতি ?

কেন অধোমুখে কঁাদ. আবরি বদন চাঁদ,
কহ রূপবতি ?

সদা মোর সুখে সুখী, তুমি, ওলো বিধুমুখি,
আজি লো এ রীতি তব কিসেব কারণে ?

কে বিলম্বে হেন কালে? চল কুঞ্জবনে।”

উদ্ভ্রান্তা রাধিকা আরও বলিতেছেন—ঐ দেখ কুঞ্জবনে পূজার উৎসব—ধরনী
কুম্ভমাঞ্জলি দিয়া ঋতুরাজের পূজা করিতেছে, পবিমলেব ধূপগন্ধে বনস্থল আমোদিত,
আর ওই শুন পিককুলের মঙ্গল-গান । নিকুঞ্জ-বিহাবী শ্রাম নিশ্চয়ই সেখানে
আছেন । চল, আমরা সেখানে গিয়া শ্রাম রাজের পূজা করি,—

“চল লো, নিকুঞ্জে, পূজি শ্রামরাজে, স্বজনি ।

পাণ্ডুরূপে অশ্রুধারা দিয়া ধোব চরণে

ছুই কর-কোকনদে, পূজিব রাজীব-পদে,

খাসে ধূপ, লো প্রমদে, ভাবিয়া মনে ।

করণ-কিঙ্কিণী-ধ্বনি বাজিবে লো সঘনে ।”

এবং পূজা শেষে—

“চির-প্রেম বর মাগি ল'ব ও গো ললনে ,”

কবি এইখানে উন্মাদিনীর মানসিক শ্রামপূজান্তে তাহার মুখ দিয়া যে “চির
প্রেম-বর” মাগিবার কামনা জানাইয়া কাব্যখানি শেষ করিয়াছেন, উহাতে পাঠকের
হৃদয়ে চির-বিরহী মানবের চিরস্তন কামনার করণ স্মৃতি অমুরণিত হইয়া উঠে ।

এই কাব্যে ভ্রমের কৃষ্ণবিরহ যেন বিরহোন্মাদিনী রাধিকার মূর্ত্তি ধবিয়া বহু

সরিদিকে হাহাকার করিয়া বেড়াইয়াছে,—কোথাও কৃষ্ণ আছেন ভাবিয়া, কোথাও কৃষ্ণ আসিতে পাবেন ভাবিয়াও, কোথা বা কৃষ্ণ থাকিতেন ভাবিয়া—সকল স্থানেই উন্মাদিনীর কৃষ্ণফুর্তি—কোথাও মননে, কোথাও স্বরনে, কোথাও বা অশ্বেষণে !

কাব্যখানির ভাষাও বেশ বিয়োগোপযোগী ও গীতিকবিতারই উপযুক্ত। ছন্দও স্বাধীন মিত্রাকর—বাঁধাবাঁধি পয়ার, ত্রিপদী বা চতুষ্পদী নহে;—ভাষা ও ছন্দ যেন ভাবোচ্ছাসের সহিত তরঙ্গায়িত হইয়া চলিয়াছে। উপমা-রূপকাদি অলঙ্কার সংস্কৃতের আদর্শে। মধুসূদনের এই গীতিকাব্যখানিতে, কি আদর্শে, কি ভাবে বা ভঙ্গিতে কোন অংশেই পাশ্চাত্য প্রভাবের চিহ্ন লক্ষিত হয় না। মধুসূদন এই ক্ষুদ্র গীতিকাব্যখানিতে বাঙ্গালীর প্রাণ দিয়া বাঙ্গালীর মজ্জাগত রাধাভাবের একটা সুন্দর অভিব্যক্তি দিয়াছেন।

মধুসূদন রাধা-ভাবের রস-মূর্তির সন্ধান পাইয়াছেন জয়দেব ও বিষ্ণুপতির পদাবলী হইতে। কিন্তু তাঁহাদের রাধিকাৰ ভোগ-লালসার প্রাচুর্য্য দেখিয়া তিনি এই কাব্যে ভোগ-লালসার অতীত দিব্যান্মাদের যে অনাবিল রসমূর্তি ফুটাইয়া তুলিয়াছেন, তাহা—বৈষ্ণবদর্শ অপেক্ষা কোন অংশেই হীন নয়। মধুসূদনের প্রাণে বৈষ্ণব-ভাব থাকিলেও, তিনি সাধক-বৈষ্ণব ছিলেন না, ইহা নিশ্চিত। শুধু কাব্য-প্রতিভা-বলে কাব্যংশে সাধক-কবির কতখানি সমকক্ষ হইতে পারা যায়, এই ব্রজাঙ্গনা-কাব্যখানি তাহার চমৎকার নিদর্শন। তবে, চণ্ডীদাসের সহিত মধুসূদনের তুলনাই হইতে পারে না, ব্রজাঙ্গনা-প্রসঙ্গে নব্য-বৈষ্ণবপন্থী কেহ-কেহ একথা ভাবিয়া দেখেন না। বৈষ্ণব-কবিদিগের মধ্যে চণ্ডীদাস আধ্যাত্মিক বা অতীন্দ্রিয়ভাবাবিষ্ট (আধুনিক ভাষায় “মিষ্টীক”) কবি। কিন্তু মধুসূদন জয়দেব-বিষ্ণুপতি-প্রমুখ বৈষ্ণব-কবিদিগের স্মার প্রধানতঃ বস্তুতন্ত্রের—রূপরসাদির কবি। চণ্ডীদাস রূপরসাদি স্পর্শ করেন না, এমন নয়; কিন্তু রূপ-রসাদির মধ্যে তিনি অবস্থান করেন না। রূপ-রসাদি স্পর্শ-মাত্র করিয়া তিনি অতীন্দ্রিয় ভাব-রাজ্যে উঠিয়া পড়েন। তাঁহার যত-কিছু ভাব-লীলা, কবিত্ব-

সৌন্দর্য্য, সে সবই ভাব-জগতে। মধুসূদন এই শ্রেণীর কবি নহেন। জয়দেব বিষ্ণাপতির জায়, রূপরসাদির রাজাই মধুসূদনের কবিত্ব-ক্ষেত্র এবং তাঁহার যত কিছু কবিতা-মাধুরী, তাহা রূপ-রসাদির ক্ষেত্রেই মুগ্ধরিত। যদি কোন বৈষ্ণব-কবির সহিত মধুসূদনের তুলনাই করিতে হয়, তবে বিষ্ণাপতির সঙ্গে তুলনা করা চলে এবং সে তুলনায় মধুসূদনকে কোন অংশেই হীন বলা চলে না। বরং জয়দেবের জায় বিষ্ণাপতির অনেক স্থলে যে-ভোগলালসার আধিকা লক্ষিত হয়, মধুসূদনের এই দিব্যোন্মাদিনী রাধিকার অবস্থা-গুণ তাহার অবদরভাব। বৈষ্ণব-তত্ত্বে রাধিকার এই দিব্যোন্মাদ তন্ময়তাব চরম পরিণতির পরিচায়ক। তাই উহা রাধাভাবের একটি উচ্চ স্তর বলিয়া পরিগণিত। মধুসূদনের ব্রজাঙ্গনার রাধিকার আদর্শ এই স্তরের। তাঁহার এক পত্র হইতে ইহাব একটু ইন্দ্রিতও পাওয়া যায়। পত্রখানিতে তিনি তাঁহার স্বাভাবিক রসিকতার ভঙ্গিতে বন্ধু রাজনারায়ণকে লিখিতেছেন ;—

“—Mrs Radha is not such a bad woman after all If she had a “Bard” like your humble servant from the beginning, she would have been a very different character. It is the vile imagination of poetasters that has painted her in such colours.”

বৈষ্ণব-কবিদিগের পদাবলীর বৈশিষ্ট্য এই যে, তাহাতে মাধুর্য্য-ভাবাত্মক লীলারস পবিত্রফুটনের একটা গুহ (Esoteric) দিক ও ভাব আছে—যাহা সাধক-বৈষ্ণব ভিন্ন অপরের অধিগমা নহে। মধুসূদন কবি হইলেও “বৈষ্ণব” কবি ছিলেন না; আর তাঁহার প্রাণে বৈষ্ণব-ভাব থাকিলেও তিনি সাধক-বৈষ্ণব ছিলেন না। কাজেই তিনি কেবলমাত্র সাহিত্যিকের চক্ষে পদাবলী-সাহিত্যের বাহ (Exoteric) দিকটা দেখিয়াই উহার স্থল-বিশেষকে কুৎসিত বলিয়া অভিহিত করিয়াছেন। পরে বঙ্কিমচন্দ্রও ঠিক ঐ কারণেই বৈষ্ণব-পদাবলী-সাহিত্যকে “মদন-মহোৎসব” নাম দিয়া উহার প্রতিকূল সমালোচনা করিয়াছিলেন।*

* শুধু বৈষ্ণব-সাধনার নহে সকল ধর্মের সাধনারেরই একটা গুহ দিক ও ভাব আছে।

যাহা হউক, মধুসূদন পদাবলী-সাহিত্য হইতেই রাধা-ভাবের একটা উচ্চতর স্তরের সন্ধান পাইয়াছিলেন বলিয়া, তিনি উহাতে ভোগ-লাগসার প্রাচুর্য্যে ব্যথিত হইয়াছিলেন। তাই তিনি বৈষ্ণব-শাস্ত্রোক্ত তন্ময়তার পরিচায়ক দিব্যোন্মাদ-অবস্থা অবলম্বনে মহাভাবময়ীর তন্ময়-ভাবের অনাবিল একটি রসমূর্ত্তি, যতখানি তাঁহার কবিত্ব-শক্তিতে সম্ভব, তাহাই দিয়া গিয়াছেন।

বৈষ্ণব-সাধক এ কাব্যে প্রাণের পরিচয় পাইতে পারেন কি, না,—বলিতে পারি না;—কারণ, সাধকের অনুভূতি আমার নাই। তবে, সাহিত্যিক অনুভূতিতে এই কাব্যখানি যে বেশ প্রাণময় ও রসাল, তাহা এই কাব্যখানির প্রতি পাঠক-সমাজের সুদীর্ঘকালব্যাপী সমাদরই প্রকৃষ্ট রূপে সপ্রমাণ করিতেছে। এই ব্রজাঙ্গনা-কাব্যে নবযুগের ভাব ও ভাষার মধ্য দিয়া উন্মাদিনী রাধায় বৈষ্ণব-প্রেমের যে নির্ম্মল রসচিত্র আমরা পাইয়াছি, বঙ্গসাহিত্য-সৌধে তাহা চিরোজ্জ্বল-ভাবে বিরাজমান থাকিবে, তাহাতে সন্দেহ নাই। তাহা ছাড়া, বঙ্গ-সাহিত্যের নবযুগের প্রারম্ভে বৈষ্ণব-সাহিত্যের মাধুর্য্য ভাবাজুক এই গীতিকাব্যখানি যদি নব শিক্ষিত-সম্প্রদায়ের মনে আদর্শ-রাধাভাবের উন্মেষ-কল্পে কিছুমাত্র সাহায্য করিয়া থাকে;—যদি পাশ্চাত্যমুখ নব্য বাঙ্গালীকে তাহার নিজস্ব ধন বৈষ্ণব-আদর্শের দিকে দৃষ্টিপাত করিতে শিখাইয়া থাকে, তাহা হইলেও এই ক্ষুদ্র গীতিকাব্যখানি রচনা করিয়া মধুসূদন ধন্য হইয়াছেন, বলিতে হইবে।

বৈষ্ণব-সাধকের কাছে পদাবলী-সাহিত্য কেবলমাত্র সাহিত্য ও কবিত্ব নহে, উহা তাঁহার সাধনার (Emotional realisation-এর) সহায়। শ্রীচৈতন্য রামানন্দাদি অন্তরঙ্গ-সাধকের সহিত নিভৃত্তে জয়দেব, চণ্ডীদাস, বিদ্যাপতির পদাবলীর রস পরমানন্দে আশ্বাদন ও উপভোগ করিতেন। সুতরাং এরূপ সাহিত্যের কেবলমাত্র বাহ্য দিক দেখিয়া ও বাহ্য ভাব লইয়া নিন্দা করা সাহিত্য-সমালোচকের পক্ষে সমীচীন নহে। বৈষ্ণব-ধর্ম্ম কি, তাহার নিগূঢ় সাধনাই বা কিরূপ এবং সেই সাধনার পদাবলী-সাহিত্যই বা কতটা সহায় এ সব গোড়ার কথা আলোচনা করা এখানে অপ্রাসঙ্গিক।



বীরঙ্গনা-কাব্য

মেঘনাদবধ-কাব্যের দ্বিতীয় ভাগ (ষষ্ঠ হইতে নবম সর্গ পর্যন্ত) রচনা শেষ করিয়া মধুসূদন “সিংহল-বিজয়” লিখিতে আরম্ভ করিয়াছিলেন। কিন্তু, কি জানি কেন, কয়েক ছত্র মাত্র লিখিয়াই তাহা ফেলিয়া রাখিয়া, বীরঙ্গনা-নামক একখানি পত্রিকা-কাব্য কয়েক সপ্তাহ মধ্যেই লিখিয়া ফেলেন। তাঁহার ঐ সময়ে লিখিত পত্রে আছে—

“I have only written 20 or 30 lines of the new Epic. In fact, I have laid it by for a time only, I hope. But within the last few weeks I have been scribbling the thing to be called বীরঙ্গনা i.e. Heroic Epistles from the most noted Puranic women to their lovers or lords. There are to be 21 Epistles and I have finished eleven. These are being printed off, for I have no time to finish the remainder.”

সঙ্কলিত ২১ খানি পত্রিকার ১১ খানি বীরঙ্গনা-কাব্য নামে ১৮৬২ খৃষ্টাব্দের ফেব্রুয়ারী মাসের শেষ ভাগে প্রকাশিত হয়। * বাকি পত্রিকাগুলির মধ্যে মধুসূদন কয়েকখানি লিখিতে আরম্ভ করিয়াছিলেন; কিন্তু ঐ সময়ে ইউরোপ-যাত্রার চিন্তায় তাঁহার মনশ্চাঞ্চল্য ঘটায় কোন পত্রিকাই শেষ করিতে পারেন নাই। বলা বাহুল্য যে, আরক ‘সিংহল-বিজয়’ কাব্যের ২০৩০ পংক্তি, যাহা লিখিয়াছিলেন, তাহার পর আর ইহাতেও হস্তক্ষেপ করিতে পারেন নাই।

* ৩বিদ্যালয় মহাশয় প্রথম-প্রথম অমিত্রচ্ছন্দের সৌন্দর্য ধরিতে পারেন নাই। পরে, তিনি ইংরাজীতে অমিত্রচ্ছন্দ আবিষ্কার করিয়া ক্রমে বাঙ্গালা কাব্যে ঐ ছন্দ প্রবর্তনের পক্ষপাতী হইয়া পড়েন। তাই, মধুসূদন অমিত্রচ্ছন্দের এই শেষ কাব্যখানি বিদ্যালয় মহাশয়ের নামে উৎসর্গ করিয়া মঙ্গলাচরণস্থলে কৃতজ্ঞতা জ্ঞাপন করিয়াছেন।

সুপ্রসিদ্ধ রোমক কবি ওভিদের (Ovidius) Heroic Epistles-নামক পত্রিকা-কাব্য পড়িয়া বঙ্গ ভাষায় ঐরূপ সাহিত্যের প্রচলনের প্রয়াসী হইয়া মধুসূদন “বীরাজনা”-রচনায় প্রবৃত্ত হইলেন। ওভিদের মাত্র ২১ খানি পত্রিকাই লিখিবার ইচ্ছা তাঁহার ছিল। কিন্তু অর্থাভাবে তিনি ১১ খানি পত্রিকা লিখিয়া ছাপিতে দিয়াছিলেন। তখন তিনি ভাবিয়াছিলেন যে, প্রথম ভাগ বীরাজনা-কাব্যখানির বিক্রয়-লব্ধ অর্থে দ্বিতীয় ভাগ ছাপাইবার সুবিধা হইবে। কিন্তু তৎপূর্বেই ঘটনাচক্র অন্তরূপে পরিবর্তিত হইল। মনশ্চাক্ষুণ্যে তিনি আর বাকি পত্রিকাগুলি লিখিতেই পারেন নাই। ১৮৬২ খ্রীষ্টাব্দের ৪ঠা ফেব্রুয়ারী তারিখের তাঁহার স্মারক লিপিতে ছিল—

“It is my intention, God willing, to finish this poem (বীরাজনা কাব্য) in XXI Books. But I must print the XI already finished. The proceeds of the sale of the 1st part must defray the expenses of printing the second. “Born an age too soon”—A time will come when these works of mine will fill the pockets of printers, book-sellers, *et hocgenus omne*, and now I am obliged to ‘shell out’”

ওভিদ্-নামক রোমক কবির Heroic Epistles পাশ্চাত্যপুরাণে সুপরিচিত নারিকাগণ কুর্ভুক তাহাদের পতি বা প্রণয়ীদের প্রতি লিখিত পত্রিকা-কাব্য। ইহা পড়িয়াই, মধুসূদন আমাদের পুরাণ অবলম্বনে বঙ্গসাহিত্যে একখানি পত্রিকা কাব্য রচনা করিতে ইচ্ছা করেন। তাহারই ফল “বীরাজনা-কাব্য।” ইহা ভিন্ন, এই পত্রিকাগুলি রচনায় মধুসূদন আর কোন রূপেই ওভিদের নিকট ঋণী নহেন।

কোন-কোন সমালোচক এই “বীরাজনা” শব্দটির সাধারণ অর্থ (বীরের অঙ্গনা বা বীরা অঙ্গনা) বুঝিয়া কোন-কোন পত্রিকার অসঙ্গতিতে ক্ষুণ্ণ হইয়াছেন। ফলতঃ বীরাজনার অর্থ কবি নিজে বাহা দিয়াছেন, তাহা মানিয়া লইলে, আর কোন গোল থাকে না। “বীরাজনা” *i e* Heroic Epistles from the most

noted Puranic women to their lovers or lords.” পরে চতুর্দশপদী
-কবিতাবলীর আরম্ভে আত্ম-পরিচয়ে কবি লিখিয়াছেন —

—“বিরহ-লেখন পরে লিখিল লেখনী
যার, বীরজায়া-পক্ষে বীরপতিগ্রামে।”

এখানেও বুঝিতে হইবে যে, কবি “বীর” শব্দ ‘পৌরাণিক নায়ক-নায়িকা’ অর্থে
ব্যবহার করিয়াছেন। * ‘বীর’ শব্দের সাধারণ অর্থ ধরিতে গেলে, অনেকগুলি
পত্রিকার বিষয়ের সহিত “বীর” নামের সঙ্গতি থাকে না।

সংস্কৃত-সাহিত্যে স্থল-বিশেষে নারী কর্তৃক পতি বা প্রণয়-পাত্রকে পত্র লিখনেব
উল্লেখ পাওয়া যায়। কালিদাসের অভিজ্ঞান-শকুন্তল-নাটকে বিরহবিধুবা শকুন্তলা
কর্তৃক পত্র লেখার উল্লেখ আছে। ভাগবতে রুক্মিণীদেবী ঋতনামা শ্রীকৃষ্ণেব প্রতি
অপূর্ব পূর্বরাগের ভাবে পত্র লিখিয়া এক ব্রাহ্মণের দ্বারা উহা দ্বারকানাথেব কাছে
প্রেরণ করিয়াছেন। সংস্কৃত-সাহিত্যের নানাস্থানে নারীজন-কর্তৃক প্রণয়-পাত্রকে
পত্র লেখার উল্লেখ পাওয়া যায়। তাই সংস্কৃত অলঙ্কার-শাস্ত্র সাহিত্য-দর্পণে দেখা
যায় — “লেখ্যপ্রস্থাপনৈঃ নার্যাভাবাভিব্যক্তিরিচ্ছতে।” মধুসূদনও তাঁহাব এই
কাব্যের প্রচ্ছদ-পত্রে ঐ শ্লোকংশ উদ্ধৃত করিয়া এ সম্বন্ধে ইঙ্গিত করিয়াছেন।
সংস্কৃত-সাহিত্যে একরূপ পত্রের উল্লেখ থাকিলেও, কাব্যংশে উৎকৃষ্ট বলিয়া গণ্য করা
যাইতে পারে, এমন পত্রিকা নাই বলিলেই হয়। তাই, ওভিদের পত্রিকাগুলি
পড়িয়া কবি বাঙ্গালার ঐরূপ কয়েকখানি পত্রিকা—বাহা পত্রিকা-কাব্য বলিয়া
অভিহিত হইতে পারে, এমন কতকগুলি পত্রিকা লিখিতে আরম্ভ কবেন; কিন্তু বঙ্গ-
সাহিত্যের ছর্ভাগো এগারখানির বেশী রচনা করিতে পাবেন নাই। আমাদের
পুরাণ-প্রসিদ্ধ ১১ জন নারী নির্বাচন করিয়া, বাহার উপাখ্যানের যে অংশে পত্র-
লিখন কাব্যংশে সঙ্গত ও শোভন, কবি সেট অংশ অবলম্বন করিয়া পত্রিকাগুলি
রচনা করিয়াছেন।

* পাক্কা সাহিত্যের কাব্য-নাটকানিতে, পৌরাণিক উপাখ্যানে, প্রধান নায়ক-নায়িকা
স্বরূপে Hero ও Heroine বলিয়া অভিহিত হইয়া থাকে।

অমিত্রাক্ষরচন্দ্রে এই বীরাঙ্গনাই তাঁহার তৃতীয় ও শেষ কাব্য। তিলোত্তমা-সম্ভব প্রথম, মেঘনাদবধ দ্বিতীয়, অবশেষে এই বীরাঙ্গনা। তিনখানি কাব্যের ভাষা ও ছন্দ পর্যালোচনা করিয়া দেখিলেই বলা যাইতে পারে যে, কোন্‌খানির পর কোন্‌খানি রচিত। তিলোত্তমাসম্ভবে ঐ ছন্দের প্রথম প্রবর্তন,—ভাষা কৰ্কশ ও জড়তামস এবং ছন্দ আড়ষ্ট। মেঘনাদবধ-প্রথমভাগের রচনায় ঐ সব দোষ অধিক না থাকিলেও স্থলে-স্থলে ছিল, এবং উহার দ্বিতীয় সংস্করণের সময় সেই সব স্থলের সংস্কার করিতে হইয়াছিল। ঐ কাব্যের দ্বিতীয়-ভাগ রচনায় দেখা যায় যে, ছন্দ ও ভাষা সুস্পষ্টরূপে কবির করায়ত্ত হইয়াছে। অবশেষে বীরাঙ্গনা-কাব্যের রচনায় দেখা যায় যে, কাব্যের ভাষা ও ছন্দ যতদূর উৎকৃষ্ট হইতে হয়, তাহাই হইয়াছে—কোথাও কৰ্কশতার লেশ মাত্র নাই, ভাষা সুললিত ও সরল এবং ছন্দ সর্বত্রই মধুর ও সঙ্গীতশব্দ-বিশিষ্ট। অবশ্য, বিষয়-গুণে ভাষার লালিত্যের তারতম্য হইয়া থাকে। তাই দেখা যায় যে, তিলোত্তমাসম্ভবে, তিলোত্তমার সৃষ্টি ও তৎপরবর্তী ঘটনা-বর্ণনার ভাষা পূর্ববর্তী সর্গগুলির ভাষা অপেক্ষা অধিকতর সুমধুর। মেঘনাদবধ-কাব্যের চতুর্থ সর্গে বর্ণিত সীতা ও সরমার কথোপকথন সরল, সুললিত ও সুমধুর ভাষার দৃষ্টান্ত। অবশেষে বীরাঙ্গনার রচনা ভাষা, ও ছন্দ-পরিপাট্যে অমিত্রাক্ষরের আদর্শ বলিয়া পরিগণিত। তা ছাড়া, বিষয়-গুণেও পত্রিকাগুলি অতি সুমধুর হইবার কথা, এবং হইয়াছেও তাহাই।

বীরাঙ্গনার আর এক বৈশিষ্ট্য এই যে, উহার পত্রিকাগুলিতে বিষয়-বৈচিত্র্য হেতু সুন্দর রস-বৈচিত্র্য লক্ষিত হয়—এক-এক পত্রিকার বিষয়, ভাব ও রস এক-এক রূপ। তাই পত্রিকাগুলি পড়িতে কোথাও বেধ্যচ্যুতি হয় না। প্রত্যেক পত্রিকাখানি নব রসে অনুপ্রাণিত ও নব-নব ভাবে পল্লবিত। এই কাব্যখানি, আকারে ক্ষুদ্র হইলেও কাব্যাংশে এমন মনোহর পত্রিকা-সাহিত্য আর কোথাও আছে কিনা, জানি না। এখন আমি একে-একে পত্রিকা-গুলির সংক্ষিপ্ত পরিচয় দিতেছি।

শকুন্তলা-পত্রিকা

তপোবন-পালিতা সরলা বাল্য শকুন্তলাকে তপোবনেই বিবাহ করিয়া, রাজা হুয়ন্ত চলিয়া গেলেন। কোথায় তিনি স্বল্পদিনের মধ্যে সমাদরে ও সমারোহে শকুন্তলাকে প্রাসাদে লইয়া যাইবেন ; না, একবারে বিস্মৃত ! মাসের পর মাস চলিয়া যাইতে লাগিল। এ অবস্থায় গর্ভবতী স্ত্রীর মনের ভাব সহজেই অনুমেয়। দুর্ভাগ্যের অভিশাপের কথা প্রিয়ংবদা ও অনসূয়া শকুন্তলাকে জানায় নাই। কাজেই শকুন্তলা প্রতিনিয়তই রাজার লোকজনের আগমন প্রতীক্ষা করিয়া থাকেন। পবন-স্বমন শুনিলে বা ধূলারানি উড়িতে দেখিলেই ভাবেন, —ঐ বুঝি রাজার লোকজন আসিতেছে ;—

“হাদে দেখ্‌ সই, এতদিনে আজি
স্মরিলি, লো, প্রাণেশ্বর এ তাঁর দাসীরে !
ওই দেখ্‌, ধূলারানি উঠছে গগনে !
ওই শোন্ কোলাহল ! পুরবাসী যত
আসিছে লইতে মোরে নাথের আদেশে ।”

কিন্তু প্রিয়ংবদা ও অনসূয়া মূনিব শাপেব কথা জানে। তাই তাহারা শকুন্তলার এইরূপ ভাব দেখিয়া মুখ ফুটিয়া কিছু বলিতে পারে না ; কিন্তু তাহাদের বুক কাটিয়া যাইতেছে ;—

“নীরবে ধরি.. না কঁাদে প্রিয়ংবদা,
কঁাদে অনসূয়া-সই বিলাপি’ বিষাদে ।”

শকুন্তলার এইরূপ আগ্রত স্বপ্নে পত্রিকাখানি বড়ই হৃদয়গ্রাহী। পত্র-শেষে শকুন্তলা লিখিতেছেন যে, বনবাসী পত্রবাহক রাজপুরে প্রবেশ করিতে পারিবে কি না, রাজসভায় গিয়া রাজহস্তে পত্রখানি দিতে পারিবে কি না, জানি না—

“কিন্তু মজ্জমান জন, শুনিয়াছি, ধরে
তুণে, আর কিছু যদি না পায় সম্মুখে।
জীবনের আশা, হয়, কে তাজে সহজে !”

এই বিরহ-লেখনখানি উপেক্ষিতা বিবাহিতা-স্ত্রীর আদর্শ প্রেম-পত্রিকা।
কাব্য-জগতে শকুন্তলা যেমন অপূর্ব সৃষ্টি, এই পত্রিকাখানিও তেমনি সরলা
বিরহ-পীড়িতা ভপোবন-বালিকার মনোভাবের মনোহর আলেখ্য !

ভারা-পত্রিকা

এই পত্রিকার বিষয়টি (Subject-matter) সুরচিসঙ্গত নয় বলিয়া উহা এ
সংস্করণের অন্তর্ভুক্ত করা হইল না।

রুক্মিণী-পত্রিকা

এই পত্রিকাখানি রুক্মিণীর অপার্থিব কৃষ্ণপ্রেমের সূচক অভিব্যক্তি। বাল্য
হইতে তিনি পিতৃগৃহে সমাগত সাধুসজ্জনদিগের মুখে কৃষ্ণাবতারের কথা শুনিয়া,
তাঁহাকেই মনপ্রাণ সমর্পণ করিয়াছেন। এখন যৌবনারম্ভে ভ্রাতা তাঁহাকে
শিশুপালের পাণিগ্রহণ করাইতে প্রয়াসী ! এই অবস্থায় কৃষ্ণক-প্রাণা রুক্মিণীর
মনোভাবকে উপাদান-বস্তু করিয়া, কবি এই পত্রিকা-কাব্যে অপূর্ব পূর্বরাগের
কাব্যচিত্রখানি রচনা করিয়াছেন। ভাগবতের রুক্মিণী-পত্রিকার সূত্র অবলম্বন করিয়া
কবি নিপুণ শিল্পীর মত এই মনোজ্ঞ পত্রিকাখানি রচনা করিয়াছেন। ইহাতে
রুক্মিণীর প্রেমভক্তি নানাবর্ণে সমুজ্জ্বল ও সমুদ্ভাসিত হইয়া উঠিয়াছে। রুক্মিণীর
আবাল্য-সঞ্চিত কৃষ্ণপ্রেমের চিত্র বাঙ্গলা-সাহিত্যে বিরল বলিয়া এই পত্রিকাখানি
বড়ই উপভোগ্য।

কেকয়ী-পত্রিকা

রামায়ণে আছে, রামের রাজ্যাভিষেকের বিপুল উদ্যোগ হইতে থাকিলে, দাসী মধুরার পরামর্শে কেকয়ী দুর্জয় অভিমানে রোষাগারে প্রবেশ করেন। কিন্তু মধুসূদন সে পন্থায় না গিয়া, কেকয়ীকে দিয়া দশরথের প্রতি এই পত্রিকাখানি লিখাইয়াছেন। কাব্যংশে রামের রাজ্যাভিষেক-কালই কেকয়ীর পক্ষে স্বামীর কাছে এইরূপ পত্র লিখিবার উপযুক্ত অবসর। রাজা নিজকৃত প্রতিজ্ঞা বিশ্বস্ত হইয়াছেন। তাই, তাঁহার আদরের ছোটরাণী অভিমান-ভরে সমরোপযোগী ভীত ব্যঙ্গ-বিদ্রুপবাণে রাজার মর্মে-মর্মে আঘাত যেমন করিয়া করিতে হয়, তাহা করিয়াছেন। শেষে যে রূপ ভয় প্রদর্শন করিয়াছেন, তাহাও আদরিণী রানীকে পক্ষে বড়ই স্বাভাবিক।

“কিন্তু বাক্যব্যয় আর কেন অকারণে ?
 যাহা ইচ্ছা কর, দেব, কাব্ সাধ্য রোধে
 তোমায়, নরেশ্ব তুমি ? কে পারে ফিরাতে
 প্রবাহে ? বীতংসে কেবা বাঁধে কেশরীরে
 চুলিল ত্যক্তিয়া আজি তব পাপপুরী
 তিথারিণী-বেশে দাসী ! দেশ-দেশান্তরে
 ফিরিব ; যেখানে যাব, কহিব সেখানে,
 পরম অধর্ম্যচারী রঘুকুলপতি !”

রোষাগারে প্রবেশ করিয়া অভিমান প্রদর্শন, ঘটনা-হিসাবে মন্দ নহে ; কিন্তু, কাব্যংশে এই পত্রিকাখানি কেকয়ীর তাৎকালিক মনোভাবের চমৎকার কাব্য-চিত্র !

“থাকে যদি ধর্ম, তুমি অবশু ভুঞ্জিবে
 এ কর্মের প্রতিফল। দিয়া আশা মোরে,
 নিরাশ করিলে আজি ; দেখিব নরনে
 তব আশা-বৃক্ষে ফলে কি ফল, নৃমণি ?

বাড়ালে যাহার মান, থাক তার সাথে
 গৃহে তুমি । বামদেশে কৌশল্যা মহিষী,—
 (এত যে বয়স, তবু লজ্জাহীন তুমি !)
 যুবরাজ পুত্র রাম, জনক-নন্দিনী
 সীতা প্রিয়তমা বধু,—এ সবারে লয়ে
 কর ঘর, নরবর, যাই চলি' আমি ।
 পিতৃমাতৃহীন পুত্রে পালিবেন পিতা—
 মাতামহালয়ে পাবে আশ্রয় বাছনি ।
 দিব্য দিয়া মানা তারে করিব থাইতে
 তব অন্ন ; প্রবেশিতে তব পাপপুরে ।”

স্বামীর প্রতি ক্রুদ্বা মহিষীর বিষদগ্ধ এই বাক্যবাণগুলি প্রকৃতই নারীজনোচিত
 হইয়াছে ।

সূৰ্পগথা-পত্রিকা

কবি নিজেই বলিয়াছেন যে, এই পত্রিকাখানি পড়িতে হইলে, বাস্তবিক-বর্ণিত
 বিকটা সূৰ্পগথাকে ভুলিতে হইবে । বস্তুতঃ, রাক্ষসেরা যখন মায়াবী অর্থাৎ ইচ্ছামত
 মায়ারূপ ধারণ করিতে সমর্থ, তখন কাব্যানুরোধে এই প্রেম-ঘাচঞা-পত্রিকায়
 সূৰ্পগথাকে সুরূপা করিয়া দেখাইয়া কবি কাব্যোচিত কার্যই করিয়াছেন ;—

“—কোন্ যুবতীর নবযৌবনের মধু
 বাঞ্ছা তব ? অনিমেঘে রূপ তার ধরি,
 (কামরূপা আমি, নাথ,) সেবিব তোমারে ।”

পঞ্চবটী-বনে সূৰ্পগথা দেখিয়াছেন যে, রামের সহিত তাঁহার স্ত্রী আছেন ;
 কিন্তু লক্ষণ “একাকী” । তাই তিনি ভাবিয়াছেন যে, লক্ষণ অবিবাহিত । এ
 অবস্থায় বিধবা রাক্ষস-কন্যার পক্ষে লক্ষণের কাছে প্রেম-ঘাচঞা অসঙ্গত নহে ।

তাহা ছাড়া, যদি বিবাহও করিতে হয়, তাহা হইলে ভ্রাতা রাবণ সমাদরে সে কাব্য সম্পন্ন করিবেন ;—

“চল শীঘ্র যাই দৌহে স্বর্ণলঙ্কাধামে ।
সমপাত্র মানি তোমা’, পরম আদরে
অর্পিবেন শুভক্ষণে রক্ষঃকুলপতি
দাসীরে কমল-পদে । কিনিয়া, নৃমণি,
অযোধ্যা-সদৃশ রাজ্য শতেক বৌতুকে,
হবে রাজা ; দাসী-ভাষে সেবিবে এ দাসী ।”

কাব্যংশেও পত্রিকাখানি প্রকৃত প্রেমের পূর্বরাগের উপযোগী হইয়াছে ।
রাক্ষস-কন্যা হইলেও তাঁহার হৃদয়ে প্রকৃত প্রেমের স্থান থাকিতে পারে, এ কথা
ভুলিলে চলিবে না ।

এই নবযৌবনে সুপুরুষ লক্ষণ, শিরে জটাজুট ধারণ করিয়া, উদাসীনের বেশে
পঞ্চবটী-বনে ভ্রমণ করিতেছেন, কি হুঃখে ? যে হুঃখেই হউক, রাবণের ভগিনী
সূৰ্পণখা তাহা দূর করিতে প্রস্তুত । যদি লক্ষণ শত্রু-কর্তৃক পরাভূত হইয়া থাকেন,
তাহা হইলে, ভব-বিজয়িনী রক্ষ-অনৌকিনী, চাই কি, লঙ্কার কুল-দেবতা স্বয়ং চামুণ্ডা
লক্ষণের পক্ষে যুদ্ধ করিবে ! যদি অর্থে লক্ষণের প্রয়োজন, তাহা হইলে সূৰ্পণখা
বলিতেছেন—

“—অলকার ভাণ্ডার খুলিব
তুষিতে তোমার মন ; নতুবা কুহকে
শুষ্টি রত্নাকরে, লুটি’ দিব রত্নজালে ।”

এ পৃথিবীর সুখ-সম্পদের ত কথাই নাই, যদি মর্ত্যে বসিয়া স্বর্গের সুখভোগ
লক্ষণের বাসনা, তবে রাবণের প্রসাদে সূৰ্পণখা তাহাও যোগাইতে প্রস্তুত । আর
যদি উদাসীন থাকিয়া জীবন যাপন করাই লক্ষণের অভিপ্রায়, সূৰ্পণখা তাহাতেও
পশ্চাৎপদ নহে ;—

“—অন্নান বদনে
এ বেশ-ভূষণ ত্যজি’, উদাসিনী-বেশে
সাজি’, পূজি, উদাসীন, পাদ-পদ্ম তব ।

* * *

দেখিব প্রেমের স্বপ্ন জাগিয়ে দুজনে !”

এইরূপে পত্রিকাখানি আশ্রয় কবিত্তে মণ্ডিত ।

দ্রৌপদী-পত্রিকা

পাণ্ডবদিগেব সহিত বিবাহিতা হইবার পরে, দ্রৌপদীর প্রিয়তম পতি অর্জুনের সুদীর্ঘ স্বর্গ-প্রবাস-কালই দ্রৌপদীর পক্ষে এই বিরহ-পত্রিকাখানি লিখিবার উপযুক্ত অবসব । একেই ত তিনি পাণ্ডবদিগের সহিত মনোহুঃখে বনবাস করিতেছিলেন, তাহার উপব প্রিয়তম পতির এই সুদীর্ঘ প্রবাস ! স্বর্গে ইন্দ্রালয়ে তিনি ইন্দ্রের প্রিয় অতিথি । সেখানে ভোগ-সুখেব কোনও অভাবই নাই । তাহা ছাড়া, প্রলোভনেব সামগ্রীও স্বর্গে সুপ্রচূব । এই-সকল ভাবিয়া মর্ত্যের বিবহনকা পত্নীর স্বভাবতঃই মনে হয় ;—

“—শত ফুল প্রযুক্ত যে বনে,
কি সুখে বঞ্চিত, সখে, শিল্পীমুখ তথা ?”

সেখানে কত দেবভোগ, কত সুরবালা, কত অপ্সরা ?—এমত অবস্থায় অর্জুনের বিরহে দ্রৌপদীর মনে নানা আশঙ্কা হওয়াও বিচিত্র নয় । প্রকৃত আশঙ্কা না হইলেও, প্রবাসী স্বামীর প্রতি ঐ উপলক্ষ্যে একটু রঙ্গ-রসের অবতারণা করা দ্রৌপদীর স্বীয় সুরসিকা পত্নীর পক্ষে বড়ই সুন্দর হইয়াছে ।

তারপর, ভাবের আবেগে দ্রৌপদী বিবাহের পূর্বকার ও পরেকার অনেক কথাই অতি সংক্ষেপে ও সুন্দরভাবে-মণ্ডিত করিয়া বলিয়াছেন । শেষে, অর্জুনকে শীঘ্র

ফিরিয়া আসিতে বলিবার সময়ে, স্বর্গের পারিজাত গোটাকতক আনিবার অনুরোধ করিতেও ভুলেন নাই।

“ইচ্ছা বড়, গুণমণি, পরিতে অলকে—
পারিজাত ; যদি তুমি আন সঙ্গে করি,
দ্বিগুণ আদরে ফুল পরিব কুম্বলে ”

বহু অনুরোধের সত্ত্বেও কি সুন্দর স্ত্রীজনোচিত এই ক্ষুদ্র অনুরোধটি ! এদিকে বিরহে বর্ণিতপ্রাণ, স্বামীকে শীঘ্র ফিরিয়া আসিতে বলা হইতেছে ; আবার সেই একই নিঃশ্বাসে পারিজাত-ফুল আনিবার জন্ত অনুরোধ ! কবি এখানে স্ত্রীচরিত্রের উপর এক কথায় কি সুন্দর কটাক্ষই করিয়াছেন !

অবশেষে অর্জুনের অভাবে বনবাসে তাঁহারা কি ভাবে কাল কাটাইতেছেন, সে সকল কথা বলিয়া অর্জুনের মর্ত্যে প্রত্যাগমনেচ্ছাকে আরও বলবতী করা বুদ্ধিমতী-স্ত্রীজনোচিতই হইয়াছে। সর্বশেষে সুমধুর কান্তা-বাক্য ও আশার বাণী ;—

“পাণ্ডবকুল-ভরসা, মহেষ্টাস, তুমি !
বিমুখিবে তুমি, সখে, সম্মুখ সমরে—
ভীষ্ম দ্রোণ কর্ণ শূবে ; নাশিবে কোরবে ;
বসাইবে রাজাসনে পাণ্ডুকুলরাজে ;—
এই গীত গায় আশা নিত্য এ আশ্রমে ;
এ সঙ্গীত-ধ্বনি, দেব, শুনি জাগরণে ;—
শুনি স্বপ্নে নিশাভাগে এ সঙ্গীত-ধ্বনি !”

প্রিয়তমা পত্নীর মুখে এরূপ উত্তেজনাময়ী আশার বাণী শুনিয়া কোন্ স্বামীর হৃদয় উল্লসিত না হয় ? এই উৎসাহেই অর্জুন ফিরিয়া আসিবেন—ইহাই এই কান্তাবাক্যের সুন্দর সার্থকতা।

ভানুমতী-পত্রিকা

এই পত্রিকাখানি আগা-গোড়া কান্তা-বাক্য। ভীষণ কুরুক্ষেত্র-সময়ে অষ্টাদশ অক্ষৌহিনী সমবেত ও ভারতের রাজন্তবর্গ একত্র হইয়া কুরুপাণ্ডুদিগের মহাপ্রণয়কর যুদ্ধ চলিতেছে। প্রতিনিয়ত সঞ্জয়েব মুখে যুদ্ধেব সংবাদ বৃতরাষ্ট্র ও তাঁহার পবিত্রবর্গ শুনিতো পাইতেছেন। যোবতব বিপদের কাল আসন্নপ্রায়। এই সময়েই ভানুমতীর পক্ষে কান্তা-বাক্যে দুর্ঘোষনকে যুদ্ধ হইতে নিবৃত্ত কবিবার জ্ঞান পত্র লিখিয়া অনুরোধ কবিবার উপযুক্ত অবসব। তখন ভানুমতীর মনের অবস্থা কিরূপ, পত্রিকার প্রথমেই সেই কথা ;—

“কভু যাই দেবালয়ে ; কভু বাজোতানে ;
কভু গৃহচূড়ে উঠি’, দেখি নিবখিষা—
রণস্থল। রেণুরাশি গগন আববে—
ঘন ঘনজালে যেন , জলে শববাশি,
বিজলীব ঝলসম ঝলসি নয়নে !”

* * *

“কঁদে কুকবধু যত ! কঁদে উচ্চ ববে,
মায়েব আঁচল ধরি’ কুরুকুল শিশু,—
তিতি’ অশ্রনীরে, না জানি’ ক হেতু ।
দিবানিশি এই দশা রাজ-অবরোধে ।”

কুরুগৃহে আবাগ-বৃক্ক বনিতার কি ভয়ানক মনশ্চাক্ষুণ্য, দিবানিশি কি মর্ষহৃদ ক্রন্দন-ধ্বনি !—সন্তো বিধবাদিগের ক্রন্দন ত আছেই, তা ছাড়া সধবারাও আসন্ন বৈধব্যে আশঙ্কিত হইয়া দিবানিশি কঁদিতহে ! ভানুমতী ইহাদের অষ্টতমা। বিবাহের পব হইতেই তিনি পাণ্ডুদিগের প্রতি স্বামী দুর্ঘোষনের কুব্যবহার দেখিয়া আসিতেছেন। এদিকে আবার হিংসাপরতন্ত্র দুর্ঘোষনাদির প্রতি পাণ্ডুদিগের সদ্-

ব্যবহারও লক্ষ্য করিয়াছেন। আজ ছুর্যোধন সেই পাণ্ডবদিগের বিনাশের ভয় কুরুক্ষেত্র-রণে প্রবৃত্ত! ভানুমতী স্পষ্টই বুঝিতে পারিতেছেন যে, ছুর্যোধন কুরুকুলের কুপুত্র হইলেও কুমার শকুনির ও গর্বী কর্ণের পরামর্শেই তাঁহার হিতাহিত-জ্ঞান একেবারেই বিদূরিত হইয়াছে। এ যুদ্ধে কুরুকুলের সর্বনাশ, এবং ভানুমতীর অদৃষ্টে বজ্রাঘাত অনিবার্য! দিবানিশি এই কথা ভাবিতে-ভাবিতে ভানুমতীর এখন নিদ্রাতেও সুখ নাই ;—নিদ্রা আসিলেই তিনি স্বপ্ন দেখেন,—

“শ্বেত-অশ্ব কপিধ্বজ স্তন্দন সম্মুখে !
রথমধ্যে কালরূপী পার্থ ! বাম করে
গাণ্ডীব কোদণ্ডোত্তম ! ইরম্বদ-তেজা
মর্ম্মভেদী দেবঅস্ত্র শোভে হে দক্ষিণে ।”

এইরূপ দিবানিশি ছুর্যোধনের প্রাণনাশ-ভয়ে ভীতা ভানুমতী এক রাত্রিতে স্বপ্নে যে ভবিষ্যৎ ঘটনা-সকল দেখিয়াছিলেন, তাহাই উল্লেখ করিয়া লিখিতেছেন—

“—— দেখিহু তরাসে
ষতদূর চলে দৃষ্টি, ভীম রণভূমি !
বহিছে শোণিত-শ্রোত প্রবাহিনী-রূপে ;
পড়িয়াছে গজরাজি, শৈলশৃঙ্গ ঘেন
চূর্ণ বজ্রে ; হতগতি অশ্ব ; রথাবলী
ভগ্ন ; শত-শত শব ! কেমনে বর্ণিব
কত যে দেখিহু, নাথ, সে কাল মশানে ।
দেখিহু রথীন্দ্র এক শরশয্যোপরি !”

স্বপ্নে অবশ্য স্ত্রাবী দুর্ঘটনার করাল ছায়া দেখিয়া তিনি পত্রশেষে বলিতেছেন,—
পরম হিতৈষিনী স্ত্রীর মর্মেই বলিতেছেন :—

“এস স্ত্রিমি, প্রাণনাথ, রণ পরিহারি !”

পঞ্চথানি গ্রাম মাত্র মাগে পঞ্চরথী !
কি অভাব তব, কহ ? তোষ পঞ্চজনে ;
তোষ অন্ধ বাপ মায়, তোষ অভাগীরে—
রক্ষ কুকুল ওহে কুরুকুলমণি !”

দুঃশলা-পত্রিকা

ভানুমতী-পত্রিকার গায় এই পত্রিকাখানিও কান্তা-বাক্য । স্বামী জয়দ্রথ, শালক দুর্গোদ্ধানের পক্ষ হইয়া যুদ্ধ কবিবাব জন্ত নিজরাজ্য সিন্ধুদেশ হইতে আসিয়া কুরুক্ষেত্র-যুদ্ধে যোগ দিয়াছেন । তাঁহার পত্নী, ধৃতবাহুবকতা দুঃশলা দেবীও স্বামীর সঙ্গে আসিয়া পিতৃগৃহে বাস করিতেছেন । এই ভীষণ যুদ্ধে পিতৃকুলের জন্ত, বিশেষতঃ স্বামীর জন্ত, উৎকণ্ঠিতা হওয়া তাঁহার পক্ষে স্বাভাবিক । তাই প্রতিদিন দিব্যদৃষ্টি-সম্পন্ন সঞ্জয় যখন ধৃতবাহুর কাছে যুদ্ধের ঘটনা সকল বিবৃত করিতে থাকেন, তখন উৎকণ্ঠিতা কন্যাও পিতাব নিকট বসিয়া সঞ্জয়ের মুখে সেই-সব যুদ্ধবর্ত্তা না শুনিয়া থাকিতেই পারেন না, ইহা বলা বাহুল্য ।

এখানে একটি অবাস্তুর কথা বলিতে ইচ্ছা হইতেছে । ভানুমতী ঐ বাড়ীর বধু ; কাষেই তাঁহার পত্রিকায় দেখা যায়—

“স্তুস্তেব আড়ালে, দেব, দাঁড়িয়ে নীরবে
শুনি সঞ্জয়ের মুখে যুদ্ধের বারতা ।”

কিন্তু দুঃশলা ঐ বাড়ীর কন্যা বলিয়া, তাঁহার পত্রিকারস্তে আছে,—

“———— মধ্যাহ্নে বসিহু
অন্ধ পিতৃ পদতলে, সঞ্জয়ের মুখে
শুনিতো রণের বার্তা ।”

বাড়ীর বধু ও কন্যার আচরণের এই সামান্য প্রভেদটুকু দেখাইতে কবি বিশ্বত হইয়া নাই।

যুদ্ধবার্তা শুনিতে-শুনিতে সঞ্জয়ের মুখে হঃশলা শুনিলেন যে, বাহমধ্যে অর্জুনের বীরপুত্র অভিমন্যুকে কুরুপক্ষের সপ্তবধীর কেহই আঁটিয়া উঠিতে পারিতেছেন না। পরে তাঁহারা একত্র হইয়া অভিমন্যুকে নিহত করিলেন। ইহার পরেই সঞ্জয় বলিয়া উঠিলেন,—

“———উঠ, কুরুকুলপতি !
পূজ কুলদেবে শীঘ্র জামাতার হেতু ।
ওই দেখ, কপিধ্বজে ধাইছে ফাল্গুনি
অধীর বিষম শোকে ।” —

জয়দ্রথ সদলবলে বাহমুখ রোধ করিয়াছেন ; তাই বীর অভিমন্যু সপ্তবধী-বোঁটত হইয়া বাহ মধ্যে নিহত হইলেন ! এই সংবাদে ভীমবাহু অর্জুন পুত্রবধের প্রতিশোধ লইবার জন্য মুহুমূহু গাণ্ডীব আক্ষালন কবিত্তে-কবিত্তে প্রতিজ্ঞা করিলেন ;

“কোথা জয়দ্রথ এবে—রোধিল যে বলে
‘বাহমুখ ? শুন, কহি, কল্পবধী যত ;
তুমি হে বসুধা, শুন ; তুমি জলনিধি,
তুমি স্বর্গ, শুন ; তুমি পাতাল, পাতালে ;
চন্দ্র, সূর্য্য, গ্রহ, তাবা ; জীব এ জগতে
আছ যত, শুন সবে ! না বিনাশি যদি
কালি জয়দ্রথে রণে, মরিব আপনি !
অগ্নিকুণ্ডে পশি’ তবে যাব ভূতদেশে,
না ধরিব অস্ত্র আর এ ভব-সংসারে !”—

পুত্রশোকে মহা ক্রোধাক্র, প্রচণ্ড-গাণ্ডীব-ধারী অর্জুনের এই ভীষণ প্রতিজ্ঞার কথা শুনিয়া হঃশলার মনের ভাব কিরূপ হইয়াছিল, তাহা সহজেই অনুমিত হয় —

“অজ্ঞান হইয়া আমি পিতৃপদতলে
পড়ি নু ! যতনে মোরে আনিয়াছে হেথা—
এই অন্তঃপুরে চেড়ী পিতার আদেশ ।”

পরে জ্ঞানলাভ করিয়া, দুঃশলা কাস্তা-বাক্যে স্বামীকে নানারূপে বুঝাইলে শীঘ্র ফিরিয়া আসিতে লিখিতেছেন । এই কাল-সমরে কুরু-কুল ধ্বংস হইবে—এই ভবিষ্য ঘটনার সমর্থন-স্বরূপ দুর্ঘোষনের জন্মকালে যে-যে অমঙ্গল-সূচক ঘটনা ঘটিয়াছিল, দুঃশলা যেমন শুনিয়াছেন, নারীজনোচিত ভাবে পতির কাছে সে কথাগুলি বিবৃত করিতে ভুলিলেন না ;—

“——— শুনিয়াছি আমি, যে দিন জন্মিলা
জ্যেষ্ঠভ্রাতা, অমঙ্গল ঘটিল সে দিনে !
নাদিল কাতরে শিবা ; কুকুর কাঁদিল
কোলাহলে ; শূন্যমার্গে গজ্জিল ভীষণে
শকুনি-গৃধিনীপাল ! কহিলা জনকে
বিহর, —স্বমতি তাত,—‘তাজ এ নন্দনে,
কুরুরাজ ! কুরুবংশ ধ্বংসরূপে আজ
অবতীর্ণ তব গৃহে !’ না শুনিলা পিতা
সে কথা ! ভুলিলা, হায়, মোহের ছলনে !
ফলিল সে ফল এবে,—নিশ্চয় ফলিল !”

তাই দুঃশলা বলিতেছেন,—তুমি সিন্ধুদেশের অধিপতি, সে সুখের রাজত্ব
ছাড়িয়া কাষ কি তোমার এ কাল-সমরে যোগ দিয়া ?—

“তবে যদি কুরুরাজে ভালবাস তুমি
মম হেতু, প্রাণনাথ ; দেখ ভাবি’ মনে,
সম-প্রেমপাত্র তব কুন্তীপুত্র বলী ।

ব্রাতা মোর কুররাজ ; ব্রাতা পাণ্ডুপতি !
 এক জন জন্মে কেন ত্যজ অস্তু জনে ;—
 কুটুম্ব উভয় তব !—আর কি কহিব ?
 কি ভেদ, হে, নদধরে,—জন্ম হিমাদ্রিতে ?”

যদি দোষগুণ ধরিতে চাও, তবে—

“ব্রাতার সুকীর্তি যত, জাননা কি তুমি ?
 লিখিতে শরমে, নাথ, না সরে লেখনী।”

তারপর, দুঃশলা, অর্জুনের বীরপণা, এবং কুরুসেনানায়কদিগের অকস্মণ্যতার
 উদাহরণ দিয়া, পরে বলিতেছেন,—

“এ কালাগ্নিকুণ্ডে, কহ, কি সাধে পশিবে ?
 কি সাধে ডুবিবে, হায়, এ অতল জলে ?”

ইহার পর দুঃশলা কাস্তা-বাক্যেব চবম করিলেন,—শিশু মণিভদ্রের উল্লেখ
 করিয়া ;—যদি মণিভদ্রের কথা ভাবিয়াও অয়ুদ্রথ ফিরিয়া আসেন, এই আশায় ।

দুঃশলা এমনও আশঙ্কা করিতেছেন যে, হয়ত তাঁহার স্বামী ভাবিতে পারেন,
 কুরুপক্ষে দ্রোণাচার্য্য সেনাপতি থাকিতে, মহারথী কর্ণ থাকিতে, অশ্বথামা, কৃপাচার্য্য
 ও গদাপানি দুর্যোধন থাকিতে, তাঁহার ভয় কি ? তাই দুঃশলা বলিতেছেন,—
 পতিগতপ্রাণা কাস্তার মতই বলিতেছেন,—

“শুনো না নাথ, ও মোহিনী বাণী !
 হায়, মরীচিকা আশা ভব-মরুভূমে !
 যদি আঁধি ভাবো,—দাসী পড়ি’ পদতলে,—
 পদতলে মণিতত্ত্ব কাঁদিছে নীরবে !”

অবশেষে ছঃশলার মিনতি ;—

“———এস ছদ্মবেশে,
না ক'য়ে কাহারে কিছু ! অবিলম্বে যাব
এ পাপ-নগর ত্যজি' সিদ্ধুরাজ্যলয়ে !
কপোতমিথুন-সম যাব উড়ি' নীড়ে !—
ঘটুক যা থাকে ভাগ্যে কুরুপাণ্ডুকুলে ।”

ছঃশলার এই ঘোব বিপদের দিনে চব্বম কাস্তা-বাক্য এই পত্রিকাখানি ।

জাহ্নবী-পত্রিকা

মনে হয়, একজন লেখক ইংবাজী “রোম্যান্টিক” শব্দের বাঙ্গালা কবিতাছিলেন, “রোমাঞ্চকব” । ঐ অর্থে এই পত্রিকাখানি বাস্তবিকই রোম্যান্টিক । শাস্ত্রু ও জাহ্নবীর বিবাহ, দাম্পত্য-অবস্থা এবং অবশেষে শাস্ত্রুকে ছাড়িয়া জাহ্নবীর প্রস্থান—সবই অতিমাত্রায় বিস্ময়কর । শাপত্রষ্টা জাহ্নবী দেবী অভিশপ্ত অষ্টবসুকে গর্ভে ধারণ করিতে প্রতিশ্রুত হইয়া মর্ত্যে আসেন । পরে, রাজা শাস্ত্রুর সহিত তাঁহার বিবাহ হয় । সে সময়ে শাস্ত্রুর সহিত কথা ছিল যে, জাহ্নবীর কোনও কার্যে রাজা প্রতিবাদ করিলেই, তৎক্ষণাৎ তিনি চলিয়া যাইবেন । অভিশপ্ত অষ্টবসুকে একে-একে জন্ম-মাত্রই গঙ্গাজলে নিক্ষেপ করিয়া তাহাদের মর্ত্যবাসের সংক্ষেপ করিয়া দিবেন, বসুদিগেব কাছে জাহ্নবী এরূপ প্রতিশ্রুতাও ছিলেন । বিবাহান্তে জাহ্নবী কর্তৃক উপযু্যপরি সাতটা শিশুর ঐরূপ নিধনে, রাজা অত্যন্ত মর্ষপীড়িত হইয়াও পত্নীর প্রতি প্রীতিবশতঃ জাহ্নবীকে কিছুই বলেন নাই । অবশেষে অষ্টম বসুকে (ইনিই মহাভারতের দেবব্রত ভীষ্ম—আদি-পর্ব দেখ) জাহ্নবী ঐরূপে গঙ্গাজলে ফেলিয়া দিতে চাহিলে, শাস্ত্রু আপত্তি না করিয়া থাকিতে পারিলেন না । অস্বীকার-ভঙ্গ হইল দেখিয়া, শিশুটিকে সঙ্গে লইয়া জাহ্নবী চলিয়া গেলেন । ইহাতে পত্নীর বিরহে রাজা বড়ই কাতর হইয়া, গঙ্গাতীরে বহুকাল কাটাইতে থাকিলে, জাহ্নবী দেবী, বসুপ্রাপ্ত সেই বালককে

ঈদিয়া শাস্ত্রহর কাছে এই পত্রখানি প্রেরণ করেন। ইহাতে ঐ সমস্ত কথা সংক্ষেপে
 প্রবৃত্ত করিয়া, জাহ্নবী বর্ণিতেন,—

“পত্নীভাবে আর তুমি ভেবোনা আমারে !

* * *

তরুণ যৌবন তব ;— যাও ফিরি’ দেশে ;—

কাতরা বিরহে তব হস্তিনা-নগরী !

যাও ফিরি’, নরবর, আন গৃহে বরি’,

বরাদী বাজেন্দ্রবালে ; কর রাজ্য সুখে

* * *

—পূর্ব কথা ভুলি’,

করি’ ধৌত ভক্তিরসে কামগত মনঃ

প্রথম সাষ্টাঙ্গে, রাজা ! শৈলেন্দ্র-নন্দিনী,

রুদ্রেন্দ্র-গৃহিনী গঙ্গা আশীষে তোমারে !

লয়ে সঙ্গে পুত্রধনে যাও রঙ্গে চলি’

হস্তিনায়, হস্তিগতি ! অন্তরীক্ষে থাকি’

তবপুরে, তব সুখে হইব, হে, সুখী,

তনয়ের বিধুমুখ হেরি’ দিবানিশি !

কি sublime ! অদ্ভুত রসের কি রোমাঞ্চকর অভিব্যক্তি ! আগাগোড়া,
 বিষয় এই পত্রিকাখানির স্থায়িত্ব।

উর্ধ্বশী-পত্রিকা

স্বর্গের অম্বর-শ্রেষ্ঠা উর্ধ্বশী তাঁহার সখী চিত্রলেখাকে সঙ্গে লইয়া কুবের ভবন
 হইতে ফিরিতেছিলেন, এমন সময়ে হিরণ্যপুরবাসী কেশী-নামক দৈত্য তাঁহাদিগকে
 ধরুণ করিয়া লইয়া যায়। রাজা পুরুরবা সূর্য্যমণ্ডল হইতে প্রত্যাগমন-কালে

আকাশপথে অস্ত্রাস্ত্র অসুরগণের মুখে ঐকথা শুনিয়া দৈত্য-হস্ত হইতে সখীসহ উর্ধ্বশীকে উদ্ধার করেন। মূর্ছান্তে উর্ধ্বশী রাজার রূপ দর্শনে মনে মনে তাঁহার প্রতি সম্পূর্ণ আসক্ত হইয়া পড়েন। এ অবস্থায় স্বর্গে এক রাত্রিতে দেবগণ সমক্ষে একখানি নাটকের অভিনয়-কালে উর্ধ্বশীর মুখ হইতে অকস্মাৎ ভুলক্রমে এমন কথা বাহির হইল, যাহা নাটক অভিনয়ের অপ্রাসঙ্গিক, অথচ রাজা পুরুরবার প্রতি প্রণয়সক্তি-ব্যঞ্জক। ফলে, স্বর্গীয় নাট্যাচার্য্য ভরত-ঋষির শাপে তখনই উর্ধ্বশী স্বর্গভ্রষ্টা হইলেন। মর্ত্তে আসিবাব পূর্বে তিনি এই পত্রখানি লিখিয়া সখী চিত্রলেখাকে দিয়া রাজা পুরুরবার কাছে প্রেরণ করেন।

কিরূপে তিনি স্বর্গভ্রষ্টা হইলেন, পত্রিকারস্ত্রে সেই কথা বলিয়া পরে রাজা কর্তৃক দৈত্যহস্ত হইতে তাঁহার উদ্ধার এবং চেতনাপ্রাপ্তির পর তাঁহার সম্বন্ধে রাজা যাহা-যাহা বলিয়াছিলেন, সেই-সব কথার উল্লেখ করিয়া, রাজার প্রতি উর্ধ্বশীর মন যে কিরূপ আসক্ত হইয়াছে, পত্রিকায় তাহাই কবিত্বের সহিত সুন্দর ভাবে বর্ণিত।

উর্ধ্বশীর এই প্রেমমাল্য রূপজ মোহের চাকটিক্যে বলমূল্য করিতে থাকিলেও উহা গভীর কৃতজ্ঞতার সূত্রে গ্রথিত বলিয়া মনোরম। রূপজমোহাত্মক হইলেও এ প্রেম গাঢ় কৃতজ্ঞতায় মহিমাম্বিত। পত্রিকাখানি রোমান্টিক প্রেমের সুন্দর আদর্শ। পত্র-শেষে উর্ধ্বশী লিখিয়াছেন,—

“থাকিব নিরখি’ পথ, স্থির-আঁখি হ’য়ে
উত্তরার্থে পৃথ্বীনাথ !—নিবেদনমিতি ।”

জনা-পত্রিকা

যুধিষ্ঠিরের অশ্বমেধ যজ্ঞের জন্ত অশ্বের সহিত অর্জুন দিগ্বিজয়ে বাহির হইয়া ঋত্বিকী পুরীতে আসিলে, সেখানকার রাজা নীলধ্বজের পুত্র প্রবীর অর্জুনকে বাধা দেন এবং অর্জুনের সহিত যুদ্ধে নিহত হইলেন। নীলধ্বজ এই সংবাদে

কোথায় প্রকৃত কত্রিয়ের স্মার অর্জুনের বিরুদ্ধে অন্তর্ধারণ করিবেন, না, একেবারে নিতান্ত কাপুরুষের স্মার পুত্রঘাতী শত্রুর কাছে ক্রমা প্রার্থনা ও তাঁহার সহিত পরম মিত্রতা স্থাপন করিয়া, পরিশেষে তাঁহার সহিত হস্তিনাপুরে যাইতেও স্বীকৃত হইলেন ! তাহাতে তদীয় মহিষী, কত্রিয়-কন্তা জনা স্বামীর এই কাপুরুষোচিত ব্যবহারে ব্যথিতা ও ক্রুদ্ধা হইয়া তাঁহাকে এই পত্রিকাখানি লিখিয়াছেন ।

ইহাতে জনা-হৃদয়ের ক্রম-তেজ ছত্রে-ছত্রে অগ্নি-স্ফুলিঙ্গের স্মার বিস্ফুরিত—

———“তব সিংহাসনে

বসেছে পুত্রহা রিপু—মিত্রোত্তম এবে !

সেবিছ যতনে তুমি অতিথি রতনে !

* * *

———“কেমনে তুমি, মিত্রভাবে

পরশ সে কর, যাহা প্রবীরের লোহে

লোহিত ? কত্রিয়-ধর্ম এই কি নৃমণি ?”

তারপরে, তিনি ক্ষোভে, রাগে, পাণ্ডব-চরিতেব, কুস্তীর, দ্রৌপদীর, এমন কি ব্যাসদেবের আচরণের প্রতিকূল ব্যাখ্যা করিয়া মনের বাগ ব্যক্ত কবিত্তে কিছুমাত্র বাকি রাখেন নাই । যুধিষ্ঠিরের রাজস্ব-যজ্ঞ-সভায় ক্রুদ্ধ শিশুপাল যেমন ক্রম-চরিতের প্রতিকূল ব্যাখ্যা করিয়াছিলেন, এখানে পুত্রশোকে পাগলিনীপ্রায় ক্রম-কন্তা জনার উক্তিও তদ্রূপ । এই কটুক্তি সকল পড়িবার সময়ে পাঠকের মনে রাখিতে হইবে যে, ক্রুদ্ধা ফণিনীর মুখে বিষই উদগীর্ণ হইয়া থাকে !

মহারথী অর্জুনের বীর-চরিত-গর্ভকেও ধর্ষ করিতে জনা কিছুমাত্র ক্রটি করেন নাই ;—

“জানি আমি কহে লোক রথিকুলপতি

পার্শ্ব । মিথ্যা কথা, নাথ ;—বিবেচনা কর,

স্বপ্ন-বিবেচক মি বিখ্যাত জগতে ।—

ছদ্মবেশে লক্ষ রাজে ছিলি হুঁসুটি
 স্বয়ম্বরে । যথাসাধা কে যুঝিল কহ,
 ব্রাহ্মণ ভাবিয়া তারে, কোন্ ক্ষত্ররথী,
 সে সংগ্রামে ? রাজদলে তেঁই সে জিতিল ।
 দহিল খাণ্ডব ছুট, কৃষ্ণের সহায়ে ।
 শিখণ্ডির সহকারে কুরুক্ষেত্র-রণে
 পৌরব-গৌরব ভীষ্ম বৃদ্ধ পিতামহে
 সংহারিল মহাপাপী ! দ্রোণাচার্য্য গুরু—
 কি কুছলে নরাধম বধিল তাঁহারে,
 দেখ স্মরি ! বসুন্ধবা গ্রাসিল সরোষে
 বথচক্র যবে, হায়, যবে ব্রহ্মশাপে
 বিকল সমরে, মরি, কর্ণ মহাঘণাঃ—
 নাশিল বর্ষের তাঁরে । কহ মোরে, শুনি,
 মহাবধি-প্রথা কি, হে, এই, মহারথি ?”

তারপর মৃতপুত্রের উদ্দেশে মাতৃজনোচিত হৃদয়-বিদারী শোকোচ্ছ্বাসের পর
 অবশেষে জনা বলিতেছেন—

“যাও চলি মহাবল যাও কুরুপুবে
 নব মিত্র পার্থ সহ ! মহাযাত্রা করি’
 চলিল অভাগা জনা পুত্রের উদ্দেশে !
 ক্ষত্রকুলবালা আমি ; ক্ষত্রকুলবধু ;—
 কেমনে এ অপমান স’ব ধৈর্য্য ধরি’ ?
 ছাড়িব এ পোড়া প্রাণ জাহ্নবীর জলে ;
 দেখিব বিশ্বতি যদি কৃতাস্ত্র নগরে
 লভি অস্ত্রে ! যাচি চিরবিদায় ও পদে !”

হস্তিনাপুরে অমোদ-প্রমোদ শেব করিয়া,—

“ফিরি যবে রাজপুরে প্রবেশিবে আসি’
নরেশ্বর, ‘কোথা জনা?’ বলি’ ডাক যদি,
উত্তরিবে প্রতিধ্বনি—‘কোথা জনা?’ বলি!”

মাত্র দুইটি ছন্দে রাজপুরীর ভীষণ শূন্যতার শব্দচিত্রে স্তম্ভিত হইতে হয়!



চতুর্দশশতাব্দী কবিতাবলী

মাইকেল মধুসূদন দত্ত ১৮৫৮ খৃষ্টাব্দ হইতে বঙ্গ-বাণীর সেবায় ব্রতী হইয়া, প্রায় চাবি-বৎসবেব মধ্যে প্রাচ্য-প্রতীচ্য-সম্মিলন-সম্মুত, সর্বাংশে নূতন ধরণের এক অপূর্ব সাহিত্য সৃষ্টি করিয়া, কাব্য-প্রতিভা মধ্যাহ্নেই, তাঁহার চির-কল্পিত বাসনা সফল করিতে, ১৮৬২ খৃষ্টাব্দে ইউরোপ যাত্রা করেন। ইউরোপ-গমনের জন্ম এই প্রবল বাসনাই তাঁহার প্রদীপ্ত কাব্য-প্রতিভানলকে প্রশমিত করিয়াছিল। এই সময়ে লিখিত তাঁহার এক পত্রে আছে ;—

But I suppose, my poetical career is drawing to a close. I am making arrangements to go to England to study for the Bar and must bid adieu to the Muse।

(কিন্তু বোধ হয় আমার কবি-জীবন শেষ হইয়া আসিতেছে। আমি ব্যারিষ্টার হইবার জন্ম ইংলণ্ডে যাইবার উদ্যোগ করিতেছি ; সুতরাং আমাকে কবিতা-দেবীর কাছে বিদায় লইতেই হইল।)

এই প্রবল বাসনার বশে তিনি তাঁহার কাব্য-প্রতিভাকে প্রশমিত কবিত্তে বাধ্য না হইলে, বোধ হয়, আমরা বীরঙ্গনার দ্বিতীয় ভাগ, ব্রজাঙ্গনার অন্তান্ত সর্গ এবং আরও কত কি পাইতে পারিতাম !* সম্ভবতঃ, চতুর্দশশতাব্দী কবিতার গ্রন্থও পাইতাম। তিনি যখন মেঘনাদবধ কাব্যের ত্রয় সর্গ রচনা করিতেছিলেন, তখন

* বীরঙ্গনা-কাব্য ২১ খানি পত্রিকায় শেষ করিবার ইচ্ছা তাঁহার ছিল। ব্রজাঙ্গনা কাব্যের শেষে আছে—‘ইতি শ্রীব্রজাঙ্গনা-কাব্য বিরহো নাম প্রথমঃ সর্গঃ’—ইহা হইতে অনুমান করা যাইতে পারে যে, অন্তান্ত সর্গ লিখিবার কল্পনাও তাঁহার ছিল। ইহা ছাড়া, আরও কাব্য-নাটকাদির কল্পনা যে তাহার মনে ধুমায়িত হইতেছিল, তাহা তাঁহার তৎকাল লিখিত পত্রগুলি হইতে বুঝা যায়।

একদিন নিম্নলিখিত চতুর্দশপদী কবিতাটি লিখিয়া তাঁহার অন্তরঙ্গ বন্ধু রাজনারায়ণকে পাঠাইয়া দেন এবং লেখেন—

I want to introduce the sonnet into our Language and some mornings ago made the following :—

কদি মাতৃভাষা

নিজাগারে ছিল মোর অমূল্য রতন
 অগণ্য ; তা' সবে আমি অবহেলা করি',
 অর্থলোভে দেশে-দেশে করিহু ভ্রমণ,
 বন্দরে বন্দরে যথা বাণিজ্যের তরী ।
 কাটাইহু কত কাল সুখ পরিহরি'
 এই ব্রতে, যথা তপোবনে তপোধন,
 অশন, শয়ন ত্যজে, ইষ্টদেবে স্মরি',
 তাঁহার সেবায় সদা স'পি' কায়-মন ।
 বন্ধ-কুললক্ষ্মী মোরে নিশার স্বপনে
 কহিলা—“হে বৎস, দেখি' তোমার ভকতি,
 সুপ্রসন্ন তব প্রতি দেবী সরস্বতী ।
 নিজ গৃহে ধন তব ; তবে কি কারণে
 তিথারী তুমি, হে, আজি, কহ ধন পতি ?—
 কেন নিরানন্দ তুমি আনন্দ-সদনে ?”

What say you to this, my good friend ? In my humble opinion, if cultivated by men of genius, our sonnet in time would rival the Italian.

এইটাই বঙ্গভাষায় প্রথম সনেট । ইহার পরে তিনি আরও কয়েকখানি

কাব্যাদি লিখিয়া তাড়াতাড়ি বিলাতে গেলেন। এখানে থাকিতে সনেট আর লেখেন নাই।

ইউরোপে গিয়া মধুসূদন এমন দারুণ অর্থ-কষ্টে পড়িয়াছিলেন যে, দয়ার সাগর বিদ্যাসাগর মহাশয়ের সহায়তা না পাইলে, সপরিবারে তাঁহার যে কি দুর্গতি হইত, তাহা ভাবিতে পারা যায় না। এইরূপ কষ্টের সময়েও তিনি কিরূপ উৎসাহের সহিত নানা ইউরোপীয় ভাষা শিক্ষা এবং ছেই-সব ভাষার উৎকৃষ্ট কাব্যাদি পাঠ রিতেন, তাহা ভাবিলে অবাক হইতে হয়। বস্তুতঃ মধুসূদনের মত কাব্য-প্রিয় লোক জগতে কমই জন্মগ্রহণ করিয়াছেন। ১৮৬৫ খৃষ্টাব্দে লিখিত তাঁহার এক পত্র হইতে জানা যায়, সেই সময়ে তিনি ইতালীয় সুপ্রসিদ্ধ কবি পেত্রার্কার চতুর্দশপদী-কাব্য পড়িয়া বাঙ্গালায় সেইরূপ ছন্দের কতকগুলি কবিতা লিখিতে প্রবৃত্ত হইলেন। সেই সময়ে তিনি তাঁহার প্রিয় বন্ধু গৌরদাস বসাককে লিখিয়াছিলেন ;—

You again date your letter from Bagirhat. Is this "Bagirhat" on the bank of my own native river? I have been lately reading Petrarca--the Italian Poet, and scribbling some "sonnets" after his manner. There is one addressed to this very river কবতক্ষ. I send you this and another--the latter has been very much liked by several European friends of mine to whom I have been translating it. I dare say, you will like it too. Pray, get these sonnets copied and sent to Jatindra and Rajnarain and let me know what they think of them. I dare say, the sonnet "চতুর্দশপদী" will do wonderfully well in our language. I hope to come out with a small volume, one of these days. I add a third: I flatter myself that since the day of his death, ভারতচন্দ্র রায় never had such an *elegant* compliment paid to him. There is a variety for you, my friend. I should wish you to show these things to Rajendra also, for he is a good judge. Write to me

what you all think of this new style of poetry. Believe me my dear friend our Bengali is a very beautiful language, it only wants men of genius to polish it up, such of us as owing to early defective education, know little of it and have learnt to despise it are miserably wrong. It is, or rather, it has the elements of a great language in it. I wish I could devote myself to its cultivation : but as you know, I have not sufficient means to lead a literary life and do nothing in the shape of real work for a living.

(তোমার পত্র পুনরায় বাগেরহাট থেকে লেখা। এই বাগেরহাটই কি আমার জন্মভূমি প্রবাহিনীর তীরবর্তী? আমি সম্প্রতি ইতালীর কবি পেত্রাকার কাব্য পড়িতেছিলাম এবং তদনুসরণে কতকগুলি চতুর্দশপদী কবিতা রচনা করিয়াছি। উহাদের মধ্যে একটি ঐ কবিতার নদীর উদ্দেশ্যেই লিখিত। সেটাই এবং আর একটি তোমাকে পাঠাইলাম। শেষেরটির মৎকৃত অনুবাদ পঢ়িয়া, এখানে আমার কয়েকজন ইউরোপীয় বন্ধুর উহা বড়ই ভাল লাগিয়াছে। আমি বলিতে পারি, তোমারও ভাল লাগিবে। তুমি ঐ দুইটী নকল করাইয়া যতী- (১) ও রাজনারায়ণকে (২) পাঠাবে এবং তাঁহাদের মতামত আমায় জানাবে চতুর্দশপদী-কবিতা আমাদের ভাষায় চমৎকার লাগিবে, ইহা বলিতে আমি সাহস হয়। শীঘ্রই আমার ক্ষুদ্র একখণ্ড পুস্তক প্রকাশিত হইবে, আশা করিতেছি। আর একটি কবিতাও তোমার পাঠাই ভারতচন্দ্র রায় তাঁহার বৃত্তার পরে, এমন পুস্তক প্রকাশ্যবাদ আর কাহারও নিকট পান নাই, এই বলিয়া আমি আশা প্রকাশ্য করিতে পারি। এইরূপ নানা বিষয়ে কবিতা থাকিবে। রাজেন্দ্র (৩) এ বিষয় আরও বুঝন। ইচ্ছা করি তাঁহাকেও ঐ কবিতাগুলি দেখাবে। এই নূতন ধরনের কবিতা সম্বন্ধে তোমাদের সকলের কি মত, আমায়

(১) প্রবাহিনীর তীরবর্তী মোহন ঠাকুর।

(২) রাজনারায়ণকে (৩) প্রবাহিনীর তীরবর্তী মোহন ঠাকুর।

ভাই, সত্যই বলিতেছি, আমাদের বাঙ্গালা ভাষা অতি সুন্দর। প্রতিভাশালী লোকদের হাতে ইহা মার্জিত হওয়া চাই মাত্র। আমাদের মধ্যে যাহারা তাঁহাদের অসম্পূর্ণ শিক্ষার দোষে, এই ভাষা প্রায় জানেন না বলিলেই হয়, অথচ উহাকে ঘৃণা করিতে শিখিয়াছেন তাঁহারা অতি শোচনীয়রূপে দ্রাস্ত। ইহাকে মহাভাষা অথবা মহাভাষার উপকরণগুলি এই ভাষার বিদ্যমান, এ কথা বলা যাইতে পারে। এই ভাষার অনুশীলনে জীবন উৎসর্গ করিতে আমার ইচ্ছা হয়। কিন্তু তুমিত জান, আমার এমন কিছু আয় নাই যে, জীবিকার জন্য প্রকৃত-পক্ষে কোন কাজ না করিয়া, কেবলমাত্র সাহিত্য-চর্চা করিয়া জীবন কাটাইতে পারি।)

এই পত্রে বঙ্গ ভাষা সম্বন্ধে কবির যে মনোগত ভাবটি ব্যক্ত, তাঁহার চতুর্দশপদী কবিতাবলীতেও ঠিক সেই সুর কাব্যাকারে ধ্বনিত হইয়াছে ;—

হে বঙ্গ, ভাঙারে তব বিবিধ বতন ;—

তা' সবে, (অবোধ আমি) অবহেলা করি।

পাঠক লক্ষ্য করিবেন, এ দেশে থাকিতে তিনি যে চতুর্দশপদী কবিতাটি লিখিয়া রাজনারায়ণকে পাঠাইয়াছিলেন, এ কবিতাটি ঠিক তাহারই প্রতিধ্বনি—

এইরূপে চতুর্দশপদী কবিতাবলীর সর্বত্রই কবির নানাবিধ-মনোভাব কাব্যাকারে পরিস্ফুট। এই কবিতাগুলি বর্ণনাত্মক কবিতা নহে ;—প্রায় সকলগুলিই বস্তু-অবলম্বনে ভাবাত্মক কবিতা। সুদূর প্রবাসে বসিয়া অবসর-কালে, বাল্যের কথা, স্বদেশের কথা, স্মৃতিপথে উদ্ভিত হওয়া মানুষের পক্ষে স্বাভাবিক। উহাতে প্রবাসী মাত্রেই স্বয়ং এক-প্রকার করুণ আনন্দে আপ্ত হইয়া থাকে। সুতরাং প্রবাসী কবির হৃদয়ে সেই আনন্দ কাব্য-সিঁধারণ করিয়া মুগ্ধরিত হইয়া উঠিবে, ইহাত হইবারই কথা। সুদূর ফ্রান্স-দেশে অমরাবতী-সদৃশ ভার্জেঁল্‌স নগরে বসিয়া, কবি তাঁহার সেই “অন্যভূমি-স্তনে দুঃখ-স্রোতোধরী

কবচনন্দ,” যাহা তাঁহার মনঃক্ষেত্রে বাণ্য স্মৃতির সহিত চির-প্রবাহিত ; সেই “বটবৃক্ষ,” বাণ্যে যাহার সুশীতল ছায়ায় বসিয়া তিনি তাঁহার আ-শৈশব প্রিয় রামায়ণ পাঠ করিতেন ; “অশ্বিন মাস,” যাহা তাঁহাকে বাণ্যের সেই দুর্গোৎসবের কথা স্মরণ করাইয়া নয়নে বারি ধারা বহাইয়া দিত ; “দেবদোল,” ‘শ্রীপঞ্চমী’ এবং সেই “কোজাগর-লক্ষ্মী-পূজা,” যাহার স্বপ্নে তিনি নিজের জন্ম নহে, বঙ্গের জন্ম ভিক্ষা মাগিয়াছেন ;—

“থাক বঙ্গ গৃহে, যথা মানসে, মা, হাসে
চির-রুচি কোকনদ ; বাসে কোকনদে
সুগন্ধ, সুরভে জ্যোৎস্না, সু-তারা আকাশে,
শক্তির উদবে মুক্তা, মুক্তি গঙ্গা-হ্রদে ।”

রামায়ণ, মহাভারত, চণ্ডী, যাহা তাঁহার চিব-সহচর স্বদেশী কবি কালিদাস, কৃত্তিবাস, কাশীরাম, জয়দেব, ভারতচন্দ্র, ঈশ্বর গুপ্ত, আর বিদেশী কবি দান্তে, ভিক্তর হ্যাগো, টেনিসন্ যাঁহাদেব কবিত্ব-রসে তাঁহাব মনোভঙ্গ মত্ত থাকিত ; করুণা-সিন্ধু-বিদ্যাসাগর, যাঁহার ‘স্বর্ণ-চরণে’ আশ্রয় পাইয়া কবি যোরতর ছঃসময় নির্বিঘ্নে কাটিয়া গিয়াছিল - এ সকলই এই কবিতাবলীতে সুন্দর কাব্য-শ্রী ধারণ করিয়াছে। তিনি নিজের কবিত্ব-প্রতিভা সম্বন্ধে পূর্ণমাত্রায় সজাগ থাকিমাও, পূর্ব কবিদিগের প্রতি যেরূপ সশ্রদ্ধ অমুরাগ যে ভাবে বন্দনা করিয়াছেন তাহাতে তাহা এ যুগে বড়ই দুর্লভ। এ-সব ছাড়া, আরও বিবিধ প্রকারের মনোভাব এই ক্ষুদ্র কাব্যখানিতে কবিত্বে চিত্রিত হইয়াছে।

কবি উচ্চাঙ্গের ইংরাজী-শিক্ষিত হইলেও, কৃত্তিবাস, কাশীরাম, মুকুন্দরাম (কবিকঙ্কণ), জয়দেব, ভারতচন্দ্র ও ঈশ্বরগুপ্তের প্রতি তাঁহার কি চমৎকার উদার ও সহনয় মনোভাব ছিল, এই কবিতাবলীতে তাহা সুন্দর অভিব্যক্ত।

ইউরোপে অর্থ-কষ্টে তাঁহার কাব্য-প্রতিভা ক্রমে নির্ধাপিত হইয়া আসিতেছিল, ইহা কবি নিজেই বেশ সুস্থিতে পারিয়াছিলেন। তিনি স্পষ্টই বুঝিয়াছিলেন যে

এই কবিতাবলীই তাঁহার নির্বাণ-প্রায় প্রতিভাধির শেষ-শিখা ! তাই তাঁহার “সমাপ্তে” কবিতার করুণরসে আর্দ্র হইতে হয় ।

“বিসর্জিব আজি, মৃগো, বিশ্বতির জলে !
 (হৃদয় মগুপ, হায়, অন্ধকার করি ।
 ও প্রতিমা । * নারিনু চিনিতে তোমারে
 শৈশবে অবোধ আমি । ডাকিলা ঘোবনে ;
 (যদিও অধম পুত্র মা কি ভুলে তারে ?)
 এবে—ইন্দ্রপ্রস্থ ছাড়ি’ যাই দূর বনে
 এই বর, হে বরদে, মাগি শেষ বারে ,—
 জ্যোতির্শ্ময় কর বঙ্গ ভারত-রতনে ।”

কত অনাহারে, অনিদ্রায়, বরদার সেবা করিয়া শেষে বিনায় কালে কবি বর চাহিলেন—

জ্যোতির্শ্ময় কর বঙ্গ, ভারত রতনে !

ইহার পূর্বে কবি লক্ষ্মীর কাছেও বঙ্গের জন্ত এইরূপ ভিক্ষা করিয়াছেন। ইহা হইতেই আমরা কবির মনোমধ্যে যে গভীর স্বদেশ-হিতৈষণার উৎস বিদ্যমান ছিল, তাহার সন্ধান পাই ।

“কবি-মাতৃভাষা” বঙ্গলায় আদি চতুর্দশপদী কবিতা একথা পূর্বে বলিয়াছি । নীতিগর্ভ কবিতাগুলির মধ্যে ‘রসাল ও স্বর্গগতিকা’ ও ‘ময়ূর ও গৌরী’ এই দুইটা ফ্রান্সে প্রবাস-কালে এবং অন্তর্গত জীবনের শেষভাগে রচিত । ফ্রান্সে থাকিতে, বোধ হয়, ফ্রান্স-দেশীয় কবি Jean De La Fontaine এর গল্প কবিতার অনুকরণে মধুহৃদন সেইরূপ ভাঙ্গা মিত্রাকর ছন্দে বালক-বালিকাদের পাঠোপযোগী

নীতিগর্ভ কবিতা রচনা করিতে প্রবৃত্ত হইলেন। জীবনের শেষভাগে দারিদ্র্য ও রোগ প্রপীড়িত হইয়াও তিনি যে এমন সরল ও সুখপাঠ্য কবিতাগুলি রচনা করিতে পারিয়াছিলেন, ইহাই আশ্চর্যের বিষয়। তবে বেশী লিখিতে পারেন নাই ;—সে অবস্থায় বেশী লিখিবার সম্ভাবনাও ছিল না।

অন্যান্য কবিতার মধ্যে “আত্মবিলাপ” কাব্যংশে অতি উৎকৃষ্ট কবিতা। মানব-জীবনে আশার নিষ্ফলতায় মন সিক্রপ ব্যথিত হয়, এই কবিতাটী সেই ব্যাথার কাব্য-চিত্র। সংস্কৃতে হইলে, এই কবিতাটী মোহ-মুদগরের অযোগ্য হইত না। ইহা ১৮৬১ সালে তত্ত্ববোধিনী পত্রিকায় প্রথম প্রকাশিত হয়। সেই সময়েই কবি নিজ জীবনে নানা আশার নিষ্ফলতা নিদারুণ-ভাবে অনুভব করিতেছিলেন। কবিতাটী তাঁহার ভবিষ্যৎ-জীবনেরও দ্যোতক ;—কবির বাস্তবিকই দূরদর্শী।

“বঙ্গভূমির প্রতি” কবিতাটী তিনি যখন তাঁহার প্রদীপ্ত কাব্য-প্রতিভায় জলাঞ্জলি দিয়া ১৮৬২ খৃষ্টাব্দে ইউরোপ-যাত্রায় উদ্যোগী হইলেন তখন ঐ কবিতাটি লিখিয়া, তিনি ‘শ্রামা’-জননী বঙ্গভূমির কাছে বিদায় লইয়াছিলেন। সে সময়ে তাঁহার লিখিত পত্রে আছে—

Well I am off, my dear Rajnarain! Heaven alone, knows if we are to see each other again! But you must not forget your friend. It's a long separation;—four years! But what is to be done? Remember your friend and take care of his fame.

Being a poetaster, I would not think of bolting away without rhyming and I enclose the result—and I hope the thing is,—if not good—at least *respectable*.

বঙ্গভূমির প্রতি

My Native Land, Good-Night !—*Byron,*”

বেথো, মা, দাসেরে যনে, এ মিনতি করি পদে ।
সাধিতে মনেব সাধ, ঘটে যদি পরমাদ,
মধুহীন করো, না গো, তব মনঃ কোকনদে ।

* * *

ফুটি যেন স্মৃতি জলে, মানসে, মা যথা ফলে
মধুময় তামবস, কি বসন্ত কি শব্দে ॥

কবিতাটি বঙ্গ জননীৰ পদে কবিৰ কৰুণ আত্ম নিবেদন। প্ৰবাস-যাত্ৰা
কালেৰ বিদায় গ্ৰহণ হইলেও, এখন ইহা আমাদেৰ মনে তাঁহাৰ চিৰ-বিদায়
স্মরণ কবাইয়া দেয়। কবিৰ প্ৰাৰ্থনা সফল হইয়াছে—বঙ্গজননীৰ মনঃ-কোকনদ
“মধুহীন” হয় নাই, হইবেও না;—তাঁহাৰ স্মৃতি-সৰোববে “মধুময় তামবস” চিৰ-
প্ৰস্ফুটিত হইয়া আছে ও থাকিবে।



